

42450
HISTORIA MORBORUM,
QUI
ANNIS M DCIC. M DCC. M DCCI
VRATISLAVIÆ

GRASSATI SUNT,

A

COLLEG. ACAD. LEOPOLD. NAT.
CURIOS. VRATISLAVIENS.

IN LUCEM EDITA.

OPUS VARIIS CASIBUS ET CAUTELIS
PRACTICIS, JUDICIIS ITEM DE REMEDIIS, ET
VERA CURANDI RATIONE INSTRUCTUM.

ACCEDIT APPENDICIS LOCO


TRACTATUS de EXPERIENTIA,

IN QUO

NATURA EXPERIENTIÆ DESCRIBITUR, ET
QUAM CAUTE COMPARANDA EA SIT,
EXPLICATUR.





VRATISLAVIÆ & LIPSIAE,
SUMPTIBUS CHRISTIANI BAUCHII,
BIBLIOPOLÆ VRATISLAVIENSIS,
ANNO M DCC VI.



AD
BIBLIOTHECAM
PRINCIPALEM
ARAVSIO-NASSAVIENSEM
DILLENBURGICAM.



SACRATISSIMO
POTENTISSIMO
AC
INVICTISSIMO
ROMANORUM IMPERATORI


 **LEOPOLDO**
 **MAGNO,**

PERPETUO AUGUSTO,
GERMANIÆ,
HUNGARIÆ,
BOHEMIÆ,
DALMATIÆ,
CROATIÆ,
SCLAVONIÆ,
&c.

R E G I.

ARCHIDUCI AUSTRIÆ,
BURGUNDIÆ,
BRABANTIÆ,
STIRIÆ,
CARINTHIÆ,
CARNIOLÆ
ET
LUTZENBURGI,
WURTENBERGÆ
AC
SILESIAE
D U C I,
COMITI TIROLIS,
&c. &c. &c.

Au-



Augustissime Cæsar!



Nter armorum strepitum, tubarumq;
clangorem ac tormentorum tonitrua
& fulmina, trepidant Musæ, & tristes
Camœnæ ubique profugæ sunt, ma-
ximè etiam accessus ad alta Princi-
pum palatia iis est interclusus. Et
propterea non tantum metu & con-
scientiâ tenuitatis nostræ ac fulgore radiorum Augustis-
simæ Tuæ Majestatis, sed & gravissimo, dum Jus Tuum

armis exequeris, bello retardari poteramus, quò minus ad
 sacratissimos pedes Tuos has schedulas deponeremus.
 At verò non ignorabamus etiam, Tuam Majestatem id
 Sibi ab auspiciatissimi regiminis incunabulis credidisse di-
 vinitus negotii datum, ut cum omni ratione commodis
 ac felicitati Imperii, Regnorum Provinciarumque con-
 suleret, tum ut labentes, & in squalore jacentes literas, in-
 star Herculis Musagetæ erigeret, & in pristinam dignitatē
 restitueret, ac inter bellicas tempestates de amœnissimis
 pacis artibus curam gereret. Hinc nobis animi crevère,
 ut coram Augustissimo Throno, in cujus cultu & admi-
 ratione defixus hæret orbis, humillimè, genubus advolu-
 ti, has chartas supplices & proni offerre audeamus. Exi-
 guum opusculum est, nec quicquam digni continet Tua
 Majestate, cui par nihil habet Orbis terrarum; Nihilo-
 minus subjectissima nos sustentat spes, fore, ut argumen-
 tum Clementissimè placeat. Edisserunt hæ paginae,
 quomodo curas nostras omnes contulerimus ad conser-
 vandam valetudinem, & abigendos morbos æternùm
 Tuis Sceptris devotorum Vratislaviensium, qui universi
 multò majori jure, quàm olim Romani Augusto, Hadri-
 ano, Antonino Pio, Tibi Patris nomen, maximo consen-
 su deferunt. Si enim laudabilis amabilisque Princeps
 planè populi Pater est, ut in vetustissimis Chinesiū car-
 minibus olim publicè cantatum; cui à condito Mundo
 rectiùs hoc Nomen tribuitur, quam Tibi, Augustissime
 Cæsar, qui verè Generis humani delitium es, omnibusque
 laudibus, quæ in omnium seculorum memoriâ vige-
 bunt,
 cun-

cunctis Principibus palmam præripis ? Atque vel hinc persuasi sumus, quod labores nostri pro salute Tuorum Vratislaviensium, qui devotissimo cultu, & fide non ullâ unquâ labe temerandâ, Te Patrem nuncupant, exantlati sese Tuæ Majestati sint approbaturi, cùm juxta Ciceronianum illud: Civem unum servare, plus sit, quàm mille hostes occidere. Tanto verò majori fiduciâ ad pedes Tuos se hoc scriptum demittit, quò majora Gratiæ in subjectissimam Naturæ Curiosorum Leopoldinam Academiam, cujus nostrum Collegium pars est, prostant documenta. Tuæ Gratiæ Illa ortum, incrementa debet, & Cæsarea Clementia hodiè adhuc ejus anima est, per quam Spiritum trahit. Nec minori Clementiâ nostrum quoq; Vratislaviensium Collegium complexus es, ac nuper adhuc Tuæ Gratiæ radiis illud illustrasti, atque eo ipso stimulum addidisti ad chartas has, sub Clementissimis auspiciis elaborandas, quas, dùm in signum subjectissimæ devotionis, & tesseram humillimæ gratiarum actionis Tuæ Majestati summâ veneratione offerimus, iterum iterumque, audaciæ & temeritatis poenam deprecamur, & supplices obsecramus, ut hunc, quantumvis exiguum, laborem Clementissimè suscipias, conatusque nostros, Cæsareâ Regiâque Gratiâ provehas, ac nostrum Collegium sub Gloriosissimi Tui Nominis clypeo, ab invidorum morfu tutum præstes.

Deus Tuam Augustissimam Majestatem, cujus salute tot regnorum continetur salus, servet, longissimum Vitæ spatium prioribus annis addat, ac in proVectiori æta.

*tate, virium, Augustissimaque prosperitatis incrementa,
largiatur! Victricia jubeat esse vexilla Tua, ut latissime
pateat Tuum Imperium, & in occasum metas Herculis
excedat! Largiatur Tibi DEus Imperium porro secu-
rum, Domum tutam, Exercitus fortes, Senatum fidelem,
Populum probum, & quaecunque Pii ac Boni Principis
vota esse possunt! Denique, qui Orbis Univerſi, idem quo-
que fiat Augustissima Domus Austriaca ac regnorum fi-
nis! Faxit DEus, ut Hispania Reges nullos, nisi ex Te
natos agnoscat!*

Hoc nostrorum caput est votorum, hæc summa
desideriorum, hæc regula nostrarum obsecrationum, qui
sumus

*Augustissimæ TUÆ
Majestatis*

humillimi ac subjectissimi

servi

CÆSAREO-LEOPOLDINÆ

Academiæ Natur. Curios.

Collegæ Vratislavienses.



PRÆFATIO AD LECTOREM.



*Eleberrimorum Virorum exem-
plo* inducti, morborum, qui año
1699. grassati apud nos sunt, hi-
storiam condere aggressi sumus,
eaeque nos sustentat spes, fore, ut
institutum nostrum à Viris æ-
quis, & in Medicinâ faciendâ exercitatis, non
improbetur. Ii enim soli optimè norunt, quan-
tum commodi, cùm incidit mali genus aliquod
ignotum, ex diversarum constitutionum morbo-
sarum comparatione, in artem redundet; Mi-
nime vero angemur, si inclementiùs de laboribus
nostris nugivendulos agyrtae & jactabundos pa-
nacearum venditores intellexerimus judicare;
longe enim imperit horum hominum censura in-
fra iram nostram est. Non nobis plaudimus, nec
aliorum aucupamur plausus, non trivialem tamē
b son-*

* Conf. Castigation. Grabner. p. 5. 6. 7.

sonticorum quorundam affectuum notitiam sed experientia conformem ex nostra praxi haustā, monitis fortè non inutilibus, circa curam & eventum morborum illustratam Lectori dare al- laboravimus. Oleum lucernamque pagella hæ non redolent, sed inter praxeos tadia nobis nata, eo minimum nomine placebunt, quòd nullius Me- dici nomen famamque lacerent, sed intra debitos modestiæ cancellos sese contineant. Dùm autem nostra Observatorum nomina legis, cave, nos am- bitiosam in his schedulis scientiæ tabulam suspen- dere voluisse credas, sed eo id fine factum esse in- terpreteris, ne historia laboraret & periclitare- tur fides. Si lucubratiuncula hæ non sordent, pensum cœptum pertexemus. Tu autem, quis- quises, Lector, cum nobis benè precaberis Inclyto Senatui Populoque Vratislaviensi, DEUM ob- testatus, ut ars, quæ Salutis hominum curam a- git, * Civium Sanitatem, suavissimum illud ac pretiosissimum vitæ condimentum, quonil Divitiæ possunt regales addere majus, presentem caste servet, dubiam ac periclitantem muniat, amissamque solerter resti- tuat.

* Conf. Castigat. Græbn. p. 7. 8.



I. N. F.



Nni nonagesimi noni Januarius (a) præterlapſi
proximè ſeculi horridum Vratiſlaviensibus reddi-
dere Nebulæ & Venti variis viciffitu-
dinibus, potiffimùm intercurrente
pluviâ, ſubinde tamen & frigore,
quamvis remiffiori, graves. Initium quoque imò
majorem ferè partem Februarii ſub eâdem cœli in-
constantia tranſegimus, niſi quòd alterna frigoris
vis majori impetu corpora noſtra concuteret, &

*Conſtitutio
aëris per tres
menſes.*

aër circa plenilunium ſerenus langventes animos excitaret. Eandem cœli in-
clementiam incunte menſe Martio experti ſumus; non rarò tamen effunde-
bantur ad plenilunium uſque, quæ illicò tabeſcebant, nives, & terra pruinis hor-
rebat. Mollior aër vergente ad finem Menſe, ac ſudum, tellurem fovebat.

(b) Primus ergò hic anni quadrans, ut apparet, toto ferè decurſu exceſſit in hu-
midâ conſtitutione, uti ex accuratiſſimis tam Barometricis, quam Thermo-
metricis obſervationibus annotaviſimus. Morbi, qui in hanc

*Græſſabantur
morbi ſpas-
modici.*

tempeſtatem inciderunt, varii erant, cùm primis ſub Januarii prin-
cipium dolores ſpaſmodici ſangvineo-cholericos & melancho-

lico-phlegmaticos affligebant; Frequens erat arthritis, prædominabatur ta-
men pleuritis notha. Hujus initium ut plurimùm erat horror

*in primis
pleuritis no-
tha.*

levis, ut ambigeres, podagranè in aſſuetis, an alius morbus ſuc-
ceſſurus eſſet. Occupabat deinde dolor vel ſcapulas, vel quan-

dam pectoris regionem, ſæpè & claviculas, qui ex compreſſione externâ in-
gravéſcebat; Cum moleſtia ægri in partem ſanam decumbebant; Pulſus

mollis, qualis ſuevit eſſe inflammatis partibus carnoſis, nec, ut in pleuritide
verâ fit, arteriam duram, & quodammodo tenſam indicabat; Urina ruffa ſe-

A

di-

(a) conf. Caſtigat. noſtra Græbner. p. 8. 9. (b) conf. Caſtig. noſtra Græbn. p. 9. 10.
II. 12. 13. 14.

dimentum Tartareum ruffum obiciebat oculis. Sensus punctorii doloris in hoc affectu, ut sæpè notavit D. Helwich, non cum pulsu, sed cum respiratione coincidit. Æstus in illo morbi genere multò mitior, quàm in verà lateris inflammatione. Corripiebantur malo illo potissimum homines iracundiæ obnoxii, & diætæ aromaticæ & vinosæ dediti, intempestivo frigidi & humidi aëris occurfu admissio. In hoc D. D. Pauli & Helwichii observationes conveniunt, exiguum fuisse, quod usu diaphoreticorum in hoc dolore obtineri potuerit, & Hic quidem, cum D. Grassio lætiores subinde & jucundiores eventum ex adhibitis temperatioribus diureticis consecutum fuisse *Dolor lumborum* meminit. Multos etiam eo tempore scimus questos de dolore lumbos infestante, quem & Medici non satis exercitati & vulgus sine accuratiore examine, cum ureteres per illa loca ferantur, promiscuè nephriticum esse autumant. Quoniam verò in regione lumborum, quæ quinque vertebrae in longitudine complectitur, post integumenta communia reperiuntur musculi, vertebrae cum suâ medullâ, nervi ab eâ exorti, præterea etiam pars mesenterii, vena cava & sociæ arteria, intestina item, quâ parte lumbos attingunt, vasa spermatica, renes, ureteres, ac in foemineo sexu uterus &c. in propatulo est, quàm facile medentibus & ægris, nisi ad omnia attendant, error obrepere possit. Torquebatur eodem tempore quisquam dolore colico, ad istum vocatus D. Helwich, cum jam per horas aliquot cum eo malo esset conflictatus, ægerrimè eidem persuadere potuit, non esse nephriticum, in quâ opinione æger erat, sed colicum, qui intra breve tempus etiam facile convenientibus remediis sublatus fuit. Et sanè rerum usus nobis aperuit, parum esse in dignoscendâ nephritide fidendum signis diagnosticis, vulgò notis, qualia sunt, stupor coxæ ejusdem lateris, dolor fixus in parte, & sæpè etiam ad testiculum excurrent, difficilis urinæ excretio &c. cum hæc symptomata non rarò etiam cum aliis morbis conjungantur. Nec minus incerta sunt, quæ ab urinarum inspectione mutuantur, cujuscunque generis illa sit, five tenuis, five crassa, five rubra, five adsint arenulae, five desint, nisi simul sanguis excernatur. Nos, etiam si memorata signa non insuper habeamus, nihilominus & ad vomitus, & ad vires ipsas respiciendum esse, multoties experti sumus. Nam licet & vomitus & prostratio virium dolori colico & nephritico communes sint, docet tamen experientia affatim, vomitum quidem in colico dolore, non nisi pleno stomacho, & in principio morbi adesse, in dolore vero calculi & in initio & procedente affectu, quoties dolor repetit urgere, vires item longè magis atteri per tormina colica, quæ miseros lecto affligunt, quàm per cruciatus nephriticos, in quibus non rarò obambulant, imò sæpè violentè nimis corpus commovent. Motus quoque sanguinis hæmor-

rhoidales circa lumbos dolore tensivo se exerentes, non paucis imponunt, & & cum nephriticis insultibus confunduntur. Nonnulli tùm quoque diarrhæâ afflicti auxilium D. Grassii implorarunt, & ab eo, methodo continuis debitâ, sine ope adstringentium propriè sic dictorum curati fuerunt.

Arthriticorum numerus cum ingressu hujus anni insigniter auctus fuit. (c) Non pauci enim Vini Hungarici (cùm Hungariæ solum totum ferè calce vivâ substratum sit, illa verò calx viva non tantùm corrumpit aquas, ut puteales fermè omnes sint insalubres; sed & hoc incommodi affert, ut vina etiam calculum generent, & Podagricis infesta sint, ac arthriticos dolores arcessant, quâ de re legendus Jac. Tollius (*epistol. Itiner* 5 p. 144.) amatores habitûs corporis turgidioris sanguinei, qui ineunte ætate variis hæmorrhagiis obnoxii, aut artificialibus sanguinis depletionibus assueti fuerant, cessantibus spontaneis illis aut omissis chirurgicis evacuationibus laticis hujus arthritici facti sunt, ac didicerunt, tensivos illos inter scapulas circa nucham ac dorsi spinam, lumbos, os sacrum, coxas, de quibus non rarò ejusmodi homines conquerentes audire licet, dolores arthriticis prælusisse. Duæ foeminae, quarum utraque 40 annum superaverat, in arthritidem eâ tempestate incidebant, postquam menses, qui per multos annos creberrimè negotium iis fecerant, plenè substitissent, & erysipelas, quod ordinariò eas hæctenus infestaverat, emansisset. In curâ quorundam arthriticorum post adhibitum externe spiritum formicar. lumbr. *c. &c. dolorem osteocopum notavit D. Helwich, qui tamen anceps adhuc hæret, an in usum horum volatilium causa istius doloris rejicienda sit.

Sub finem mensis in scenam prodibat febris petechialis, quæ non æquè in infantes, pueros, & senes, sed in foeminas & frequentius in mares sanguineos & sanguineo-phlegmaticos sæviit, ac præprimis iis gravis ac infesta incubuit, qui vino, spiritu vini se obruerant, ac corpus cacochymicum pravâ victûs ratione contraxerant. Typus & mos febris istius sequens fuit: Incipiebat cum quâdam gravedine tussi, imò & faucium inflammatione & tumore, observante D. Grassio, horrore leviori corpus concutiebatur, hoc cessante reliquo febris decursu toto rarò alius se obtulit, quamvis ex admissione auræ frigidæ ac commotione corporis aut lecti, statim de sensu frigoris conquererentur. Aderat præceps & subita virium prostratio, artibus quasi lassitudine fractis aut contusis. Pulsus arteriarum exilior & imbecillior, frequens tamen & inæqualis erat. Calor, qui horrorem sequebatur, in sanguineis intensior, in sanguineo-phlegmaticis mitior cernebatur. Occupabat iste totum corpus, maximè verò caput, unde in floridioris habitûs corporibus, cephalalgia acutior, rubor faciei, oculi scintillantes, (D. Preussius

puerperam, quæ foetum mortuum ediderat, & in hanc febrim lochiis non ritè fluentibus inciderat, curavit, huic tempore exacerbationis lux vagabunda oculis observari videbatur,) vigiliæ, deliria furiosa, jactatio corporis, sitis, &c. reperiuntur; quàmvis etiam in iisdem præter anxietatem præcordialem gravio-rem, spiritum difficiliorem & quasi suspiriosum, ac vehementiorem dorsi do- lorem, subinde animadversæ inflammationes faucium, œsophagi, imò & ven- triculi. Neque abesse inflammationem meningum, cerebri confirmat affi- nitas symptomatum, quæ in hac febre & morbo Hungarico, quem in princi- pio ex genere paraphrenitidum & invalescente malo in phrenitidem mutari extra controversiam est. In sangvineo-phlegmaticis, quorum sangvis sero viscido abundat, calor multò mitior apparebat, qui & olim, ut ex Foresto, Fracastorio, Spindlero constat, hodieque adhuc non paucis imponit ægris & Medicis, à quo fallaci calore forte febris illa maligna vocari meruit, sumptâ metaphorâ ab hominibus malignis, qui aliud fronte promittunt, aliud in in- timiori cordis recessu premunt, quibus utique similes sunt hæ febres, qui calo- re hoc parum periculi minantur, deinde & ægrum in maximum discrimen, & non rarò in mortem ipsam præcipitant. Calori respondebat sitis satis tole- rabilis, & quies corporis sine manifestâ jectigatione, sed debilitas gravis, ac continua in somnum propensio, ac non consveta antea taciturnitas vim morbi evidenter prodebant, angvemque in herbâ latere indicabant. Et his quoque cardialgia, quam sub nomine doloris cordis vulgus describit, ejusque sedem ægri se digito ostendere credunt, dum scrobiculum cordis tanquam locum af- fectum monstrant, molesta ut plurimum fuit. Lingva modò lento, ac gluti- noso succo obducta squallebat, modò fissuris asperis & scabris dehiscebat, aut retorrido calore cum vicinis faucibus arebat. Conf. Willis. *de febr. c. 10 p. 121. 122.* & *Ephem. nostr. Decur. 3 Anni 4ti. append. p. 73 & 74.* Aphthæ quoque interiora oris non rarò obsidebant. In hominibus Melancholici tem- peramenti, quorum tamen non nimis multi hæc infirmitate detenti sunt, statim ab assumpto alimento vel medicamento flatus & hypochondriorum murmura notavimus. D. Preussius curæ suæ commissas habuit mulieres, quæ tempore exacerbationis summâ correptæ melancholiâ, amarissimis lachrymis de an- xietate præcordiorum qvestæ. Inter illas aliqua debilitate capitis artuum- que modò dextri modò sinistri lateris apoplectico-paralytica detinebatur, ali- æ autem paralyfin lingvæ tempore paroxysmi patiebatur. Cholerici hoc pe- culiare habebant, quòd & loquacitate suâ aliorum aures obtunderent, & calo- re acriori tangentis manum urerent. Omnes cujuscunque complexionis, graviter nausea cibi & appetitus dejectio infestabant. Sensim deinde æstus invalescebat, ut luculentus calor in partibus externis deprehenderetur. Exe- rebant

rebant se etiam dolores varii, modo pungentes, modò mordicantes. Circa quartum, septimum, imò etiam undecimum diem, in pectore, dorso, brachiis, lumbis & cruribus, maculæ rubentes puncturis pulicum similes erumpebant, aliquando etiam majores, lenticularum magnitudinem æquantes, ut videas non malè quondam à vulgo lenticulas teste Fracastor. *lib. 2 cap. 6 de contagios. morb. vocatas esse.*

Nullum verò levamen ægri ex ista eruptione senserunt, adeoque certum, exanthemata hæc symptomaticè in cute efflorescere. In numero meliorum maculæ rubræ, unde Febris hæc Gallis *purpurata* dicitur, deteriores verò citrinæ, lividæ, violacæ, imprimis si hæmorrhagia gingivarum circa dentes incisivos superioris maxillæ enormior ex observatione D. Grassii (& D. Preussii, qui simile exemplum funestum Hæmorrhagiæ effusissimæ Gingivarum circa eosdem dentes observavit apud mulierem quandam Ictëritiam in febre petechiali cum maculis nigris & violaceis Ictëro superveniente) juncta fuerit; sed pessimæ omnium nigræ erant, præprimis aliquantò majores. Meminimus etiam vidisse unam magnam & latam maculam, similem ferè illi, quam descripsit Platerus *tom. 2 p. 19.* Urina non uno modo comparata erat. Nonnullis tenuis & aquosa, carens sedimento, ab aliis intense rubra in principio reddebatur; sedimentum ab initio morbi rarò lætum prænunciabat exitum, circa diem verò nonum, decimum quartum & vigesimum fausta omnia sperare jubebat. Nec vanus fuit Fracastorius, dum scribit, primum mingi urinas albidas, nam & nos tales hinc vidimus. Suspectæ quidem nobis urinae statim post emissionem turbidæ & foetidæ, erant tamen, quibus nullum malum portenderent, licet etiam de nescio quâ capitis inflatione ægri simul quererentur. (d) Iis, qui se in petechialibus, urinas sanorum similes observasse scribunt, fidem quidem minimè detrahendam arbitramur, in nostrâ verò epidemicâ hæc febre, nobis ejus generis, non oblatae fuerunt ab ægris, nisi quòd D. Pauli occurrerit dissimile exemplum in aliquo, cui invito fæces elaberentur, & tandem sudores cum emphoriâ sequerentur. Alvus aliquibus alstricta erat & hi ut plurimum intensiore calore exæstuabant, & præcordialibus anxietatibus obnoxii, dolore capitis immani infestabantur, nonnullis verò contra in fluxum concitata erat, ac excrementa copiosa ac foetida varii coloris rejiciebantur, & in his symptomata mitiora erant per totum morbi cursum. (e) Salutaris admodum fluxus ille post diem septimum observatus & accedente sudore solutionem morbi promittebat. Et testari utique possumus, quòd siccitatem alvi nostrâ hæc febris pessimè tulerit. Vermes in hac febre per alvum cum sedibus aliquoties rejecti. Pejus cum iis agebatur, quos Vomitus par-

tim humorum variorum, partim quorumvis assumptorum, aut etiam inanes cum nausæa & cardialgiâ affligebant. Pessimum omen præbebant & funestum exitum portendebant, præprimis si & singultus iis se comitem adjungeret; fuere tamen, qui & ex his fluctibus, citra naufragium, sub nostrâ directione, & divinâ benedictione ad portum perducti, sed utique rariores, & quantum recordamur, nemo illorum ex terrore inciderat in febrim. Hi enim, qui post terrorem hæc epidemicâ correpti, singultiebant, naturæ debitum, quicquid etiam conaremur, persolverunt. Passio iliaca huic feбри in quâdam muliere superveniens vitæ filum, teste D. Preussio, eidem abruptit. (f) Sudores effusi primis statim morbi temporibus, non tantum sine levamine fluebant, sed ab iis etiam ægri pejor se habebant; ii, qui post quartum morbi diem circa septimum, undecimum &c. erumpebant, felicioris eventus indices erant; Udor verò, quo per totum morbum, nonnullorum corpora mædebant, optatissimus futuræ sanitatis prænunciatus. De sudore cadaveroso, quem Helmontius notavit, si eo nomine intelligat similem illi odori, qui à partibus gangrenâ affectis exhalans, nares ferit, omnino testari possumus, eum aliquando nos percepisse, & certam inde ægri mortem circumstantibus prædixisse. Facile hinc credimus, quod tempore Petri Salii ex tali odore etiam ii, quibus Sacra Medicinæ nunquam patuerunt, & febres malignas cognoverunt, ac infaustum morbi exitum augurati fuerunt. (g) Mirati sæpius sumus cum Celeberr. Rivino, quando sudorem frigidum, unguetque lividos reperimus in iis, quos æstus internus penè exurebat, sed pessimum semper deprehendimus hanc leipyriam, imprimis, ubi rigor totum corpus pervadebat. Hæmorrhagias quod attinet, eas non semel observavimus, ut & in sequiori sexu, fluxum mensium, qui tamen non semper augurium mortis præbuit, sicut id suo factum esse tempore narrat Hœchstetterus. (h) Hæ excretiones sanguinis gravitatem morbi, imò & periculum mortis minatae sunt, evasere nihilominus, ut scimus, non pauci. (i) In conjuge Clarissimi quodam Collegæ Nostri Dn. D. Schultzi à DD. Jânisch & Dehmb Physicis & Collegis nostris, superiori anno in epidemicâ hæc febre copiosissima sanguinis per intestinum rectum rejectio notata fuit, malis ægræ rebus, quippe quæ nullis remediis è faucibus mortis eripi potuit. Præ reliquis autem levi ex causa proni erant ad hæmorrhagias, qui scorbuticâ sanguinis discrasia laborabant, in quibus etiam mira symptomatum *ἀταξία* plus simplici vice observata fuit. Hæmorrhagias verò in principio febris nostræ paucas, excipiebat debilitas major, alienatio mentis &c. sed in statu, easque copiosas, alvi siccitas sequebatur.

Fal-

(f) conf. Castigat nostræ Grabnerian. p. 21. (g) conf. Castig. nostræ Grabn. p. 21 (h) conf. Castig. Grabner. p. 22. (i) conf. Castig. Grabner. p. 24.

Fallax quidem & periculosum fuit de febris hujus eventu multorum judicium, plerumque tamen funestum prædicere licuit, quando in ægris signa fuere deprehensa sequentia: *Prognostica signa.*

1. Dejectio animi irrationalis & continuus mortis metus, ac lypothymia frequentes à primo morbi insultu.

2. Pulsus parvus ac inordinatus. A nonnullis etiam intermittens formidatur. Verum præclare notavit Celeberrimus Wedelius, quod non adeo malus semper sit, si crebriori ictu natura se semper superiorem præstet, id quod nostrâ experientiâ confirmare possumus.

3. Respiratio citra plethoram laboriosa cum cordis anxietatibus, frequens ac exilis.

4. Vehementissima Virium omnium prostratio. Certè nobis sæpe norma fuit Canon ille Sennerti Nostri: Quo vires fortiores & symptomata mitiora sunt, eò melior morbi eventus sperandus; contra quò vires debiliores, & symptomata graviora, eò morbus est periculosior.

5. Fastidium & nausea cibi omnis & sitis deficiens, sive statim ab initio, sive post intensiorem soluta, ut notavit ipse Hippocrates *Coacar. prænotion. text. 87.*

6. Motus convulsivi & tendinum contractiones in manuum carpis deprehensæ, præprimis circa declinationem.

7. Deliria etiam in censum hunc in similibus epidemicis referuntur. Verum cum in nostrâ hac epidemicâ, statim ab initio ferè omnes in delirium inciderint, & tamen vix octavus quisque ex iis mortuus sit, nos non æque terrebant, nisi oblivio, indecens decubitus, ac inverecunda corporis denudatio iis jungerentur.

8. Dolor bulbi oculorum sine omni ophthalmiæ indicio, sicuti contrà optimum præbebat præsagium *Βαρυνοία* circa declinationem, id quod ante nos notarunt tum alii, tum Clariss. Simon Pauli *digression. de febre malignâ*, qui hujus obauditionis causam esse existimat materiam peccantem, quæ ductum cartilagineum, in palatum ex aure meantem, obstruit, ac deinde ptyalismo ex corpore exturbatur.

9. Singultus ut plurimum funestus, si vel ab initio morbi vel circa statum intret, in declinatione salutaris; ut observavit D. Samuel Grassius & Maximilian. Preusius. Conf. Sydenh. *in op. p. 656.*

10. Retrocessio macularum & exanthemata citò disparentia.

11. Largius lotii profluvium, cujus memorabile exemplum D. Carolo Dehmb & Preusio oblatum fuit. Ut non absque ratione Secreta *de febr. Castrens. malign. p. 174.* hanc periculosiorem reliquis criseos speciebus censeat, quia.

quia non tantum sanguis limpidiori fero spoliatur, atque pingviores humorum particulae magis colliquefcunt; sed quia inde haud inani conjecturam augurari possumus, sanguinis ac lymphae cursum in aliquibus partibus remoram pati, unde non solum vasa valde intumescunt, sed & lotium copiosius per renes elutriatur.

12. Angina, prunella, aphthae, rarissime bonae spei sunt, ut optime Cl. Stahlius, & nos frequenter notavimus.

13. Coma cum frigore extremorum & stertore, hianti ore, lethale.

14. Tumores capitis & artuum in his febribus, notante D. Preussio, pessimi.

15. Urina atra in principio febris mala, licet in declinatione mutetur in meliorem, ut notavit D. Preussius & D. Christian Helwich. Item, Urina cruda seu ex claro quasi confusa seu tartareo-citrina obscura nonnihil cum aëneoremate disperso flocculoso quasi seu farinaceo aut cum sedimento gravi, viscidum, obscurum, arenosum & agitatione vix dissilienti, ut plurimum funesta.

16. Maculae in principio apparentes infaustae, ejusdem commatis sunt violaceae, lividae, quocunque tempore in conspectum veniant, item atrae. Ratione quantitatis nec nimium multae, ut optime Fracastorius, nec nimium paucae, ut non male Petrus à Castro, salutem spondent. Inter rariores numerari debet observatio Borelli *Cent. 2 observ. 35*.

17. Lingua, quae in principio inhorruit, hoc est, interprete Jacotio, frigida, mala est, ut jam in Coacis notavit Hippocrates.

18. Labra liventia aut nigricantia mortem indicant.

19. Nihil verius illi Petri à Castro: Inter pessima hujus morbi auguria & illud ponite, *remedia à principio fuisse neglecta*.

20. Multiplici experientia edocti scimus, unum ex multis signis praevalens, multis bonis anteponendum esse & in necando aegro plus virium habere, quam plura simul bona in eo liberando.

Cæterum morbus hic noster nequaquam, ut vulgo à dogmaticis traditur, intra 14 dies finiebatur, sed ad 21 imò & ultra extendebatur. Certe ad 40 usque diem cum malo hoc conflictati sumus. Solvebatur autem rarissime per hæmorrhagiam, aliquando per abscessum, (cujus duo exempla admodum memorabilia in Ephemeridibus suis notavit D. Helwich) frequenter per sudores, sæpissime autem tum per hos, tum per diarrhæam. Vidimus etiam febrim hanc solutam & per tumores in variis corporis partibus & cum primis in ano & exanthemata miliaria pedum scabiem, & ipsum icterum. Mutata quoque in phthisin hæc maligna. Alii & per sudores & urinam ac parotides simul ab ea liberati. Aurifaber laborans febre hac maligna bubone inguinis dextri

infestatur, qui tamen brevi disparet, succedente carbunculo in infimâ parte furæ istius lateris ac in ulcus diuturnum degenerante, decoctis tamen lignorum, mundificantibusque externis, tandem ex voto sanatus, uti D. Preuss. observavit.

Cum verò salus ægrorum suprema Medico lex esse debeat, inficiari minimè possumus, nos in omnes versos formas, ut inveniremus methodum tutam debellandi morbum hunc ferocem, donec sufficienti experientiâ fulciremur, eamque deprehenderimus rationem, in quâ jam plurimi nostrum acquiescunt. (k) Quantum ad V. S. quidam Practici in plethoricis in vigore ætatis constitutis, ab initio metuentes febrem magnam, omninò eam celebrarunt, suasu Mercati, Capi vaccii, Fonsæ, Sennerti, Petri à Castro, Rolincii, Horstii, Minadoi, Sorbait aliorumque; scilicet considerârunt hi, quod sanguis, vasis infarctus sudoriferis, quæ apud nos plebs calidissima à Medicis omni modo extorquere satagit, turgefactus, modò pulmones ac præcordia oppleat, & anxietates maximas creet, modò noxias hæmorrhagias concitet, modò eruptionem macularum impediat, atque hæc mala imminetia missione sanguinis declinare voluerunt. Sanguis ex venâ eductus, in superiori parte crustâ albâ spissâ tenacissimâ obductus, in inferiori verò, modò floridus & fluidus sine ullâ coagulatione deprehensus, modò concretus & coagulatus, ex observatione D. Preussii. Alii contrà cum Fracastorio, Thonero, Minderero, Agricola, Rulando, Lotichio, Heurnio, Hœchstettero aliisque censuerunt, V. S. esse omittendam, tum quia vires, quarum maxima habenda est ratio, ita debilitentur, tum quòd hoc modo *μιάσμα* non expellatur, nec V. S. prædicta mala evitari queant. (l) In horum numero sunt D. Grassius, Pauli & Helwich; & hic quidem ultra ducentos petechiali febre detentos sine V. S. tractavit, ac ex his vix octo fati occubuerunt, in illis verò qui proprio consilio, ut non rarò fit, venam sibi pertundi fecerant, circa dies criticos congestiones ad caput, deliria phrenetica, anginam, aphthas, aphoni- am, alvi siccitatem ac convulsiones observavit. Plurimi quidem sine ope purgantium, teste D. Grassio, Pauli & aliis cum sanitate in gratiam redierunt, nihilominus lenientia eximium habuisse usum, certum est. Tametsi verò statim ab initio fati sciremus, ab usu evacuantium mitiorum, in similibus febribus non abhorruisse Sennertum, Moræum, Donckerum, Riverium, Grülingium, Langium, aliosque, hæsitabamus tamen non parùm, donec videremus eos, quibus re pensitatus deliberatâ evacuans datum, facilius superare morbum. Confirmabamur etiam hinc, quod toto die cerneremus, diarrhæas, si non utiliter, absque damno tamen petechizantibus concitari; unde facilè concludere li-

B

ce-

(k) conf. Castig. Græbner. p. 26. 27. (l) conf. Castig. Græbner. p. 38.

cebat, nos tutò quoque sic naturam imitari, & cathartico sordes in intestinis hærentes eliminari posse, id quod fluxibus hisce concitatis natura molitur. Ju-
vabamur hæc in re diligentia nostrorum Prædecessorum, qui monuere nos, in
ejusmodi febribus cum bonis ægrorum rebus, alvum fuisse laxiorem, ut con-
stat ex Gerhardi Columbæ Messanensis *tractatu de febr. pestilent.* Variolâ
in observ. Med. lib. 6 de febrib. imò ipso Galeno *libr. 5 Meth. medend. c. 12.* &
Hippocrate *in lib. epidemic.* quo referenda etiam sunt, quæ in *Operibus post-*
humis Malpighii leguntur. Ducebat eò nos etiam ipsa ratio, quandoquidem
sole clarius in hæc febre nostrâ adesse impuritatem sanguinis & corruptionem,
quam Veteres fortassis non ineptè putredinosam dixerunt. Notum præterea
putridam materiam hanc, citra cujus excretionem sanitatem sperare minime
licet, non esse ejusdem naturæ, sed aliam esse tenuiorem, ac quasi halituosam,
aliam esse serosam ac salinam, aliam crassiorem submucidam, ac per diversa ex-
cretiora ex corpore ejici posse, hinc verò prompta illatio erat, partes illas muc-
idas ac salino-oleosas, nomine biliosarum vulgò descriptas, in quas motu inte-
stino putredinoso sanguis fatiscit, commodissimè per intestinorum volumina
ex corpore exturbari, prout halituosæ illæ per cutis poros, & salino-serosæ per
urinarias vias commodissimè ex corpore exeunt. In usu hîc cum aliis D. Mi-
chael Pauli potio evacuans Sydenhamiana in dosi aliquantum minori. D.
Helwich familiaris est pulvis ex antimon. & nitro depurat. tartar. vitriolat.
ac grano uno vel duobus scammon. sulphurat. quibus apud ditiores etiam gra-
na pauca Auri fulminantis, certis ex causis, addit. Quibusdam placet, more
Wedeliano, lenientibus addere, quæ simul ad malignitatem habent respectum.
Ita meminimus, quosdam radicem scorzon. scordium c. fol. Senn. & Rhabarb.
Alexandr. &c. decoqui jussisse & ægris suis haustum præbuisse. Vomitoria
in febris epidemicæ principiò hominibus phlegmaticis aut melancholicis ro-
bustis & nauseantibus, præsentî conatu vomendi, interdum cum successu da-
ta. Cæterum ferè tota cura bezoardicis absoluta à nobis fuit. Imò à medi-
camentis alexipharmacis fortioribus, volatilibus salibus, bezoardicis calidis a-
spirituosis abstinuimus, ac abesse volumus theriacam, mithridatium, electua-
rium de ovo, spirit. tartar. C. C., viperar., elix. pestilent. Croll. olea bezo-
ardica &c. decantatissima aliàs remedia, quia vidimus ea hæc in febre epidemi-
ca obfuisse magis, quàm utilitatem attulisse. Et hinc iterum iterumque caute-
lam Raymundi Mindereri *de pestil. p 214* & Augustini Thoneri *Observ. p 64.65.*
commendamus. Nec vanum Celeberr. Schelhammeri de tincturâ bezoard
D. M., cui nos etiam spiritum theriacalem, imò & aliâ ejus generis jungimus
monitum. Omnino nobis expertis credi postulamus, ea febrim & sympto-
ma

mata non sine periculo intendisse. Quidam tamen nostrum calidiora cum analepticis remixta præscripserunt, quando suspicabantur, quandam quasi coagulationem sanguinis fieri, in debilitatibus etiam majoribus cum pulsu languido, in retrocessione macularum, nec non post terrorem, admissum frigus, &c. Alii verò ex nostris unicè bezoardicis & sudoriferis temperatis morbum debellare constanter sategerunt, ut plurimum feliciori exitu coronati. Scilicet justo tempore à nobis exhibebantur agris, pulveres bezoard. D. Sennert. Rhumbaum., pulv. polychr. Döring., Pannonic. rub., aut ex tempore componebantur alii ex C. C. philos. ppt. unicorn. ver., matr. perlar. ppt., lap. 69. coralliis ppt. succin. ppt., antimon. d., bezoardicis mineralibus & chymicis variis &c. Lap. bez. occid. & orient. terrâ sigillatâ nostrati, Cinabari nativâ, & quod utramque semper paginam implebat, nitro. In formâ guttarum propinabatur à nobis M. S. essentiâ scordii saturatior, essent. myrrhæ, diascordium quoque Fraecastorii (licet compositio non adeò concinna sit, & ex sudoriferis & adstringentibus constet) in aquâ bezoardicâ dissolutum, admixto syrupo convenienti, præprimis verò illo, quem acetositis citri officinæ vocant, expectationi nostræ satisfecit, & magno cum successu tot agris à nobis præscriptum fuit. Et hæc respectu ad causam morbi habito ordinavimus, conati venenum, quod vulgò in his febribus accusatur, expellere per placidum sudorem, seu potius madorem, in quo natura nobis præire videbatur, dum ipsa sæpè & in principio & decursu sudores movet, & ad superficiem corporis maculas promovet. Motus verò sudoris & macularum ad cutem egregiè, tum fotu lectorum, tum frictionibus adjuvari potest. Nunquam verò ausi sumus dorso applicare unguentum Aëtii, nec morem Indorum à Taverniero descriptum, in rem nostram vertere licuit. His enim externis perspirabilitas cutis egregiè promovetur. Ab alexipharmacis calidioribus, quæ malignitati opponi debere vulgaris persuasio est, nobis temperavimus, quia nec venenorum, multò minùs venenatorum *μασμάτων* natura cognita est, adeoque in Democriti puteo adhuc vera fermentorum malignorum alexipharmaca profundissimis tenebris immerisa latent. Nec exciderant ex memoria illa Sydenhamii in *Schedul. Monitor. p. 681.* malignitatis inventionem generi humano longè ipsâ pulveris pyrii inventionem lethaliorem. Verum non satis erat, energiæ causæ occurrere, ad ægros ipsos oculi etiam erant convertendi. Ex parte itaque subjecti, indicatio urgebat cordialia & roborantia efficaciora, præprimis, quia frequentissimè vires inopinatò concidebant. Et sic vinum aquâ dilutum petentibus D. D. Helwich & Grassius, freti experientiâ & auctoritate Bartholini *Cent. 6 Hist. 7* aliorumque, moti etiam exemplo

D. Acoluthi, Collegæ quondam, nunc desideratissimi, quamvis diætam exactam aliàs rigidè exigant, tandem concesserunt, cùm sub febris ingressum præfractè negassent, ægrosque eximie haustu hoc recreatos esse experti sunt.

Fuère, qui quosdam ex nobis, præprimis D. Helwich, propter crebrum cinnabaris nativæ usum clanculum apud ægros sugillarent. At illi insignis hujus medicamenti divinas propemodum virtutes protervè ignorant, quas ex Cratone ipso, Joh. Quercetano *in tetrad. capit. affect. c. 33.* Daniel. Ludovici, Wedelio aliisque, si ignavia & livor permetteret, discere possent; sed fatuum foret, prolixè vim nervinam, cephalicam, diaphoreticam, præcipitantem, anodynâ &c. cinnabaris demonstrare, cùm rudes etiam seplasiariorum famuli ex crebro Medicorum omnium usu eam dudum calleant. Mirabitur autem quisquam à nobis in recensu medicamentorum præteritam esse camphoram, cùm hætenus inter tot bezoardica composita, in quâcunque formâ unanimi quasi consensu fuerit adoptata. Enimverò scire licet tantoperè laudatam camphoræ virtutem alexiteriam (externum ejus usum in multis affectibus incomparabilem esse, agnoscimus lubenter) niti nuda traditione & opinione hominum, ac in re ipsâ in febribus hisce malignis camphoram internè plus detrimenti, quàm auxilii adferre. Deferimus causæ hujus cognitionem ad circumspectæ experientiæ tribunal, ac sententiam nobis gratam pollicemur, postquam vanitas prætenstæ eximie hujus virtutis (resistere enim putredini ac venenis eam volunt, ob sal volat. balsamic. & resinofum, quo acidis contrariatur, & sic etiam putredini, quæ subinde acidum habet concomitans, ut loquitur Hoffmann.) omnibus ferè innotuit. Nec symptomata à nobis neglecta fuerunt. Inter ea vulgò refertur diarrhæa, quo jure id fiat, vel ex antecedentibus patet. Eam certè, nisi esset colliquativa, & plenariam sanguinis putredinosam dissolutionem argueret, aut inflammationi intestinorum superveniret, nequaquam suppressere studuimus. Quin imò non rarò laxans ordinavimus, ac internè per totum morbi cursum, nitrosa cum sufficienti potius quantitate eâ intentione ægris imperavimus, ut ventriculus & intestinorum volumina ritè abstergerentur, & materia biliosa acris ac urens è corpore proscriberetur. Quoties tamen suspicabamur, alvi profluvia excedere modum, ac dejicere vires, quas sub tali fluxu ritè conservare nobis cordi erat, nitrum in exiguâ & refractiori dosi præbebamus, interpolabantur terrei pulveres aut diascordio Fracastor. ei frænum injiciebamus, ac id tantò magis, si tormenta majorem facerent molestiam. Ab astringentium usu, in compescendo alvi fluxu, gravissimos angores, miras corporis jectigationes, deliriorum & cephalalgia incrementa, majorem lingvæ scabritiem, squalloremque, inflam-

mationem & aphthas plerique nostrum non semel notarunt. In iis, qui, loco diarrhææ, singultuosâ cardialgiâ corripiebantur, & perpetuo vomendi conatu laboriosissimè fatigabantur, præter nitrum vix ullum aliud laude & commemoratione dignum præstitit effectum. Isti ægri, qui diætæ vinosæ aliàs adfueti, ad hæc pathemata dispositi erant, usu etiam pulpæ citri sublevati sunt. In æstu, & ejus pedissequâ fere indivulsâ siti omnibus prælaudatum antea nitrum cum subacidis, succo citri, bacc. rub. idæi, spiritu vitriol. philosoph., vitriol. dulc. vino granator., berber. ppt. &c. fastum fecit. Et proinde hîc malè rem gessisse putandi sunt illi Medici, qui nihil lamentationibus æstu exustorum ægrorum moti, fumosis suis sudoriferis & turgescentibus bezoardicis miseros tantum non enecarunt.

Dolores capitis in progressu morbi aliquantulum sublevati ab usu unguenti alabastrini, inter initia tamen tacito mussavit medicina dolore. Graves pectoris oppressiones & anxietates, nullis epithematibus cordialibus, nullis linimentis pectoralibus cedebant, sed usu camphoratorum externo mitescere videbantur. Vigiliæ etiam per multas noctes continuatæ non multum ægrotantibus obfuerunt. Ab usu anodynorum nullum hîc auxilium, quin è contrario post eorum usum pulsus, & consequenter etiam motus sanguinis depressus est languidior, sensuum *ένεργεια* debilior, exclusio recrementorum per quascunque vias impeditior. Unde non meminimus, à quoquam nostrum opiata in usum fuisse in curâ hujus febris vocata, nisi quod in principio, post emeticum aut catharticum, D. Preussius, Sydenhamium imitatus, aliquando opiata in refractâ dosi dederit optimo cum successu. Deliria exoriebantur vel ab æstu & sanguinis stasi, vel ab impatientiâ, aut mortis timore; Quæ posterioris generis erant, blanda vitæ meliorisque valetudinis spe ac argumentis moralibus sedabantur, prioris generis autem eandem cum febre curam poscebant. Nec segnia hic vesicatoria, falsumque comperimus Fonscæ assertum, vesicantia scilicet augere calorem, vigilias & deliria intendere, sed experientia nostra pulchrè sententiam Riverii, Horstii, Bartholini, Sennerti aliorumque eadem commentantium, in re ipsâ fundatam reperit.

Convulsiones ab initio quidem exanthemata prænunciabant, & bezoardicis tollebantur, sub finem hæmorrhagias indicabant nonnunquam in vegetioribus, in debilioribus verò ipsam mortem.

Hæmorrhagiæ, præsentè plethorâ, symptomaticæ, astringentibus efferantur potius; externa illa, e. g. applicatio smaragdi, hæmatitis, emissio sanguinis super calidos lateres, colcothar vitrioli &c. non satis efficacia, nitrosa verò internè data, omninò eximii usûs.

In ordinanda diætâ, ferè Sydenhamium secuti, cibos tenues, juscula avenacea, hordeacea, pruna cocta, poma Borsdorffiana commendavimus; fercula falsa, saccharata, aromatibus condita, procul esse jussimus. (m) Potum sufficiente quantitate non negavimus, etsi à frigido studiosè dehortaremur. Nam à frequentiori hoc potu alvus redditur fluida, quem etiam rectè celebrat Crato Noster *l. i epist. ii.* Nonnullis in usu erat cerevisia tenuis, aliis aqua hordei, quibusdam decoctum C. C. citratum, item scorzonæræ c. rad. acetosæ, cerasis acidis, passulis minoribus &c. Aërem moderatè calidum esse volumus, crebrò inculcantes, citra perniciem corpus frigidæ auræ non exponi, ac ab ægris quietem corporis sine jectigationibus exegimus, nec passi sumus, ut corpus liberior erigerent, vel sedentes, vel stantes, vel ambulantes, ne fortè, quod facile fieri solet, animi deliquium incurrerent, aut maculæ retrogrederentur.

Animi pathemata, tristitiam, mœrores, metum mortis, quantum in nobis fuit, excussimus. (n) Dierum citricorum adeò scrupulosi observatores non fuimus, gnari, quod crises varient pro variâ medendi methodo, variis anni temporibus, regionibus, vitæ genere, temperamento ægrorum, viribus &c. quæ de re legi merentur Jonston. *Syntag. Pr. p. 164. 172.* Ettmüller. *Plemp. fundam. Medic. Sanctor. in Hippocr. Aphorism.* Panaroll. *Pent. 3 observ. 39.* Bruno *in propylæo Medic. p. 133.* Waldschm. *in fundam. Med. p. 116.* Georg. Bagliv. *de praxi Med. ad prisc. observandi rationem revocanda p. 256 & seqq.* & hoc tantò magis, quia nondum terminus, à quò initium computationis fieri debet, exactè constitutus, dùm Sydenham, Blancardus & alii, à primo insultu, alii à tempore decubitus in lecto exordium capiunt cum Vidò Vidiò *oper. Med. T. 3 c. 6 lib. 9.* Sennert. & Donckert. *in Ideâ febr. petech. p. 435. 458. &c.*

Ex his verò amicus Lector facile videt, quod emergenti hoc morbo nostros Antecessores consuluerimus, & studiosè contulerimus cum iis, quos ipsi descripserunt similes, & non pauca in nostram & ægrorum utilitatem converterimus.

Odontalgia Ejus moris geniique passim febres grassabantur usque ad
& hemi- initium Junii. Frequenter etiam hoc mense odontalgia seu he-
crania mu- micrania laborabant istæ potissimum mulieres, quibus negotium
lierum. mensium magis impeditum. (o) Egregiè proderant decocta emol-
lientia & paregorica, ex flor. sambuc. chamomill. R., papav. &c. ac lauda-
tissimum medicamentum in permolesto hoc affectu est tinctura odontalgica
Mynsicht. & Wedelii, quæ cum nec spiritus vitrioli rectificatus Blancardi, nec
pi-

(m) conf. *Castigat. Nostræ Græbner. p. 29.* (n) conf. *Castigat. Nostræ Græbnerian. p. 33.*

(o) conf. *Castigat. nostræ Græbner. p. 37.*

pilulæ Mural. ex extr. opii, sem. apii, hyoscyami; nec spiritus sulphur. c. spirit. terebinth. maritatus, cujus encomiastes Blegny est, nec oleum origani, aut alia vulgò nota conferri merentur. Tuebantur etiam dignitatem suam emplastra Sylvii & Ettmülleri.

Nec nulli erant, qui ophthalmiâ vexarentur. Non tantum *Ophthalmia.* oculos urgebat inflammatio, cum dolore, tensione acriore & rubedine, quæ ex turgescentiâ vasculorum teneriorum in oculo dependent, sed & dolor capitis gravativus molestus erat, iis potissimum, in quibus oculus circa nervum opticum patiebatur. Quotquot opem D. Helwichii implorârunt, interrogati, an hæmorrhagiam narium in præterlapsis annis crebro experti fuissent, ferè omnes se quondam ei assuetos fuisse affirmârunt. De remediis, quæ ad inflammatorium oculorum dolorem tollendum vulgò adhibebantur, rerum usus edocuit nos, aquam chelidonii iis, quos æstus sensibilibior adurit, propter acredinem minus convenire. D. Helwich non facile aquam hyslopi & fœniculi adhibet, quia propter oleosas ac acres partes iis junctas ei suspectæ sunt. Lithargyrium cum aceto destillato solutum, ac aquis debitâ proportionem mixtum, spem ejus non est frustratum. Sed supra laudem est aqua alia ophthalmica & in creberrimo usu, de cujus efficacia etiam D. Pauli testimonium perhibet. Pingvedine viperarum recenti pruriens acrimonia, quæ haud rarò hunc affectum comitatur, tollitur, ut D. Grassius & alii experti persæpè sunt. Propter vim subadstringentem decoctum cort. granator., quò redeuntem singulis ferè annis in orbem molestiam hanc in proprio corpore sublevavit, in amore est D. Desimb. Quæsitum meminimus, an ophthalmica externa actu frigida, an subtepida veniant applicanda? Posterius nos maluimus & experientiæ suffragium spondemus.

Occurrebant etiam, quos ieterus foedabat. (p) *Croceus co-* *Icterus.* lor in toto corpore, præprimis in oculorum albo, & circum tempora cernebatur, & quæ D. Helwichii & Grassii animadversio est, etiam in venis sub lingvâ. Insigni ariditate & scabritie cutis corporis squallebat. Aciēs oculorum nonnullis obtusa, omnibus verò gravior erat lassitudo ulcerosa, cum forniis turbulentis, dolore capitis & gravativo præcipuè sterni, observante D. Grassio, siti, inappetentiâ, sed, quòd mireris, oris amaritudo ferè paucis gustum corrumpēbat, quod confirmat Clarissim. D. Hartmanni sententiam, bilem non esse adeò amaram, præprimis, si, quod & hîc fit, cum lymphâ quasi gelatinosâ misceatur. Vexabat quoque pruritus. Alvus nonnullis satis fluida, quasi lienteria aut cœliacâ laborarent, aliis, quibus fortè ductus cholodochus

chus omni ex parte obstructus, adstrictior. Homerda argillacea & albida urina crassior & crocea, serum in extravasato sanguine, ut D. Dehmb & Helwich vidit, eodem inbutum colore, pulsus frequens & parvus, respiratio difficilis, ubi corpus aliquanto vehementius movetur, ac manus ferè semper calidæ. Pingebat verò icterus eò tempore, quod etiam aliàs fit, homines assuetos alimentis viscidis, glutinosis copiosè ingestis, ut & cerevisiis musteis ac sæculentis, unde nonnisi chylus viscidus, & crassior sanguis & lymphæ, obstructionibus gignendis, quas vel in glanduloso hepatis corpore, vel in deferentibus & afferentibus bilariis ductibus quærere in ictero par est, excitandis aptissimus generatur. Cùm verò hâc ratione effluxus bilis ad intestina impediatur, utique necesse est, ut fel intimè sero sanguinis commisceatur, ac, quicquid etiam Helmontius, ac ejus asseclæ tracentur, cum sanguine ad vasa capillaria delatum citrino cutem inficiat colore. In usum vocata fuère inter aperientia & attenuantia hepaticæ, marrubium album à Foresto eximie laudatum, cuscuta quoque. Invenerunt etiam locum, & forsan utramque paginam absolverunt martialia liquida præcipue, cum salinis, v. g. tartar. vitriolat., arcan. duplicat., sale absinth., cent. min. &c. Tartarus verò Tartarisatus ad gtt. 80 sæpius adhibitus, interveniente laxativo, & post datâ Tincturâ Mart. cydoniat., D. Grassii suorumque Collegarum spem non fefellit. Nec immeritò Majores nostri specificam quasi vim ascripserunt rad. curcum., chelidon. maj., abrotano, croco &c. In idiopathico solum Lindenii decoctum ex rad. cichor., chelidon. maj., herb. endiv., marrub., fragar., fol. Senn. tartaro, toties nos læto exhilaravit eventus. Tulpius quondam ictericos curavit infuso rhabarbari, cui theriacam miscuit, quem imitatus D. Helwich, eventum, quem speravit, consequi non potuit. A purgantibus fortioribus & sudoriferis sollicitè cavimus, ne per hæc serum sanguini subduceremus. V. S. in gravidâ aliquando fuit celebrata bono effectû, neque tamen propterea cum Aëtio præcipuum remedium dixeris, aut cum Theophrasto ordinariè auriginem per V. S. curaveris. Eodem tempore febribus continuis, præproperè nimis die quintâ superveniens quosdam è medio sustulit, quanquam, præter Medicum, nemo ex adstantibus fatalem horam metueret. Et sanè in obscuro adhuc latet, unde icterus tam funesti exitûs oriatur. D. Helwich spasmodicam hepatis constrictionem hic accidere conjicit, tum ex anxietatibus & angustis præcordialibus, tum quòd passiones ægri suas ita describant, quasi persentiscerent, manum præcordia coarctantem, tum ex retractione umbilici in oculos incurrente. Vocabatur is aliquando ad ægrum in vigore ætatis constitutum, tantâ respirationis difficultate laborantem, ut extrema im-

minere, & ægrotum brevi suffocatum iri, ipsemet crederet. In ancipiti illo casu cum non satis se expedire posset, quamnam læsa respiratio causam agnosceret; (neque enim vitium ullum vel in aëre, vel in organis ad respirationem necessariis, vel in quadam lienis affectione &c. apparebat,) postera dies eum satis convicit originem mali, in hepatis, quod cum diaphragmate, per membranaceum ligamentum latum cohæret, (quod suspensorium Anatomicorum Scholæ nominant) spasmodicâ contractione quærendam fuisse, nam icterus insperatò superveniebat. Admodum autem rebelle hoc malum fuit, & cura fastidii & tædii plenissima, domitus tamen tandem morbus ille medicamentis anticachecticis & antispasmodicis providè junctis. Præprimis ceratum quoddam exterius applicatum vim præsentem in relaxandâ stricturâ exercere deprehensum est. Cum D. Preussio febris quartana pertinax admodum eo tempore offerretur curanda, nec usitatis medicamentis subjugari posset, emeticum laxativum mercuriale propinavit, ex cujus usu salivatio per tres septimanas & ultra cum perfectâ febris eradicatione secuta est.

Mense Februarii, præter petechias, variolas & morbillos, vidimus alias maculas corpora infantum occupantes. Similes *Variolæ & morbilli aliæ* omninò erant iis, quas Celeberr. Fehr. in *Anchorâ Sacrà sive aque exanthemata* Scorzonera p. 79 & seq. describit. Nam quædam latæ rubeæque morbillis non admodum dissimiles, in facie conspiciebantur, minutissimæ verò & puniceæ, quas incauti cum petechialibus confundere solent, in dorso, lumbis & pectore cernebantur; Nonnullæ elevatiores proximè ad naturam variolarum accedebant, ac pruritu & fervore molestissimæ erant, tandemque per abscissionem epidermidis in squamulas resolvebantur; verum aberant symptomata graviora, delirium, convulsiones, alvi profluvia biliosa & dysenterica, palpebrarum paralyxis & conniventia, carentia visûs &c. sed comitabatur tamen hæc exanthemata febris, sub noctem ingravescens, tussis, quam ferinam vocant, corpora concutiebat, & postquam tertio vel quarto die morbi erupissent, ante 14 evanescebant, relictâ nihilominus aliquâ incedendi impotentiâ & scalpendi necessitate. Grassabantur etiam eo tempore aliæ variolæ, quas à forma, nam acuminatæ sunt, vulgò die *Spitz-blattern* / alii autem *das Ungeheur* vocant; sed quia æstus mitior conjunctus, nec ulla mali moris symptomata adsunt, præterea etiam pueri & puellæ latè discurrunt, his exanthematibus deformati, modò unguis exercendi voluptas iis relictâ sit, ferè fit, ut Medici consilium non requiratur. Id quod etiam dicendum de crystallis seu pustulis latioribus, minusque acuminatis, à lupini albi magnitudine *Schaafs-Blattern* dictis. Nam postquam aliquamdiu ichorem plorârunt, ci-

tò satis evanescunt. Magis terrentur nostri rubeolis, quas vulgus vocat *Mütseln*/quæ non sine graviore æstu primùm sparsim erumpunt, & deinde coëuntes postea dorsum aut regionem pectoris, vel manus & pedes occupant, & latissimam maculam efformant, tandem verò ferè sine sensu in squamulas abeunt & disparent. In curâ ferè eadem methodus observatur, diaphoretica fixa totam absolvunt paginam. In frequenti apud nos usu in hujuscemodi morbis potiunculæ ad morem Sylvianarum paratæ, ex aquis fl. sambuc. til. card. ben. scorzoner. cord. citrat. &c. & ppat. lap. 69. & in adultioribus paulò etiam, corall. rubr. ppt. matr. perlar. antimon. diaph. succin. ppt. &c. quibus gratiam saporis conciliamus vel julepo rosar., sambucino, aut syrupis gravioribus. Regimen in omnibus iis morbis, cum quibus febris complicata est, temperatum amamus, & anxie calidum damnamus.

Præter asthma, quod, ut superius monitum, icterum præcurrebat, etiam alius generis, idque periodicum gravissimum observavimus. (q) Vir quispian perillustri dignitatis, sexagenario proximus, sangvineo-cholericus, cum ter, svasu nonnullorum Medicorum, ærumnabilis salivationis labores, ad abigendum circa regionem hepatis fervorem, aliasque molestias, quas effluxu feminis in pollutione nocturnâ, incautè admodum ante quadriennium cohibito, incurrit, excutiendas, quas inter etiam tumor testiculi alterutrius, fortiter sustinisset, de difficultate respirationis circa noctem ingravescente, sub anni 1698 finem conqueri coepit. Auctum malum ita fuit, ut tandem hoc mense, nocturno tempore, quo maximè affligitur, circa duodecimam horam, ex lecto exiliret, & præ suffocationis metu, eum in respirando corporis situm eligeret, in quo maximè liberi sunt pulmones, nec à thorace premuntur. Adventantis paroxysmi prodromus erat dejectio alvi, post spiritus sensim densior ac tardior trahebatur. Procedente affectu audiebatur sonitus ferventi aquæ similimus: *Es kochte und rasselte auff der Brust*; id quod infallibile signum, cellulas pulmonum membranaceas, ac asperæ arteriæ ramificationes à materiâ quadam ita infarctas esse, ut vix aërem inspirandum admittant. Thorax cum quodam costarum quasi fragore videbatur elevari, comitante hanc ejus elationem sonitu & sibilo, id quod aliàs in asthmate convulsivo fieri sœvit. Confer. *Ephemerid. anno 17. observ. 133 p. 256.* Vultus turgebat, & oculi prominebant. Comitabantur incredibiles præcordiorum anxietates & pectoris angustiae, sudores quasi syncoptici, ac alia dira symptomata, quæ ex *avroasia* D. Helwich & Pauli referunt. Cæterum tametsi iterum iterumque considerarent, an tremulus aliquis motus, ex infimo ventre, versus pulmones & cor assur-

assurgeret, quod in asthma hypochondriaco & hysterico fieri consuevit, eum minime advertere potuerunt. Post bihorium ferè ejecta, materia viscida, non minimâ quantitate, inducias malum afflicto concessit, sed perbreves: Nam circa horas matutinas recrudescibat, & denuò somnum excutiebat, insultus tamen minor & brevior erat. Pulsus in paroxysmo concitatus, extra illum secundum naturam se habebat. Urina cruditatis indicia præ se ferebat, albo foeta sedimento; alvi excrementa liquida. Aliàs appetitus integer vigeat, sitis verò aliquanto intensior. Qui in paroxysmo, in limine mortis erat noctu, is interdum omnia negotia commode perficiebat. Hoc periodicum asthma ex humido, de quo lectu dignissima occurrunt ap. Carol. Pisonem, de præteritis hactenus morbis & affectibus à serosa colluvie &c. ortis, *sect. 3 cap. 4 à p. 259.* & convulsivo, cujus causam, non tam in spasmis fibrarum pulmonalium, quam musculorum pectoralium, quærendam esse putamus, mixtum, ut, iudice Willisio, omne inveteratum esse solet, nullis remediis domari potuit. Nihil hîc V.S. etiam reiterata, nihil fonticuli, nihil frictions, nihil lenientia, incidentia, expectorantia, antispasmodica, anodyna, &c. conferebant. Adeò verum est effatum Clariss. Raygeri Collegæ nostri in *Schol. ad observ. 31 Spindleri p. 54.* quando scribit: *Asthma mirabile phantasma est, contra quod tam raram invenitur cataplasma approbatum, mirabiliter quoque & agrotantes & medicantes affligit atque excitat, nonnunquam utrosque pertæfos reddit.* Solus cochleariæ spiritus Anglicanus, ineunte mense Martio, miseriam patientis sublevare videbatur. Per æstatem integram respiratio ritè habebat, sed autumnò inclinante vetustum malum repullulabat, ac quotidie augebatur. Sed propitia magis ægri fortuna illo anno fuit, nam pertinax malum magis obsecundare visum est pharmacis, quæ quatuor Medici (inter quos duo ex nostris, sc. DD. Pauli & Helwich) miscebant, ac post celebratam V.S. halcyonia plena, licet insperata, medio Februarii obtingebant. Rediit antiquum malum etiam hoc, quo hæc scribuntur, anno, sed non adeò ferocit, nec tamen vel V.S., vel remediis antea adhibitis ampliùs auscultat, nec jussulis, quæ per accessiones accipere suevit, mitigatur, ad instar illius, quod describit Cl. G. H. Welschius *Decad. X Cons. 1. Curat. ppr. & Consil. Medic.* Aliis verò decidendum relinquimus, an hoc exemplum manifestam faciat communionem Hippocraticam *σπῆλαι, μαῶν, γονῆς, φονῆς*, id est pectoris, mammarum, seminis, vocis, 2. *epidem. sect. 1.* Certè Edmundus de Meara in *historiis aliquot rarioribus Medicis p. 133* recitans historiam de cive Bristolienſe, qui post gravem hyemalem catarrhum sponte evanescentem, scroti tumorem incurrit, & hoc iterum disparente de orthopnoeâ conqueri cœpit, ex illâ frequentem &

facilem spirabilium cum genitalibus consensum deducit, ratus, in hoc ægro observabilem esse feri à pectore ad testes descensum, ejusdemque à testibus ad pectus recursum. Quod roborat etiam observatio D. Grassii, cui obvenit tractanda asthmatica, quæ liberum trahebat spiritum, cum pudenda & pedes tumebant, difficultate verò magna premebatur, quando tumor disparebat. In aliis asthmatis generibus Aug. Thonerum *l. 3. Observ. Medicinal. p. 199 & seqq.* imitati sumus, & purgante, ad removenda obstacula respirationem intercipientia, usi sumus. Non abs re comperimus gloriari Joëlem *l. 3 pract. p. 272* quod zedoar., g. ammoniaco fl. sulph., croco in hydromelle coctis sæpè facilitatem respirationis restituerit, nam & nos in egenis ex nauseabundâ & rudi potione hæc multoties eundem vidimus effectum. Cæteroquin fuere apud nos eo tempore etiam alii, qui difficulter admodum respirarent. Illi de nullâ circa thoracem molestiâ conquesti, solum de gravamine quodam ventriculi conquerebantur, & locum affectum sub diaphragmate ad ventriculi regionem monstrabant. Et hujus generis asthmatici ut plurimum graphicè admodum angustias præcordiales depingunt, & ut ex verò Severin. Eugalen. *de Scorbuto p. 11.* ægrotantes à sensu mali sui magnitudinem metientes, de tollendâ angustia magis, quàm respirationis mitigatione apud Medicum instant, ac paratam in antiscorbuticis medelam inveniunt. Monitos tamen cupimus eos, qui primùm clinicæ animum applicant, ut in scorbuticis iis, quos maculæ fervidioris intemperiei indices deformant, à cochleariæ usu caveant, & exhibitione acetosæ, acetosellæ &c. contenti vivant, nisi exaggeratorum symptomatum ignominiam soltri loco affectent. His, si asthma urgentius sit, jungere licebit radicem ari, helenii, petasitidis, & in formâ decocti offerre. A paucis enim guttis, mixturis, essentiis, aut ardentibus spiritibus magnam sibi polliceri in scorbuticis affectibus opem, non nisi inexpertorum est. Pistor quidam ex oppido paucis miliaribus Vratislaviâ distante, vasto corpore, scarificationibus singulis ferè mensibus assuetus antea, iis omissis, post aliquam vehementiorem corporis commotionem, asthmate corripitur, quod parùm à convulsivo aberat. Is perterritus Vratislaviam migrat, ac D. Helwich adit, qui re omni intellectâ, scarificationem repetendam esse, autor est, & pilul. de cynogloss. hodiè quasi antiquatas, de quarum efficaciâ modestiùs ex Lindenio sentire primò didicit, præscribit dosi non magnâ, sed maximâ cum utilitate patientis, nec enim ex ullo medicamento præsentio rem vidisse se effectum recordatur, quippe repressus protinùs est mali impetus, ac sanus & hilaris domum discessit, qui anhelosus & quævis mala metuens huc venerat.

Infantes illo tempore tussis convulsiva fatigabat satis frequenter. (r) Certum est, affluente materiâ inter tussiendo diaphragma sursum contrahi, ac in systole longiori aut crebrius repetitâ detineri, pulmones valdè coarctari, in motu suo inhiberi, & respirationem valdè impediri, ut à suffocationis periculo parùm absint. Sed de eo, an materia morbifica nervis pneumonicis illapsa, hinc in ipsis hæreat, & fomitem contumaci malo præbeat, ut credit Willisius, nondùm plenè constat, imò, qui hîc spasmodicos musculorum pectorali-um motûs, vel sensui in vehementiori malo obvios, perpendit, in illam facîle concedet sententiam, à convulsivo hîc musculorum motu arcessendam tussis convulsivæ causam. Cui rei documento est & hoc, quod externa ex selectio-ribus, anti-spasmodicis debitè adhibita, hoc equuleo tortos efficaciter conso-
Tussis con-
Bulsiâ in-
fantum.
lentur. Tanta apud nostros indulgentia est in liberos, ut vesicatoria, quæ in tussi hâc Sydenham celebrat, tanquam præcipuum auxilium, cane, utpluri-
mum, & angve pejus fugiant. Nec delicatiores usum liquor. C. C. succin. vel spir. *c. anisat. ut homines naris minùs obesæ, nisi cum molestiâ, ferunt. Tincturæ fl. pap. rh. certo modo præparatæ virtus aliquôties non levis depre-
hensa fuit, quæ tamen minimè comparari potest cum simplicissimis pulveri-
bus anti-spasmodicis cum debitâ cautelâ exhibitis. Pulvis antepilepticus Lu-
dovicianus, cum iudicio immutatus, id remedium est, quod sumptuosus & exo-
ticis præferri tutò potest. Sed quid de V. S. dicendum? Eam efficax fanè in
tussi hâc auxilium esse vix dubitamus. Et Riverius locuples testis est, Parisi-
enses Medicos in teneriori ætate & lac fugentibus pueris à V. S. non abstinere.
Gualterus Harris Medicus Londinensis, de morbis pueror. part. 3 in gravibus
inflammationibus venam pueris secari posse concedit. Et fanè, si Galli, alii-
que in V. S. in puerulis peccant, quod facile crediderimus: Nos fanè, ut in to-
tâ Germaniâ, ita in Silesiâ quoque omni ex parte eandem omittentes, excusari
non possemus, nisi, contra vulgi & muliercularum opinionem aliquid facere,
esset, contra torrentem navigare. Nota nobis sunt exempla puerorum, qui
fortuitâ narium hæmorrhagiâ ab hâc tussi evasere liberi. Vulgus nostrum,
in quavis tussi, pingvedinem lucii piscis & taxi cum multâ fiduciâ plantis pe-
dum affricat.

Ab hoc puerili affectu ipsa mali omni hyeme frequentia du-
cit nos ad alium, quem vulgò atrophiam dicimus. Corripiun-
tur eo malo lactantes & ablactati, potissimum tamen posterioris generis. Pri-
mò omnium caro fit flaccida, deinde habitus externi corporis in iis sensim

confumitur, atque tabescit caro citra *ἀνορεξίαν*, aut alium affectum manifestum, etiam in iis, qui avidissimè cibis inhiant. Pulsus circa vesperam celerior evadit, inquietudo nocturna cum siti adest non sine suspitione febriculæ. Abdomen aliis sine extuberantiâ durum tantum est, aliis verò tensum existit & tumet. Crescit malum tempore, & tandem veram sceleti effigiem tabidi illi oculis ingerunt, ut cunctâ deperditâ carne, vix ossibus hæreant, multò minus pedibus inniti possint. Ferè autem omnes, qui ex eo malo periclitantur, admodum sunt voraces, & præterea naturâ torpidiores. Non immeritò etiam fundum calamitatis hujus dixeris nocturnas potulentorum frigidorum ingurgitationes. Quotquot certè pueri cum prætumido abdomine, & contabescentiâ corporis nobis oblatis, quorum numerus certè non minimus, illos omnes noctu potum frigidum sumere consuevisse comperimus. Ex vividioribus & agilioribus non multi hoc involvuntur malo, nisi vel alvus sit segnior, vel diarrhææ & lienterix, pravo consilio, adstringentibus subito tollantur. Plebeji & alii sacris medicinæ non satis initiati, causam contabescentiæ hujus in vermiculos capillares, quos Henricus Varenius aliique crinones vocant, conjiciunt, quasi illi alimentum infantium, quos infestant, absument, adeoque maciem inducant. Conf. Schenckius *l. 5 observ. 188*. Nonnulli aliud quoddam vermium genus in hac atrophîâ cachecticâ, accusant, quos inter est Brenggerus *in epist. ad Hæchstetter. Plater. l. 3 prax. c. 13*. Olevianus ap. Reusn. *obs. 97*. Sultzberger ap. Sennert., confer etiam Camerar. *Cent. memorab. Med. XII*. Sed in nostris illis (s) manifesta satis contabescentiæ causa est obstructio ductuum lacteorum & glandularum, viscerumque glanduliformium lenta ac viscida, hinc autem necessariò reliquum corpus debito sibi alimento defraudatur, ac ad tantam redigitur maciem. Huic theoriæ innixa praxis, nisi malum prorsus inveteratum sit, læto exhilaratur eventu. Consuevimus ferè hîc in usum vocare tinct. mart. aperitiv. vitriolatam, arcanum duplicatum, inducti exemplo Cl. Daniel. Ludovici *in Ephem. Germ. Dec. I. ann. 3 p. 389*. Dedimus etiam aliquando crocum mart. aperitivum, c. tartar. vitriolat., nitrogiato, eodem consilio ad removendas obstructions, & eodem etiam eventu. Molimina plebis nostræ ac chirurgorum heic recensere non vacat, cum satis nota sint, & antiqua, & ab aliis luculenter descripta. Loco omnium evolvi potest Celeberr. Polyhistoris, Collegæ quondam nostri, Welschii eruditissima exercitatio *de vermio. capillarib. infantum §. 12*. Hoc unicum tantum addimus, apud nos extra dubitationem positum esse, quod subinde infantes à vermiculis sub cute in artubus & præcipuè dorso infestentur, atque ab his interdum

(s) conf. Castig. Grabner. p. 41.

dum vigiliæ, pruritus & corporis extenuatio oriantur, id quod luculentè docet observatio Medica Celeb. Lipsiens. Medici Ettmülleri in *Act. Erud. Lips.* ann. 1 p. 316. Verùm hoc malum non adeò frequenter apud nos observatur.

Opem quoque nostram quidam hæmoptoici præcipitante *Hæmoptysis*. mense hoc implorarunt, & notavimus, quàm facile vulgari errore rejectio quævis sanguinis per os, hæmoptysis credatur. Lommius *lib. 2 Medicin. Observ.* rectè quidem ait, sanguinem spumantem ac floridum, ex intervallo per tussim sine dolore eductum, è pulmone ferri, &, ut errores evitentur, providè notat, eum, qui faucibus & gurgulione fluit, screatu; qui ex ipso ore, sputatione; qui ex ventriculo, vomitu; qui ex gutture, tussiculâ pelli; Enim verò nondùm sufficere hæc, ex praxi ipsa docti sumus. Illo, de quo modò loquimur, tempore non rarò cum materiâ catarrhali ad fauces stillabat sanguis, cujus rejectio screatum & sputationem ac ipsam tussim conjunctam habebat. Hunc enim affectum ut ab hæmoptysi discerneremus, sollicitè attendimus ad signa illius, quæ Thiermairius *lib. 2 Consil. Med. c. 6 in Schol. p. 84* recitat, ita scribens: *Signa hujus affectûs (sanguinis excreti à capite manantis) sunt dolor & gravitas capitis, faciei rubedo, sanguinis, qui per nares excerni solebat, interceptio, respirationis facilitas, catarrhi à capite repleto frequentia, subinde acrimonia, tussis non magna, screatio tussi frequentior, sanguis excretus non adeò copiosus, non floridus;* quorum pleraque ita se habere, loquitur experientia. Paucos reverà vidimus sine noxâ evasisse hæmoptoicos. Vir in florida ætate constitutus, cum impetu copiosum effundebat sanguinem, & purpuream tandem evomebat animam; Aliqui in lentam tabem & phthisin prolapsi sunt. Adeò verum est Ovidianum illud:

*Cernis, ut è molli sanguis pulmone remissus
Ad stygias certo limite ducit aquas.*

Quod pulcherrimè Magnif. D. Præses noster in *Schol. ad Observ. 66. D. Helwicii p. 220* huc trahit. Eò in curâ collimarunt nostra consilia, ut quantocyus fluxum illum compesceremus, nisi fortè pleuritis eum comitaretur, in quâ periculosa res alex est fluxûs illius inhibitio. Hinc adstringentia & opiota non pauci svadent. Nos, quantum fieri potuit, adstringentia & repellentia, ut & opiota cruda vitavimus. Si durum illud telum necessitas aliquando ad adstringentia propinanda nos compulit, ex usitatoribus illis, Usneâ cran. hum. Sperniola Crollii, tinct. terr. catech., corall. stypticâ, antiphthis. Mich., croc. ♂., pro variâ subjectorum dispositione, modò hæc, modò alia adhibuimus. Re-

spon-

spondit votis nostris & ægrorum etiam lapis hæmatites in tenuissimum pol-
linem contritus, & c. ▽. plantag. l. burs. pastor. sæpè transfusus & colatus,
immixto convenienti syrupo, quâ in re præeuntem secuti fuimus Forestum
lib. 16 obs. 17. Species quoque confect. de hyacinth. aliquoties profuisse vi-
dimus. Semen hyosciami albi in dosi exiguâ interdum reliquis interpolatum
non est rejiculum, si autem vel in dosi excedas, vel continuò adhibeas, ægrum
tuum stupidum reddes. Junximus hisce resolventia eo fine, ut extravasatum
sangvinem discuteremus, ne fortè pulmonibus impactus, exulcerationis eo-
rundem causa evaderet. Uterque & adstrictionis & discussionis scopus vide-
tur propositus fuisse Sylvio in concinnandâ formulâ, cujus descriptionem
communicavit *l. 1 prax. c. 9 p. 173.* Addunt his tertio etiam consolidantia
& vulneraria, quibustamen rarò ob adstrictoriam eorundem virtutem utimur,
nisi fortè æmula sint ejus, quod extollit Jacob de Maphæis, decocti ex vero-
nicâ, hederâ terrestr., quod cum unc. duabus succi plantaginis in jure galli-
næ commiscet. Laudem eo nomine merentur etiam fol. alchimill. c. aristol.
odâ. Centinodium maximè æstimare Cl. Wedelium novimus. In istum
censum porrò referri possunt tussilago, consolida, pyrola, & ex experientiâ
Cratonis nostri etiam chamædris. Scordium contra putredinem egregiè mi-
litare, vel in vulgus innotuit. V. S. c. D. Grassio celebrat D. Preussius, eique
foli malum hoc cessisse, cognitum habent. D Helwich recordatur, se illo tem-
pore in consilium adhibitum ab aliquo fabro murario (qui in hæmoptysin in-
cidens, nescio ad quem medicaltrum confugerat, & per biduum jam spiritu
vitrioli non edulcorato usus fuerat) cùm tertiâ die sangvinem floridum spu-
mosum cum tussi, quam præcesserat difficilis respiratio, rejiceret, ad illum ac-
currit, sermone ad tempus, propter effluxum sanguinis durantem, initio im-
peditus, tandem balbutiens, quid actum, exponit. Responsum fuit venam
aperiendam esse; obtemperabat hæmoptoicus, sed ex venâ ritè pertusâ pa-
rùm sanguinis effluxit, unde ad alia discedendum fuit. Et tùm quidem pri-
mâ vice virtutem nitri in compescendâ hæmoptysi experiri voluit, deditque
majorem consuetâ dosin, ac præsens & efficax ex usu ejus auxilium admira-
tus est. Animus hinc ei additus tentandi etiam in aliis virtutem nitri, in si-
stendâ hâc excretionem sanguinis, ac illam ubique maximam, etiam in conju-
ge, ex eo malo per intervalla jam ab octo annis laboranti, deprehendit. Oc-
casio verò cognoscendi hanc nitri vim, ei se obtulit in sacerdote Soc. Jesu, ni-
mio hæmorrhoidum fluxu, æstu vago aliisque symptomatibus fatigato. Huic
cùm varia adhibita essent medicamenta, tandem ad ebullitionem sanguinis do-
mandam pulvis nitrosus præscriptus est, ex usu hujus fluxus imminutus, & cum
pul-

pulvis iteraretur, prorsus etiam cohibitus est. Posthâc in immodico mensium fluore, cæteris non proficientibus, imò & nimia lochiorum evacuatione expectationem vicit. Tandem etiam cupido incessit explorandi, quid nitrum in sedandâ hæmoptysi possit; ac etiam in hac domandâ, luculentè admodum cæteris non omissis, virtutem exeruit. In sinu itaque gavissus est, cum Celeberr. Stahlium Prof. Hallens. in *Obs. Chymic. Physic. Medic. Curios.* p. 464. consentientem sibi inveniret. Viri istius Verba hæc sunt: *Salvâ sc. veritate asseverare possum, quòd numerosis hæmoptycis, drachmâ dimidiâ, scrupul. duob., ad drachmam integram nitri, per vices opportunas exhibiti, ita efficaciter subvenerim, ut coërcito, quicumque suberat, sanguinis orgasmo, non modo citissimè, sed etiam constantissimè cessaverit eruptio, atque fluxus.*

Non paucos quoque malum hypochondriacum torquebat, *Malum hypochondri-* solitis stipatum symptomatibus. (u) Quibusdam distenta erant *acum.* hypochondria ac tumebant, non sine dolore pulsatorio, subinde etiam gravativo, impeditæ circulationis indice, qui non rarò ad ipsum dorsum vagabatur. Vidimus etiam videlicet in corporibus exsuccis & strigosis, in hypochondriis maculas scorbuticas varii generis. Ventriculi concoctio per langvida satis erat, cruditisque ejus soboles, ructus, crebrò infestabant. In ore tædium pariebat sapor aliquando salus, nonnunquam nitrosus, sæpè acidus, rarò dulcis; sputatio crebra notabatur. Nullus tamen nostrum quenquam curavit, qui, ut ille apud Sennert. *lib. 2 Institution. p. 3. s. 1. c. 4.* mille ructus unâ die emisit. Fuere verò hi ructus ut plurimum acidi, cujusmodi hypochondriacis familiares esse consueverunt; teste etiam Foresto *l. 10. obs. 13 in Schol.* Vomitus quibusdam statò tempore revertebantur, hodieque superest, qui ad exemplum monialis illius apud Gvilielm Fabric. Hildan. *Cent. 4. obs. 32.* continuis obstructionibus obnoxius ferè quotidie ingesta revomit, nullis proficientibus remediis. Nec aberant inflationes *Βορβορύμοι* ac ejus generis rugitus, quos Comes ille apud Montan. *consil. 229* perpeßus dicitur, ac novit D. H. adhuc hodie foeminam in sterili conjugio viventem, quæ ob perpetua illa intestinorum murmura pertinaciter inhæret iis cogitationibus, quibus quondam indulsit ancilla in nosocomio Torgensi, de quâ Brunner. *Cons. 7* testatur, eam credidisse, in ventre ranas se habere. Alvus omnibus segnis, medicamentis sui officii admonenda erat. Scybala viscida, & in uno alterovè caprarum excrementis haud dissimilia, non tamen meminimus nobis obvenisse, qui Lipsianis illis analogâ rejicerent. Pollicem iis premere neutiquam possumus, qui lienem vel indurari, vel in tumores in hoc

D

male

(u) conf. *Castig. nostra Grabner. p. 44.*

malo attolli, præfractè negant; nam ferè omnes in quibusdam hypochondriacis duritiem in regione hæc, circa lienem, in aliis elevatiorem tumorem, qui proximè accedit ad eum, quem descripsit Fernelius *Consil. 43.* & Trincavell. *lib. 3 Consil. 44* deprehendimus. Anxietates præcordiales, cordis palpitatio- nes, vertigines, pavores in somno, terrificis insomniis interturbato, aurium tinnitus, dolores varii, ea sunt mala, quæ pressio pede morbum hunc confir- matum sequuntur, & multoties nobis occurrerunt. Urinæ fabulo tartareo refertæ sunt. Glutinofam quoque ac partibus viscidis & crassis scatentem vi- dimus, ut & in plerisque similem illi, quam describit Highmorus *tract. de affect. hypoch. c. 1.* Pulsus in plerisque languidus & intercisus, ac à non ne- mine nostrum in corporis sui partibus illis observatus, in quibus aliàs ordi- nariò percipi non solet, cuius generis exempla etiam alii auctores, Cæsar. Clau- din. *Consult. 35. 46. 47.* Hieronym. Mercurial. *tom 2 consil. 11.* Salmuth. *cent. 1. obs. 46.* aliique recitant. Æstus vagi indivulsi quoque mali hujus comites. Præclarè etiam Luchtenius & Lælius à Fonte observarunt in nonnullis corporis membris motum quendam veluti viventis & hinc inde discurrentis, id enim in consummatis hypochondriacis plus vice simplici à nobis animadversum fuit. Molimina hæmorrhagias comitantia hæmorrhoidumque labores attenti Pra- ctici observationes effugere non possunt. Vivit adhuc ex ordine Augustinia- norum Strelæ sacerdos, hypochondriaco malo obnoxius, cuius, quod fidem ferè excedit, singulis diebus, per plures annos hæmorrhoides adeò copiosè fluunt, ut frequentibus lipothymiis etiamnum infestetur, macieque, cum me- dicamenta aversetur, contabescat. Olitor quoque aliquis, cuius hæmor- rhoides confertim sangvinem ejaculabantur, ad D. Grassium confugit, & in ni- trosi & martialibus medelam invenit. Asthma verò hypochondriacum ma- gis adstantes quàm Medicos terret, his quippe ignotum esse nequit, quod mo- tus thoracis & diaphragmatis respiratorius sangvinem in venis portæ, quem jure optimo hypochondriacum dixeris, commoveat, atque non sine evidenti utilitate ægrorum intendatur, hæc enim ratione sangvis in motu suo impedi- tus, ut ferè apud hypochondriacos est, iterum in circulum propellitur. Ar- gumentum hujus sententiæ non contemnendum est, quod exantlato paroxy- smi asthmatici labore, solitò sint latiores etiam ii, qui meticulositate insolitâ, quæ extra paroxysmum etiam aliàs ordinariò adest, risum aliorum provo- cant, insignem, nisi per paroxysmum onere aliquo liberari essent, necessariò percepturi, ex motu hoc terroris pleno, langvorem. Cujus rei duo vidit D. Helwich exempla in sectatoribus instituti religiosi, qui cum nocturno tempo- re, ex metu suffocationis ad captandum liberiores aërem, ex lecto exiliissent, post

post aliquot horas, anxiis illis evoluti laboribus rarâ lætitiâ apud ignaros suspicionem simulati morbi vitare non potuerunt. Tàm numerosa symptomatum cohors debellata à nobis variis modis fuit. In eam verò maximè curam incubuimus, ut spissos attenuaremus humores, obstructionum authores, non unâ etiam hîc ingressi viâ. Quidam laudant nodulos ex rad. ari, caryoph. kelen. pimpinell. helleb. nigr. ex fol. & herb. absinth. agrimon. ceterah. chamædr. chamæpyt. chelidon. min. marrub. alb., capill. ♀, fl. & summit. bellid. bugloss., genist., cent. min., sem. dauc. coriandr. nigell. & aromatibus temperatioribus. A nonnullis martialium virtus laudatur. Sunt etiam inter nostros, qui multum tribuunt pilulis, quas ab Autore Becherianas vocant. Palmam verò dubiam faciunt omnibus cautè adhibita salina urinosa volatilia. Myrrha quoque & crocus eximie profuerunt. Nec mixt. S., quam Clarissimus quondam Döringius noster alicubi mixturam Grasbeci vocat., planè indigna est elegio, quod meminimus ei à Tenzelio in Exegeſi Chymiaticâ tributum, in perfrequenti certè nobis usu fuit. Non horruimus quidem etiam ægris nostris propinare elix. splen. Michaël. antihypochondr. Mœb. aliorumque, neque tamen habemus, quod prolixè in laudem eorum scribere possimus. Quicquid verò egeris, curam vix ac ne vix citra usum subadstringentium feliciter absolves. Et hic quidem non est, cur Practicus alia, præ tinctur. vitriol. mart. tartaris. D. Ludov., nobis certè expertissimâ, sollicitè desideret. Ultra omnem sanè ista laudem posita est, nec, quantum scimus, ullum aliud par sibi habet medicamentum.

Illucescente Martio turmatim Scabiosi nobis occurrēbant *Scabies* curandi. Varia quidem Scabiei genera isto tempore vidimus, ac in bibliopego quodam, qui olim in Sveciâ vixerat, frustra deformitatem mali mortui, quod crustam nunquam antè sibi visam, in tibiis adjunctam habet, tollere fategit D. Helwich. Sed differentias istas prosequi, nostri non est instituti. Humidiorem ferè in sanguineis & phlegmaticis, ac in illis ad suppurationem tendentem, in his verò ad œdematosos circa extrema tumores proniorem, è contrario sicciorem in Cholericis & Melancholicis etiam observavimus. In senibus difficulter tollebatur, & vivunt adhuc quidam ab eo usque tempore his stigmatibus deformes. Hinc non sollicitanda fides Foresti, qui *lib. 5 Observ. Chirurg. XI* recitat de Scabie per 9 annos durante exemplum; at verò Tackii illud prognosticon, si senes teneantur insolitâ scabie, proximè secuturam mortem, fallit. Fallaci ratiocinio nititur communis traditio, quòd pueros à variolis & morbillis præservet scabies, non verâ experientia, quæ nobis multa in contrarium suppeditavit exempla puerorum,

scabie infectorum, qui, turpi hâc larvâ vix depositâ, personam alteram illam induerunt, ac in castris variolosorum militarunt. In medendo ipsam naturam, ut par erat, ducem secuti, quæ ab interioribus visceribus ad exteriora impuritates has detrudit, blandis diaphoreticis institimus. Miscuimus verò Rob. sambuc. c. ꝯ. d., bezoard. miner., martial. & syrup. card. ben., aut fumar., interdum etiam tinct. bez. dedimus. Quibus res angusta domi, iis evporiston ex decocto feri lactis c. fumar. satisfecit. Vulgus barbitonorum & balneatorum decocta lignorum sine discrimine ægris obtrudit, cum cholericis scabie pruriente & siccâ afflictis malum exasperent. Vesperî pulverem absorbentem ordinavimus, ut hâc viâ salinam acredinem domaremus. In expellenda scabie sulphur commune c. succino mistum specificam obtinere vim, non immeritò creditur. Scimus purgantia à multis tanquam necessaria svaderi, imò eorundem iteratam præscriptionem à Joële & Barbette urgeri, quia tamen hoc pacto à peripheriâ ad centrum inquinamenta revocari satis constat, iis fere abstinuimus, nisi primæ viæ ex diætæ erroribus essent impuriore, in quo tamen casu lenioribus ferè usi sumus, iisque merc. d. iunximus. Ex metu eorundem malorum parcè diuretica præscripsimus, præter nitrosa, quæ & refrigerant & acrimoniam demulcent. Nec V. S. celebravimus, nec cucurbitulas scarificatas, quas à Thonero laudari scimus, frequenter apponi iussimus, tametsi aliàs sententiam Rhodii in *Analectis ad Septal.* non per omnia probemus. Deinde corpore ritè disposito ad inunctiones descendimus, ubi ferè semper mercuriales nobis in usu sunt. In robustioribus Adipem porcinam c. mercurio s. q. terebinth. ext. ad præscriptum Wedelii in *Amænit. Med.* ordinavimus, in aliis mitioribus usi sumus. Nostri pharmacopæi plebi ut plurimum vendunt sequens unguentum:

℞. Terebinth, lot. ℥. ij.

Butyr. Majal. ℥. iiij.

Sulphur. citr.

Rad. Pimpinell.

Aristoloch. Od.

Bacc. laur. aa. unc. j. semis.

Alumin.

Ceruss. aa. unc. β.

Cer. citrin. ℥. j. M. F. l. a. unguent.

Hoc, aut potius mercuriali unguento manè & vesperi carpos manuum, tarsosque pedum inungi moderatâ quantitate iussimus, & scabiem aliis sæpè incurabilem intra mensis spatium abegimus. Ad remanentem subinde cutis aspe-

rita-

ritatem olei tart. per deliquium efficaciam cognitam habemus. In delicatioribus unguentorum mercurialium spurcitiem & nidorem ferre recusantibus D. Helwich tinctur. antiphthific. D. M., à cujus interno usu abhorret, optimo cum successu non semel adhibuit. A scabie intempestive, ut subinde consilio muliebri & Medicastrorum fit, repulsâ & mortem ipsam consecutam cum Amato Lusitano *l. 2 Curat. 33.* & quæ hanc minantur, gravissima symptomata, palpitationem cordis, epilepsiam, cardialgiam, confer hîc Schenckium *l. 1 Observ. 99.* & febres vidimus, ut de vomitu, diarrhæis &c. nihil dicamus. Duplici autem modo hic peccari in curâ solet. Nam à non paucis intentio ad subigenda symptomata, horum causâ ferè neglectâ, dirigitur, malo ut plurimum eventu. Aliis contra, cum sciant totius negotii cardinem in eo verti, ut inquinamenta iterum ad superficiem corporis ejiciantur, solenne est, impetuosiora sudorifera in usum vocare. Regiâ illi, nostra multiplici experientia, incedunt viâ, qui, quantum ejus fieri possit, interiora viscera ab ulceroâ corruptione præstant immunia, symptomatibus cautè pessulum objiciunt, & mitioribus diaphoreticis ferè sine regimine exhibitis recrementa retropulsa blande revocant. Frustra ferè hîc speratur auxilium, nisi mercurio supplicetur. Ethic quidem D. Helwich. *mercur. d. scrupul. 1.* in robustioribus c. lap. 69. exhibet, & post dies aliquot eandem repetit dosin, interponendo diebus intercalaribus usum mixturæ alicujus diapnoicæ sæpè etiam solius essentia scorpii saturatoris; In infantibus, quorum genus nervosum, cui vulgò mercurius creditur esse inimicus, debilius est, monitis Ludovicianis sese conformat, & numero annorum grana mercurii attemperat, sed iterum sine stimulo purgante, ubi verò iterum scabies denuò prorupit, facile est, eam tactâ ante methodo, si non citò, tutò tamen perfanare.

Circa idem tempus non paucos molestissimus tantum non exanimabat pruritus, præprimis senibus & cœlibibus gravissimus fuit, ac inter hos hominibus siccoris constitutionis. In hac nostrâ civitate non deprehendimus vera nota illa mercurialis: Repetita purgatio & sanguinis missio sola curavit pruritus, ut ego sæpissime sum expertus. Præmissimus tamen & nos epicerastica. Cucurbitulis scarificatis, quæ dorso, scapulis, humeris, femoribus applicantur, multi confidunt, & in succulentioribus aut huic remedio assyctis, omnino earum usus eximius à nobis spectatus, sed in strigosis illis corporibus nullum effectum commendabilem cernere licuit. Ex usu diaphoreticorum & decocti lignorum, pruritum ad lipothymiam ferè auctum vidit D. H. hinc suspicatus, quod ichorosi halitus hydroticorum usu ad ambitum corporis in majori copiâ propellantur, & acredine suâ plures molestias scalpulentibus digi-

tis faciant. Præpollent hîc aliis medicamentis nitrosa & diuretica saponaria, quæ falsas & acres atomos ad vias urinarias deducunt. Laxior lactis cura nonnullis etiam levamen attulit, ac magis ipsum lactis serum virtutibus alterantium quarundam herbarum imprægnatum. Balnea aquæ dulcis afflictos egregiè solabantur. Nostra methodus hæc fuit: Dedimus manè pulverem nitrosi, aliis debilibus etiam spiritum nitri dulcem in larga quantitate in infuso quodam propinavimus, circa noctem verò emulsionem dedimus.

Primus Aprilis dies nobis serenus illuxit & calore suo Veris delicias sperare iussit. Non diuturna tamen hæc nobis felicitas fuit, nam nebulae & pluvia à meridie primis diebus nobis gratum Solis aspectum ad breve tempus ademerunt. Qui secuti dies vernali tepore ad plenilunium omnia brumali aurâ quasi rigentia blandè vegetabant. Deinde Coelum varium erat, interdum ferenum, interdum nebulis obductum, nimbos ac pluviam in nos effundebat. Majus, quo alias omnia rident, & est formosissimus annus, nebulis, pluviis & ventis, si paucos amœniores dies excipias, rigidus erat. Est verò Silesia, ut bene Doctissimus Schwenckfeld in *Geographica Silesiæ delineatione, catalogo stirpium & fossilium præmissâ*, notavit, ventis præcipuè aquilonaribus & occidentalibus exposita. Cum verò hi corpora nostra graviora reddant, eos non immeritò cum Horatio dixeris plumbeos, & reapse experti sumus, quantum vigorem nostrum tùm temporis depresserint. Junio iterum amœnior ac serenior aër, cujus jucunditatem etiam vergente ad finem Majo degustaveramus, comparuit, neque tamen ad finem processit sine imbribus, quorum iram proximi Vratislaviæ accolæ perruptis aggeribus gravem, cum damno sanitatis & facultatum, experti sunt. Grassabantur apud nos eodem tempore morbi plerique ab Hippocrate enumerati, ubi de morbis vernalibus ei sermo, furores, inquam, melancholiæ, epilepsiæ, fluxiones sanguinis, anginae, gravedines, raucedines, exanthemata varia, & articulorum dolores, ac, quas reliquis morbis meritò addimus, febres intermittentes, quæ tùm in scenam prodibant. Non fert nostrum institutum, ut fusè edisseramus, quomodo Ver morbos hos pariat. Scimus non esse ad genium & palatum seculi nostri, illa Hippoc. lib. de natur. human. verba: *Ceterum vere pituita adhuc fortis in corpore manet, sed sanguis augefcit; nam & frigora remittunt, & imbres superveniunt. Sanguis autem juxta hæc augefcit ab imbribus videlicet, & calidorum dierum tepore. Hæc enim anni pars maximè juxta naturam ipsi competit, ut quæ calida & humida existat*; scimus, inquam, hæc à receptis nostri seculi dogmatibus discrepare, neque tamen, quia æquum pretium & laudabilibus neoreticorum inventis & solidæ veterum experientia ex ipsâ pra-

xi statuere didicimus, Hippocratica illa, si cordata accedat interpretatio, nigro notanda lapillo arbitramur. Nam nimis manifestum est, sanguinem in hominibus attenuari & corpora fieri plethorica tempore vernali, & hæmorrhagiæ, quæ tam frequenter Practicis circa illud tempus negotium facessunt, vel invitis hoc persvadent. Hyeme verò & sub ingressum veris, sanguinem esse viscidiorē, ac pituitâ redundare, non uno constitit hætenus experimento, ac cum primis memorandum illud doctissimi Glissonii, varia animalium jecinora fecantis, ut omnibus numeris absolutam orbi literato daret Anatomiam Hepatis, quâ deprehendit obstructions & tumores in boum jecinoribus tempore brumali non aliunde sanè nisi à lentore & visciditate sanguinis ortum ducentes. Utroque itaque oculo ad illam humorum constitutionem intenti, ægris Medicinam fecimus, ac in præservandis aliis, non tritâ empiricorum semitâ, qui sine discrimine omnes purgantibus & V. S. tractant, incessimus.

Verum ex re erit, frequentiores ejus temporis morbos, cum præcipuis symptomatibus recensere, & rationem modumque curandi, à nobis observatum, breviter subnectere.

Converterunt verò eo tempore oculos nostros ad se hæmorrhagiæ, ac docuit nos attenta consideratio, quòd verâ & solidâ experientiâ nitantur, quæ solertissimus Hallensium Practicus ac Professor D. Sthalius passim monuit. (x) Nam omnino ætate puerili, & adolescentiæ sanguinis excretiones è naribus, & his non succedentibus, dolores capitis tensorios vidimus. Hæmoptyses verò præsentē plethorâ, aut varia circa pectus incommoda, cessantibus præprimis antea consuetis narium hæmorrhagiis, juvenibus magis familiariter evenere, quemadmodum vomitus cruenti, aut non unius generis pathemata circa venam portæ viris & fœminis, vitæ sedentariæ deditis, acciderunt. Paulò annosioribus hæmorrhoidales depletiones solenniores fuere. Et sanè motus varii circa splenem, colici dolores, flatulentia, tenesmi, &c. &c. mala, tota die in praxi occurrentia, in isthac ætate eruptionem hanc partim moliuntur, partim comitantur, quod toties totiesque observavimus, ut de doloribus ischiadicis, podagricis, varicibus, nephriticis stasibus & inflammationibus, ulcerationibus, quæ impeditiorem motum sequuntur, jam non loquamur. Mictus cruenti exempla, & in muliere circa quadragesimum annum, & in Illustris dignitatis Viro circa 65 habuit D. Pauli. Cæteroquin affectus ille apud nos rarior. Circa loca illa corporis, quibus sanguis erumpit, ab eodem ingeniosissimo Sthalio moniti, spasmodicas pressiones,

(x) conf. *Castigation. Nostræ Græbnerian. p. 54.*

siones, sanguinis congestionem, vasorum & pororum tensionem atque turgentiam, cum sensu ardoris, lancinationis & pulsationis, facile fuit dignoscere. Et, ferè ad ejus mentem, curam felici cum successu instituimus. Violentioribus vero sanguinis depauperationibus, efficacissimis, quantum in nobis fuit, remediis occurrimus. Et sanè nisi id fiat, pressio pede, præter languorem, partium porosarum subsidentiam ac duritiem, humorum dyscrasiam, in gracilioribus contabescencia, in laxioribus corporibus tumores oedematosi, & illud Medicorum scandalum hydrops consequuntur. Omnibus verò præfatis malis repentinum ab usu validiorum adstringentium augmentum accedit. Insolita uteri hæmorrhagia eodem vere Septuagenariis proximas, quæ nullo remediorum genere cohiberi potuit, in mortem præcipitavit. Præcedebant hanc sanguinis effusionem, observ. D. Helw., tormina, qualia dysentericis dejectionibus præludere siveverunt. Fabula hæc in duabus per tres septimanas spectabatur, ejusque Epilogus, prostratis viribus omnibus, ultima viventium meta mors.

Febres Inter- Sed his missis, genium intermittentium febrium illius tem-
mittentes. pestatis describemus. Præcurrebant illam pandiculationes & oscitationes, torpor & corporis gravitas, extremarum partium frigus, cutis aspera, & cum nescio à quo Authore mentionem corrugationis scroti & mammillarum palloris injectam in historiâ febb. intermitt. nonnemo nostrum recordaretur, & sciscitaretur ex ægris, an res ita se haberet, affirmatum illud fuisse testatur; Pulsus debiliior, sed aliquanto frequentior. Tempore exhorrescentiæ hæc cernebantur symptomata; crescebat cum pallore frigus, ac illi, qui valido horrore concutiebantur, sub finem frigoris ferè vomebant, in quibus verò rigor major erat, iis alvus liberior fluebat. Non adeò diu frigus durabat. Infestabat plerosque respirandi difficultas, pectoris constrictio, anxietas præcordialis, & pulsus ferè exiliior erat. Sub declinationem frigus & calor alternabant. Nonnullis etiam lacrymæ injussæ manabant. In æstu aderat corporis calor & jactatio, capitis dolor, æstus & pulsatio, vigiliæ, subinde deliriâ, totus habitus corporis calidus. Vultus rubore suffusus, lingua scabra, intensa sitis, urina saturatior. Quibusdam etiam purpura, seu excretionem miliari pingebatur cutis. His molestus erat pruritus in toto corpore. Elevabantur & extuberabant pori cutis cum rubore, instar cutis anserinæ & sensim longius longiusque serpebat malum, donec totius fere corporis cutis exhiberet vesiculas, quales ab inustione urticæ sentiri siveverunt. Corripiebantur verò maximâ ex parte mulieres, quarum serum ad effervescentiam pronum. Typus harum Febb. non unius generis erat. Nonnullis paro-
xyfmi

xyfmi omni die, aliis tertio quovis molesti erant. Curati quoque à nobis, quibus quovis die duo paroxyfmi erant superandi. Nec infrequentes tertianæ duplices, in quibus paroxyfmo primo non respondet secundus, sed tertius, secundo quartus, tertio quintus, quarto sextus, atque sic consequenter, ita tamen, ut non tantum tertio die, sed & intercalari febricitent. Semitertiana paulò quidem rarior, at non prorsus defuere, qui omni die quidem febre corriperentur, sed tertio quovis die duorum paroxyfmorum impetum sustinerent. Vigebant quoque febres erraticæ, quæ incertis recurrebant diebus & horis. Ambigui hæremus, an in censum febb. intermittentium referri debeant etiam illæ, quæ contra communem intermittentium indolem tragœdiam à calore satis intenso auspicabantur, cujus generis febrim, nisi fallimur, etiam Cl. Will. *lib. de febb. 3* describit. Et certè continuitatis ejusmodi febres nobis suspectæ fuere, nam ut ait *ἀνρυπεξία*, quæ initio adesse videtur, genium intermittentis redeat, langvor tamen satis magnus pulsus aliqua agitatio & cætera symptomata continuitatis opinionem confirmant. Eadem ferè nobis mens est de illis, quibus malignitas conjuncta est, & tamen remissione quadam non carent, quas etiam Vratislaviæ vidimus. Scimus à Præclariss. Medicis Petro Salio Diverso, P. Neucranzio de Purpurâ, Sennerto nostro, Simon. Pauli digressionem de febb. malignis, Rhodio ac aliis hujusmodi febres in classe intermittentium poni. Nos utut Summorum Virorum experientiæ minimè detractum imus, nec nostri Seculi mores hæc in re imitamur, ingenuè tamen confitemur, nobis verisimilius videri, id genus febris referri ad continuas oportere. Et sanè doloso intermissionis cineri primarum dierum suppositum fuisse ignem continuarum, elucet ex eo, quod sequentibus exacerbationem quidem caloris & symptomatum, non item veram remissionem observare liceat. Placide tractavimus febres. V. S. non usi sumus, imò testimonium perhibere iis possumus, qui tertianam simplicem, adhibitâ V. S. in tertianam duplicem degenerasse scribunt, quod & nos illud, quamvis non frequenter, observaverimus. Vomitoriorum, tempore intermissionis, frequentior usus, ac in tertianis cum vomitu tempore inhorrescentiæ conjunctis singularem emetici, die intermissionis eâ ferè horâ, quâ præcedenti in paroxyfmo vomitus secutus fuerat, virtutem, materiâ existente mobili, multis nominibus D. H. celebrat, ratus hæc methode facilius febres intermittentes debellari. Nec Purgantia fuere neglecta, sed præparatâ materiâ, vel in principio statim, vel præsentibus in urinâ signis coctionis, cum levamine ægris imperata fuere. Quoniam verò hæc febres focum habent in primis viis, ventriculo, intestinis, vasis mesaraicis, ac ipsa natura incidentia postulet, his institimus & exhibuimus infusa ex rad. ari, fu-

mariâ, absinth., centaur. min. Chamap. card. ben. scord. &c. Plebs etiam
 in piperis laudes non vanè excurrit. Oleum piperis nigri commendat An-
 dernacus, Penotus & alii. Et hoc cum Oleo caryophyllor. & tantillo campho-
 ræ remixtum constituit oleum antifebrile D. Wedelii. Palmam autem omni-
 bus præripiunt salia digestiva, tartar. vitriolat. arcan. duplic. sal. lixiv. absinth.
 centaur. min., card. bened., aperitivum &c. Hæc enim cum in universum
 acria sint, incidunt, dissolvunt pituitam & reluctantur acido. Non multum
 verò in seligendis illis scrupulosi fuimus, gnari, quòd, ubi ignis injurias diu to-
 leraverint, ad idem penè redigantur ingenium, nam non tantum juxta obser-
 vationem Clar. Redi, post plures & violentas ustiones & purgationes, omnia
 abeant in cubos, sed &, si crebrò ustulentur, crebrò dissolvantur, abeant in ter-
 ram albam insipidam, retusis omnibus salinis aculeis. Certè horum Salium
 tanta est efficacia, ut Doctiss. Conringius, qui alias Paracelsica minimè omni-
 um sectatus est, se ad discutiendas febres felici successu jam à 40 annis lau-
 dasse, & virtutem eorum mille experimentis sibi innotuisse testetur. Addi-
 dimus iis præprimis post aliquot febrilium paroxysmorum decursum subinde
 ex præcipitantibus, talemque pulverem aliquot ante Paroxysmum horis exhi-
 buimus, & ab usu ejus non rarò vomitus minimè violentos, in præcedenti-
 bus paroxysmis non visos provocari novimus. Ejusmodi antifebrilibus in
 exanthematicâ intermittenti febre sociavimus antiscorbutica. (y) In con-
 tumacioribus febribus, reliquis debite præmissis, tandem ad usum corticis
 Peruviani descendimus. Exhibuimus illum ferè in substantiâ, ac invaluit apud
 nostros mos, ut in formâ Electuarii præscribatur. Essentia ejus segnior est.
 Non ignoramus, quondam vino albo fuisse infusum, ac ægris propinatum, &
 novimus, id alibi hodiè adhuc fieri. Antimus Conygius seu vero nomine
 Honoratus Fabri, ut apparet *ex tract. 10 Physic. p. 482. in fine* in Pulvere Peru-
 viano vindicato, *p. 40. docet, generoso vino, eoque albo diluendum esse,*
& macerandum, ut vis illa vini altè penetrans corpuscula in corpore latentia
educat, ac in meatus arteriarum & venarum, factâ quasi viâ secum vehat;
 Sed, ut nihil dissimulemus, rarissimè in hac formâ spem expectationemque
 implevit. Dedimus hoc specificum antifebrile tempore intermissionis, non
 immediatè ante paroxysmum, ac regimen calidum, vinorum & cardiacorum
 generosiorum usum severè prohibuimus; Paroxysmo à corticis usu, ut ferè
 fit, imminuto, ægris continuationem ejus svasimus, quamvis eum primâ vice
 exhibitum vehementior paroxysmus ut plurimum excipiat. In nonnullis
 diaphoresin excitat, in aliis largiorem limpidaæ urinæ fluxum promovet. Se-
 cuta

(y) conf. Castig. Grabner. nostra p. 56.

cutæ aliquando etiam sedes sunt, optimo ut plurimum cum successu. In febribus cum inflammatione quâdam conjunctis, nunquam non noxium deprehendit D. H. In febribus etiam aliis calidioribus obscure remittentibus funestus fuit. Cum verò etiam aliqui Medici in Silesiâ adhuc hodiè in ejusmodi febribus corticem patientibus offerant, secuti Clar. Apinum & alios, non possumus non charitate proximi inducti & infelici experienciâ edocti, ab ejus exhibitione in febribus, quæ modò grassantur, dehortari, ne & conscientiam & famam maculent, quod sanè contigit Celeberrimo alias Lowero, Short aliisque, de quibus ille Medico-Mastix in tripudioso illo libro, qui inscribitur, *Ars curandi morbos per expectationem* p. 242. ita scribit: *Lower, Short aliæque ejusdem farinae Medici expeditissimam Chin-Chinæ virtutem febrium interpolatarum paroxysmos suppressendi animadvertentes, & hujus exhibitionem in febres continuas itemque eas, quæ malignæ dicuntur, transferendam, esse ratifuerunt. Et centenis aliquot patientum eum ignoranter & audacter administrarunt, de quibus febre verè continuâ torsis vix ullus evasit sospes, sed denati sunt omnes, præter eos paucissimos, qui aut validis constabant viribus, aut ebullitioni leviori, vel fermentationi diutius protractæ febris continuæ vel quasi continuæ, licet verè interpolate, ortum imputabant, cujusmodi audacia, temeritatis, & cum corio humano lusus eorum uterque pœnas luit, sumendo Chin-Chinam in febre continuâ ab helluatione & temulentiâ perenni ortâ, quæ nono l. undecimo die aut circiter utrumque è medio sustulit.* Cæterò quoniam in Paroxysmis vix præter sitim sedantia adhibemus, nisi, quòd in hysteriis aliquando fit, lipothymia infestet, quo casu ad antihysterica confugimus. Potum non negamus, modò non petant vel nimis calidum l. frigidum, &c. Hâc Methodo intra breve tempus febriles paroxysmos compescimus. Illas verò intermittentes, seu veriùs occultas continuas, quibus malignitas complicata est, frustrà quidem aliâ, quàm quæ malignis convenit, ratione aggressus fueris. Et ex nostrâ sententiâ eximiæ prudentiæ Medicæ est, etiam verè intermittentes, epidemicè grassanti aliquâ malignâ febre, illis, quæ ante memoravimus, alexipharmacis & bezoardicis oppugnare, nam id nisi feceris, oleum & operam perdes, ac vix ac ne vix impedies, quin æger tuus in prædominantem epidemicam prolabatur. Nobis quoque, ut obiter id moneamus, exploratum est, quod, quò magis increbescunt intermittentes, eò evidentius malignæ decrescant, & minorem edant stragem. Sed nos è diverticulo redeamus in viam. Intermittentes hæ, si empiricè suppressantur, facilè degenerant in pituitosis, in Hecticam, Icterus, omnium verò frequentissimè tumores œdematosos pedum pedissequos habent, qui signa sunt incipientis cachexiæ & hy-

dropis. Egregii usus hoc in censu sunt aperientia, incidentia, ac præ cæteris omnibus absinthiaca. Svadent alii diaphoretica, diuretica, & imprimis quoque purgantia. Doctissimus Crato noster extollit orbiculos ex rhabarbari extracto *Consf.* 257. in quibus tamen tantas deprehendere vires non potuimus. Melius se gessit fomentum ex vino, in quo solum absinthium ebulliit, quod quartanario idem commendat. Domesticum constituunt remedium radix altheæ & chelidon. minor. quas plebs omnibus tumoribus pedum promiscuè applicat. Aliquoties levamen attulerunt decocta herbarum partim emollientium, ut chamæmeli, meliloti, partim exsiccantium & discutientium, ut bryoniæ, urticæ, calaminthæ, &c. partim adstringentium, ut plantaginis, balaustiorum; Providè scil., prout circumstantiæ exigebant, pro ratione tumoris, miscuimus hæc vegetabilia & vel in vino, vel aceto decoqui curavimus. Hæc siquidem viâ duri tumores emolliri, humidi discuti & sicari, ac per adstringentia tonus pedum laxior commodissimè restitui ac mali humores excludi possunt. Præproperi tumorum retrocessus absque sensibili evacuatione lugubrem minantur exitum, rejecto nimirum morbifico humore vel in laticem sanguinis, vel nobiliores partes. Cæteroquin, quoniam post febrim etiam ritè curatam virium jactura superest, studiosè incubuimus in hoc, ut digestionem validam & sanam redderemus, appetitum acueremus, & languidum ventriculum solaremur vinò vel cerevisiâ virtute amarorum vegetabilium imprægnatis, perquam generosis hoc in casu remediis. Cibos præterea exptos & evchymos ac vini generosioris haustulum commendavimus. Rarius induci possunt nostri, ut, superatis febrilibus paroxysmis, evacuens, quod tantopere Sydenham, magis tamen post autumnales febres laudat, sibi à Medicis præscribi patiantur, rati, sibi esse humores corporis motibus febrilibus depuratos. Prohibuimus tamen, ne oleribus & fructibus horariis ad viscositatem augendam aptissimis, corpus distenderent, quippè gnari, quod in vegetioribus facillimè hoc fomite ignes febriles denuò accendantur.

Dentitio. Vehementius eodem anni tempore dentientes laborabant, neque in nostris his oris veritati consona sunt deprehensa illa Ronseï de hum. vit. princip. ubi dentitionem hyemè admodum dolorosam, mitiorem æstate, subitanèam autem & sine omni ferè dolore, vere pronunciat, cui adstipulatur, etiam Primerosius de morb. puerorum, quamvis alias in vulgus ferè notum sit, quòd quolibet anni tempore, alii magis, alii verò minùs excruciantur. Causa verò dentitionis istius magis dolorificæ, tempore vernali, inturgescentibus nutricum & ipsorum infantium humoribus, quærenda videtur. Nam dùm turgent humores, major affluxus sanguinis ad protruden-

dos

dos dentes excitatur, hinc pruritus major, dolor intensior, ac inflammatio febrisque vehementior oriuntur. Sciebant quoque pathemata *Epilepsia* in spasmodica, ac *Epilepsia* passim pusillorum corpora hoc mense *fantum*. torquebat, multosque jugulabat. Nihil non egimus, ut sævum hostem à cervicibus infantum abigeremus; Et multoties experti sumus, quantum in remediis inane! Eum tamen, quo divina nos bonitas beavit, subinde in curâ successum, ferè magnâ ex parte adscribimus accuratiori discussioni, an *Epilepsia* idiopathica, an sympathica esset? Et in hac quidem in pituita viscidâ & acidâ ex Clariss. Ettmülleri opinione, fomitem habente, resolventia, incidentia & modestè evacuantia omne ferunt punctum; opiata verò ut plurimum Parentum & Medici spem inflant, ac mox destituunt. Si quæ autem *Epilepsia* fontico alicui supervenit morbo, sicut cum omni morborum infantilium genere facile complicatur, illa tolli vix poterit, nisi per prudentem primigenii morbi therapeiam. In Idiopathicâ autem, quò te veritas, vix apparet. Richardus Medicus testatur Deum, (quò jure, quâve injuria, ipse viderit) quod nunquam cognitionem sufficientem habere potuerit morborum epidemicorum, conceptionis mulierum & febris quartanæ. His, nisi fallimur, jure optimo maximo addi potuisset epilepsiæ idiopathicæ notitia, quâ hodièque, nisi nobis blandimur, aut ab aliis glaucoma nobis obtrudi patimur, solidâ certè & accuratâ destituimur. Idiopathicam autem credimus & illam, quæ vel à terrore nutricum, vel irâ earundem, aut aliâ insigniori animi commotione pendet. Hic, qui arcana sua jactant, qui plenis buccis in specificorum suorum laudem declamant, ostendant præstentque se viros! Quantâ potuit industriâ & circumspèctione Collegium nostrum adhibuit nobiliora remedia, nec tamen parentum lacrymas, sæpè Parcas, ut unicus suis parcant, placare cupientes, adeò frequenter abstergere potuit. Ut plurimum etiam observavimus, quòd; cum nutricibus menstruæ purgationes, quibus ab initio lactationis ad tempus caruerunt, revertuntur, ferè ordinariò fugentes in *Epilepsiam* prolabantur, difficulter admodum curabilem. D. Helwich in *Epilepsiâ* cum paralyâ alterutrius lateris conjunctâ, quam aliquoties tractavit, lumbricos turbas dare suspicatur; certè ab aquâ quadam Mercuriali cum syrup. fl. persicor. mixtâ debilibusque exhibitâ, symptomata hæc conquievisse meminit. Confirmatus in hac opinione etiam alio exemplo. Puer 7 circiter annorum subito corripitur aphonîâ ac paralyâ sinistri lateris; Medicafter quispiam è tonstrinâ primò die sudoriferum exhibet, altero purgans, tertio vomitorium, hoc accepto puer in horribiles convulsiones incidit, rogatus ergò, ut puero ad extremum vitæ redactò succurreret, imperat frictiones, spirit. *c. urinof. naribus admō-

vere jubet, enema injici curat, præscribit potiunculam ex aqu. fl. til. ceras. nigr., pœon, epilept. L. spiritu epileptico in collectaneis Leidenfis. descripto, Liquor. C. C. succinat & syrup. flor. tunic.; hæc cum aliquoties in largiori quantitate ori ejus infusa esset, Puer per vomitum lumbricum duos digitos longum rejicit, & redit ad se, sed ita ut die sequenti vitam cum morte commutaret. Feliciorem eventum Generos. quidam Liber Baro in Filia 6 annorum, à lumbricis aphonâ factâ, curæque D. Grassii concredita, ab ∇ . memorata ∇ iali cum sy-

Lumbrici. rup. fl. persicorum expertus est. Occasione verò hujus exempli paucis edisseremus, qua ratione lumbricos, nullo non tempore nostris infestos, fugare & necare simus conati. Aliquantò facilius intestinales, quando primaria morbi causa sunt, cognoscuntur ex morsu, lancinationibus ac inflationibus ventris, recurrentibus nauseis, lipothymiis, copioso salivæ per os effluxu, appetitu modò nimis aucto, jam verò prorsus dejecto, alvo nunc astrictiori, nunc nimis fluidâ, oris foetore, rubore genarum, siti circa auroram. Apud mulierculas certissimum est vermium signum, subito excitari à somno cum trepidatione; Enimverò in exanthematum eruptione idem hoc contingit, sed pavor ille certius adhuc præbet indicium, cum simul adest stridor dentium. Quando autem morbis jam existentibus superveniunt, diagnosi longè est difficilior. In Febribus de Lumbricis cogitavimus, quoties hæ, quoad alia signa satis quidem mites videbantur, nihilominus tamen extremitates apparebant frigida, diarrhæa, non nimia, sed intempestiva excitabatur, sanguis è naribus stillabat, ephidrosi corpus madebat, & signa quasi pugnantia occurrebant. Oppugnavimus illos variis Medicamentis. Amara & Balsamica elegimus in Phlegmaticis & Pituitosis, e. g. rad. Carlin. gentian., zedoar., dyptamn. herb. scord., absinth. cent. min., & quam aliis præferimus Tanaceti, aloën, myrrham, ac ex his præparatas essentias, &c. Hæc in classe locamus etiam oleum absinthii, zedoariæ, &c. Novimus etiam, quòd in extracto tabaci & chamædrios extra corpus pereant lumbrici, unde istorum usus tentabitur à nobis, datâ occasione. At in magnis infantum torminibus, cave, diutius amaris his insistas, nam, exhibitis iis, dolores crudeliores excitantur. Pulverem corticis Peruviani inter eximia anthelmintica meritò numeramus. In sanguineis, majori efficacità sese commendant acida, atque inter hæc præprimis, tanquàm multis scopis satisfaciendam deprædicamus mixturam ex tinctur. violar. & spiritu vitrioli, quâ cum optimo successu usi sumus, tum potissimum, quando simul, quòd minimè rarò fit, hæmorrhagiâ narium nimia vermibus obnoxii infestantur. (z) Duxit eò nos potissimum Fr. Redi experimentum,

quo

quo monstravit, lumbricos, in succo citri, aurantiorum, aliisque subacidis brevi perire. Neque unquam ea incommoda, quæ alii ex acidorum usu metuant, nos expertos recordamur. Parciores ferè sumus in exhibendis acribus & sulphureis, nisi quòd egenis infusionem ceparum crudarum & minutim concisarum cum aqua aliquando Nostrum Quidam cum Hieronymo Trago svaserint. Balsamum sulphur. succinat. &c. tenellis corporibus non posse conducere, certi sumus, quicquid alii dicant. Quando pavores sub somno adsunt, pulveres ex unicorn. fossil., corall., bol. armen., terr. sigillat. &c. exhibemus, quæ & officium faciunt, quando sedibus vires atteruntur. Nec deterremur contrario Celeberr. Rhedi experimento, quo fidem facit, in aquâ, cui terra sigillata & lap. bezoard. fuerant commixta, ad aliquot dies superfuisse lumbricos. Nam tametsi hæc, aquæ simplici infusa, extra corpus, non polleant virtute necandi lumbricos, non tamen inde consequitur, quòd cum lymphâ, aliisque succis in corpore, vivo calore turgenti, nihil laude dignum præstent. Adultis, qui nec à nauseabundis abhorrent, cum utilitate, ordinantur pulveres ex Salibus alkalicis, & saccharo, cui una alterave guttula olei alicujus admiscetur. Conf. Welschium in *Curat. propr. Dec. 7 Cur. 1 p. 371*. Et rarò admodum invenies lumbricis obsessos, qui falsamentis delectantur.

Primo autem meritò, inter anthelmintica, loco stant mercurialia. Jucundum spectaculum est, quomodo lumbrici in vase semipleno merc. hujus contactum fugiant. Innocentissimum paratur (ut paulò ante monitum fuit) Medicamentum, si ℥ ius vivus c. ∇ . gramin., hyperic. scord. coqvatur, & haustulus c. syrupo convenienti, e g. flor. persicor., acetos. citr. propinetur. Conf. Wedel. in *Amanit. Mater. Medic. l. 2 sect. 2 c. 8*. Morosiores decipi possunt, exhibitâ cerevisia, cum qua mercur., ex consilio Boylii, conquassatus fuerit. Tutò, quod toties fecimus, etiam mercur. d. exhibetur. Et rotulæ ex ℥ . d. c. saccharo in ∇ . gramin. soluto, dulcedine suâ, facile salivam teneris movent, circa subsequenter ptyalismum, si providè agas. Ejus generis Rotulas etiam describit Zwelferus in *Pharmacop. Reg.* Cinnabarina ex eodem capite profunt, quæ rectè pulveribus illis terreis admiscuntur, præprimis in metu convulsionum, quæ imminere videntur, quando in somno vociferantur & terrentur, nares prurientes continuò fricant, morsus ac laniationes stomachi ac intestinorum percipiunt, assidue manum regioni ventriculi applicant, abdomen inflatur, singultus, tussis sicca, anxietas &c. premit. Quo in casu etiam cætera Antiepileptica ac cardiaca anthelminticis combinantur, ut rectè monent Joh. Schyronius *lib. 3. method. medendi cap. 20*. Et non planè frustra hîc Riverius hypericum, alii autem pæoniam laudant. In febribus,

cum

cum animatâ putredine conjunctis, ii non formidabunt usum mercurii d., qui cum in febb. malignis, pulveribus bezoardicis ad incidendam tunc simul semper peccantem salivæ totiusque lymphæ visciditatem, admiscent, id quod novimus fecisse Camerarium, & hodiè adhuc ejusdem vestigiis insistere Lentilium. Sed ante hos in creberrimo usu in febribus, in quibus ægrotantes vermicibus scatebant, mercur. d. fuit expertissimo Practico Nicol. Chesneau, ut apparet ex *libr. 3 observ. c. 8 observ. 2 p. 322. observ. 4 p. 325 observ. 5 & 9. p. 329. p. 315.* merc. d. se mirabilia præstitisse in pluribus ægrotis, & ab ejus nomine pulverem CHESNEAU fuisse vocatum narrat. Nos in febribus, ubi vermium suspicio, fere Cinnabari nativâ contenti vivimus.

Epilepsia. Tam frequenter etiam oculis nostris observantur Epileptici, ut historiam Epilepsiæ contexere non adeò sit arduum. (a) Faciemus verò illud breviter. Ut primum morbus Comitialis invadit, homo subito & improvise concidit, ac id ut plurimum fit. Inter rariora numerandum, quod Mimus, toto corpore convulsus, non concideret, sed erectus staret apud Marcell. Donat. *lib. 2 histor. mirab. cap. 14.* quod quidam Ludi Magistri Filius, quoties, ac quocunque in loco, epilepsia eum invaderet, recta prorsum procurreret, finem non ante faciens, quàm obstaculum aliquod offenderet, ob quod longior procurfus non pateret, in quod impingens, denuò corrueret, apud Arnold. Bootium *in observ. Med. de affect. omiff. c. 6.* Collapsus porro Epilepticus, toto corpore concutitur. Interdum verò prorsus sunt admirabiles illæ convulsiones, quo merito referas exemplum, quod recitat Robbertus Sibbaldus *in Scotiâ illustratâ p. 1. l. 2 c. 6. p. m. 56.* de Puellâ: Hujus facies versus colli posteriorem partem retorquebatur, manus pedesque retrò vertebantur, & tunc cœpit motibus convulsivis violentissimis agitari, cum maximis subsultibus, adeò, ut, quamvis Pater, vir robustus, illam omnibus viribus deprimeret, se tamen ad trium pedum altitudinem à solo unâ cum Patre elevaret, imò interdum altius eveheretur. Præterea oculi invertuntur Epilepticis, ac illis spuma ex pulmone prodit, ut cum Hippocrate ex *libr. de morbo sacro*, loquamur. Non solum difficulter respirant, sed & stertunt, linguam extra os exerunt, dentes collidunt. Non paucis semen auturina præter voluntatem in ipsa accessione elabitur. Fæcum alvi dejectio in infantibus, quos prima vice torquet epilepsia, non est adeo sinistri ominis, ut multiplici experientia didicimus. Præcipuum autem indicium Epilepsiæ est, detentio sensuum & principum facultatum vel functionum, & hoc ipso ex mente Welschii à spasmò & convulsione differt. *Decad. 7. Curat. 1. p. 372.* nisi fortè placeat,

(a) conf. Castig. Grabner. nostra p. 56.

ceat, etiam inter spasmum ac convulsionem; adhuc statuere hoc discrimen, quod spasmi sint motus convulsivi, lenti & firmi absque jectigatione; convulsiones verò ut plurimum symptomaticæ cum subsultibus & agitationibus partium conjungantur, nam ut plurimum convulsus, verbo Lucretii, in jactando membra fatigat. Signa, futuram Epilepsiam indicantia, diligenter enumerat Aurelianus, ac ex eo, recentiores alii. Potiora sunt dolor capitis, subinde recurrens, seu, verbo Aureliani, gravitas, sensuum omnium tarditas, ubi in specie Aurelianus obtusum visum, & sonitum ac tinnitum aurium notat; insolens oblivio rerum ferè omnium, crebræ vertigines, iterata invasio incubi, linguæ quædam difficultas, cum saltu muscutorum, dolor à tergo inter scapulas, continua in somnum propensio, aut huic oppositæ nonnunquam vigiliæ nimia, lassitudo ingens & torpor membrorum, moeror animi, somnia turbulenta, crebri terrores, sputationes, jugis præcordiorum inflatio, cum oscitatione, nausæ, stomachi dolore, &c. tandem & urinæ tenues, crudæ & lividæ, sudor roscidus &c. Et pleræque ex his, præprimis autem priora signa, epilepsiam idiopathicam indicant; posteriora autem, e.g. inflatio ventriculi, apepsia, si tremor seu contractio labiorum, ac palpitatio cordis conjungatur, à Ventriculo malum oriri indicant. Epilepsiam autem hystericam detegunt motus uteri & partium abdominis convulsivus, murmur & sonitus, tensioque Ventrìs inferioris, dolor hypochondriorum, inordinatus linguæ motus, ita, ut vix distinctè verba proferre queant, deglutitio difficilis, pectoris constrictio, tumor lumborum, prægressa sanguinis menstrui suppressio, secundinarum detentio, matricis ac genitalium exulceratio, &c.

Nondum perfectum adepta gradum hæc Epilepsia est, quamdiu somno similis, aut in somno obrepit, ac effusione seminis, quam incredibilis lassitudo sequitur, cujus exemplum D. Pauli & Helwich in viduo obvenit, sese manifestat. Notum autem est, quod ad hunc morbum sint proni, quorum progenitores extitère epileptici, pueri ac infantes, ex adultis, melancholici teste Hippocrate 6 *Epidem.*, nec minus plethorici otiosi, ac spissiore sanguine torpentes, quando timidam ac trepidabundam nacti sunt naturam, ac fortuito terrore percelluntur, nec non juvenes coelibes, otiosi, venereis cogitationibus indulgentes, &c.

Therapeia huius affectus maximè ardua, ac qui vel parum hic promittere audent, vix ac ne vix fidem adimplent. Felices, qui methodo præservatoriâ à fontico hoc malo, industriâ periti Medici præmuniuntur, ablatis epilepsiæ causis. Jam præsentè epilepsiâ, omnis causarum varietas iterum iterumque diu anxie sub examen vocanda est, ac ne verâ quidem inventâ causâ, præcipi-

tanter medela in malo inveterato promittenda est, nam non cessat, (etiam remota causâ) malum, nisi motuum convulsivorum tollatur assuetudo, quod fortè omnium est difficillimum. Quid hætenus à Medicis, tum pro Paroxysmi præsentis amolitione, & novi, seu futuri, repressione ac inhibitione actum sit, qui volet, cognoscere poterit ex Matthiæ Unzeri *hieronofolog. lib. 2.* Nemo ex nobis cum Menecrate, de quo Athenæus *l. 7. Dipnosoph.*, multis stipatus epilepticis habitu Deorum vestitis, in publicum prodire poterit. Hoc certum, quod in chronicis epilepticis affectibus volatilia urinosa aliquid præstent, sicuti Cinnabarina in symptomaticis, præsertim acutis supervenientibus.

Alii morbi hujus temporis, methodo ordinariæ medendi faciliè cedebant, ut præprimis D. Grassi. observavit. Diarrhæas D. Preus sustulit pulveribus ex bol. Tocaviens. & clysmatibus lacteis. Idem luctatus cum pertinacissimâ ophthalmiâ ex crapulâ, post ulcusculum fistulosum diuturnum in palato circa gingivas, pro cariei jam manifestæ progressu ulteriore impediendo, sanatum, ortâ.

Post 14 Aprilis diem febres malignæ conticescebant ac halcyonia nobis promittebant, sed infida, nam iterum ferocire incipiebant Mense Majo. Jungebatur illis catarrhus suffocativus, præprimis in ætate teneriori. Hic D. Preus cum successu usus pulveribus bezoardico-pectoralibus fixis & laxativis alternis unâ cum cataplasmate emollienti & resolutivo è pulpâ Pomor. Borsdorffianor. cocta, oleoque amygdal. dulc. pectori sæpius applicato. In Febri verò tussiculosâ sangvinei pueri initio obstructione alvi, deinde autem cholera correpti, post unguentum de Arthanitâ ab alio illitum, egregium usum vidit D. P. ex cataplasmate in lacte bubulo cocto è speciebus emoll. farinâ lini, orobi, foenu græci, &c. non neglectis internis, pulvere, inquam, bezoardico, mixturâ è spirit. nitr. d., menthæ, & carminat. sylv.

Cardialgia.

Multis verò etiam negotium facessere visa est Cardialgia, quâ de non unus omnium tum audiebatur sermo. Alii morsus, punctiones & lancinationes, alii rosiones sese percipere ajebant; nonnulli de tensivo & compressivo tantum dolore, ad utrumque latus pertingente, & cinguli alicujus instar constringente conquerebantur, plurimi verò gemitus & altè ductis suspiriis, anxietatis interpretibus, adstantium aures obtundebant. Inanes vomitus ut plurimum cardiogmi erant comites, quos imperiti emetica indicare credebant, sæpè etiam in foeminis passionibus hystericis obnoxiiis deliquia superveniebant. In singultu cardialgiæ juncto non defuit officio suo Electuarium ex conserv. scord., conf. de hyacinth. theriaca, bezoard. min. & syrup. scorzoner.

Non-

Nonnulli etiam Bubonibus infestabantur; Hos inter Lanio *Bubones.* quidam curæ D. Preussii commissus. Laborabat is febris hæc epidemicâ, corpusque ejus petechiis livido atris foedatum erat. Decimo morbi die bubone admodum dolenti in igvine dextro tentari cœpit, remittentibus sævis symptomatibus ac delirio, ut faciliè credere posses, eum fuisse criticum. Remissio enim graviorum symptomatum criticam solutionem notat, modò adsit somnus. Ex re & vero Prosper Martianus in annotation. ad libr. de humorib. Hippocr. p. 110 edit. Venet. scribit: *Nibil est, quod tutius perfectæ Crisis argumentum præstet, quàm si somnus subsequatur*, quòd Hippocrates etiam monuit lib. 6 Epidem. Sect. 1. v. 20. Æger autem infcio Medico Bubonem hunc spiritu quodam vinoso apoplectico à fratre sibi communicato illinit, & præterea ad tollendam alvi obstructionem decocto prunorum senato improvidè utitur. His ita factis, tumor disparere, ac æstus febrilis cum gravioribus symptomatibus non sine maximo periculo redire cœpit. Ex præsentissimo discrimine, Venæ sectione in pede celebratâ, ac bezoardicis nictosis & anodynis ereptus quidem est & integræ sanitati restitutus, sed post breve tempus dimidiò scil. exinde anno exacto, ab iræ incendio, novâ iterum correptus febre malignâ, naturæ debitum persolvit. Oblati quoque fuere nobis ejusmodi ægri, eos verò felici cum successu tractavimus eâ methodo, quam in Consilio Medico Pestilentiali nostri quondam Physici svasere. Eorum verba etiam aliis lucem accensura hîc describimus: *Danzenhero ist am sichersten/diese Art der Beulen durch aufgesetzte Ventosen herauszuziehen/fest zu machen/und zur Suppuration und Eiterung zu bringen. Die harten und schmerzhaftesten sind mit erweichenden/linden und sanfft-kühlenden Oilitäten und Pflastern zu tractiren; schlägt aber Hitze und Entzündung zu/so sind solche Unctuosa zu meiden/ und mehr die Mucilagines und Cataplasmata von Weizen-Mehl/oder Semmel-Brocken/Lein-Saamen/Holunder-blütthe/Eyerdottern/Saffran und dergleichen in Milch gekocht/ zu appliciren. Will Härte/ Stechen und Hitze noch mehr überhand nehmen/ so müssen unter die erweichenden/ auch zuziehende und zeitigende Mittel genommen/und dann allezeit etwas von den Giff-bestreitenden beygesetzt werden/ 2c.*

Aliis eodem tempore tumores alibi in corpore præprimis *Parotides.* circa aures, i. e. Parotides apparebant, iisque, quorum vires violentia morbi fractæ erant, mortem denunciabant. Pro virili motum naturæ adjuvimus, & in eo fuimus toti, ut quamprimum ad augmentum properarent, & aliqua materiæ pars discuteretur, ne suffocationis periculum ægri incurrerent. Profuerunt emollientia, maturantia, discutientia, & non rarò in

eorum usu perstitimus, donec ex toto evanescerent. His verò non satisfaci-
entibus suppurantia subsidio fuerunt, & in nimium lentè prorumpentibus et-
iam attractoria. Vidimus casus, in quibus periculum svadebat, ut candente
levi ferro apperirentur, sed ab ægrorum mollitie, maximè verò à timidis cir-
cumstantibus ad mentionem nudam hujus Chirurgicæ operationis trepidan-
tibus, id impetrari minimè potuit, ut in innocens ac tutum auxilium consenti-
rent. V.S. non celebravimus, quod alibi fieri novimus, etiamsi aliàs nobis
non sint incognita illa Celeberr. Præctici, Petri à Castro de *febb. malign. p.*
247. qui inquit: *Si vires permittant, quamprimum apparentibus parotidibus,*
erit mittendus sanguis ex Cephalicâ in quantitate mediocri: Sin minus, cu-
curbitulas scarificatas brachio ejusdem partis aut scapulis affigere oportet, &
mox adhibere, quæ citra maximam attractionem discutiendi vires obtinent.

Quoad Vesicatoria, ad quæ applicanda, hoc Mense Majo, nos iterum ad-
egit necessitas, itidem aliqua observare contigit. Inter illa maximè memora-
bile hoc est, quod in corporibus succi plenis plethoricis & nimia humorum co-
piâ repletis, interdum fere nulla feri evacuatio fuerit secuta, cujus rei ratio in-
dubiè quærenda in nimia fluidi copiâ. Certum enim est, quod ad excretio-
nem præter apertos poros, debitam fibrarum resistantiam, motum propor-
tionatum, etiam debita fluidi requiratur copia, quod luculentè in negotio men-
sium & lactationis cernere licet. Præterea etiam notatus, post applicata ejus-
modi subjectis vesicatoria, major orgasmus in humoribus, species verò quæ-
dam oscillationis in solidis non obscure fuit deprehensa; Ut jam de febris ex-
acerbatione, deliriis & inflammationibus viscerum, motibus convulsivis, hæ-
morrhagiis nihil dicamus; Contra utilitatem eximiam attulerunt in diathesi
humorum crassâ ac viscidâ ad stagnationes & coagulationes velociter ruenti,
in iis subjectis, quorum pulsus exilis, extrema frigida, quique propensi ad so-
porosos affectus erant, eò quod salia cantharidum partes viscidas dissolvant,
disgregent & ad pristinam fluiditatem disponant. Et D. Preus quidem mira-
bilem efficaciam in Vesicatoriis, in principio morbi applicatis, deprehendit;
cui nobiscum pollicem etiam premit D. Helwich, nisi quod ex hujus observa-
tione, sitim nulla arte edomandam, per tres quatuorve dies inducant.

Coryza. Frequens erat illis diebus etiam coryza conjuncta cum *κα-
ρϋβαρία*, dolore capitis, sternutatione, & licet omni horâ quasi
occurreret, cui illud Juvenalis in aurem diceres: Jam gravis es nobis, nam sæ-
pè emungeris, exi; non fuere tamen, quod affectus à nemine non contemna-
tur, qui opem consiliumque à nobis peterent.

Depravata auditio plurimis Vratislaviæ molesta ægris, molesta & Medicis ipsis, hoc Mense erat communissima. Modo enim erant, qui sonum talem, quale tintinabulum pulsatum edit, sibi percipere viderentur; modò, qui de sibilo quererentur; nec nulli, qui pulsationem intra aurem sentirent. Pulsus autem ille exactè cum pulsu arteriæ convenit, nec aliunde nisi ab arteria dilatata pendere verisimile est. Senes nonnulli sonum fluctuum allisioni similem, vel strepitus varios in auribus suis excitari aiebant. Jam quidem communiter traditur, depravatam ejusmodi auditionem dependere vel à morbis cerebri, vel à morbis etiam auris, cum experientia affatim edoceat, & quosdam cerebri morbos, e. g. delirium, phrenesin, vertiginem, epilepsiam, &c. & nonnulla aurium pathemata, v. gr. inflammationem & abscessum tympani & labyrinthi cum tinnitu, &c. conjunctam esse, ut jam de corporibus, quibusdam externis, vermibus, aliisque membranam meatûs auditorii & tympani commoventibus nihil dicamus: Nihilominus & illud exploratum est, quod nullo istorum morborum, aut externi alicujus corporis vestigio præsentis, subinde homines de sonis in aure querentes audire liceat. Unde quidem omninò nascitur suspicio, potius in aëre ipso causam subinde latere. Et quid quæso, impedit, quo minus dicamus, quod aër aliis foetus corpusculis, in ejusmodi sonitu non tantum organum immediatum auditûs, sed & partes cerebri, in quibus filamenta nervi auditorii terminantur, concutiat, ac eo ipso varios sonos excitet? Tametsi alias minime contemnenda, quæ in hanc rem differit Dn. du Verney *Tract. de Organ. Audit. part. 3 in calce operis*, imò & Solenander *Sect. I. Consil. Med. Cons. 4. pag. 15. & seqq.* Varia contumaci huic malo & aliquando in omnimodam surditatem abeunti, opposuimus, non semper tamen eundem, quem optavimus, eventum consecuti fuimus. Crato Noster quondam accepit folia card. ben. cum summitatibus m. iiij. conquassata in mortario, maceravit in ∇ . card. bened. lib. ij. per 24 horas, deinde destillavit, & elicuit liquorem, in quo linteolum vel gossypium imbutum auribus immisit. Cum Timæus à Guldensl. *l. 1 de affect. cap. 32* Mindereri Balsamum mira in depravatâ auditione præstitisse narret, nos etiam vires aquæ acovisticæ Mindereri periclitati sumus, quas ultra meritum celebratas esse à Timæo comperimus. Idem etiam testamur de ∇ . Anhaltinâ Cephalicâ à Thonero *observ. lib. 2.* vehementer laudatâ; non inficientes tamen verum esse, quod ait, *effectum ejus esse præstantiorem in vaporosâ ac flatulentâ materiâ discutiendâ, quàm oleorum Quorum, quæ nimio calore sæpius nocent.* Dn. D. Tilezio meminimus in usu fuisse mixturam ex spirit. lil. convall., theriacal., formic. & essent. castor. Datâ occa-

sione etiam exploraturi sumus, quid valeat urina leporina, sive seorsim, sive cum spirit. vini, auribus calidè instillata, quâ nihil utilius esse in hoc affectu, Tulpius scribit *lib. 4 observ. c. 15.* Cæterum illud aureum Fabric. Hildani monitum *Obs. 25. Cent. 5.* de remediis non temerè auribus immittendis, quamdiu spes est, extra applicitis curam perfici posse, altè memoriæ nostræ semper inscriptum fuit; E re nostrâ ægrorumque esset, ut instrumentum (est illud instar infundibuli, cuius amplio rem partem objiciunt secum loquentibus, angustio rem auribus propriis applicant) quo ad acutius audiendum Hispani utuntur, teste Hœfero *lib. 1 de affect. capit.*, etiam apud nos in usum traheretur.

Raucedo. Raucedo, etsi hyberno tempore maximoperè soleat esse frequens, ac facilè curetur, quia fortassis tantùm ab exasperatione superficiei glottidis à frigore aut acribus falsisque humoribus inducta, dependet, occurrerunt tamen aliquot etiam in Majo nobis exempla raucedinis, omnem artem eludentis. Homo coelebs quinquagenarius, strigosi corporis sine ullâ evidente causâ, gravio rem initio fieri vocem animadvertit, eam deinde brevi momento in asperio rem & tandem in clangosam abire sentit; cum autem muneris ratio expeditum vocis usum exigeret, multa molitus & hoc tempore curam molesti affectûs cum curâ institui voluit. Acta omnia, sed eventus confirmavit *Aphorism. Hippocr. 40. ex Sect. 2.* ac Gordonii prognosticon, vocis Raucedinem, quæ per annum duravit, non recipere curationem, quicquid etiam de efficaciâ syrup. de erysim. Lobel. tum Auctor ipse, tum Bauhin. *in histor. plant. lib. 21 c. 11.* scribant. Non incredibile hoc Raucedinis genus à siccitate laryngis dependere, ac ideò difficulter curari, quòd & humidum corporis absumptum restituere res sit ardua, & ferè ultra artis vim, humores ad alia emunctoria effluentes, per collapsas vias ad debitum iterum derivare locum.

Angina vera.

Mense Junio aliquot anginae exempla nobis oblata fuere. Intelligimus verò per Anginam, faucium id est laryngis seu pharyngis inflammationem. Nam in anginâ semper guttur & fauces laborant, sive ut Hornius loquitur, commune iter ad asperam arteriam & gulam, quod retentâ græcâ voce, isthmum vocamus, & hoc vel exinde patet, quod in anginâ semper adsit difficultas respirandi & deglutijendi. Cum verò Neoterici & internos & externos laryngis æque ac pharyngis musculos inflammari crederent, quod certè à vero non abludit, diversas anginae species constituerunt, ac iis varia imposuêre nomina, ac artem sine ullâ utilitate reddidere difficilio rem. Nam si vel maximè iis concedatur, quod musculi interni seu laryngis seu pharyngis sine externis inflammentur, & vice versâ externi sine internis ardeant,

nihil

nihil ad curationem inde peti potest, & emolumentum, quod in prognosi ex eâ doctrinâ speratur, titubantibus, cum prognosi ipsâ, inititur pedibus. Hoc malum juvenibus, constitutionis sanguineâ, præ reliquis familiare. Post motus corporis impetuosiores, aut nimias spirituosorum potuum ingurgitationes, horrore corripiebantur, qui aliquando post aliquam intermissionem subito revertebatur. Hunc ingens æstus cum siti Tantalea excipiebat.

Pulsus erat frequens, durus, inæqualis, urina saturatissimè rubra. Magna aderat respirationis difficultas, apertoque ore anxium ægri spiritum ducebant, & crescente malè strangulationis periculum instabat, ut videas non malè à Græcorum ἀγχόνη, quod laqueum & suspendium significat, morbum hunc à Latinis dictum ANGINAM. Deglutitio etiam tantoperè impedita, ut potus faucium angustias vix superaret, quin sæpè in nares refunderetur. In faucium isthmo interdum apparebat tumor, interdum autem in externo collo, ubi morbus mitior erat, vel oculis cernebatur, vel manibus palpabatur, in iis verò, quorum vita in majori periculo, nullus planè tumor deprehendebatur. Non tantùm isthmus ita exurebatur, sed spectabatur simul in ore rubor flammeus, urgebat dolor acutus pulsatorius & punctorius, lingua tumida, obscurè rubra canum instar exerebatur, fauces arebant, si ægrotantum os aperias, omnia tensa videbantur. Venæ infarctæ, oculi prominentes & sanguine suffusi. Præterea aderat jacendi difficultas, ac frequens sedendi cupiditas. Ingens præ foribus periculum, quando articuli gelido torpore rigeabant, vultus livescebat, vox intercipiebatur, & stridor quasi in gutture & pectore audiebatur. Inexorabilis mors instat, deficiente pulsu & voce quasi in caninam mutatâ, apparente subinde etiam spumâ oris. In summo juvenis periculo exoptatissimè Erysipelas in pectore cum symptomatum mitigatione, efflorescere vidit D. Helwich.

Omnia verò symptomata sunt mitiora in nothâ Anginâ; *Angina no-* nam licet & in ipsâ subinde aliqua respirationis adsit difficultas, ac *tha* deglutitio impediatur, licet etiam tumor (qui serosus ut plurimum) tum intra fauces, tum in collo deprehendatur, abest tamen & febris, rubedo intensa imò & dolor acutus ac ptyalismo intra dies quosdam malum tollitur. In exquisitæ anginæ curâ minimè vestigiis insistere licuit Sydenhamii, cujus quidem curæ cardo vertitur in copiosâ sanguinis detractio per repetitas Venæ sectiones, in catharticis, epispastici fortis ac ampli applicatione, quâ de re latius legi potest in *Oper. p. 358*. Quâ viâ ante ipsum incessisse novimus Doctiss. Batavorum Medicum Lindanum, ita tamen, ut hic intra 2. vel 3. horas non unâ vice, sed repetita ad Unc. XXX. ex venâ popliteâ sanguinem detraheret.

Hor-

Horrent enim nostri tantam sanguinis profusionem, raroque ad iterandam V. S. in uno eodemque morbo pervaderi possunt. Itaque nobis unâ vice, aut summum duabus V. S. celebrare in more positum est. Quod quidem absque mora facimus, ut turgescentiam sanguinis imminuamus, stasim discutiamus, ac copiosiori affluxui occurramus. Fecimus verò pertundi plerumque Venas cubiti in latere affecto, quod evidentior & propior, ex anatomicis, venarum ejusdem lateris communicatio sit. Cum verò parti affectæ propinquiores sint raninæ sub lingvâ, (quarum apertionem promiscuè in morbis ferè omnibus vulgus apud nos flagitat,) præmissâ V. S. in brachio, aut si circumstantiæ id velint, e. g. in suppressione mensium, in talo, ex raninis etiam sanguinem detrahimus.

Vomitoria, quæ Agricola, Riverius, Deckerus, Hartmannus aliique in Anginâ laudant, periculum suffocationis veriti, omisimus. Subinde tamen purgantia in forma liquida, sed leniora, propinavimus, præprimis, quod tamen rariùs contingit, si crassæ ac nebulosæ adessent urinæ, his enim præsentibus in qualibet inflammatione ad purgationem à principio confugere nos posse, scimus edocti à primicerio Hippocratis interprete Prospero Martiano *p. 387. de ratione Vict. acut.* Et sanè prudens hoc monitum fuit nobis instar columnæ vialis in bivio constitutis. Libertatem alvi Clysteribus obtinuimus. Cæteroquin ita ferè in periculoso hoc morbo progressi sumus; ut inflammationem discutere, & stagnantem sanguinem iterum in motum reducere tentaremus. Ubi quidem resolventia seu discutientia, & in sanguine viscidiori etiam attenuantia profuere, non neglectis lenissimis adstringentibus, quæ roborantium nomine vulgò veniunt, hæc enim laxior fibrarum tonus omninò indicat. Eâ intentione gargarismos ex adstringentibus & discutientibus mixtos ordinavimus ex rad. bistort. torment. bryon., herb. prunell., salv., pyrol. heder. terrestr., tarax. flor. bellid., sambuc., balauftior., tanacet., cort. granator. sem. cydonior. decoct., colaturæ nitrum etiam adjecimus, mandantes, ut his similibusve gargarismis fauces modeste colluerentur. Non imitati sumus Scultetum, qui acetum vini acerrimum, aliosque qui meliori consilio spiritum vini admiscent. Externe emollientia & discutientia sine adstringentibus adhibita, ex cujus generis simplicibus ferè constat cataplasma primum Barbettæ, nisi quod oleum chamomillæ, à nobis omissum & loco hujus aliquid saponis Veneti admixtum fuerit. Non abs re est, collum externè spir. vini camphorato rite inungere, ac deinde cataplasmata, vel si hæc propter celerem refrigerationem suspecta sunt, emplastra de meliloto, diachylon., de spermat. cet. diaphoret. M. &c. circumponere. Multi, & in-

inter eos etiam Waldschmidt, ab initio svadent suffumigia ex succino, oliban. &c. sed non absque causâ Sennertus noster *lib. 2 prax. part. 1 c. 24.* ab eorum usu dehortatur. Remedia interna erant diaphoretica ex absorbentibus lap. 69. corall., mandib. luc. pisc., dent. hippopotam. & quem Variola & Burnet. specificum esse volunt, dente apri, ꝑ. d., bez. miner., & ꝑ. l. cinnabar. & nitrat. quibus interpolabantur lenientia, damnatis, quibus alias specificam virtutem ignari tribuunt, sordibus non unius generis, stercoribus, inquam, & urinis variorum animalium. Si verò conatûs discutiendi essent irriti, & dolor pulsatorius quarto vel quinto die nos suppurationis admoneret, hanc omninò promovimus tum collutionibus oris ex decoctis emollientibus & maturantibus, tum cataplasmatibus & emplastris ejusdem censûs. Suppuratione jam factâ, ubi nimirum dolor pulsatorius ardorque remittit, abscessûs apertionem modò hâc, modò illâ viâ procurare tentavimus, & post evacuationem puris, reliqua ex artis præscripto absolvimus. Sed dolendum omninò est, quod non in summo suffocationis discrimine asperam arteriam perforare liceat, cum judice Sculteto ac comprobante experienciâ, in affectibus laryngis, qui suffocationem minantur, tutissimè id fieri posset, in *Armament. Chirurg. in declar. tabul. 34 p. 122.* Hâc enim viâ certissimè non pauci liberarentur, sed quo minùs id fiat, in causa est circumstantium morositas & crassa Chirurgorum in anatomicis ignorantia. Nothæ anginae cura facilior est, & à quibusdam Nostrum purgantibus Galibus, etiam si nulla essent contraindicantia, aliquoties repetitis & blandioribus diaphoreticis post V. S. in Plethoricis feliciter intra paucos dies sublata. Post anginam notham externis repellentibus discussam, D. Helwich observavit delirium ac effectum paraphrenitidi seu inflammationi diaphragmatis simillimum.

A nobis consilium requisiverunt etiam eo tempore quidam vomitibus, aut certè vomendi conatu delassati, ac horroribus febrilibus, cardialgiis, punctoriis circa scrobiculum cordis doloribus, subinde & singultu miserè torti, quos equidem ventriculi inflammatione correptos fuisse suspicamur, ex eò potissimum, quòd omnia symptomata ab exhibitis stomachicis, carminativis, antifebrilibus intenderentur, mitescerent verò ab iis, quæ in inflammationibus profuisse, tot seculorum experientia docuit.

Occurrerunt etiam eo tempore quidam alii inflammatorii affectûs, quorum sedem, an in hepate, an in pleurâ, an in membranâ pulmonum quærere deberemus, dubii hærebamus. Et certè, tametsi in numerato habeamus signa pleuritidis, peripneymoniæ, & hepatitidis vulgò tradita; Certi tamen omninò sumus, quod nullâ falli nescia diagnosi hæ inflammationes ex traditis illis signis dignosci queant. Febris continua atque

Vomitibus ac vomendi conatu delassati, ac horroribus febrilibus, cardialgiis, punctoriis circa scrobiculum cordis doloribus, subinde & singultu miserè torti, quos equidem ventriculi inflammatione correptos fuisse suspicamur, ex eò potissimum, quòd omnia symptomata ab exhibitis stomachicis, carminativis, antifebrilibus intenderentur, mitescerent verò ab iis, quæ in inflammationibus profuisse, tot seculorum experientia docuit.

Inflammatorii affectus.

acuta, difficilis & fervida respiratio, tussis, rubor genarum, aliquando & oculorum, lingua sicca & aspera, colli inflatio, sitis, vigiliæ, in omnibus tribus inflammationibus cernuntur. Cum aliqua veri specie major in respiratione angustia supponitur esse in peripnevmonia, quam quidem in pleuritide; at verò! quod & in hoc ipso parum fiducia poni queat, elucescit ex eo, quod etiam illi, qui neque pleuritide neque peripnevmonia laborant, sed vel cursu vel aliis laboribus sese fatigarunt, propter majorem sanguinis ad interiora confluxum, difficillimè & cum summâ anxietate spiritum trahant. Jugulum ipsum sententiæ de certâ inter pleuritidem & peripnevmoniam differentia petant, qui ex inspectione corporum pleuritide extinctorum demonstrant, non pleuram, sed pulmonem esse sedem pleuritidis, in quorum numero sunt eximii Anatomici & observatores Felix Platerus, Johann Zecchius, Alexander Petronius, Marsilius Cagnatus, Etius Cletus, Panarolus, Petrus Crispus, Julius Cæsar Benedictus, Petrus Castellus, Johannes Menelphus, Johannes Baptista Orius, & Herophilus, qui teste Tertuliano sexcenta fecuit cadavera. (b) Et cum Romæ in hanc rem studiosè inquireretur ac in sectis cadaveribus pulmones læsos in pleuritide reperirent, Aesculæ Galeni, & sequacium ejus Arabum &c. ad peculiarem Romani aëris constitutionem confugerunt, docentes, dari & pleuritidem non exquisitam, & hanc propter cœli inconstantiam & humiditatis excessum, ortum trahere à capite, ac materiam, quæ non exquisitam pleuritidem excitat, descendere per arteriam asperam ad pulmones, eamque, præcipuè si biliosa fuerit, in pulmonis cavitatibus inflammationem inducere, & hinc in cadaveribus pleuritide interemptorum pulmones inveniri læsos, ut constat ex *Doctissimo Commentario* Prosperi Martiani in *libr. Hippocrat. de loc. in homine* pag. 77 & 78 edit. Rom. Et si dicendum, quod res est, multò feliciùs Phænomena in pleuritide occurrentia explicari possunt ex mente illorum, qui sedem ei tribuunt in ipsis pulmonibus, quàm istorum, qui natalem ejus locum quærunt in pleurâ, quos sanè difficultas, quomodo sanguis, qui sputum pleuriticorum tingit, & purulenta materia, si non bene judicetur pleuritis, à pleura in asperam arteriam deveniat; Ubi in oppositâ opinione illud evidentissimè declarari potest. Nam cum ex oculatissimi Malpighii observationibus notum sit, compagem pulmonum constare ex infinitis propriâ membrana circumseptis lobulis, ac ex his vésiculis innumerabiles in partibus interioribus emergere ramificationes, quæ cum tracheâ communicationem habent; Facile concipi potest, quomodo ruptis in membranosis illis sinubus minimorum vasculorum orificiis sanguis, aut etiam abscessu facto pus, in tracheam extillet, ac deinde per tussim eji-

(b) conf. Castig. Grabner. nostræ p. 58.

ejiciatur. Neque ullo jure ab his requiri potest, ut credant, pulmonem sensu carere, nam hoc colore, qui sunt alterius sententiæ, utuntur, in pleuritide esse dolorem acutissimum, & hinc pulmonibus sensu destitutis adscribi non posse; nam quomodo persvadebunt, pulmonem sensu orbatum esse, cum moles ejus constet ex membranis, tracheâ, vasis sanguineis, nervis, omnimodò ex ipsorummet doctrinâ sensu exquisitissimo pollentibus? Ipse quoque Hippocr. de intern. effect. pulmonibus sensum & dolorem fortem tribuit. Quod verò in latere sentiatur dolor, ejus causa est, quod membranæ pulmonem constituentes ope aliquarum appendicum pleuræ uniantur. Si verò sedes pleuritidis in ipsis pulmonibus est, utique apparet, quàm arduum sit, exacte pleuritidem à peripnevmoniâ discernere. Imò neque facilius, secus quàm multi non experti credunt, inflammatio hepatis à pleuritide dignoscitur. Nam ex dolore infra costas infallibile hepatitidis argumentum, qui capiunt, næ! illi subinde vehementer falluntur, innixi communi illi axiomati, ubi dolor, ibi morbus, quod tamen minimè universale est, cujus rei exemplum in ipsâ inflammatione hepatis est: Nam referente Galeno *l. 2 de loc. affect. inflammatum hepatis comitatur dolor in jugulo, in quo tamen morbus non est.* Ejus rei documenta in calculo, gonorrhæa aliisque morbis obvia sunt. Sed verò bene est in hac rerum incertitudine, quòd methodus medendi una eademque in his morbis inflammatoriis observari tutò possit, unde non abs re erit, quomodo in curâ processerimus, tribus, quod ajunt, verbis attingere. Prima cura nostra fuit, stasis sanguinis inflammatoriam, de quâ inspicere meretur Portius in *Erasist. sive de sanguinis missione p. 83. seqq.* discutere. V. S. in statu plethorico celebravimus, sanguis ex venâ eductus ferè pelliculâ quadam textus; Et omninò vera sunt illa Celeberr. Wedelii: *Vena sectione emissus sanguis pro temporis ratione variat, modo confusus, fervidus, ruber, modo ferrosior, grumescens vel resolutus magis visus est.* Nec dubitandum, quin sæpè absque V. S. erysipelacæ illæ viscerum inflammationes tolli queant, ac non nauci facienda illorum practitorum observatio, quòd post administratam V. S. morbi hi diutius protrahantur. Vulgò deprædicatur in sanguine dissolvendo efficacia spirituum C. C. fuligin., ebor., liquor. C. C. aliorumque similium volatiliùm, qui tamen à nobis, qui diaphoretica fixa hisce in morbis, quibus febris complicata est, præferimus, non adhibentur, nisi fortè in phlegmatico-sanguineis ac in dosi valdè mediocri. Semen cardui mariæ in pleuritide & peripnevmoniâ, radix cichorei in hepatitide aliquam peculiarem exerunt virtutem, nec munia transmarina prorsus effocta est. Cherefolium, hedera terrestr., geranium majus, scordium commendari itidem merentur.

In rasurâ dentis apri, in pleuritide, non potuimus observare vim quandam specificam, quæ major in dente hippopotam. præpt. In omnibus hisce inflammationibus prodest externè adhibitus sp. vini camphor. quemadmodum anodyna internè ut plurimum nocent, quicquid de cohibendo per illa affluxu vulgò jactetur. In pleuritide urinæ tenuēs per quatuor dies priores ferè semper calamitosæ sunt. Alvum non facilè irritamus, sed diluentibus tepidè sumptis eam in officio suo continere satagimus.

*Constitutio
aëris Julii,
Augusti, Septem-
br.*

Julius naturam suam planè quasi exuerat, (c) ac majori ex parte imbribus, procellosis aëris agitationibus ac frigore squalidus erat; credidissemus, nos in Martio vivere, nisi grato Solis splendore, aliquot diebus, corpora incaluisent. Benignior Augustus, non tamen absque pluviis cursum absolvit. Æstiva amœnitas verò denuò in Septembri nobis affulsit, ut iterum D. Grassius observavit.

Catarrhi.

Mense Julio vagabantur iidem propemodum morbi, qui præcedentibus mensibus stragem ediderant, sed præ reliquis ferociebant catarrhi, qui difficillimè medicamentis compescebantur, ac præprimis illi admodum rebelles erant, qui sedem in artubus, & potissimum in superiori brachii parte fixerant, ac ex dolore gravativo, motu partis impedito, imò etiam tumore aliquo; sine inflammationis signis, ex decubitu serosæ materiæ oriundo cognoscebantur. Proximum in pertinaciâ locum occupabant cum coryzâ, & vertigine conjuncti, sive propter majorem lymphæ coacervationem, sive magnam feri visciditatem, intra corticalem, hoc est glandulosam, ex mente Malpighii, cerebri substantiam. In curâ utroque oculo ad proximam catarrhorum causam, hoc est, lympham stagnantem intra partes & hâc ratione functiones earum lædentem, respeximus, & lympham vel motui suo restituere, vel ex corpore, ac præcipuè partibus laborantibus evacuare annisi sumus. Inde non tantum ea adhibuimus, quæ serum vel per renes præcipitant, aut alvum derivant, vel per poros cutis dispellunt, sed & ea, quæ à parte affecta illud evacuant. Inter purgantia plerisque ex nostris placent pilulæ, quas Nostrates vocant Cephalico-Hystericas ex extr. colocynth., helleb. nigr., castor. resin. gialap. ꝯ. d., aut Massæ pilul. harum, M. P. de succin. Craton. addita cum appropriato in pilulas efformatæ. Vix vero in catarrho pulmones infestante purgantia, prudens Baglivii monitum secuti, laudare possumus. Ex diureticis seligimus lap. 69, L. fassasfras, syrup. adianthin. Fern. de succ. veronic. de 5 rad. aperitiv., hyssopo. liquirit. &c. Oleum etiam fœnicul., anis., balsam. sulph. anis. terebinth., & quod præ reliquis omni-

omnibus eminet, succinum, cui in catarrhis & spasmodis non immerito maximas tribuit laudes Hoffmannus, præclare quoque de eo sp. vini soluto sentit Helmontius, quibus suffragatur etiam Clariss. Ettmüllerus, totam affectuum catarrhalium curam in succino latere persuasus. Inter diaphoretica, quæ lymphæ exorbitantis correctoria genuina esse constat, cessere in remedium ea, quæ incidendi & attenuandi virtute simul gaudent, ex quorum albo sunt inter vegetabilia, serpillum, thymus, rosmarin., lavendula, hyssopus, centaurium minus, helenium, betonica, pimpinella, arum, china, &c. quibus ex chymicis tum Liqv. C. C. succ. tum tinct. bez. annumerare licet. Ad cauteria non descendimus. Rarus etiam apud Nos masticatoriorum usus, nisi fortè in classem apophlegmatismorum referre placet fumum Tabaci haustum, multorum sanè delitium. Ptarmicorum notus hodie abusus, quibus sanè cum damno sanitatis homines plethoricos, vertigini obnoxios, oculorum affectibus correptos, nares infarcire toto die videmus ac dolemus. An verò legitimus eorum usus aliquis esse possit in evacuanda lymphâ in cerebri ventriculis stagnante, in quæstione positum est. Negativam amplectitur Doctiss. Schneiderus, l. 2. de catarrh. c. 20. ac Clariss. Rich. Lowerus in dissertat. de catarrh. cujus hæc inter alia p. m. 167. *Quod autem nihil per os cribriforme in nares pertranseat, ipsius partis conformatio satis arguit, nam licet in aridis calvariis foramina istius ossis aperta & luci pervia videantur, in vivo tamen animali à nervis & membranis, à processu mammillari prodeuntibus omnino inferciuntur, & paulo post, nisi, inquit, ∇. in cavitatibus processuum contenta per medullarem ipsorum substantiam in nares transeat & extillet, necesse est, ut per nervos fluat, & ipsorum corpora pervadat. Ac quid inde de olfactu fiet, si ipsi ejus organa continuo humore ita scateant; ac iterum: Si conferamus, ait, vasa omnia, quæ ∇. in ventriculos cerebri deponunt cum infundibulo simul, & hisce nervorum tubulis, eaque in diversis animalibus inter se comparemus, clarè patebit, processus mammillares nullum omnino humorem pertransire aut os cribriforme in nares perfluere.* Nos his rationibus itidem moveremur, nisi praxis aliud nos docuisset, & cum Willisio vidissemus, toties per solam ex naribus excretionem, multos à vertigine, aliisque cerebri morbis liberatos, nisi purulentam materiam per nares fuisse excretam recordaremur. Et nisi tandem ipse Hippocrat. sect. 6 aph. 10. non ex ratiunculis, sed diuturnâ praxi hunc canonem reliquisset; *Caput dolenti & circumdolenti pus aut aqua, aut sanguis fluens per nares, aut os, aut aures, solvit morbum.* Firmo itaque experientiæ talo innixi, post universalia, ubi illa locum habebant, etiam errhina svasimus, ac ex iis præcipuè spec. diamajoran., & cum debitâ cautelâ etiam euphorbium

pulverisatum. Confer. Miscell. Nostrar. Dec. I. ann. 1 obs. 34 p. 110 & seqq. Difficillimum nobis esset, ab effectu nobiliori, sicut ab aliis factum, vitriolum album commendare. Præterea cum scopus noster esset lenire fauces aut asperam arteriam, linctus formam elegimus, ut remedium sensim partes affectas præterlaberetur, easque diutius tangeret. Nam ea nobis semper sedet mens, formam medicamenti à parte affectâ & morbo determinari, & prætereâ, ut præclare monitum à Glissonio, laborante ventriculo prudenter pilulæ, pulveres, electuaria, &c. præscribuntur, quò diutius in eò commorentur, renibus autem liquida potius designantur, quo facilius ad eos cum fero deferantur. Sunt equidem, qui in nostro casu à saccharatis & mellitis parum opis in evacuatione contentorum in bronchiis sperari posse contendunt, sed eam ab aromaticis & volatilibus petere jubent, quibus tamen iterum experientia practica reclamât, nisi fortè, ubi humores viscidiores & glutinosiores sunt, tùm enim acriora & amara abstergantia juncta mucilaginosi & roscidis, utramque absolvent paginam. Cæteroquin in affectibus pectoris non promiscuè cum vulgo empiricorum, flores sulphuris exhibuimus, nam quantum ex eorum usu emolumentum in catarrho tenui oritur, tantum profectò damni ex eorum præscriptione, materiâ existente viscida & glutinosâ, resultat, inde quidem non rarò pituitosos in difficultatem respirationis incidisse pro comperto habemus. Sanum quidem est consilium, quod Lowerus suggerit p. 173. his verbis: *Cùm catarrhus primo urget, nihil magis ei supprimendo conducit, modo absque febre sit, quàm ut sitim diutissime toleremus, tridui enim vel quatruidui abstinentiâ à potu, plures novi à catarrho prorsus liberatos, cujus alia ratio non est, quàm quod fomite subducto omnino exsiccatur, non aliter ac rivuli exarêscunt ex pluviarum penuriâ*; At hoc velle nostris proponere, est furdo narrare fabulam. Imò contra potius meminimus, quæstionem agitatam sapius, annon ex re ægrorum sit, usum vini in catarrho concedere? nam vero esse perquam simile, lympham stagnantem haustu liberaliori generosioris vini in motum denuò reduci posse; Nos tamen potius probavimus sententiam Mercurialis Tom. 3 Cons. 53 & tom. 2 Cons. 4. illud dissuadentis, veriti majorem in sanguine orgasmum, & vehementiorem feri fusionem, non ignari cæteroquin, quòd quidem Doctissimi Medici vinum in catarrhis permiserint, quos inter præcipui sunt Victor Trincavell. l. 1 Cons. 42. & Paul. Neucranz de purpur. c. 20. qui ipsam etiam Hippocratem allegare pro suâ opinione possunt, nisi fortè magis placeat Valesii in hac controversiâ temperamentum, qui censet, Hippocratem dedisse, hodieque adhuc concedi posse sub declinatione, quando ferum jam ad vias urinarias & alvi, cessante omni lingvæ siccitate, præcipita-

tur. Postremò dissimulare non possumus, his etiam ritè factis, in plethoricis catarrhos vinci vix potuisse, nisi V. S. celebraretur. Catarrhalis quoque profapiæ alii morbi, odontalgia sc. & tumores palati à D. Grassio & D. Pauli in seipso, curati. Diarrhæas frequentiores D. Preus iterum rhabarbaro tosto c. N. M. & bolo Tockaviensi caryophyllatâ compescuit.

Varias quidem tractavimus hemicranias in praxi nostrâ. *Hemicrania.* Vi-
dimus, qui sibi caput quasi tendi & distrahi conquererentur, & *nia.*
omninò persuadere satagerent, ipsas futuras enormi dolore unam ab alterâ di-
velli, quibus fidem non arbitramur subinde esse detrahendam. Quemadmo-
dum in fœmina 30 annorum etiamnum viventē, enormem hiatum, circa futu-
ram lambdoideam & sagittalem, furentibus doloribus capitis cuivis petenti
demonstrare potest D. Grassius; insuper in tribus puerulis catarrhosis trium
& quinque annorum, intra aliquot septimanas, totam quasi capitis superiori
parte figuram valdè mutatam, futuramque coronalem ad nasi radicem usque,
notabiliter dehiscens observavit D. Paul. Suturas enim aliquando laxari
& à se dehiscere, Medici exercitati nobiscum deprehenderunt. (d) Inter Ar-
noldi Bootii observationes Med. de affectibus omissis secundum à Cl. Meibo-
nio editas, quarta p. m. 12. inscribitur de futurarum discessione: *Frequens,*
inquit, *est in Hibernia, ut capitis ossa à se discedant, ac notabili spatio dehi-*
scant, præcipuè in coronali futurâ, sed & quandoque in sagittali, idque cæcâ
ac internâ causâ, absque ulla externâ occasione aut violentiâ, cui malo promi-
scuè obnoxii sunt viri eque ac mulieres, nec teneri modo ac delicati, sed duri
quoque ac robusti, &c. Laurentius Joubertus lib. de cap. affect. testis est, se se
in fronte puellæ separationem vidisse, cui post diutinam in infantia cephalal-
giam unius lateris os alterius superavit latitudinem. In *Miscellaneis Nostris*
Antonius de Pozzis, cujus pulvis in quibusdam nostris officinis prostat vena-
lis, ejuscemodi dehiscenciam circa futuram coronalem, ad pollicis latitudinem
observavit *Decur. I ann. 4 observ. 33.* quæ aliaque plura exempla legenda apud
Cornel. Stalpart van der Wiel, *Cent. I observ. Medico-Chirurg. Anatomic. p. 1.*
2. 3. 4. obstant sententiæ Columbi *l. 1 c. 4* asserentis, suturas nulla vi posse la-
xari, nisi quis scapello divellere aut frangere tentaverit. Hæc opinio de di-
vulsione futurarum roboratur etiam exinde, quòd ægri ex fortibus ligaturis
aliquod levamen sentiant, quamvis aliàs non negandum, quòd frequentius
arbitrentur sibi futuras dehiscere, quàm reverâ dehiscant, aut disjungantur.
Meminimus nostra subsidia sollicitasse, qui asseverarent, caput sibi quasi gravi
mole aliquâ aut pondere incumbente deprimi, ut cervicem erigere nequeant.

Sed

(d) conf. *Castigation. Nostræ Græbnerian. p. 59.*

Sed hi dolores ludus & jocus quasi sunt, præ tormentis, quæ patiuntur ii, quos tantum non in furorem agit acutus & pungens, ac teli infixi instar membranas dissecans. Aliquos curæ suæ commissos habuit D. Helwich, qui ait, sibi verba deesse, quibus ineffabiles illi dolores rectè exprimi possunt. Adeo furit, & vicina sensoria intolerabili dolore affligit, vigiliis ægros atterit, & brevi sanè necaret, si continuus esset. Memorabile sanè exemplum in nobili aliquâ personâ per aliquot annos oculis D. Pauli & modo etiam D. Helwich observatur. Vir ille in juventute suâ genio indulgit suo, circa virilem verò ætatem, in tormina ventris atrocissimâ, tandemque in hemiplegiam, è quâ per inunctionem mercurialem evasit, incidit. Subsecuti postmodum atroces dolores arthritici, quibus ferendis cum parem se minimè crederet, nescio quo consilio, in aquam, in quâ Luna extincta, primò pedes, deinde & corpus totum facilè quadragies immergit eò cum effectû, ut dolores Podagrici evanescerent, ac in eorum locum ineffabilis capitis dolor succederet, cum quo per intervalla repetente adhuc hodiè acerbissimè, non sine intimâ circumstantium commiseratione, conflictatur. Præludent reversuro dolori humiditate multâ perfusi oculi conniventes & aliquid convulsivi patientes, & aures tinnientes, fermentatio & ebullitio in ventriculo, ac urina cruda. Tragoediæ ipsius exordium dolor initio aliquantò lenior, sed incrementa singulis momentis capiens. Frequenter iste in sinistrâ capitis parte affligit, nec tamen in hoc latere semper in una eademque parte hæret, sed modò posteriora versus ad aures, modo ad anteriora ad radices oculorum usque, qui longè gravissimus est, excurrit, imò nec his terminis contentus, calvariâ egressus, in maxillis, labiis, sævit, imò ad humeros se extendit & regionem pectoris occupat. Non exactè tamen uno hoc latere circumscribitur, sed ad dextrum etiam sese diffundit. Circa nucham aliquando adest tumor rubescens cum pulsu & exquisito sensu, qui tactu lenissimo immane quantum efferatur. Est verò dolor ille & gravitativus, mentum pectori ferè allidens, & tensivus sed maximâ ex parte punctivus; Quamdiu furit, æger lucem ferre nullam potest, nec propter sævitiam cruciatuum os aperire, vel plenum trahere spiritum, audet.

Apicem supremum attigit tyrannis isthæc, quando vomitus accedit, tum enim magis, quàm in Phalaridis torquetur equuleo, & tamen miser his tormentis minimùm 12 horas, sæpè 24, imò & 50 transigit. Signum declinantis paroxysmi est urinâ saturata, & paulò post copiosum sedimentum deponens. Superatis his molestiis, corpus languet & partes musculosæ quasi fustibus percussæ, tangi renuunt. Minimè verò rarò contingit, ut, capite vix liberato, digiti pedum molestiâ aliquâ vellicentur. Nunquam verò, nisi sub paroxysmo, lum-
ba-

baris regio doloribus vacat. In cura in paroxysmo ipso hemicraniarum interdum sangvinem eduximus, vesicatoria, ubi indicia materiam peccantem extra cranium sub cute hæere, applicari fecimus. Errhina quoque commendata, nec pedilavia neglecta, topicis item modo in formâ cataplasmatibus, modò linimenti, & ungenti, modò emplastri, usi sumus. Rubefacientia plantis pedum admota, quæ tamen omnia, ne minimum quidem levamen prælaudato Viro ad hoc usque momentum attulerunt. Pulveres præcipitantes nitrosi & cinnabarini anodynus maritati internè exhibiti, pilulæ de Styra-ce D. Sylv. sub tempus nocturnum datæ sunt. Quidam, quamvis sic satis tenuis effectus, ex pulveribus ejus generis, in memorato ægro visus. Extra paroxysmum antecedentes causas ex artis præscripto tollere conati fuimus. Quæcunque verò D. Pauli & Helwich, junctis consiliis, moliti fuerunt, (non autem facile ullum remedii genus, quod λόγος & methodus atque experientia sva-
det, intentatum reliquerunt) eventus optatus sæpius nominatum ægrum nondum exhilaravit, sed affectus ille adhuc hodie eum acerbissime, quanquam post diuturniores inducias exercet. Aliorum Medicorum consilio usus eodem facto, licet ab iis & ad sumptuosas Thermas & ingratas Acidulas, ac Laconici sudores damnatus, ut de purgationibus, scarificationibus, V. S. fonticulis, &c. nihil dicamus. D. Preullius ex præposterè curatâ per balnea aliaque, quæ non conveniebant, ani fistulâ, epilepsiam singulis ferè horis repetentem, cum antea rarissimè invaderet, notavit. Sed nec minus observatu dignum est, quod D. Grassius memorat, usum Chinæ-Chinæ in Febribus intermittentibus, hoc mense, licet summâ cum cautelâ adhiberetur, minus fuisse proficuum, nec eam vim, quam aliis temporibus, exeruisse.

Præter enumerata in antecedentibus, symptomata febribus continuis hoc Mense duo alia jungebantur, quod iterum debemus D. Grassio, sc. urinæ difficultas, & crebra oscitatio ac pandiculatio. Quoniam verò illa urinæ difficultas, ut Celso vocatur, significat molestiam, tam illam, quam quis mingere volens experitur in enitendo, quam eam, quam quis subit in reddendâ urina, ob nullius non guttæ effluentis asperitatem, quam stranguriam, Vegetius vero indignationem vesicæ vocat, scire licet, priorem nostros molestiam subiisse; Nam diu conari cogeabantur, antequam proflueret urina, quantumvis in ipso fluxu deinde liberè ac facilè flueret. Verùm brevi durabant hæ adversitates, nam ultra septimum diem ipsæ febres non extendebantur.

Obvenire etiam nobis quædam Melancholicæ Fœminæ 30 *Melancholia.* ætatis annum supergressæ, non quæ ridiculis se detinuerint negotiis, & in hæc præcipitia ex amorum phantasiarumque æstro essent perlapsæ,

sed mœstæ, alta suspiria ducentes, contra vulgarem foëminarum morem taciturnæ, à communi hominum consortio se subtrahentes, & ad nescio quem strepitum expavescentes, ac mirabilibus suspicionum procellis jactatæ levique causâ in epilepsiam hystericam devolutæ. Cùm verò dyscrasia humorum, ac impeditior eorundem motus in venâ portæ, ac excretionis menstruæ mora nostris sese ingererent oculis, facile nobis patuit, V. S., vomitoriis, pedilaviis præmissis, sangvinem attenuandum esse. Ac ad viscidum & glutinosum sangvinem dissolvendum adhibita fuere ferè volatilia, quæ præsentissimum hîc præstant effectum, quibus qui norunt interponere sudorifera, tantò citius voto damnabuntur. Nec minorem merentur hic laudem ꝑ̄lia, præprimis chalybs in substantia datus, modò ventriculus non nimis debilis sit, in quo casu omnino melius est, vel essent. martial. hellebor. Wedel. vel essent. vitriol. ꝑ̄. tartaris. Ludovic. ægris præbere. Ex acidulis in plethoricas non exigua redundat utilitas. Vina quoque virtute herbarum spleneticarum & uterinarum imprægnata auxilio quibusdam fuere. Quibus omnibus si decens corporis & animi motus accedat, omnia in vado erunt.

Occasione Melancholiæ non possumus quin addamus aliqua de nodulis in partibus musculosis brachii & femorum, non quidem oculis, sed tactui obviis ciceres magnitudine excedentibus cum motu febrili protrusis à D. Helwich in corporibus luridis & squalidis Melancholiâ quasi tabescentibus, ternisi fallimur, & à D. Grassio quamvis paulò majoribus observatis. Stupuerunt ad Phænomenon antea sibi non visum, donec opportunè recordarentur, ejus generis morbum in Hungariâ frequentem esse, sicut didicerant ex Malach. Geiger. *Microcosm. hypochondriaco*; id quoque p. 105 cognati. Daniel. Geigeri *epistola* adducitur, ex quâ aliqua hîc excerpere non pigrabimur: *Occurrit mihi ferè quotidie in Hungaria morbus quidam curandus, solis incolis Hungariæ endemius - - - quo infectis in partibus musculosis brachii, dorsi, totiusque corporis excitantur ad modum glandularum, parvi nodelli, exterius quidem invisibiles, interius tamen benè palpabiles, instar cicerum seminis lini, fabarum tamen quantitatem minimè excedentes: Paroxysmi invasionem comitatur horror & calor febrilis, ad modum erysipelatis, hinc erumpunt & excitantur modo enarrata tubercula sive glandula.* Hactenus ille. Nobis extra dubium, materiam horum tuberculorum esse humorem lymphaticum, ab indole genuinâ in vitiosam, h. e. acidam & glutinosam fortè degenerem, quod eò promptius in conceptum cadit, quo notius, substantiam cutis, præter filamenta vasorum sangviferorum, nervorum, fibrarumque nervearum varie contexta habere plurimas glandulas. Nam ex acutissimi Stenonis, Prosectoris incomparabilis, observationibus constat, singulis poris suas subjacere glandu-

dulas, quæ juxta *ἐφιδρώσεως* usum majores aut minores existant. Nec improbabile est, tubercula hæc proximè accedere ad naturam grandinum in porcorum carnibus occurrentium. An verò ulcuscula hæc sint lepræ quædam species, cui grandines suum accenset Clariss. Collega noster Rosinus Lentilius in *Miscellan. Medic. Pract. tripartit. l. 2 p. 510.* disquirere hujus loci non est. Id verò aliis eruendum relinquimus, quomodo tumores hi aut quocunque nomine vocare placet, febrili orgasmo à centro ad peripheriam extrudantur. In curâ nullum ferè operæ pretium vel antiscorbutica, vel mercurialia, aut sudorifera aliaque fecerunt. Nec in ultimo successit therapeia, quam vulgus in Hungaria adhibet his verbis à Geigero descripta: *Sale, aceto & allio locum & tubercula tamdiu & fortiter fricant, donec noduli illi resolvantur, nec coagulati amplius sentiantur, quo facto levamen illico sentiunt. Multi materiam hanc sudore discutere debent, illoque intermisso, ut in aliis malignis morbis, moriuntur.* Ad sudorem eliciendum utuntur spiritu vini, in quo liquefacta sit portio axungiae veteris cum admixtione succi allii & pulveris piperis nigri, quantum cuspis cultri capere potest.

Multò frequentiora apud nos mala præsertim in egenis sunt *Parulis.* inflammationes gingivarum cum tumore, non rarò in suppurationem abeuntes, quas Græci Parulides appellant. Hunc verò tumorem cum inflammatione nonnunquam insequitur excrescentia spongiosa, laxa & flaccida, carni in vulneribus luxurianti perquam similis, ad intimos dentes molares adharens, quam comitatur mandibularum dolor satis vehemens, & nonnunquam ipsa febris.

Græcis ejusmodi tuberculum carneum ad dentes in gingivis *Epulis.* oriens Epulis vocatur. Si apertio abscessus in Epulide negligatur, facili negotio caries succedit maxillæ. Nam dum puri exitus nullus paratur, periostium maxillæ consumitur, hoc autem facto, corrosio ossis vix evitatur, aut si fortè hoc malum imminens declinetur, quemadmodum nuper factum meminimus abscessu hoc sanato, semper durans Ichoris profluvium, fortè ob lationem ductus alicujus salivalis remanet. Ex epulide gangrænam in februrario ortam vidit D. Helwich. In Parulide emollientibus, præprimis usu ficuum, abscessus apertionem procuravimus, aut instrumento Chirurgico aperiri fecimus. De discussione nobis rarò cogitandum, quorum nimis serò ut plurimum consilium & auxilium imploratur. Epulidem incipientem præmissis universalibus non sine effectu meminimus oppugnatam vel tinctura laccæ, quam & Barnerus & Deckerus ac Barbette non vane extollunt, vel tincturæ terr. Japon seu Catechu cum spirit. cochlear. paratâ, cujus meminit Colleg.

Noſter Clariff. Hagendornius *Tract. Phytic. Medic. de Catechu Sect. 3 c. 3. p. 43.* Sed imbellia plerumque hæc ſunt remedia. Ubi enim epulis altiores egit radices, vix ſine operationibus Chirurgicis variis curatur.

Febris Bilio-

ſa.

Menſe Auguſto nonnulli laborabant febris, quam veteres dixerunt bilioſam, ejus typus ejusmodi erat: Initio gravitas & anguſtia ſentiebatur in ſcrobiculo cordis, conjuncta non raro cum naufæa (à quâ Faſtidioſam nonnulli vocant.) Cauſam non ineptè patientes vel in refrigerationem ventriculi, vel cibos viſcidos, aut iram clandestinam rejiciebant. Ad erat horripilatio non nimia, ſed frequenter recurrens, capitis turbatio, & in ſanguineo-cholericis etiam dolor. Exacerbabatur quotidie horis matutinis, cum ſenſu horripilationis, qui quo intenſior, eò certius vomitus ſequebatur, remiſſiorem verò & diuturniorem ferè ſedes excipiebant. Ægri, perpetuò jaſtabantur, nec ullam decubitûs figuram ſervabant, præſertim illi, qui nec per vomitum, nec per ſedes materiam acrem ac fervidam rejiciebant, in quibus etiam æſtus graviſor, fauces aridæ, & ſub finem deliria comatoſa, quæ ſemper ferè funeſtum in hæc febre minantur exitum, notabantur. Hypochondria non tantum contendebantur, ſed & acerbiffimis puncturis infeſtabantur. Maximum diſcrimen mortis æſtus internus retorridus & exteriorum frigus, intentabant, & ut Hippocrates pridem notavit, *circa ventriculum fortis æſtus & cordis morſus malum naxev erat.* In curâ non tantum ad ductum Sydenhamii juſculum tenuiſſimum ex pullis gallinaceis ordinavimus, ſed & nitroſa & theriacam optimo cum ſucceſſu adhibuimus. Habebant etiam in curâ locum acida temperatiora, apozemata ex rad. & fol. acetos., fol. fragar., tamarindis ſyrup. acetos. citr. Erant etiam, quibus decoctum Hordei, quod eâ intentione veteres dediffe videntur, ut acrimoniam bilioſam obtunderent, & inteſtina quâdam quaſi mucilagine obducerentur & munirentur, præprimis ſi eſſent egeni, loco juſculi pulli gallinacei ſvadebatur. Topicis etiam ſuis conſtitit honos, inter eâ verò camphorata præminebant. Lingvam aridam & fiſſam mucilag. ſem. cydonior. Pſyllii c. convenienti aquâ extractâ lenivimus.

Lipyria.

Bilioſæ febres abeunt ſubinde in Lipyriam. Nam veriſſimum eſt, quod primaria talis ſit rariſſima, ut rectè Ettmüllerus, quicquid etiam hic Sylviuſ, Primeroſiuſ, Borrichiuſ alique dicant, ſed potiùs cum neque vomitus, neque ſedes, neque ſudores in bilioſis cernuntur, metuenda eſt Lipyria, vel interprete Stahl *in Problem. pract. p. 7.* inflammatoria congeſtio interna, niſi fortè cum Lindano malis dicere, quod Lipyria ſequatur partis valde ſenſibilis inflammationem. Cum verò vulgò Lipyria deſcribatur per febrim, in quâ interiora quaſi uruntur, exteriora frigent, provide à

Lin-

Lindano monitum, quod nec per partes exteriores vulgò dicta extrema, manus, inquam, pedes, nasus, lobi aurium intelligantur, sed universus corporis habitus. Nec per algorem indigitetur frigus tale, quod tactum Medici, aut adstantium afficiat, sed satis sit, quod ægri se algere dicant & tegi jubeant, licet aliàs membra tepere videantur. In hac febre pulsus existit parvus & debilis, urina flavescit, lingua arida est, exspiratio nares proximè adstantium ferit, vigiliæ vires atterunt, vomitus torquent, inferius labrum, ut rectè Primerosius, tremat, & anxietas miserrime torquet. Hæc Phænomena facilè aperiunt, an verum sit, quod prodit Clariss. Ettmüllerus ratione frigoris, febrem hanc referri debere ad genus nervosum membranosumque undecunque irritatum, respectu verò æstuationis, ad sanguinem in præternaturalem fermentationem concitatum hincque alteratos insigniter spiritus ex acido sui generis. Edoceamur etiam ex iisdem, quid veri subsit sententiæ Sylvii *l. 1. prax. c. 29.* quæ vult hunc affectum (si modò detur) de quo quidem nos minimè dubitamus, ex duplici febre constare, biliosâ & pancreaticâ, ac à succo pancreatico, frigus, à bile oleosâ magis, quàm acri, æstum dependere. Nostro judicio hîc omnia plana. Nam certum est, in primarum viarum canali materiam urentem ac fervidam reperiri præsentè hoc affectu, nec dubitandum quin facilè, si non per vomitus aut sedes tempestivè ejiciatur, inflammatio & forsàn majori ex parte, in duodeno sequatur. Ab hac verò omninò par est, ut æstum illum internum, linguam aridam, sitim, vomitus, tremorem labri, expirationem fuliginosam, & inflammationem in gangrænam & sphacelum vergente, cadaverosam, puncturas in hypochondriis, jectigationes, anxietates, vigilias deducamus. Frigoris verò & algoris, de quo ægri conqueruntur, originem non aliunde rectius quàm à sanguinis ad interiora congestione, ac ex habitu musculofo ac ambitu corporis ad partem inflammata, repressione ac derivatione petamus. Therapeia, quam svadet Primerosius, per refrigerantia & cardiaca instituenda, nobis ad palatum non est. Nec Hippocratis curatio *lib. de affect. v. 107.* quâ frigefactoria exterius admoveri cupit, quicquid etiam hîc moliatur Martianus, nobis placet. Jonstonius Noster, post partium frictionem, calefacientia & poros aperientia applicanda esse svadet, omninò rectius, modò olea, e. g. anethinum, irinum, vitrioli, &c. non laudasset; nam hæc non conveniunt, licet ante Jonstonium ea jam laudaret Expertiss. Joël. Sylvii medicamenta, margaritæ, inquam, corallia, lap. 69 &c. habent locum, non quidem quatenus corrigunt aciditatem succi pancreatici & nimiam bilis oleositatem, sed quatenus in inflammationibus hæc ritè se gerunt. Nam ut præclare Ettmüllerus: *Lipuria febris, ad modum inflammationum erysipelacearum partes internas oc-*

cupantium, curanda per diaphoretica. Ac profectò nihil agitur, nisi omnes cogitationes eò vertantur, ut æqualis sanguinis distributio obtineatur. Nul- lum verò humanum superest auxilium, quando dejectiones aut vomitus ni- gricantes succedunt.

Synochus Pu- trida, f. Cau- sus.

Iisdem diebus nonnulli etiam laborabant feбри, quam Sy- nochon putridam, scholæ Medicorum antiquæ vocant, quam de- nominationem sine causâ carpit Francisc. Piens *Tract. de febr. p. m. 315.* alii Causum nominant, quamvis sint, qui Causum à nostrâ Synocho differre velint. Ejus indoles ferè sequens erat: Plethorici hæmorrhagiis vel V. S. assveti, ante Solis ortum, horrore quodam corripiebantur, horripilatio- nem verò illam sequebatur æstus valdè gravis, ut non abs re sit, quod habet Pompejus Sacchus *irid. febr. c. 5.* partem sanguinis oleosam & sulphuream ni- mis excalefactam supra modum turgescere, & velut in flammam adigi. Re- spiratio anhelosa & suspiriosa erat, cum lypothymiâ ac *Ἐπιδρωσα*, aliàs in fe- bre syncopali occurrentibus. Dolores capitis lancinatorii ac tinnitus aurium, ut & vertigines indivulsi hujus febris comites erant. Tensiones dorsi & ar- tuum non minori molestiâ afficiebant. Sitis premebat maxima, signum ve- hementis febris, quamvis ex Ballonio aliàs benè noverimus, quòd sitis aliquan- do major sit, quàm febris *lib. 3 consil. 5.* Non rarò in febris principio, inflam- matoriæ sanguinis stases circa pectus, in incremento autem & statu, anginae cum nostrâ Synocho copulabantur. Cùm symptomata quædam circa hypo- chondria & caput excitarentur, præsentī sedimento in urinâ, in junioribus cir- ca diem septimum hæmorrhagia narium largior morbum optatissimè solve- bat, in paulo annosioribus tum causus die 14 copiosis solvebatur sudoribus, calamitosa autem horum sors, si soporosi supervenirent affectus. Nam rectè Primerosius notavit, quòd sopor nonnunquàm in hac febre contingat, ac sæ- pè funestus sit; nec melior illorum conditio, quando urina decolor redditur, nam tùm phrenitidis & convulsionum summum aderat periculum. Aliàs urina primis diebus, diaphana, rutilans & rubicunda erat, quarto circiter die sedimentum deponebat, superiori ejus parte clarâ permanente, faustum- que recuperandæ sanitatis indicium præbebat. Pulsus frequens, inæqualis & quodammodo durus, in iis potissimum, qui de puncturis in regione pectoris conquerebantur. Sunt, qui spem omnem sanitatis restaurandæ abjicere ju- bent, quotiescunque sitis, calore tantoperè urgente, ut etiam aliqui, inter quos Oliger. Jacob. *Tom. 2 medic. septentrion. Collatit. ex Actis Tom 2 p. 281.* vi- ignis febrilis, foetus in utero matris, quæ hac febre laboravit, hospitis ossa in pulverem rubicundissimum soluta fuisse, scribere non erubescant, deficit.

At verò minimè desperandum, modò tussis adsit, nam multiplici experientiâ compertum habemus, *quod si non infestentur, quibus tusses sicca leviter irritantes in ardentibus fiunt, ut sonat Hippocratis Aphorismus*; (e) Et Eurianactis filia, febris ardenti correpta, nunquam toto morbi decursu sitivit, tussiebat autem, ut legimus; *Epidemic. Sect. 2.* Oblatum D. Helwich exemplum in Fœminâ, quæ hac febre laborans die 9 excrementa albicantia excernebat, & ictero superveniente feliciter liberata fuit. Eximius V. S. in principio hujus febris est usus, modò illa non ortum trahat à nimis laboribus, aut ab usu Veneris, nam Neo-nuptis hanc febrim aliquando molestiam facere notum est. Ejusmodi enim viribus captis sanguinis missio exitio esse potest. Cum enim semen sit quinta essentia, flosque ac cremor sanguinis in toto corpore optimi, tota quæ ferè Medicorum schola Avicennæ subscribat dicenti, plus decedere homini, effluente una feminis uncia, quam si 50 educantur sanguinis; Post magnam feminis jacturam, sanguis sine piaculo vix educi poterit. Conf. Heinr. ab Heer *observ. Med. p. 175.* Pugnatum fuit contra febrim armis nobis usitatis, i. e. bezoardicis & diaphoreticis, potionibus analepticis & refrigerantibus, decocto citr. tamarindor., emulsionibus &c. Epithemata cordi & hepati imponi solita ferè apud nos in desuetudinem abierunt, aut, si etiam hinc tyrannum litterarum aliquid dandum fuit, factum illud, sub declinatione, ipsisque epithematibus ea addita, quæ tonum viscerum respiciunt.

Spectatæ etiam à nobis aliæ febrium, si vulgaria Medicinæ *Febres Affodes, Eloffodes, Syncopales.* systemata sequimur, species, Affodes, inquam, Elodes, quæ intempestivos & inutiles sudores comites habent, syncopales, cujus Arabes communiter duas constituunt species, sed quia rectius symptomata febrilia, quam febres statuuntur, neque in curâ peculiare quicquid à nobis observatum; non est, cur in his nos detineamus. Hæmorrhagiam penis profusissimam ex hæmoptysi suppressa D. Preussius, ex abusu Veneris nimio D. Grassius, ac ex imposito vertici vesicatorio D. Pauli, ortam vidit. *Hamorrhagia penis.* Diarrhææ mixtur. ex essent. carm. traumat. *Diarrhæa.* ac anodynâ feliciter sublata sunt. Fortassis non ingratum fuerit Lectori, si breviter hinc attexuerimus, quo cum successu nostri (quorum non pauci, cum Medicamentis sublevari non possent, ad thermarum opem confugerunt) thermis usi fuerint. Scimus ea commendari in diuturnioribus capit. *Thermæ.* tis doloribus; ac in nervorum affectibus; Cum itaque Vir aliquis chronico malo jam per annos tortus, animum ad Thermas Carolinas appulisset, iisque ritè usus esset, tantum abest, ut malo hoc liberatus, ut potius atrociori

(e) conf. Castig. Grabner. nostræ p. 69.

ciori insultu afflictus Vratislaviam reversus fuerit. Vir Plethoricus diætæ vinosæ & aromaticæ deditus, litibus de herciscunda hæreditate implicitus, post varias cum affine altercationes irâ effervescens, incidit in vertiginem, & mox lateris sinistri resolutione & refrigeratione prehensus est, ut nec brachium nec pedem movere potuerit. Truculentiam affectûs D. Helwich idoneis Medicamentis quidem domuit (ut & motus & sensus affectarum partium rediret aliqua ex parte) sed nullâ arte perfectam ei sanitatem restituere potuit, & propterea ad Landecanas in Comitatu Glacensi aquas (quas thermas appellari non posse, quod calidæ non erumpant, sed ad lavandum eas calefieri necesse sit, auctor est P. Balbin. in *miscellan historic. Regn. Bohem. l. 1 c. 24 p. m. 61.*) abiit ac prorsus sanus ac incolumis domum rediit, confirmavitque suo exemplo veritatem verborum Nostri Scriptoris Cl. Schickfusii *lib. 4. der neu-vermehrten Schlesischen Chronica cap. 4 paragr. 7 p. m. 28*: Den Paralyticis, welchen die Glieder ganz unbeweglich und erlähmet oder contract seyn/ ist diß warme Bad gar nützlich/ &c. Et idcirco rectissimè eas eo etiam nomine celebrat Kremerus in *descriptione fontium Medicatorum in Comit. Glacensi c. 3 p. m. 63.* Idem docent exempla plurium aliorum à membris resolutis curatorum, licet cum Willisio *de animâ Brut. part. 2 c. 9.* ad grallas, tanquam trophæa devicto morbo non provocemus. Unde nescii sumus, quò jure concludere potuerit Lamzwerde, quod thermarum balnea non sint conveniens paralyticorum medicina. In tremore, quo subinde post terrorem ex fortuito incendio ortum quinquagenarius sanguineus concutitur, frustra sollicitam meminimus opem fontium Landeccensium, Carolinarum thermarum ac Hirsbergensium, ex quarum usu auxilium polliceri videtur. Casp. Schwenckfeld in *Beschreibung des Hirschbergischen warmen Bades/ p. m. 100.* nisi forte loquatur de tremoribus, qui solutis febribus aliquando supersunt, quo in casu balnea aquarum temperatarum laudat Cl. Andr. Baccius in *doctissimo opere de therm. l. 7 c. 23 p. 472 edit. Venet.* Vulgò recepta & communiter approbata doctrina est, quod thermæ præprimis Carolinæ, arthritidem, malum ischiaticum dissipent, imò eas ad articulos nodosos & duros emolliendos cum Greifelio *Tract. de cur. l. etis in Arthrit. p. 149.* non pauci commendant, credentes, quod podagram arthritidemque nodosam enodent, ut loquitur Cl. Langius *Tract. de Therm. Carolin. c. 5 p. m. 248.* & propterea Dn. Strauss. in *Therm. Carolin.* non sine causa adducit historiam *p. 100.* de profligatis podagrâ & calculis in sexagenario curâ ritè peractâ. At illa fortuna non affulsit afflictissimo cuidam arthritico nostri, qui, ut acerbissimos dolores mitigaret, salivatione usus, & hâc spem ejus frustrante, cum nullum in pharmacis subsidium inveniret, ultimò ad opem Car-

rolinarum thermarum confugit, sed minus auspiciatò, fereque in his, quam anno, nondum à curâ thermali præterlapso, exquisitissimis confectus cruciatibus, Vratislaviæ tumbam nactus est, præoccupasset. Cratonis Nostri verbis sequentibus *l. 1 Conf. Med. Conf. 16. : Therma Landeccenses profecto, si tempestivè à moderatis hominis adhibeantur, plurimum momenti in curâ podagræ, modo morbus sit curabilis, afferunt, non adeò frequenter respondit eventus.* Idem dicendum etiam de Hirsbergenfibus, quamvis aliter olim visum Casparo Hoffmanno *in Epistolâ quadam Schwenckfeldii Tractat. appendicis loco adjectâ*, nisi forte non tam culpæ thermarum, quam luxuriæ immoderatorum hominum sequior eventus sit imputandus, quos incurabiles esse rectè Crato *l. c.* observat. Hoc ipso tamen minime sublimes earum virtutes, in profligandâ arthritide, in totum negamus, sed cum Cl. Sorbayt, Verzascha aliisque debitas laudes tribuimus. In tribus Polonis equitibus ex diuturno hæmorrhoidum fluxu cachecticis, magnam vim Landeccenses fontes, teste D. Pauli, ex-
 eruere. Steriles Foeminae promiscuè maximum sibi pollicentur auxilium à thermis, & vix decima quæque voto damnatur suo, nisi fortè ejus causâ sit uteri impuritas, frigiditas ac superflua humiditas, (confer. Fallop. *c. 17 de Aquis Thermalib.*) quarum etiam satis paucæ prolibus post earum usum beantur.

Fluor albus pertinax malum, modo non ex contagio ortus sit, Landeccensibus curatus. At in fluxu mensium immodico, experientiâ edocti, non facile eas cum Cratone *l. 3 Conf. 33.* iwaserimus; tametsi Dn. Vicarius *in Hydrophylacio novo p. 186.* itidem credat, quòd thermæ nimium fluxum mensium moderentur. In doloribus colicis, qui paræsin minabantur, scorbuticus aliquis emaciatus, insigne auxilium à Landeccensibus expertus, & optimè propterea has Hirsbergenfibus præfert. Crato agens de præcautione doloris colici *l. 1 Conf. 10.* In tympanitico corporis tumore cum optimo successu Carolinis usus vir illustri genere natus. Hominibus per multos annos cum calculo luctatis commendare thermas, valdè imperitorum est. Ii, qui primum doloribus nephriticis infestantur, fluctuante ex quorundam sententia materiâ tartareâ adhuc in vasis, quique renibus nullâ labe notatis præditi sunt, à tormentis beneficio thermarum nostrarum inducias ad aliquod tempus impetrare possunt. Nuper, ut obiter id dicamus, exemplum habuimus in Polono Equite, quantum noxæ reportent ex thermis ii, qui meatum urinarium, carunculis impeditum habent. In obstructionibus hepatis, lienis, pancreatis, vasorum Mesaraicorum, in fluxu mensium impedito, magna thermæ nostræ præstant. Conf. de usu thermarum in scirrhis viscerum Dolæum *in Encyclop. Chirurg. rational. l. 3 c. 4.* Virtus quoque earum elucescit in incipiente surdita-

te, in quâ thermis Bollenfibus c. successu usus est Horstius, ut ipse testatur *tom. 2. Oper. p. 489.* Morbis quoque cutaneis achoribus, tineis, serpigini- bus, tumo- ribus, ulceribus & abscessibus opitulatur, ut toto videmus die. In asth- mate seni aliquot attulerunt auxilium. In pruritu, diro illo malo, septuage- naria aliquantulum per Landeccenses sublevata est. Hæc allata sunt eo fine, ut intelligeremus, quam consona vero sint illa Savanorolæ: *Medicus bonus & prudens oculos mentis omni studio apponere debet, antequam infirmo consu- lat de transitu ad balnea*; nam nullus paulo peritior Medicus est, qui non ra- rò ab acidulis & thermis æque languentes rediisse viderit, quales abierunt, quamvis industriæ suæ nihil reliquum in curâ fecissent, nam solatium illud per hysterergiam sæpè numero evanidum est, & à subsequente letho fugillatur, ut nostra faciamus illa Clar. Collegæ nostri Rosini Lentilii *in Miscellan. Medico- Practic. p. 475.* Et sanè nullus aquarum medicatarum usus esse potest, nisi quando constat, morbum vel per vias urinarias (copiosi enim tales fontes uri- nam movent) vel per ejectionem sordium (quas vehementer & ferè sine tor- minibus exturbant, ubi thermoposia invaluit) superari posse. Et hæc tantò magis fidem merentur, quanto est certius, quod morborum, quorum medela ex aquis illis petitur, causa ferè sit crapula & alimentum supervacaneum, & vix devia-remus à tramite veritatis, si nostra faceremus in Silesiâ Clariss. Listeri *ex exercit. alter. descript. Thermar. ac Fontium medicatorum Angliæ* se- quentia: *Universus victus nimirum & vita etiam optimorum virorum mini- mè ex naturæ legibus sobria & parca est, neque quoad ciborum quidem gene- ra rectè instituta, ut quæ nonnisi ex fructibus naturaliter sumi debuerint: ab ipsis, inquam, incunabilis gulositatem docemur, atque reliqua ferè vitâ nostrâ palato & voluptatibus indulgemus, atque hæc valetudinis nostræ præcipua ca- lamitas est.* H.J. loco citat. p. 147. &c. Paraly sin linguâ | D. Preussius & D. Hel- wich, hic in Presbytero, ille in aliâ personâ, Deo annuente, intra bidui spatium iste, hîc verò intra septimanæ inter-vallum curarunt.

Ophthalmia.

Dum ad Septembrem progredimur, primâ statim fronte oc- currit Ophthalmia, de quâ quidem jam supra obiter mentionem fecimus, nunc verò frequentia requirit, ut iterum breviter de ea agamus; Col- lega Noster D. Dehmb / eam toties expertus, quid in proprio corpore observa- rit, paucis edisseremus. Ophthalmia ipsi habitualis est, per intervalla rediens, iterumque recedens, nunc in hoc, nunc in illo oculo, antea quidem dextro fre- quentius, nunc sinistro. Hoc anno per integrum Augustum & Septembrem, maximè ipsum cum aliis afflixit, febre stipata inflammatoria, quotidie sub ve- speram recurrente. Præter ruborem, dolorem & tumorem oculi, tanta simul

lippitudo, & copiosior lymphæ effluxus è narium sinistro oculo affecto vicino effundebatur, ita, ut per metastasin quasi omne serum, per vias has effluere videretur, quod alibi nempe in intestinis & renibus adeò deficiebat, ut æque ac in hydrope, ubi propter eandem feri ῥοπήν; & alvus & urinæ excretio parca est, utraque harum excretionum ad stuporem usque retardaretur. Alio tempore oculi ejus inflammati collyria cujuscunque generis perferre poterant, tam calida, quam frigida &c. Hoc anno nullum planè perferebant, maxime frigida, & quibus mysti pulveres, sola humida sine pulvere, v. g. ex decocto cort. granator. c. croci orientalis paucâ quantitate calidè applicata, unice tolerare poterat, ex quibus etiam levamen sensit. Ex internis, cum ab aliquot jam annis, omnia remedia vinosa v. g. essentiæ c. spiritibus ardentibus factæ item salia volatilia propter orgasmum sanguinis, quem excitant, ipsi nocuissent, eorum nullo usus est, quocunque etiam nomine remedii specifici aut depuratorii superbiret, nec reliqua etiam sicca, quæ quodammodo massam sanguineam calefacere, ut Diaphoretica, aut fundere, ut Cinnabarina, possunt, adhibuit, exceptis solis lapillis cancrinis, qui interdum sine damno capiebantur. Cortex Chinæ, quo in aliis Februm generibus cum successu multiplici in corpore suo usus fuerat, in febre fugandâ quidem virtute sua non destituebatur, ast cum inflammationis augmento, quod plus unâ vice expertus, ita ut, si febrim per aliquot dies mitigare vellet, Electuario Chinato uteretur; si ruborem & ardorem compescere, ab eodem desisteret. Inter universalia neque purgantia, neque decocta, lignorum aliquid illi conferebant, imò malum exasperabant, ita, ut per integrum paroxysmi tempus, omni ferè remedio, tam interno, quam externo, carere cogeretur, solâ diætâ tenuiori immo simplicissimâ contentus. Ex externis vesicantia tamen experiri placebat, circa quorum applicandi locum, curiosum quid, suo damno, observavit. Applicabat eadem circa aurem sinistram in loco, oculo affecto, secundum Autorum & Collegarum, qui ipsum visitabant, consensum, imò præscriptum, vicino, ex quâ re duplex damnum percipiebat.

1. Quamprimum cantharides, quod intra quinque horas factum fuerat, virtutem suam exeruissent, saporem in ore sentire sibi videbatur Xibetho analogum, qui, quoad vesicatoria eodem in loco relinquebantur, perdurabat, & cuivis alimentorum & potulentorum generi sese miscebat, ut nauseam exinde caperet.

2. Dolor in dies, imo horas singulas, vesicis humorem plorantibus, exacerbabatur & lippitudo adeo augebatur, ut singulis momentis oculus aquam stillaret. Quo duplici incommodo permotus, vesicantia post triduum, ex eo-

dem loco, in remotiorē, & quidem pedem sinistrum transferebat, ex quo duplex iterum enascebatur observatio.

1. Quod intra Nicthimeri spatium vesica, emplastro etiam fortissimo, vix excitari potuerit, propter serum ad superiora versum.

2. Quod, quam primum vesicæ in pede stillare incipiebant, quod parcius tamen contingebat propter eundem feri defectum, in momento quasi dolor oculi remitteret.

Plures experti, ut ante innuimus, eundem eo tempore affectum. Vidimus enim satis multos, quorum oculi tum lachrymis stillabant, in abdito latente adhuc causâ, cur humores hâc tempestate, ex sanguine in glandulis ad fauces sitis, evacuentur, alia verò, tum in aliis corporis partibus, tum in glandulis ad oculos, seu ut clarius loquamur, ignoratur hodieque, quid sit, quod sanguinem commoveat, ut modò hâc modò aliâ viâ, humores seroso-lymphatici exturbentur. Parcite verò Cartesii manes, quòd superfluum illam humiditatem non ex vaporibus condensari credamus, sed natales ejus in glandulis quæramus, sc. lachrymali innominatâ, iisque quæ in palpebris reperiuntur. Pridem enim felix acutissimi Stenonis dextra detexit, quomodo humor per ductus ex lachrymali quidem per pauciores, per plures vero ex innominata ad oculos derivetur, & jamdudum Celeberr. Meibomius in *Epist. ad Langelot.* accuratè descripsit novos ductus glandulosos in utraque palpebrâ plures sæpè triginta, qui sub Limbo cartilagineo palpebrarum versus bulbum oculi siti ostiola sua in ipsâ extremitate limbi habent: hoc vero indubitatum præbet argumentū, quod per hos ductus, qui, ut diximus, versus oculum hiant, ad superficiem oculi humor fluat. Sed præter humiditatem illam affluentem, quæ subinde satis acris est, ipsasque genas exulcerat & excoriat, in tunicâ adnata cernitur rubor, vasa arteriosa & venosa in conspectum prodeunt, quod vix fit, ubi membrana inflammatione correpta non est. Quin aliquando serpit labes ad reliquas oculi tunicas, uveam & corneam, ipsasque palpebras, & æstus ad humores in bulbo latitantes propagari videtur. Ruborem & ardorem comitatur dolor. Præterea ægris oculus connivet, & lucem ferre nequit, pupilla etiam aliquando angustatur, palpebræ coalescunt. Quibusdam hâc oculorum inflammatione laborantibus V. S. profuit, (confer. Hildan. *Cent. 4 obs. 14.* & Galen. *l. 13 Method. medend. c. ult.*) alii, ne minimam quidem utilitatem ex ea coeperunt. Hoc & Dolæus perspectum habuit, imo ausus est scribere: *V. S. meo iudicio, hic magis obest, quam prodest, qui sanguis non est in culpâ nec ille est evasatus*, quæ quidem ratio satis jejuna est, ut enunciatio ipsa minimè vera, nam quòd obfuerit V. S. nemo nostrum unquam vidit. Purgantia ferè omni-

omnibus aliquod auxilium attulerunt; quod olim Duretus in Coac. prædictiones optimè notavit, & nuper adhuc Doctiss. Pechlinus in dialogo de potu thee ita scribens: *In oculorum inflammationibus, cum frustra diu laboratum topicis & collyriis, uno sæpè purgante totum morbum profligari.* Ac Spigelius *Anatom. l. 7 c. 2.* notavit, cœcos etiam à copioso alvi profluvio, derepentè exorto, visum, & quidem subito, recepisse.

Diaphoretica, ut omnium inflammationum remedia sunt genuina, ita quoque in hoc affectu apprimè juvant, quemadmodum præclare Dolæus in *Encycloped. Chirurg. p. 168.* confer Horstium *l. 7 obs. 25.* Et hîc quidem decocta Lignorum & Chinæ & sarsaparill. vulgo promiscuè laudantur, quamvis in plethoricis magis obsint, quam profint, idemque de his dicendum, quod de decocto fœnu Græci (quantum ad usum externum) scripsit Septalius *l. 6 animadv. n. 79.* sc. nimis esse calida. Et quod Simon Pauli *Quadripartit. Botanic. class. 3.* de vino Euphrasiato, ut vocat, habet, circumspectè agendum, ne promiscuè utamur. Nonnulli in pertinaciori ophthalmiâ ad salivationem confugiunt, quod in Nobili Fœminâ ante aliquot annos fecit D. Tralles: Verum in tantam ex hâc curâ oculi inflammationem mulier illa incidit, ut cœcitatîs periculum ægerrimè potuerit declinare. Juvenem ex contagio venereo ophthalmiâ laborantem salivatione mercurialibus excitatâ occæcatum, meminit D. Pauli. Topica, quæ fronti & temporibus sub formâ emplastrorum aut cataplasmatum ex adstringentibus v. g. myrtill. balauft., thure, mastiche, succo acaciæ &c. à Chirurgis affluxûs sistendi causâ apponuntur, vix approbare possumus, eò quod hæc adstringentia remoram injiciant humoribus in minimis vasis in orbem redeuntibus, cum ad fluxiones prohibendas nihil melius sit, quàm liberum in minimis vasis procurare humorum motum. Consuetudinem illam vulgi & muliercularum, omnibus Collyriis vitriolum album admiscentium, jam pridem castigavit Celeberr. Wedelius *de Medicament. compos. extempor. p. 208.* Tutia, prout vulgo paratur, jam olim suspecta fuit Montano *Consult. 142.* Et sanè omnis dies docet, quod, nisi in tenuissimum pulverem convertantur tutia, cerussa, æs ustum, in oculorum affectibus vehementer noceant. Confer. Hildan. *cent. 5 obs. 28.* Et nemo paulò magis in praxi versatus diffitebitur, quod etiam ex laudatissimis præfidiis insigne damnum in ægros redundet, nisi cum prudentiâ adhibeantur. Sacra anchora in inflammationibus oculorum est Setaceum. Non tamen vanus est Piempius, scribens, quod in siccioribus magnopere læsionem adaugeat.

Cæterum cum sit satis clarum, medicamenta, quæ oculis imponuntur, non tam diu inharere, donec vires suas exerant, optandum omninò, ut tandem vascula illa vitrea instar cucurbitularum oculi orbitæ respondentia ab Hieronym. Fabrit. ab Aquapendente (f) excogitata, in usum trahantur; nam liquore repleta oculo commodè admoveri poterunt, iis etiam cum fructu Silvatic. Capivaccium aliosque esse usos novimus. Paulo est obscurius, quid iudicandum de remedio illo ophthalmiæ, quod quondam aliquis Bartholino, ut *Cent. 4 obs. 80.* testatur, communicavit. Hoc verò vult, ut lobulus auris lateris affecti perforetur, perque foramen factum trajiciatur turunda longiuscula ex inverfo & convoluto cortice radicis laureolæ, tam diu relinquenda, donec auris & vicinæ partes intumescant, ubi demùm turunda leviter commovenda, ut æquæ copia collecta effluere queat, hæc exhausta spondit fore, ut auris detumesceret, & ophthalmia sedaretur. Conf. River. *Cent. 4 observ. 100.* Cl. Schneiderus *lib. ult. de Catarr.*, quæstionem illam ventilat, an Febris ophthalmiam solvere possit, cum Hippocrates ipse doceat, *quod febris superveniens sit solutio lippienti*; Neganti nos testimonium perhibemus, quamvis omninò probabilè sit, motu febrili posse humorem in oculis hærentem, per metastasin ad alia membra, ad pleuram, jecur, pedes &c. protrudi. Ophthalmiam chronicam, cæteris omnibus frustraneis, abrasione capillorum capitis, sanatam vidit D. Preussius, succedente tamen tussi, quæ ab ipso laxantibus sublata fuit. Idem quotidianam algidam in feniculâ, cum Paralyfi pedum sub paroxysmo conjunctam, notavit; Et in aliquâ etiam dolores arthriticos cum paralyfi alterutrius lateris conjunctos, qui, salivatione ex propinato mercur. d. cum stimulo purganti fortuito succedente, plene fuerunt debellati.

Diarrhæa.

Diarrhææ satis erant frequentes, neque tamen, ut solerter observavit D. Grassius, nisi ad medium mensis durabant, ac locum deinceps cedebant redeuntibus febribus continuis cum doloribus capitis, nuchæ, faucium, orificii ventriculi, lassitudine ulcerosâ, &c. quæ bezoardicis fixis & temperatis optimè curabantur. D. Helwich non meminit, in ullo mense plures se audivisse fœminas conquerentes de perturbatione mensium, ac quidem in hoc ipso Septembri. Tot enim occurrebant, quibus gravitas circa regionem uteri, lassitudo, molestia circa præcordia, & nauseabunda adversitas, angustia in motu versus loca acclivâ, & ascensu scalarum, palpitationes cordis, spasmi artuum, hemicrania, nephritis, hæmoptysis, aliaque symptomata erant molesta, quæque non immeritò si-

(f) de Chirurgic. Operation. cap. de suffusione p. m. 22. conf. etiam Sculteti *armament. Tab. 8. fig. X.*

sibi metuerent ab asthma, scirrhis viscerum, hydrope, epilepsia, paralyfi, phthisi, contracturis &c. Causa verò tam frequentis suppressionis unicæ quærenda erat in ingurgitatione ciborum frigidorum & viscidorum, fructuum horæorum omnis generis, lactucæ, olerum, lacticiniorum, panis calidi, carnis suillæ, aliorumque, puta placentarum mellitarum, &c. Ubi quidem res ipsa loquebatur, emetica iis, in quibus malum nondum egerat radices, danda esse, quorum etiam salutarem effectum non paucæ expertæ fuerunt. Illis verò, quæ jam per aliquod tempus suppressione mensium laboraverant, lenioribus purgantibus ac incidentibus & aperientibus subveniendum erat. In pituitosis cum fructu adhibita fuere ea, quæ pollent facultate resolvendi mucum, v g. rad. galang., ari., dyptamn. caryophyllat., bryon., helen., helleb. nigr. herb. agrimon., meliss., puleg., rorismar., crocus &c. flor. calendul., cheir., &c. sed sanguineæ præsentius sensere levamen ex usu rad. cichor., rub. tinct., taraxac., fl. cent. min., &c. Gummi ammoniacum palmam his omnibus faceret dubiam, nisi delicatularum gustum offenderet, aut fortè placeat, resinosas ejus partes spiritu extrahere & in forma guttarum exhibere. Nihil quoque impedit, quo minus postmodum martialia exhibeantur, quod etiam non rarò factum. Stimulantibus non nisi circa Lunæ phases, præmissâ depletione sanguinis in exiguâ dosi, repetitis vicibus, (secus ac imperiti empirici faciunt) naturam officii sui admonuimus. Cum enim Wierus, Marchetti, alique notarint, non rarò copiosum circa uterum stagnasse sanguinem, quæ ex emmenagogis illis myrrhatis, sabinâ ac cumprimis oleo ejus sperari potest utilitas? Nulla, imò præsens potius noxa metuenda est; nam, per repentinum & præcipitem illum sanguinis appulsum, infarciuntur pori, ac major sanguinis stasis oritur, & obstructio redditur pertinacior. Quod quidem in juvenculis, quibus tardius menses erumpunt, sole clarius est, nam tantum abest, ut pellentibus natura ad reddendum tributum menstruum invitetur, ut potius ad alia molimina impellatur, & non raro convulsivi affectus, passionessuffocativæ ac hæmoptyses consequantur, sicuti aliquot exempla infelicitis ejusmodi curæ Nobis cognita sunt. Quâncumque vero circumstantiæ usum emmenagogorum eminentium exigunt, practici erit providere, ne alvus sit adstricta, nam nisi hoc fit, sanguis congeritur ad caput, & hinc occasio datur dolori gravativo, distensivo, vellicanti, ac inflationi exteriorum partium, tinnitui aurium, frigori circa verticem capitis, &c. quæ pathemata mulieribus hypochondriacis, & propter suppressionem mensium hystericeis, admodum sunt familiaria, tum aliàs, tum quando alvo obstructâ pellentibus profluvium menstruum reluctanti naturæ extorquere Medici gestiunt. Nec minùs bene mul-

multis tùm temporis menses prorsùs cessabant, quamvis satis inordinate; Cum ejusmodi verò planè miserè per totam vitam agitur, nisi in peritum inciderint Medicum. Nam nisi is admodùm sollicitè caverit, cholericæ quidem in asthma siccum, tussim siccam, hæmoptysin, phthisin, &c. facillimè prolabantur; Phlegmatico-sanguineæ autem tumores pedum œdematosos incurunt; Sanguineas verò lerna malorum excipit; Nam alias epilepsia torquet, aliæ doloribus hypochondriaco-hystericiis, vomitibus, cardialgiis nauseabundis, per reliquum vitæ tempus obnoxia degunt; quibusdam per intervalla vox intercipitur, facies sæpè turget, cervix quasi onere aliquo incumbenti deprimitur, auditus hebescit, nonnullæ cum Rheumatismis conflictantur, alias iterum malè mulctat paralytis, ut de angina, erysipelate, nephritide &c. jam non dicamus. Et quamvis diætam exactissimam servant, vitæ sedentariæ valedicant, placidè corpus moveant, sanguinem vel per V. S. vel per scarificationes depleant, nondum charybdim prætervectæ sunt, nisi motum sanguinis providè moderetur Medicus & spumanti ac exundanti sanguini debito tempore repagula objicere norit.

Nec nulli erant, quos tùm vexabat dysenteria, quâ de occasione fluxûs eo tempore grassantis, breve scriptum elucubravit Collega noster D. Christian Helwich, in quo Phænomena notavit & præter alia curam annexuit. Cum verò cum nostris observatis concordet, eum tractatum in suas distributum Sectiones cum veniâ Lectorum subjiciemus.

SECTIO I.

§. I.

Dysenteria omnium maximè sub finem æstatis & autumnò grassantur, præprimis si *hyems australis & pluviosa, b. e.* Interprete Celeberrimo Tozziò clemens & placida, *ver autem siccum & aquilonium* fuerit; Ejus enim generis tempestates difficultates intestinorum parere, innuit Hippocr. lib. de *Aëre, Aquis & Locis*, ut & *Seç. 3 Aphoris. 12.* & hoc tanto magis, si æstas fuerit calida. Idem tamen Hippocrat. etiã auctor est, dysenteriam post frigidam & humidam aëris constitutionem oriri *lib. 1 Epidemic.*

§. 2. Interdum fluxus hic dysentericus sporadicè affligit, interdum verò epidemicè stragem edit in omnis generis homines sævitiam suam exerens.

§. 3. Otiosis, gulæ & ventri perlitantibus ab eo majus periculum imminet; horum enim corpus pravis, glutinosis ex prava digestionem scaturientibus humoribus infarctum est. In quem etiã suò modò referas phlegmaticos.

808. Cæteroquin miris animi perturbationibus obnoxii ejus generis homines esse solent.

§. 4. Cholericæ etiam & sangvineæ constitutionis qui sunt, facile dysenteriam incurrunt & ægrè ab illô malo liberantur. Exempla hujus rei passim obvia sunt. Juvabit hîc legere doctiss. Forest. *lib. 22 observ. 35.* & in *histor. ægrotor.* Lindân. XXII. Ejus temperamenti etiam fuit comes ille, cujus dysenteria describitur in *Fortis Centur. 2 consultat. & Resp. C. 96 p. 243.* Nam ait, *eum fuisse temperamenti totius & jecoris calidi & sicci, gracilis habitûs, ad iram pronum, delitiis deditum &c.* Melancholici rariùs dysenteria excruciantur. Hinc Joh. de Lamoniere in luculenta illa descriptione *fluxus dysenterici*, qui Lugd. Gall. 1625 populariter grassabatur, testis est, se non *vidisse melancholicum dysenteria correptum.*

§. 5. Ut plurimum etiam dysenteria viris magis est funesta quam Fœminis: ita, quod mireris, ipsæ etiam gravidæ frequenter per partum subsequum citra ullam foetus noxam hâc intestinorum difficultate exsolvuntur. Ita Bartholinus vidit gravidas, ne ultimis quidem mensibus dysenteria extinctas; & doctiss. Sennertus *lib. 3 Prætic. part. 2 sect. 2 cap. 7 p. 621.* narrat, duas Nobiles fœminas dysenteria correptas & alteram quidem partui vicinam à dysenteria incolumi foetu liberatam, alteram à pariendi tempore adhuc longius remotam abortiisse quidem ac foetum mortuum edidisse, ipsam tamen matrem fuisse servatam.

§. 6. Pueri etiam & Senes ægerrimè dysenteriam ferunt ac rarò evadunt. Melior, si quid meæ hâc in re experientiae credere possum, hîc fors est lactentium, qua in sententia me confirmat de Lamoniere. Raygerus verò ait, se observasse, multos infantes dysenteria interemptos esse.

§. 7. Præ cæteris ad malum hoc dispositi sunt, qui in morbo venereo quondam mercurio supplicarunt & ab Hydrargyrosi opem tulerunt. In eadem navi sunt phthisici aut occultâ viscerum labe affecti & gravibus ac contagiosis quondam morbis defuncti. Uberioris experientiae confirmatione eget, quod à Lamoniere traditur de contagio à cognatis non ad alios adstantes & famulantes, sed ad cognatos solum propagato; singularis etiam hîc est observatio Cl. Waldschmidt *An. 2 Ephemer. German. D. 2 observ. 213.* de dysenteria, consolidatum ulcus pedum excipiente.

§. 8. Præcedit autem dysenteriam ferè semper diarrhæa, interdum autem tumor aliquis sive distensio abdominis.

§. 9. Frequentissime cum horrore & rigore, modo graviore, modo autem remissiori invadit. Videas partes porosas constringi, vasa in periph-

riâ corporis disparere, & extrema sensu frigoris affici, recurrenteque æstu perfundi.

§. 10. Tormina mox invalescunt & molestissimè affligant; Audiuntur querelæ de intolerabili intestinorum cruciatu eorundemque depressione ac viscerum omnium descensu, ut accurate notavit Sydenham *in Op. p. 22.* quibus intimum illum lancinationis sive puncturæ sensum cum tensoriis atque presforiis doloribus, quibus umbilicus retrahitur, expressit. Conf. *Miscell. Nat. Curios. 1673 observ. 11.* Hinc non immeritò torminum nomine dysenteria Celso venit. Dolor autem ille non unum eundemque locum semper occupat; nam interdum maximè furit circa umbilicum & hypogastrium; interdum autem circa hypochondrium utrumque, ilia ac ingvina, ac ille quidem sævior, hic mitior est, hunc breviori intervallo sequuntur dejectiones, istum aliquantò tardius excretio excipit.

§. 11. Pessimis ægri rebus interdum dolores prorsus absunt, ut bis mihi observare licuit & præterea Bartholinus, Rhodius, Wedelius aliique testantur, nisi forte cum Lindenio existimes, implicare contradictionem, dysenteriam esse & sine dolore esse; quamvis vel ipse Hippocrat. 2 *Epidem. sect. 6 §. 50.* mentionem faciat dysenteriae ἀνευ ὀδύνης.

§. 12. Sequuntur dejectiones. Primo pingua prodeunt excrementa, ut plurimum mordaci acredine locis, per quæ transeunt, infesta, modo flava, modo viridia, modo albicantia, rariùs nigra, sæpè etiam varia, semper tamen magis minusve mucosa, quæ in altitudinem stupendam ab imò ad summum coherentem subinde tolli queunt; Deinde sordes illæ, cujuscunque fuerint notæ, sanguine parcius largiusvè perfusæ sunt. In ambiguo enim est, an dejectiones illas torminosas cruoris expertes, quales & Willisius & Joh. Lamoniere memorant, fas sit sub ambitu dysenteriae complecti, præsertim cum aliam etiam, ipsomet Willisio teste, curam quam dysenteria requirant. Holterius excrementa ista ferè semper spumosa, de quibus consulendus Roderic à Castro, esse notavit. Memini his oculis vidisse excreta per fermentationem in magnitudinem satis amplam cum admiratione circumstantium sese extendentia & teterrimum foetorem exhalantia. Conf. Chesneau *observ. lib. 3 p. 312.* Si ulterius serpat malum, excrementis sanguineo-mucosis pelliculæ & fibræ permiscentur, ac, si nondum ferocia morbi compescatur, sed altius malum penetret, saniosa & putrida materia prodit.

§. 13. Vix etiam mihi sunt, qui sanguinem parum non infausto exitu in largiori quantitate excernerent. Nec defuerunt, qui sanguinem sine excrementis funderent & intra breve tempus morerentur, cujus rei notabile exemplum

plum de ancillâ suâ intra triginta horarum spatium plus centies sanguinem nullis facibus admistum reijicienti narrat Loffius *lib. 3 observ. Medic. p. 206 & seq.* Conf. etiam laudatus antea Chesn. *p. 306.* Ejusmodi excretionem, sinceram, appellant, quâ de inter alios agit Roderic. à Castro *in var. Exercit. pag. 14.*

§. 14. Dejectiones interdum adeò frequentes, ut vix miseri sellam foricariam deferere possint, interdum tamen induciæ ad aliquot horas conceduntur. Utut verò sæpissimè urgeantur dysenterici ad alvum reddendam, non tamen id, quod excernitur, adeò magnæ est quantitatis, quin sæpissimè inanis tantum est dejiciendi appetentia ac anus perpetuâ punctione, pruritu tensivoque dolore molestat. Cum tenesimò non raro conjuncta est procidentia ani, vid. Holler. *lib. 1 de morb. intern. c. 43 & annotationes in illud.* Clariss. Sydenham in eâ est opinione, (g) quod morbo in longum protracto intestina ordine quæque suo deorsum versus afficiantur, donec in rectum intestinum malum omne detrudatur & in tenesimum ac ani procidentiam desinat, quæ tamen viri hujus observatio experientiæ per omnia hætenus non respondit. Ex dictis proclive est, sanguinolentum cum torminibus profluvium id est dysenteriam discernere & ab hæmorrhoidibus & hepatico veterum fluxu, in quo dejectiones carniarum recentium loturæ similes deprehenduntur.

§. 15. Ut plurimum dysenterici simul febricitant, & dum interiora ardent, exteriora corporis frigent, id quod per torporem frigidum Aurelianus significare voluit. Facile verò illa habitus musculosi refrigeratio ab aurâ provocatur & intenditur, subinde tamen æstus intercurrit, ac attenta docet observatio, quod horrida quædam refrigeratio sedes præcedat, æstus vero sequatur. Appetitus præterea dejectus est & affligit sitis inexorabilis. Lingva viscida albicanti mucilaginis obducta est, non rarò etiam atro infecta succo squalet. Vigiliæ pertinacissimæ vires atterunt. Gravis quoque præcordiorum anxietas cum exacerbatione circa vesperam premit. Urina modò impensè rubet, modò turbida est, modò cruda, observante illustri nostro Schröckio.

§. 16. Multis symptomatibus dysenteria ordinariò quasi stipata est. Nam initio frequenter conjuncta est cum vomitu. Ejus rei notabile exemplum affertur ab Hildan. *lib. de Dysenter. c. 6.* in Pueri, qui ab initio morbi usque ad extremum vitæ diem omnia, quæ affamebat, cum multa putridissima materia & vermibus ultra duos de viginti evomit. Quin imò & sanguinis vomitum observavimus, eumque non lethalem; & curâ Celeberr. Wedelii evasit ali-

(g) conf. *Castigation. Nostræ Græbnerian. p. 62.*

quis, qui aliquoties sanguinem per os excreverat *Decur. 1 Ephemerid. A 2 observ. 44.* Quâ in re etiam testem se sistit Thomas Bartholinus.

§. 17. Comitantur dysenteriam nonnunquam singultus & convulsiones, quæ triste fere præbent prognosticon. Conf. *Ephemer. Decur. 2 A. 6 observation. 82.* Ejusdem commatis etiam sunt crebræ animi defectiones; evasere tamen nonnulli. Ita singultum incipientem memini me quoque feliciter pulvere præcipitanti adjuncto olei cujusdam aromatici momento sustulisse. Inter rariora autem numerandum exemplum, quod habet Hercules Saxonia *lib. 3 cap. 23 de Dysenter. & tenesmo p. m. 260.* ita scribens: *Quendam ex atrâ bile curatum vidi. Incipiebat à flavâ bile & post abibat in atram cum singultu & vomitu.* Pusionem dysenteria laborantem supervenientibus convulsionibus liberatum refert Cl. Paullini *in Append. A 7 Dec. 2 p. m. 133.*

§. 18. Urinæ fluxus solet esse impeditior, quod ante tot secula observavit Aurelianus, ejusque exemplum occurrit *in exercitat. Pœonis & Pythagoræ p. 64.*

§. 19. Non rarò dysentericis etiam exanthemata erumpunt, morbilli, inquam, (vide *observat. Decur. 2 Eph. A. 6 p. 174.*) variolæ (conf. *Dec. 2 Ephemerid. A. 8 p. 103.*) ac petechiæ. Et licet aliquando dysenterico-petechialis febris curetur, ut legere licet *Dec. 2 Ephemerid. Germ. A. 9. p. m. 185.* & ipsemet in adolescente observavi, eventus tamen ut plurimum solet esse tristior, quâ de re videbis *Dec. 2 Ann. X. observ. 15. p. m. 35.*

§. 20. Interiora oris frequenter aphthis obsidentur, videas enim non rarò repentinam phlogosin lingvæ quasi erysipelaceam cum suppuratione momentanea aut sub uvulâ excoriationem & stigmata sanguinem transfudantia; Et hæ rarissimè bonæ spei sunt. Quod etiam dicendum de prunellâ sive fissuris in crassiori lingvæ parte cum æstu inflammatorio diuturniori & summâ faucium ariditate. Memorabile hac de re exemplum extat in Gabelchoweri *Cent. 1 curat. 50.*

§. 21. Nonnunquam etiam dysenteriis sese adjungunt dolores acerrimi circa regionem cordis, oppressiones pectoris, interceptiones anhelitûs, adeò ut ægris nonnullis à suffocatione metus sit; Accedit & in faucibus lentæ pituitæ copia per aliquot dies recurrens, ut gargarismorum opem frequentem non secus requirant ac febres malignæ in fauces humorem noxium effundentes observante Cl. Olaô Borrichiô.

§. 22. Mors præ foribus esse siveit, cum labia livent, genæ præter naturam rubent, oculi concavi sunt, nasus aquilinus cernitur ac extrema frigent. Omnibonus Ferrarius *de cur. infant. fol. 226.* addit aliud instantis mortis judi-

dicium, quod non memini me observasse, dùm ita scribit: *Qui habet dysenteriam & apparet post ejus aurem sinistram veluti res nigra similis orobo cum vehementi siti, moritur in decimo & non tardat nec evadit.*

§. 23. Et hæc & forte alia plura in viventibus observare licet. Videamus etiam, quanam in corporibus anatomico cultro subjectis sese sensibus offerant. In genere certum est, quòd canalis intestinorum vitiatum deprehendatur. Vitium autem hoc non est uniusmodi. De inflammatione eorum res certa, & tametsi non adeò copiosa prostant exempla, (ex hac fortassis ratione, quod mors raro sequatur, quamdiu malum intra inflammationis terminos coercetur,) sunt tamen aliqua. Joh. de Lamoniere *p. 4 de fluxu dysenter.* testis est, quòd, cum cadaver dysenterici alicujus curiosius inspiceret, inter alia insignem inflammationem pylori & tenuium intestinorum invenerit. Cum Platerus dysenterici pueri corpusculum, in quo crassa intestina tumebant, aperiret, eadem liventia, ac si inflammata fuissent, deprehendit, jam autem loca inflammata, quæ in viventibus rubra sunt, post mortem livere solent; vid. Plater. *lib. 3 observ. p. 857.*

§. 24. Sæpius intestina inveniuntur sphacelata. Ita istius dysenterici, cujus modo ex de Lamoniere meminimus, intestinum rectum erat sphacelatum. Et Fabritio Hildano *lib. de gangr. c. 4.* teste, dysenterici sexagenarii intestina undique gangrænosa fuere reperta. Conf. etiam Barbette *lib. 4 Prax. c. 5.* Gangræna autem omninò convincit præcessisse inflammationem.

§. 25. Aliquando ulceribus & apostematibus obseffa sunt intestina. Clariss. Coberum hic testem laudo, qui, cum plura cadavera aperuisset, intestina passim pugnum excedentibus apostematibus & ulceribus perenni serie scaturientibus ebulliisse vidit. *Decur. 2 observ. 10. p. m. 110.* Hinc dejectiones saniosæ, ut audiendus minime sit Holterhoff in discursu de *erroribus Medicorum*, in quo non paucos ipse commisit, *c. 4 p. 33.* si hoc vult, in dysenteria nunquam esse ulcus intestinorum.

§. 26. Ulterius intestina modo excoriari, modo ad summam tenuitatem resiccari, modo in locis aliquibus perforari; interdum etiam coalescere fidem faciunt observationes congestæ à Boneto *lib. 3 Anatom. Practic. Sect. XI.* quæ per otium evolvi à quovis poterunt.

§. 27. Ex iis etiam disci poterit, ventriculum, hepar, mesenterium, epiploon, subinde gravissimè in dysenteria affici & tumoribus, ulceribus, gangrænâ, sphacelo, &c. defœdari.

SECTIO II.

§. I.

Multa sunt, quæ dysentericum fluxum interdum sine morâ, aliquando verò post aliquod temporis intervallum excitant. Et hujus generis sunt initio venena quævis, & cum primis arsenicalia. Quæ hic Mercurius possit, ii norint, qui salivationem vel per inunctionem Mercurialem, vel ipsum Mercurium dulce. internè datum provocarunt. Tòto die etiam videmus à purgantibus drastrictis, in enormi, ut fieri solet à Barbitonforibus & agyrtis, aliisque Medicastris, dosi exhibitis, dysentericum fluxum provocari. Conf. Forestus lib. 22. observ. 37. Scholio. Tulpus Observ. l. 4. observ. 26. ut & Stalpart. p. 131. De dysenteria ab asperitate annuli excitata legatur Zacutus l. 2 Pr. Mirab. Hist. 84. Rex Poloniarum Michaël extinctus ejusmodi sanguinis profluvio est, & non pauci causam ejus in adamantino pulvere, ab inimicâ manu ipsi obtruso, recubuisse suspicati sunt. Certè circumfertur vulgò adhuc subtilis hic ingenii lusus de morte ejus:

Si pretiosa mors est sanctorum,

Verè Michaël Rex Poloniæ

Sanctos inter primarios numerandus est.

Mors enim ipsius fuit pretiosissima.

Quis non pretiosam mortem existimet,

Quæ adamantibus comparata est?

§. 2. De Lumbricis nota res est, eosque in flagranti delicto aliquando deprehendit Drelincourt, hominem 40 annorum, qui totos dies quindenos per dius & pernox abdomen manibus comprimens sellæ infederat foricariæ, post mortem secans, nam universi coli decursus in secretioribus cryptis atque cellulis vermium latibula passim prodidit. Alii hûc & illûc palantes grassabantur. Alios verò angvineo flexu contortos, implicatos conglomeratosque vidit. Conf. etiam Brand. Observ. in Act. Hassn. Tom. 5 obs. 31. Usus aceti in plumbeo vase asservati, ut & aquæ in plumbeis canalibus diutiùs asservatæ in dysenteriam præcipitavit. Vid. Bonet. p. 618 lib. 4 Medic. collat. Septentrion.

§. 3. Inter cibos dulcia, nimis salita, fumo indurata, male audiunt. Aretæus accusat cæpas, allium, carnes vetustas, s. quæ diù servatæ sunt, ut explicat Mercurialis in prælection. pathol. p. 326. Ab horariis, austeris, tota castra impleri dysenteriis novimus. Uvæ rubigine aliisque sordibus inquinatæ, nocentissimæ sunt. Et de uvis simpliciter idem illud testatur Conringius in Exercit. ad Billich. Anatom. fermentation. §. 9. Pepones aliquibus Im-

peratoribus, Friderico Tertio inquam, & Alberto II. fuisse funestas, eosque ex usu istorum torminibus excruciatos animam expirasse, refert Cuspinianus. De dysenteria post polyporum esum, evolvere, si placet, licebit Amat. *Cent. 6 Cur. 73.* Ab aliis ova barbi piscis accusari recordor. Ex esu brassicæ capitatae, noxio rore infectæ, dysenteriam ortam legimus *Ephem. Curios. Dec. I. Ann. 3 observ. 88.*

§. 4. Ex potulentis huc pertinet algida, præprimis si alio fuerit imbuta sapore. Sane Drelincourtius vidit Parisiis dysenteriam ortam ex aquâ Sequanæ haustâ juxta navigia linteis sapone tergendis dicata. In eo etiam censu sunt mustum, cerevisia fœculenta, vel ex aquis putridis parata. Theophilus Imperator Constantinop. ex frequenti aquæ frigidissimæ, cujusmodi nivalis est, potu in dysenteriam prolapsus est. Imo Constantinopoli quotannis Turcæ plurimi æstivo tempore alvi fluxu divexati decedunt, quod non nisi ex immodico potu nive & glacie refrigerato illis accidere Medici asserunt, ex fide Mercatoris alicujus apud Marcell. Donat. *lib. 4 de Histor. Medic. Mirab. 325.* Avenzoar de seipso recitat historiam, quod in itinere comederit herbam, quam non nominat, ex quâ factus dysentericus. Vinum Rhenanum liberalius haustum, *Ephem. Dec. II. Ann. 11. observ. 168.* dysenteriam induxisse legitur.

§. 5. Sæpè verò etiam illi dysenteria corripuntur, qui ab his omnibus abstinerunt, eo præsertim tempore, cum malum est epidemicum. Accusatur hinc contagium ab excrementis, supellectile, quâ dysentericus est usus, accubitu, effluviis ex ægri corpore per poros aut halitum in adstantes derivatis, Helidæus Paduanus observ. testis est per fistulam clysmaticam, quam adhibuerat torminosus, dysenteriam in corpus sani esse transfusam; Lac dysentericæ infecisse infantes, apparet ex *Ephem. D. 2 ann. 6 obs. 195.*

§. 6. Ut verò rectius constet, quomodo illa Phænomena ex his similibusque oriantur causis, tribus verbis præsupposita quædam ex Anatomicis & Physiologicis hinc commemorare fas sit. Inter quæ primum sit:

1. *Intestina in fluxu dysenterico laborare*, excretio enim per alvum læsa jure optimo ad intestina, tanquam ad *πρωτον πᾶχος* reducitur, quia ipsorum est *ἐνέργεια* fœculenta excrementa ex corpore ejicere.

2. Ea ipsa constare, juxta sententiam ubivis, fere receptam (1.) ex *tunicâ exteriori* communi pingvedine passim obductâ, (2.) *mediâ carnosiori*, quæ instructa est duplici fibrarum ordine, longitudinali seu recto, qui tunicam illam anteriorem membranaceam vulgò dictam tangit, & ad contractionem intestinorum in longum à natura constitutus est, & annulari, qui longitudi-

nali

nali superimpositus, ad coarctationem intestinorum in latum factus est.

(3.) *Nerveâ, crassâ, & densâ* vasorum sangviferorum plexibus & ramificationibus refertâ ac rugosâ.

(4.) *Villosâ*, quam nonnulli crustam intestinorum, alii *περίσπαρα*, alii aliis nominibus appellant, Willis glandulosam nominat, quod parte convexâ, quæ Nerveæ jungitur, magnâ glandularum copiâ confita sit; sicuti & alii, cum Clar. van Horne, velamentum bombycinum nuncupant, quod parte oppositâ videatur contexta ex fibrillis bombycini panni filamenta referentibus. Ab hac originem juxta Ruyschium *Epist. XI.* ducunt valvulæ conniventes, rugæ nempe seu juga per intestina jejuna distributa.

Tertium inter præsupposita est, *respectu totius paucas esse arterias ad intestina desinentes*, quæ sunt verba Mâlpighii in *Operib. posthum. p. 251.* imò si Borelli sententia *part. 2* præclari operis de motu animali *propos. 146. p. m. 221 & seqq.* vera est, vix 25 pars totius massæ sanguineæ, tempore, quo una circulatio sangvinis per cor absolvitur, à vena portæ redit.

Quantum sit hoc, quod *venæ portæ ramificationes occurrunt ad intestinorum volumina*, mesaraicæ dictæ, & aliæ versus extimam tunicam inosculantur arteriis, ut revchendo inferviant sangvini, aliæ immerguntur intimæ tunice, & in intestina hiant, uti id præprimis Clariss. Hartmanni experimenta ostendunt, in quo consentit Ruysch., si D. Hartmann per intimam tunicam intelligat nerveam, per hanc enim in majori copiâ vasa sangviflua disperguntur.

(5.) Glandulas tenuium esse *miliares & efformare plexus varios*, modo orbicularis, modo ovalis, modo angulosæ figuræ, *crassiorum vero glandulas esse grandiores & ad lentis figuram accedere*, & longius à se invicem distare, quarum descriptionem distinctè exhibet Doctiss. Peyerus in exercitatu Anatom. Medicâ hujus argumenti; & harum originem Ruyschius à tunica nervea, aut potius vasis sangvifluis petit easque spurias nominat.

(6.) Bilem per *ductum Cholodochum in intestinum duodenum effundi*, & *succum pancreaticum per ductum Hoffmanno-Wirsungianum*, in eandem derivari fistulam. Nec prætermittendum, quod ordinariò ferè insertioni pori biliarii seu cholodochi orificium ductûs pancreatici non longè à pyloro jungatur.

(7.) Adesse & *Nervos*, juxta communio rem opinionem à sexto pari, qui juxta Willisium *de nervor. description. & usu cap. 25.* intercostalis nervorum paris soboles sunt.

(8.) Mo-

(8.) Motum *peristalticum* s. *circumpressorium* fieri, dum circulares seu annulares fibræ ex ordine contractæ intestinorum cavitatem constringunt, & longitudinales breviores factæ, partem unam intestini ad alteram propius adducunt, quem vermicularem motum fecum propulsio sequitur. Ordinariè ejusmodi motus ventriculi & intestinorum placidus est, & cibi ingesti hâc sva- vi tractatione, per quam distensus canalis coarctatur, promoventur. Qui plu- ra de his desiderat, evolvat Sylvii *dictata ad Barthol. institut. anatom. c. X. & XI.* Willis. *in Pharmaceut. rational. Sect. 1 c. 2.* Glisson. *Tract. de Ventric. & intestin. c. XI. & cap. 15. de facultate peristalticâ* Hornium *Microcosm. §. 21.* & Hoffmann *dissertat. Anatomico-Physiolog.* Hieronym. Fabric. *in Operibus Anatomico-Physiolog. p. 138.*

9. Febrim excitari, quotiescunque in parte quadam vel fluidâ, qualis san- gvis, lymphæ & serum, vel solidis, aliquid præsto est, quod vel corruptionem infert, vel eandem minatur, cujuscunque etiam generis sit, seu salini, seu ex numero pingvedinum & mucaginum; Hoc enim, quodnamcunque demùm fuerit, ut secernatur, & organis debitis per motum humorum localem colato- rium excernatur, febris accenditur, id est, pulsus fit frequentior & fortior, ac ita non modo sæpius breviori tempore, sed & fortiori transpressione agitur sanguis, quam de febribus sententiam mihi omnino firmiter persvaserunt va- ria D. Stahl's Celeb. Professoris Hallensis scripta.

SECTIO III.

§. 1.

JAm dispiciamus, quomodo memoratæ causæ ad effectus eos producendos concurrant. Regnat ubique ferè civitate quasi donata sententia, quod enumeratæ causæ pleræque efficaciam suam exerant irritando, vellicando, sti- mulando intestina atque eo ipso tormina excitent & fluxum dysentericum. In hâc sanè sententia est Paracelsus cum sequacibus, sal resolutum accusantibus; in hâc Helmontius, ut apparet ex libr. *de potestate medicamentorum*; in hâc Bertraud. *Tr. de acid. & alkali, c. 6.* & plures alii. Ac non vanum causæ hu- jus patrociniū potissimum in purgantibus vehementioribus fortassis aliquis quærat; nam ipsa esse acria sensu deprehendimus, plurima enim in pila trita inque aërem abeuntia naribus sternutamentâ, oculisque lacrymas excutunt. Hellebori pulvis membranæ pituitosæ percitis poris hærentem tenacemque blennam in rivulum dissolvit. Elaterium quoque & euphorbium aliqui in er- rhinis commendant. Rhabarbaro nonnulli frequentem provocant salivam,

& aloën eodem fine commendat Brassavolus. Huic assertioni probandæ doctiss. Pechlinus *caput 13* impendit in *Exercit. de purgant.* Ita ergò hi seriem causarum connectunt: Ratione temperamenti multi adsunt humores acres, biliosi, falsi, mordaces, pituitosi (nam homines temperamenti cholericici & phlegmatici potissimum dysenteriam corripit diximus) ac præterea per pravam victus rationem assumptis iis, de quibus antea locuti sumus, cumulantur humores, ac proinde non possunt non intestina rodi, ac hinc dysentericæ dejectiones provocari. Quæ quousque admittenda sint, ex sequentibus, opinor, elucescet.

§. 2. Non negamus, quod in dysenteria, ab ingluvie & incauto horra-
orum fructuum esu ortâ, adsint in intestinis cholericorum & phlegmaticorum humores, acres, austeri, acidi, urentes, &c. quibus generandis apta nata sunt edulia à nobis antea designata, eo, quem Sectione præcedente, explicavimus modo. Nec negamus, quod ejus generis humores molestiam eamque sic fatis insignem intestinis afferre queant; at verò quod irritatio tanta inde oriat-
tur, quæ intolerabili præpemodum dolore misere mactet patientes, id verò est, quod credere non possumus, his moti rationibus. Nam

(1.) Diximus intestina obducta esse muco quodam, qui id præstat officii tunicæ nerveæ, quod cuticula cuti veræ, i. e. nuditatem ejus amicit, ac eandem uniformiter oblinat. Nam judice Ruyschio *epist. XI. mucus utilis est tunicæ villosæ, ne lædatur ab acris assumptis.* Hoc verò experimentum, qui vel semel attentius aspexerit, fatebitur omninò, non satis comprehendi posse, quomodo humores, quoscunque etiam cum recentioribus philosophis iis figuras tribueris, nerveam intestinorum tunicam, quam *περίσπωμα* illud munit, vellere ac potenter adeò irritare possint. Sed ponamus, villosam tunicam non prohibere, quo minus humores illi mordaces in tunicam nerveam irruant, dicimus nerveam tunicam sensu adeò exquisito non pollere, adeoque fieri non posse, ut irritationem hanc ineffabilis dolor consequatur. Quod vero sensus nerveæ hujus tunicæ adeò acutus non sit, alia viscera nervis densissimè intertexta, hepar, inquam, lien etiam enormiter læsa evidenter probant; nam quantacunque eorum noxa fuerit, dolor certè adeò penetrans non observatur. Ac multò minus de tunica illâ ex fibris constanti aliter judicandum, postquam Clariss. Wepferus detexit, *Fibras ventriculi, intestinorum &c. nihil aliud esse, quam nervos, vel saltè ad horum naturam accedere* in *Zodiaco Medic. Gall. ann. 4. observ. 2*: At verò admiratione dignum, nec tamen à verò abludit, quòd in Salzmanni *observ. Anatom. Amstelod. edit. p. 59 & seqq.* legimus de *interiore ventriculi tunica omnino corrosâ, ita ut quasi in lacerâ veste frusta pluri-*

ma dependerent nigricantia, & ventriculo ita putrido, ut levissimo negotio disrumperetur, & tamen æger ille de tanto dolore ventriculi non fuerat conquestus, sed solummodò de imbecillitate totius corporis & dolore hypochondrii sinistricum dejecta appetentiâ & siti continuâ, ut refert Salzmannus ibid. p. 58. Et cum primis notabile etiam est exemplum in Observ. doctiss. Dodonæi c. 27. de cerevisiæ coctore, qui non modo ulcere ventriculi laboravit, & omnia viscera corruptissima habuit, & gangrænâ in pede exortâ extinctus fuit, is ante mortem respondit, se nullâ corporis parte dolere, neque unquam doluisse. Nec sensit dolorem, cui ab usu magisterii perlarum ventriculus erosus, teste Cratone, & cui id contigit ab usu spiritus vitrioli. Nec adeò magnum sensit dolorem ille, de quo Ephem. Dec. I. ann. 11. observ. 299. Merclin. refert, quod in demortui ventriculo foramen repertum.

(2.) Id etiam perpendi cupimus, quod *acria* multa, e. g. piper, sinapi, salia herbarum fixa, per incinerationem facta, *amara* etiam e. g. absinthium, cent. min., fumaria, myrrha, aloë: *Acida* quoque, ut poma citria, aurantiâ, limonia, berberes, tamarindi, imò *ipsum acetum*, it. spiritus salis, sulphur., vitrioli, &c. Similiter & *austera*, fructus cynosbati, vitriol. ♂. &c. tandem & *urentia*, ut spiritus illi ardentes, toto die sumantur, ex quibus non nisi materia acris, austera, falsa, acida, &c. oriri potest in intestinis, & tamen illi, qui his delectantur, nullum in intestinis sentiunt irritationis, vellicationis, rosionis, ustionis, &c. sensum, aut certè non tantum, quantum quidem dysenterici perpetiuntur. Accedit

(3.) quòd post usum horræorum fructuum, ingurgitationem musti, &c. non finitâ coctione, ut fieri necesse erat, si ex chymo, irritante intestina, dysenteria oriretur, de doloribus illis dysentericis conquærantur ægri, sed sæpè post plures demum ab usu eorum dies cruciatibus illis torqueantur.

§. 3. Obvia ergò in intestinis sive *intus genita*, ut humores, quos biliosos vulgò vocamus & acidos, sive *ex seminio specifico exorta*, ut vermes, sive *ex forinsecus haustis orta*, e. g. ex comestis melonibus, prunis, pyris, pomis, &c. aliisque nocivis cibis, objecta quævis seu liquidâ, seu pulverulentâ liquamini alicui *immersa heterogenea*, utique rodunt quidem ac particularum suarum acumine aliquam molestiam afferunt intestinis, non tamen, ut dixi, irritando, ac spiculis suis intestina vellicando, tormina dysenterica excitant. Unde ergò illa oriuntur? Hoc ut eruamus, notandum, quod hæc in cavo intestinorum contenta, de quibus jam jam dictum est, ita sint comparata, ut massæ sangvineæ commixta, maximos in eâ tumultus faciant, imò sangvinem ad fermentationem; (nam timiditas Sydenhamii ab usu vocabuli hujus nos deterrentis merito reprehensa est à Clariss. Schelhamero de *curand. febb. method. p. 41.*)

putredinosam disponant. Id præcipuè cernere licet in fructibus horræis, præcipuis dysenteriae autoribus. Hi, quemadmodum facillimè extra corpus in putredinosam fermentationem fatiscunt, etiam in ipso corpore facillè vitium subeunt, id quod in dysenteria fieri nemo negat. Scilicet, ut reliqui cibi, ita fructus horarii in massam pultaceam abeunt, quæ perinde, ut alii cibi, constet ex parte aqueâ subtili, oleosâ & mucilaginosâ referente naturam ipsorum fructuum. Nimirum vel abundat in cremore illo pingvedo seu sulphur illud volatile, quod oleosum & vim balsamicam appellare Wedelius sivevit, & magno impetu ad putredinem ruit, vel prævalet mucago illa terrestris, quæ salinæ profapiæ est, nec ab oleosâ, à calore corporis adjutâ, resolvi & conteri potest, & tum lentoris & visciditatis mater fit, quæq; cum ei crudior affunditur potus, in spirituosum quoddam sulphureum abit. Hujus itaque liquaminis & cremoris aut massæ fermentescentes partes sanguini permixtæ, eundem è mixtione suâ disturbare, partes ejus divellere omninò moluntur, id quod apud recentiores in confesso est. Ac ipsa res non usque adeò intellectu difficilis est. Nam mustaceæ illæ particulæ motu intestino putrefactionis extenuantur in consistentiam halitusosam, ac eo ipso redduntur dispositæ ad perreptandos colatoriorum atque secretoriorum viscerum meatus atque poros, ac corrumpunt hoc suo motu materiam obviam, quæ apta est, seu partes sanguinis in suæ figuræ similitudinem transmutare satagunt, atque ita semet multiplicant non sine præcipiti sanguinis destructione. Principium ergo movens, ad hostem hunc in intestinis hærentem, vitæ filum facili negotio abrupturum, si ex peninsula intestinorum in sanguinis oceanum ruat, ex corpore exterminandum nihil non molitur.

(1.) Enim fit copiosior humoris congestio ad intestinâ, cum namque in finem partes porosæ & vasa externi habitûs contrahuntur, ut sanguis è poris & vasis ad interiora propellatur. Manifestum verò satis est, humoris hanc congestionem ad interiora fieri ad materiam in intestinorum cavitate stabulantem diluendam & emolliendam, ut diluta & emollita tantò facilius è corpore secernatur. Hanc talem congestionem non potest non frigus aliquod consequi, ut vel circumstantia vomitûs accuratiùs perspectæ edocebunt.

Deinde (2.) ipsa intestina irrequiete moventur. Fibre istæ annulares tunicæ carnosæ arctiùs, ac ordinariò fieri solet, constringuntur, longitudinales etiam abbreviantur, ut materia aliena crustæ impacta avellatur & ejiciatur. Nec dubitandum, quin ipsum etiam Mesenterium, quod in singulis palmis duodecim circiter intestinorum palmos, calculum ponente Willisio, completitur, variè contrahatur, imò, si laudatum modo Autorem sequimur, *Fibræ motrices rectâ à centro ad circumferentiam tendentes, prius contrahuntur,*
&

& deinbe in his aut illis intestinorum partibus pares contractiones cient: quod dum fit, ut fieri res ipsa docet, necessario irrequietum hunc & impetuosum fibrarum in mesenterio ac intestinis motum ac mutuam collisionem, & ramusculorum mesaraicorum ab insigniori congestione sanguinis distensionem, gravissima ventris tormina non possunt non comitari, ut cuivis exactè trutinanti facile patet. Rectè itaque Celeberr. Ettmüller in *Colleg. Practic. p. m. 144.* nobiscum infert, *acerrimum dolorem, qui dysentericos torquet, non promiscuè ex corrosione sed fere maximâ ex parte ex spasmodica intestinorum convulsione, qua intestina irritata spasma quodam correpta se convellunt, aut motu quasi vermiculari torquent, oriri.*

§. 4. Dum verò intestina ita contrahuntur & miserè torquentur, sequuntur excretiones, &

1. Quidem mucilaginosæ albicantes. Cùm verò subinde enorvis quantitas muci hujus albicantis exeat, non immeritò quæritur, unde sit? Pituitam eam, quæ ordinario nuditatem nervæ tunicæ investit, partem aliquam dejectionum constituere, solam autem non sufficere, in propatulo est. Nec hic Helmontium fuimus secuti, qui ait, talem mucum *destillare ex intestinis lasis*, & nihil aliud esse, quàm *nutrimentum intestinorum proximum sed lasum*. Quis enim, ut alia taceam, credat, tam copioso indigere intestina nutrimento, ut hoc solum, tam frequentibus per diem dejectionibus, materiam præbere possit. In eandem difficultatem incidunt, qui chylum esse contendunt, ut Rolfinc. *Cons. p. 665.* alique plures. Glandulas solas compressas hunc eructare humorem, si dixeris, eadem difficultate premeris. Ex unico ductu pancreatico itidem tam insignis quantitas stillare vix poterit, licet aliàs certum, quòd multa fex serosa, ex ductu pancreatico, propter arteriarum ad pancreas delatarum copiam & magnitudinem, in intestinum despumet & hoc ligatura in vivo animali facilè evincet. Ulteriùs aliquando vivo cani sub excrementorum in intestina delapsu, tusus venter fuit, intestinorumque tenuium partes hinc inde vinculo interceptæ sunt, atque hic consuto ventre relictus sibi canis docuit Cl. Pechlinum, quantum ex glanduloso texto liquoris, intra tempus non adeò longum, in intestina erumpat. Tumor enim ingens interceptas partes occupare cœpit, & ad apertionem serosa illuvies latè stillavit, manifesto signo, hoc liquidum, quod inter duo vincula eruperat, intestinalis tunicæ fuisse sudorem. Glandulæ intestinales insignem quoque, ut ante innuimus, quantitatem eructant serosæ materiæ, quæ similis est illi, ex pancreatico ductu fluenti, ut probat experimentum Cl. Wepferi in cane, cui *data opera ab eo fuerat abscissus canalis pancreaticus*, per totum bimestre, post hanc operationem,

superfite, factum in *Zodiaco Medico Gallico ann. 4. obs. 2 pag. m. 4.* Cl. Ruyfchius addit, magnam partem laticis aquosi per poros, quibus intestinā sca- tent, diversæ capacitatis fluere in *Epist. Anatom. XI.* Si itaque hæc omnia con- junxerimus, quis non videt, quod partem aliquam mucilaginis constituat cru- sta illa intestinorum oblinens parietes, partem succus pancreaticus & lymphæ glandularum, ut & feculentā materia in intestinis hærens. Nec dubium, ex vasis sangviferis in intestinā hiantibus excidere aliquid, quod ejusdem cum crustā villosā profapiæ sit, prout doctè, licet non ad genium seculi, explicat Glissonius de facultate secretrice, præprimis id fit, quando in massā sangvineā peregrinum aliquod oberrat, ac sanè notatu dignum, ab usu colocynthidis col- luviem quandam albicantem & glutinosam effundi, quod, quomodo fieri pos- sit, datâ occasione docebitur. Facile vero captu est, quod sub motu intesti- norum impetuoso & spasmodico concussæ glandulæ, ductus pancreaticus, ipsa etiam arteriarum oscula humorem hunc albicantem copiosius stillent, imò quandam crustæ, sub his intestinorum laboribus, abradi partem, ac quicquid in intestinis hæret, simul excludi, à vero non abludit.

2. Frequenter etiam cernuntur excretiones flavescentes, quas bilio- sas vocant. Nèc adeò arduum est, biliosi magmatis, quod sæpè etiam, ut no- tum est, à dysentericis ejicitur, fontes recludere, postquam felix Malpighii so- lertia ostendit, etiam *ligato cystico ductu*, ex quo solo bilem in intestina de- pluere antea creditum fuit, frequentem ex hepatico transire ductu in intesti- num. Quâ in re non minor eluxit industria Teckopii, qui bilem hepaticam, folliculo benè constricto, ad tres quatuorvè uncias, brevi temporis interval- lo, lagenulâ excepit. Quo ipso satis edocemur, quantum ex utroque ductu, in duodenum, intra breve tempus, præprimis in morbooso statu effluere possit. Aretæi sententiam, quod bilis etiam in ventriculô ac intestinis generari pos- sit, in *Ephemerid. nostris* tuetur Cl. Hartmann. Sed an etiam virides, nigras, dejectiones bili adscribemus? In hanc aliquis induci posset sententiam ex eo fundamento, quod in anate & plurimis avibus, vesicaria bilis viridis sæpè, he- patica, nigra & plumbea inveniatur. Sanè postquam ex foro Medico auctio illa bilis flavæ, per quam in porraceam & æruginosam abeat, proscripita fuit, communi quasi suffragio excepta sententia est, quod à succo pancreatico, vel lymphæ acidiori mixta cum bile porraceus & Isatodes color exsurgat. Et de acido quodam, ad hanc mixtionem concurrente, vel ex eo aliquis suspicari posset, quod ab infantibus, in quibus acidum, cui Harris tanquam fundamento omne morborum infantilium genus superstruit, ejusmodi dejectiones prode- ant, quæ sæpissimè acidum spirant, & in pelvi æneâ effervescentiam excitant.

Favet huic sententiæ omni ex parte hoc, quod fructus horarii, dysenteriae fontes, facile in ventriculo acescant, & ejusmodi dejectiones gignant, observante etiam Bontio *de Medicin. Indor. lib. 3 c. 6.* Apodicticum ferme hujus rei argumentum suggerit Cl. Græsius de Succo Pancreatico, qui, cum in vivi canis intestino duodeno humorem ex atro virescentem invenisset, unâ cum succo pancreatico, falso, acido & lymphido, cupiditate incensus rescindi, quænam æruginosi hujus coloris vera causa esset, cum in vesiculâ bilem coloris ordinarii offendisset, oportune spirit. vitriol. ei immiscuit, quo ipso colorem ex atro virescentem produxit. Sed id præterea etiam notandum, quod in malè affectis corporibus, in vesicâ fel deprehensum, colorem rub. cerasorum aterrimorum repræsentans.

§. 5. Quoniam verò sedes etiam sangvinolentæ comparent, scrutabimur, quo pacto sanguine tingantur. Atque hîc communiter vasorum in intestina hiantium erosio seu diabrosis ab acri & mordaci supponitur, i. e. capillarium Venæ portæ vasorum, quæ intimæ tunicæ telam contexunt dilaceratio ab humore intestinorum parietibus infixio fieri creditur. Neque perfractè negavero, ita aliquando rem habere. Multò tamen magis vero simile est, quod excusso per vehementem & impetuosum fibrarum motum mucoscula vasorum intimæ tunicæ, in maximâ utique copiâ, ut diximus immersa, sanguinem hunc plorent. Eam rem apertè confirmat anatome mulieris cujusdam, quæ à sumpto pharmaco, in enormem sanguinis vomitum inciderat, & Parcisi inexorabilibus ex hac vitâ discesserat, à Clariss. Wartono celebrata. Is, cum in cavitate ventriculi non nihil sanguinis restaret, dorso cultri, ut penitus rem inspiceret, interiorem tunicam deterfit, quo factò, innumera sanguinis punctula in superficie deterfa, sensim comparuere, ipsa quoque tunica cruenta visa fuit, nec tamen ullum, vel ruptæ, vel exesæ venæ vestigium præstito fuit. Id, quin simili modo in dysentericorum intestinis fiat, ambigendum minimè est. Si dixeris, in enormi subinde quantitate sanguinem etiam nullis fecibus mistum effluere, eum verò osculis illis nullo modo excidere posse; Respondebo cum Glissonio, hæc puncta numerosa æquivalere eruptioni sanguinis, sive è vase rupto, sive exeso. Confirmor in hac sententiâ vel inde, quod in febribus malignis, ubi de torminibus ventris ægri quærule non erant, aliquando viderim per multos dies ex intestinis in largâ quantitate, sanguinem rejectum, nullis hæmorrhoidum vel externarum vel internarum signis, quem difficile est, ex alio, quam hoc fonte, osculis, inquam, illis, derivare. Deinde cogitandum & hoc, quòd vascula illa per transitum muci, (nam eum ex parte hinc fluere dixi) dilatentur, ac ita dilatati, accedente isto irrequieto motu,

omni-

omninò copiosius sangvinem fundant. Ruyschius *epist.* XI. etiam ex glandulis, quæ meris vasorum protractionibus consistunt, effusionem sanguinis fieri statuit.

§. 6. Hæ dejectiones, quas breviter hætenus descripsimus, per motum intestinorum spasmodicum diriguntur, utique ad excludendum id, quod in intestinis est peregrinum & quod sanguini infusum, huic latici enormem esset allaturum noxam. Motus enim spasmodici ad exclusionem ejus, quod corpori molestum est, ordinariò concurrunt. Id cernere licet in vomitu, ubi illæ anxie ventriculi torsiones, ad excutiendam saburram tendunt. Dolores illi partum antecedentes, quid sunt, nisi spasmodicæ uteri contractiones, ad excludendum foetum, directæ? Manifestò quoque in negotio hæmorrhagarum hoc ipsum experimur, spasticæ enim contractiones, tractiones, pressiones, rigores, modò in his, modò in illis partibus, pro diversitate hæmorrhagarum, circumspectis Practicis non possunt esse ignotæ, his verò ipsis principium movens sanguinis expressionem molitur, id quod in sequiori sexu multò manifestius in impedito mensium fluxu apparet. Acutissimi illi dolores calculi spasmodici sunt renum, ureterum motus, quibus calculus ex corpore propellitur. Cum ergò intestina & intestinis connexæ partes in dysenteria spasmodicè moveantur, sanè & heic oportet eundem subesse finem & exclusionem fermentescibilis ac putridæ istius materiæ in intestinis hærentis, ne sanguini mixta, turbas cieat, intendi admodum probabile est. Ac id tantò magis fit verisimile, quia, ut abstersio, & ablutio intestinorum sit major, tot humores concurrunt, & ne sanguini quidem ipsi, propter conservationem totius, parcitur. Quod ipsum dum agens in corpore nostro, quanto potest conatu, exequitur, effugere sæpè non potest, quin instrumenta motus, scilicet intestina, ita violentè torta, damnum incurrant, ac sibi invicem impetuosè crebro allisa, partes quasdam deterant, quod pelliculæ & fibræ facibus permixtæ satis testantur. Conf. Rolfinc. in *Consil. Med.* l. 7 *consil.* 1 p. 663. Et hæ pelliculæ ac fibræ utique sunt Hippocratis ramenta *sect.* 7. §. 67. Imò malum eousque aliquando invalescit, ut carunculæ exeant, *sect.* 4. §. 26. de quibus consulendus Martian. *ad sect.* 4. *Aphor.* 76 p. m. 453.

§. 7. Licet verò enixè rerum suarum satagat Moveris corporis nostri, fine suo tamen subinde excidit, quod fit, dum fermentescibilis illa hætenus in intestinorum voluminibus conclusa materia in sangvinem penetrat. Huic immixta, ut, sine dubio, subtilissima est, & forte instar halitus, latici huic sese insinuat, quia præcipitis efficacæ putredinosæ est, sanguinem in mixtione suâ turbat, ut jam superius diximus, novum Præsidi operationum omnium in corpore

pore nostro, laborem creat ac necessitatem affert excitandi febrim, ut hæc noxia materia è corpore emoveatur. Cùm verò illa fuerit ingressa per intestina, per illa ipsa natura iterùm expulsionem tentat, adeoque febri hæc fluxus dysentericus augetur. Neque tamen facilè hæc viâ, propter miasmatis ejiciendi subtilitatem, voto damnatur. Imò, si dicendum, quod res est, in novas molestias incurrit. Nam dùm ad arcendum hostem, in intestinis latentem, vel in mafsâ sangvineâ oberrantem, concurrente motu tonico, ab acutissimo Stahlîo ingeniosè detecto & explicato, sanguis ad intestina congeritur; facilè in angustissimis illis vasculis ac tenuissimis poris intestinorum pars quædam sanguinis in motu suo intercipitur, partim quia major adest sanguinis copia in illis angustis, quam proportio pulsuum sequentium iterum in motum concitare potest, partim, quia fibræ continuo isto motu debilitatæ laticem in vasorum cavitate contentum excutere nequeunt. Stasin hanc sanguinis sequitur inflammatio, cujus certum indicium præbet sensus iste satis acutus lancinationis & puncturæ, quæ cum pulsûs subsultu exactè convenit. Ratio verò manifestè persvadet, quod hujus inflammationis sedes præcipuè quærenda sit, non ut vulgò putatur, in intima intestinorum tunica, sed potius in extimâ. Circumspectè enim factæ tincturarum injectiones docent, quod arteriæ densissimè, non in intimâ, ut vult Blancardus, sed in extima tunica, ramificentur, in his verò arctissimis tubulis, sanguis facilè in motu suo, ut modò dictum est, impeditur, atque ita inflammationi materia præbetur. Cui sententiæ etiam hoc patrocinatur, quod post mortem non semper pus in cavitate deprehensum, sed sæpe inter tunicas ipsas visum fuerit, manifesto argumento, quod in extimâ tunica coeperit inflammatio. Accedit & hoc, quod capillaria venæ portæ vasa, intimam tunicam perreptantia, sanguinem in intestina evomant, præprimis sub spastico intestinorum motu, adeoque sanguinis stasi proximæ ad inflammationem viæ locus non sit. Quo ipso tamen minimè excludo ab inflammatione medias intestinorum partes, quas rami venæ portæ pervagantur, cùm & in his sanguinis circulatio sufflaminari queat.

§. 8. Præsente inflammatione novus labor succedit, & alio ex fundamento uberius sanguis ad locum affectum dirigitur, nimirum, ut frequentiori & celeriori sanguinis appulsu, grumi illi subsistentes, resolvantur, & perpetuo attritu discutiantur, quod ad summum intra 7 obtinetur dies. Si huic negotio aliunde obstacula ponantur, transprimitur quidem sanguis ad distensionem usque partis & sensum ardoris, ut hoc calore putredo inhibeatur, & exoriens tenuis & acris corruptela, quæ sese facilè diffundere suevit, abstergatur, sed tàm relinquuntur nihilominus crassiores & terrestres partes, quæ in pus

abeunt. Atque sic satis apparet, quod inter tres exulcerationis vulgò allegatas causas, primaria, imo juxta Walæum frequentissima, ac, nisi nos omnia fallunt, unica causa sit inflammatio, ac proinde minime facimus cum illis, qui in enodandis ulcerum causis vel acidos vel salfos vel lixivios humores allegant; imò & ab iis dissentimus, qui acres & corrosivos succos ulcerum causas esse prætendunt, quia, ejusmodi humoribus non suppositis, manifestè declarari potest, quomodo in sanguine poris partium infixi, tenerrimæ sulphuræ portiones, intestino motu à crassioribus avulsæ, impetuoseque commotæ, crassiores attenuent & penetrantiores reddant, tandemque auferantur; ex sulphuræarum autem istarum absentia caloris remissio ac in album conversio ac consistentia densior consequatur. Nec verò ulla causa erat Holterhoffio, cur ejusmodi exulcerationem cum Helmontio, cujus sputum lingit, in intestinis locum non habere assereret, quod dogma meritò explosit Rolfinc. & quod de difficultate curæ obvertit Holterh. exempla multa refellunt, tum præprimis illud, quod recitatur in Zodiacò Gallic. *A. i. Mense Majo observ. 2.* Deploratus est status, cum dolor quidem non adeo intensus & lancinationes rariores sunt, ac grumulus, sanguinis loco impactus, in putredinem degenerat, quod fieri solet in majoribus inflammationibus, ubi sanguis affluens suo attritu & vibratili transpulsu cruoris subsistentis partes in motum eiere, aut putredinosas partes abraderi non potest, sed potius suo accessu inflammationem & corruptionem auget. Subtiles enim & acres partes putrescentes sese citò multiplicant cum sphacelosâ partis corruptione.

§. 9. Febrim, quæ cum dysenteria est conjuncta, comitantur ordinaria febrium symptomata. Appetitus dejectus est. Nec enim consultum providæ naturæ visum, cum jam farrago putredinosæ materiæ in primis viis præstò est, eam novis accessionibus locupletare. Sitis, tum ex crebris sedibus oritur, tum expirationem illam fervidam per frequentem necessariò sequitur. Somnus sensu caloris atque torminosi ac spasmodici doloribus interrumpitur. Succus ille, quo os & lingua unâ cum faucibus obsidetur, ejusdem cum mucilaginosâ materiâ, originis & conditionis videtur esse, nisi quod lymphæ majori ex parte originem debeat. Aphthæ, quæ instar flosculorum candidorum, summis faucibus, & lingvæ lateribus adhærent, sæpè etiam palati lingvæque superficiem occupant, imò & totum aliquando œsophagum, ita, ut non facile vel fluidi quicquam præterlabi sinant, oriuntur ex humore, per capillaria in glandulosam oris, œsophagi &c. tunicam exposito. Halituum concursus ad earum generationem, non ex toto negaverim, quâ de re evolvi potest observatio Pechlini *LXXI. lib. 1. observ. Medic. Physic. p. 190.* Efflorescentias istas

istas sinistri esse ominis, facile patet, quia extremum conatum naturæ videntur significare, per emunctoria quævis particulas illas fermentescibiles expellere satagentis, quod tamen votum suum, ob subtilitatem particularum, lympham spissiore, & tot evacuationibus ferè exhaustam, quæ tamen vehiculum expellendi miasmatis esse debebat, non consequitur. Depauperatæ & spissæ lymphæ indicium etiam est, siccitas & æstus lingvæ, præ quibus sæpè fissuris hiat, ardorque ille, de quo queruntur miseri, præprimis postquam acida aut acria sorpserunt, ut rectè observavit Scretæ *de Morb. Castrens. p. 154.*

§. 10. Vomitus sanguineus, qui interdum in dysenteria contingit, non est ejusdem naturæ cum vomitu cruento Hypochondriacis non infrequenti, quo sanguis vel per arterias splenicæ, ut vult Highmorus, & docet exemplum apud Valverdam *l. 6 c. 5 p. 267.* vel per propagines venæ portæ, imprimis autem per vas breve in p. n. statu, ut autumat Riverius, & luculento exemplo docet Wedelius, in ventriculum effusus, deinde motu peristaltico naturali inverso, cum impetu exturbatus per os; sed sanguis, qui à torminosis ejicitur per vomitum, ex vasis sangviferis ventriculi excidit, eo ritu, quo declaratum est ex Glissonio in superioribus. Et omninò credibile est, præsto esse in ventriculo materiam acrem, acescentem (ut compertum est, fructus horreos in ipsâ concoctione facile acorem contrahere) & putredinosam, ad quam ejiciendam ventriculus spasmodice contrahitur, sequente deinde vomitu sanguinis. Cujus rei signum est, quòd aliquo tempore, antequam dysenteria se prodant, vel etiam suspicio eorum apud Medicos exoritur, ejusmodi homines cholera laborare judicentur. Vidimus verò vomitus tales in iis, quos vis temperamenti ad actiones præcipites & motus pro avertendis noxis promptos inclinât, cujus commatis præcipuè cholericus sunt. (b) Ructus ipsi præcedunt vomitum, & sicut Hippocrat. *l. 2 sect. 2. Epidemior. ructum acidum in lienteria* bonum esse judicat; ita fortassis nec in dysenteria damnandus est. Vergunt enim humores ad contrariam ei partem, ad quam symptomaticè fluunt, ad eam verò aliàs ducere jubet Hippocrates. Ejus enim l. c. etiam hoc est: *Diffimilia operari, si vergant sursum elevata, infernè solvere & contraria.* Sic idem Demænetam lientericum helleborò, medicamento sursum purgante, curavit, & *sect. 4* §. 12. hoc ipsum nos in *sananda lienteria* facere cupit, excepta hyeme, ubi vomitum in hoc morbo excitare juxta ipsum non licet. (i) Emesi etiam, quod mireris, utitur non tantum in *fluxu ventris diuturno, sed & in cholera*, 5 Epid. quia fortè in eâ majus est, quod infra dejicitur, quàm quod evomitur.

§. 11. Cum vomitu ut plurimum conjuncta est cardialgia, quæ, si rem re-

(b) conf. *Castigat. Nostræ Græbner. p. 65.* (i) conf. *Castigat. Nostræ Græbnerian. p. 66.*

et æstimes, peculiari in motu ventriculi, præprimis vero orificii ejus superioris consistit. Sensus indicat, fieri tensionem quandam fluctuantem & tremulam, quam aliquantò tardius contractio consequitur. Licet verò falsum sit, quod in parte nerveâ & tendinosâ diaphragmatis deprehendatur foramen, quod vulgò appellant sinistrum & majus pro transitu oesophagi, cum dobus nervis, ventriculum petentibus; negari tamen nequit, quod in parte carneâ, seu ad mentem Stenonis, quem ubique Bartholinus in scripto de diaphragmatis structurâ novâ sequitur, in superiore inferioris musculi diaphragmatis parte, insertionis locus reapse compareat, testante Bartholino *p. 19.* Quando itaque orificium ventriculi superius spasmo corripitur, septum transversum in consortium trahitur, & respiratio turbatur, centro diaphragmatis nerveo itidem spasmodice affecto. Et hinc singultus, cujus non causa sed potius effectus est flatus, unde ructus, singultui superveniens, eum ad breve tempus tollit. Motus illi compressorii & constrictorii, quibus fibræ fibris arctius junguntur, & rigidâ tensione afficiuntur, quos vulgo spasmodicos appellamus, una cum singultu in declinatione omninò suspecti sunt. Nam si rem rectè trutines, omninò dicendum, quod indicium præbeant, vel materiæ peccantis in primis viis adhuc hærentis, quam motu illo (qui in singultu evidens est) excutere natura satagit, vel jam in sanguine oberrantis, & eandem in corruptionem præcipitem rapientis. Cum ergo ordinarii motus ad illam ex corpore exterminandam non sufficiant, hi violenti suscipiuntur, ut nimirum ita compressæ fibræ vasa inter illas fibras interjecta arctius stringant & compressi canales humorem contentum ejiciant. Hac enim viâ agens quanquam ut plurimum vane se consecuturum credit, ut, humoribus copiosius ad primas vias directis, peccans materia ex iis eluatur, vel ex sanguine eliminetur. Nisi fortè dicendum, sanguinem sero, per tot dejectiones, exhausto, esse spissiore, ac hinc in motu impeditum, atque adeo propter hanc causam fibras fibris validè illidi, ut attenuetur sanguis & in motum cieatur, quia solo sanguinis motu vel miasma ex hoc exturbari, vel quicquid hæret vitiosi, vel ipso vel humoribus ex eo scaturientibus, abstergi potest, & in genere absque motu sanguinis vita conservari nequit. Sinistri verò eventus hi conatus sunt, vel quia jam corruptio putredinosa in sanguine nimis invaluit, vel, ut innui, ejusmodi materia hunc effectum in sanguine editura, in primis viis hæret, & vires jam ante fractæ sunt.

§. 12. Tenesmi non una causa. Est, cur hîc accusare liceat fæces trans-euntes, quas, per nos licet, acidas, austeras, tartareas; & si hæc nondum vocabula sufficiunt, humores helleborinos, esulinos, colocynthiacos, voces. Cur enim non planè excludamus excrementa prætereuntia, suppositoriorum re-

cor-

cordatio facit. Perpendenti tamen mihi, quod hæmorrhoides non ritè succedentes, laboresque pro calculo excludendo, tenesmus sæpè comitetur, causam non æque in intestinorum cavitate quærendam esse, sit verisimillimum. Apertum enim est, quod tenesmus hæmorrhoidalis & nephriticus à spasmodico, ille vasorum hæmorrhoidalium, hic verò viarum, per quas calculus transire debet, motu, omninò dependeat. Et unde spasmus gravidarum derivabis, nisi ab externâ intestini, à distento uterò, compressione & fortè à spasmodicè affecto utero, unde etiam abortus, *sect. 7. Aphor.* Credibile itaque planè est, quod in dysenteria à spasmodico intestini recti motu crebra illa desidendi cupiditas oriatur. Ac admiratione planè digna naturæ vigilantia, quæ pro excutiendo, quod peregrinum est, in dysenteria totum canalem, qui sub primarum viarum nomine communiter venit, spasmodicè concutit. Dum hoc in labore occupatur, vicinæ partes in consortium trahuntur. Et hinc sanè stranguria, quæ dysentericos aliquando infestat. Nec enim ulla nos cogit necessitas ad sal, nescio, quod, acerrimum & simile cantharidum à credini confugere, aut spirituum nervorumque consensum hic allegare, nam affecto intestino, facilè patet, vesicam urinariam inde quoque affligi propter *viciniam & fibras ad cervicem ejus protensas*, ut rectè Cl. Peyerus *Exercit. 13 p. 66.* notat. Et hæc de potiorum dysenteria symptomatum causis breviter dicta sunt, alibi, si Deus voluerit, hoc negotium fusiùs profecuturi.

Cura Dysenteria.

§. I.

IN curâ primò omnium respiciendum ad materiam in cavitate intestinorum contentam, eademque corrigenda, diluenda sive abstergenda est, atque blandè educenda. In eò nobis ipsum corporis movens præit. Hoc enim copiosè eò, quò dictum antea est, modò, humores congerit ad intestina, non alio sanè fine, quam, ut materiam in iis hærentem diluat, emolliat, fluxilem reddat, motum quoque peristalticum intestinorum idem energeticum principium auget, ut eandem ex corpore ejiciat. Cùm verò illa materia sit acris, austera, acida, urens &c. manifestum omnino est, hic in usum vocanda esse absorbentia, inter quæ omnium maximè hòc in casu, utilitate suâ, sese approbaverunt corallia, terra sigillata nostras, crySTALLUS montana præparata, cui non immeritò quondam Crato plurimum tribuit in torminosis infantum dejectionibus, conchæ & lap. 69 præpar. quæ quomodo operationes suas exserant, hujus loci non est docere, cum id abundè executi fuerint Ettmüll. Wedelius, & obiter in *genuina curandi febres methode* Schelhammer. *p. 153.* quamvis à prioribus dissentire videatur. Rem hic convenienter exprefferimus, fassi

cum Wedeliô, humores huiusmodi præcipitantibus edulcari, in *Amenit. Mater. Medic. p. 69.* Temperandi intentione ab ultimâ usque antiquitate decoctum hordei spissius est commendatum. Trallianus, si febris absit, etiam lactis caprini vel bubuli recens emulcti aut cocti usum non absque ratione suadet, quod saccharo edulcoratum aut post absorbentia, aut cum absorbentibus propinare licet. Ubi quidem opportune incidit, quod Boëtius *hist. lapid. & gemm. Alabastrum candidum pulverisatum* ad scrup. j. cum lacte datum vehementer laudat *lib. 2 c. 27.* Alii juscula vitulina lacti substituunt. Frequenter accommodatis & illis à Wepfero ordinatis ferè æmulis sum usus gelatinis. Ad eundem collineant scopum, qui oleum amygdal. dulc. aut lini, apud plebejos extollunt. His mucidis, roscidis ac, ut ita dicam, pingvibus particulas acres & mordaces materiæ in intestinis defixas involvi ac irretiri in propatulô est.

§. 2. Diximus materiam hanc etiam in intestinis stabulantem blandè educendam. Unde patet, abesse debere Vomitoria, quæ cum magnâ violentiâ ordinariô operationem suam exerunt. Nec immerito retractionem materiæ ad superiora intestina ac ventriculum tanquam noxium aliquod inde metuit Sennertus. Accedit, quod eô ipsô naturæ motus pervertatur, id quod rarò sine discrimine tentatur. (k) Circumspectæ & providæ curæ Practici est, despicere, an, cum materia ad superiora vergit, nausea ac amarities in ore adsint, quibus præsentibus alias vomitorium indicari scimus, ex *1 Aphor. 21.* Hippocratis. Tunc vero ad vomitorium accedendum, imitandusque Mercatus est, qui *peccante pituita salsa*, ut amat loqui, ab Emeticô non abhorret. Qui purgantia in dysenteria damnant, nec illis materiam ex intestinis eliminandam esse contendunt, inter quos nomen suum etiam profitetur Schelham, in *lib. de natur. p. 306.* in quorum præterea numero sunt Massar., Augerius Ferrerius, si, ut expresse Capivacius & Fuchsius, de fortioribus id intelligant, omnino nostrum assensum merentur. Nam & ob violentiam agendi suspecta sunt, & ob tumultus, quos in sanguine cient, majoremque affluxum materiæ & alias causas alibi commemorandas. Aliter autem de lenioribus, quibus finè magno tumultu materia ad exitum disponitur & sollicitatur, sentiendum; hæc intrepide sanè statim in initiô fluxûs dysenterici, cum vires constant, & magnus materiæ cumulus in intestinis latet, nec tamen tantum evacuat, quantum expediret, exhiberi poterunt, e. g. tamarindi, myrobalani, rhabarbarum, quorum ultimo semper ego quidem usus sum, nec exasperationem illam, quam Frigimelica, Rondeletius, Andrighet, alique hic accusant, observare,

(k) conf. Castig. Grabner. nostræ p. 66.

re potui. Exhibui verò tritum citra tostionem in substantia, utut delicatioribus moles minimè grata, nec sapor ad palatum esset. Neque enim prorsus rejectula est Dureti observatio, qui tostum *acrimoniam acquirere*, ait. Celeberrimus Boylatus rhabarb. cum grano uno Laud. opiat. exhibere solitus fuit. De Tamarindis experientiam meam interponere nequeo, an veritas pro *sententia Amati* militet, qui irritantem in illis aciditatem damnat, an *Mercurialis*, cui eò nomine minimè suspecti sint, quamvis, si optio detur, in hujus sententiam ire malletm.

§. 3. Clysteribus etiam omninò locus in educatione materiæ blandâ minimè negandus, eâ tamen lege, ut cautelæ expertissimorum practicorum semper oculis obversentur. Frequens experientia, quæ doctuit majores nostros solide eruditos & ad Phænomena in praxi occurrentia attentissimos, non esse *prævaricandum in clysteribus*, & quæ Prævotii est observatio, *affluenti materiæ acri, non nimis esse detergendum*; eadem fida magistra docuit, exesse debere *pulveres*, & juxta Mindererum *olea*, propter *acredinem*, quamvis Duretus oleum amygdalorum dulc. præscribat, à quo nec Hollerius dissentit, docuit quoque, *iis non indendum esse adipem hircinum*, quem *ignea natura esse*, vult Mercurialis. Lévis, sed non omninò inutilis est illa Prævotii observatio, *alvò posita mox injiciendum esse clysterem*, ne affluente materiâ enema confestim egeratur. Nobis materiam enematum constituerunt hordeum excortic. furfur. tritic., flores sambuci, verbasc. vitell. ovorum, sacchar. &c. Pauperioribus suffecit clyster ex furfure in cerevisia coctus, ad imitationem consilii Facultatis Medicæ Hassniensis.

§. 4. Ulterius respiciendum est ad affluxum materiæ versus intestina. Hic omninò videtur esse cohibendus, adeoque indicari adstringentia, sit verisimile. Et certè in ipsò effluxu circa cavum intestinorum, ope adstringentium impediuntur humores. Ut verò appareat, quid statuendum sit, cum omnis experientia clamet, quod præpostera adstrictio, scaturigo sit anxietatum præcordialium, non rarò in lypothymiam desinentium, periculosissimarum *metastaseon*, obstructionis viscerum nobiliorum, motuum convulsivorum, meminisse par est eorum, quæ *Sect. 2.* indicavimus, fieri nimirum *congestionem sanguinis ad intestina*, & *facile inflammationes intestinorum ex hac congestionem oriri*. Nam cum in insigni quantitate sanguis per arterias advehatur, facile fit, ut initio quidem in exiguâ quantitate stagnet, ex allapsu verò continuo augeatur, atque ita pori intestinorum infarciantur, tumeant, ac intensò calore afficiantur, id est, inflammentur, quod in quavis perfectâ dysenteria contingere certissimum est. In administratione ergo adstringentium patet, omnino ea esse

esse eligenda, quæ & inflammationem discutere & illum sanguinis impulsus alio avertere & æqualem laticis sanguinei distributionem promovere possunt. In hoc censu sunt radix tormentillæ, bistortæ, corallia, bolus armen., terra sigill. ex compositis spec. confect. de hyacynth. ex parte etiam pulvis pannon. rub. &c. Eò etiam nomine laudem merentur cydonia, ac in frigidioribus nux moschata. Nimium, more suo, Agricola tribuit dulcedini aluminis ut & eroco martis, in quo consentientem habet Finckium, quibus quidem ex experientia testimonium ferre nequeo. (1) Viri quidem docti, imprimis celeberrimus Rivinus & Dolæus, observantes non illaudabilem sacchari Saturni in externis inflammationibus usum, quem repressione sanguinis stagnantis ope blandæ alicujus adstrictionis & absorbendo exerit, vires ejus in dysentericis intestinorum inflammationibus periclitati sunt. Me imitantem eventus destituit, & crebriores post usum ejus sedes secutæ cum gravissimis torminibus. Consideranti deinceps attentius & conferenti exiguam quantitatem, quæ interne porrigi potest, facile patuit, vix ex paucorum granorum usu emolumentum sperari posse. An majori accessu succus agrestæ dari possit, equidem ignoro, eumque aliorum experientiæ commendo: ego hæsitacionem meam dissimulare non possum, quantumcunque eum evehat Deodatus. Idem sentio de uva querna, cujus encomiastes Encelius *lib. 3 cap. 3 §. 109.* At non vana sunt, quæ in laudem smaragdi scribit Gremis *p. 204.* & Johann. Hartmann. Si verò inconsulto statim ab initio, ut subinde fit, adstringentia alia admoveantur ægris, non tantum, quæ brevi ante memoravimus, & Rudius metuit, frustra adhibitis etiam diureticis, quæ pro avertendâ ex adstringentibus noxâ à Scholzio laudantur, emergunt damna, sed funesta etiam succedit Gangræna. Norunt experti Chirurghi, quantum in externis inflammationibus damni afferant adstringentia & quàm præcipiti gradu gangrænam accersant. Sed & illa à nobis laudata convenienti modo administranda sunt. Tilemannus non frustra monet, *adstringentia ante cibum esse danda.* Et cum experientia edocti sciamus, quantum aëris admissio sinè dubio propter frigus, tonum partium destruens, noceat, nostra illa saltem in *calidis vehiculis* obtulimus ac à *frigidioris potus ingurgitatione* nostros ægròs arcuimus. Clysteres adstringentes nunquam, præcipuè ubi inflammatorum intestinorum signa, ac recti præsertim, aderant, adhibere placuit, tum quia, ut adstringentia, prout brevi antè monitum est, tum ut humida, emollitione suâ tonum relaxantia & calorem necessarium extingventia, gangrænam mirâ velocitate inferunt. Cæterum in inflammatione hac intestinorum non deprehendi specialem alicujus & qua-

(1) conf. *Castigation. Nostra Græbnerian. p. 67.*

si specificam efficaciam, sicut alias in inflammatione pleuræ & membranæ pulmonum semen cardui mariæ, in hepatis inflammatione cichoreum &c. laudabilem vim, etiam nostrâ experientiâ, exserunt. Ausus tamen ego sum absorbentibus, leniter adstringentibus ac discutientibus pulveribus, grana pauca camphoræ addere, mira camphoræ efficaciam, in inflammationibus externis inductus. Licet enim camphorata interna etiam in febribus malignis parcissime adhibeam, cum tamen hic appulsum camphoræ ad inflammatas partes facile perpenderem, libido tentandi animum incessit & eventus ausis ex votò respondit. A camphora sine dubiò etiam Ra bezoard. D. M. & Wedel. vim illam in dysenteria passim deprædicatam à multis & nostris etiam in curis successu nobilitatam, majori ex parte mutuatur. Præterea sciens, quo cum successu chærefolium sangvinem congruatum discutiat, jussula ex eò parata commendavi & deprehendi, eadem laude suâ minimè esse defraudanda.

§ 5. Ad orgasmum sangvinis universalem compescendum, ac impetum naturæ, sangvinem ad intestina cum motione febrili propellentis, retundendum, utique temperata ex fixiorum numero antifebrilia & diaphoretica, atque anodyna commendantur. Et certè quantum ad posteriora, theriacæ Andromachi laus ex hoc capite maximè diffusa est, compertumque ejus usu plures ex tetrò morbo convaluisse. In epidemicâ Helmstädiensi dysenteria tantum non miracula patravit, testibus ex ore Conringii, Schelhammero & Lentiliò. Theriaca coelestis Hanoviensium præcipuum ingrediens utique fuit pilularum antidysentericarum D. Waldschmidii cum multo strepitu passim in usum vocatarum. Diascordio Fracastorii, licet compositio non sit ad palatum seculi, ex diaphoreticis, adstringentibus & anodynis constans, ea perfeci, quæ sine labe verecundiæ à me narrari nequeunt. Pilulæ Wepfero in colica usitata ex theriacâ coelesti succo papaver. errat. & extracto croci multiplici usu nobis probatæ sunt. Species massæ pilularum de Cynoglossâ expectationem nostram fortè ob semen hyosciami non fefellerunt. Panacea Solaris Wildengansiana non contemnendum *pro scopò anodynò satis blandè*, medicamentum est. Helmontius sulphuribus metallicis talem effectum tribuit additque *universam morborum cohortem iis auscultare*, sed genus humanum, quod miseris, dignum possessione hujus medicamenti non judicavit, imò ne definivit quidem, an quodlibet sulphur eâ virtute emineat, & omnes morbos debellet, aut an potius hoc huic, alterum alii morborum generi oppositum sit. Aliorum judicium sit, an Starckeï Angli adeò decantata medicina sit ex illorum numero, de quibus ex vero Verulamius: *Spes hominum inflant, deinde destituunt*. Prædictis ego, præprimis mass. pil. de cynogloss. theriac. andromachi & coele-

sti usus sum, & luculente deprehendi, inanem esse timorem Capivaccii aliorumque ab opiatibus abhorrentium & nescio quas noxas metuentium, cum Rivini observationes & locuples Wedelii experientia, Horstius, ac innumeri alii omnino aliud testentur. Verissima sunt illa Sydenhamii ex pag. 229. *Nec vel minimum incommodi à tam frequenti medicamento narcotici repetitione mihi adhuc videre contigit, quantamlibet noxam inde secuturam comminiscantur inexperti, licet plures noverim, qui in morbo contumaciori idem ad septimanas aliquot continuando quotidie usurparunt; usus, inquam, sum anodynus, quamvis semper, memor moniti Prevotiani, parcè dederim, & quidem antequam signa exulceratorum intestinorum sese proderent. Nam in ulceratione intestinorum dubito, an usus opiatorum conveniat? Nec enim fides hoc in passu deroganda insigni viro Thomæ Minadoo, qui ex opiatorum usu in defunctis vulnera magis putrida & sordidiora deprehendit, ut Thonerus lib. 3 obs. X. auctor est. conf. Hoffmann. de usu & abusu medicament. chymic. p. 30.*

§. 6. Præterea ad ipsa etiam intestina, quæ spasmodicè commoveri diximus, respiciendum in cura est; *motus* verò intestinorum *nimius*, ut & *conjuncta non raro flatulentia* indicat carminativa. Excedentis hujus motus respectu essentiam carminativam Wedelii aut Doct. Michael in dosi exigua cum aliis medicamentis maritavimus. Sed numquid & effluxus sanguinis peculiariter aliquid indicat? Certè V. S. non pauci eò ipso significari contendunt: Et hi omnino dysentericos ut vulneratos considerant, in quibus ad cohibendum sanguinis effluxum pertusionem venæ eò usque necessarium esse, quamvis in eò humani aliquid eum pati credam, Schelhammerus de feb. statuit, ut salvâ conscientia eam omitti posse neget. Enim verò, si quis perpendat, quò consilio natura ad intestina uberiorem sanguinis motum dirigat, quaque necessitate mechanicâ sanguis ex orificiis vasorum excidat, næ! iste cunctanter admodum ad profusionem cruoris descendet. Sanè prudens Sydenhamii monitum in commotionibus sanguinis febrilibus quoad usum V. S. etiam in dysenteria locum habet & hoc tantò magis, quod *sanguis hic non tam ad excretionem heterogeneæ materia in massa oberrantis, sed ad exclusionem ejus, quæ in intestinorum volumine hæret*, ad quam major orgasmus necessario quasi requiri videtur, fervidè & rapidè moveatur. Isti autem sanguinis motui per V. S. frænum injicere, esset naturam in opere suo turbare. Deindè ut plurimum exigua sanguinis quantitas à dysentericis profunditur, ut è paucis illis guttis, quæ sedes eorum mucosas tingunt, magnum metuere periculum, non nisi timidi sit & inexperti. Quis enim ignorat, sæpè ad multas libras sanguinem citra notabile damnum effundi. Sanè Forestus lib. 13 observat. 14. locuples testis est de

de effusis duodecim ; de octodecim Matth. de Grad. *comment. ad cap. 35 ad Almanf.* Marcellus Donatus de viginti quatuor , & Amatus Lusitanus , quod penè fidem excedit, de quadraginta libris sine noxâ evacuatis , Testimonium deponunt ; ubi sæpenumero per totum dysenteriae decursum fortè non tres aut quatuor libræ sanguinis excernuntur. Proinde non absque causâ Rondeletius : *Nonnulli, inquit, sanguinis missionem imperant, sed sine judiciò & utilitate & cum magnâ egrotantium molestiâ &c.* Cæterum, quæ pro V. S. disputantur à Prospero Alpinò *lib. 2 de Med. Egyptior. c. 7.* dissolvere non esset arduum, si disputatoriam arenam ingredi esset propositum , & non sufficeret adstruere propriam sententiam. Sitamen aliquibus V. S. Sydenhamiò aliisque placet , iis omninò cautelæ commendantur, quas Alpin. *p. m. 25.* adducit ; vult is sanguinem evacuari debere in dysenteriâ, *viribus, etate, ac aliis consentientibus, & circa initia, revulsionis gratiâ*, præsertim ubi magna affuerit humorum copia, aut impetus sanguinis valde urgeat , aut dolor vehementer observetur &c. cum quo in plerisque concordant Andrighet , Prævotius Benedict. Sylvat. ac alii magnò numerò, quæ omnia clarius explicantur à Lamoniere *p. 117.* Ignorare verò me fateor , cur Duretus sanguinem non ex *venâ extremae manûs* , sed ex *basilicâ* educendum esse præcipiat.

§. 7. Quod si inflammatio intestinorum abeat in ulcus, hujus curatio abstergentia , mundificantia , exsiccantia , consolidantia requirit. Inter detergentia & mundificantia ore assumenda prolixè commendatur lac, serum lactis, saccharum rosat., cui parum licet tribuat Trincavell. & Sylvius, non tamen planè rejiculum est, mel rosat., juscula hordeacea dilutissima cum saccharo rosato , & vitellis ovorum, decoctum agrimonie, & à nonnullis etiam laudatur succus apii. Et quidni liceret in usum vocare , quæ inter abstergentes herbas cum primis extolluntur, veronicam, scabiosam, hyssopum, hederam terrestrem, marrubium, origanum, ex quibus & decoctiones & syrupi ac conservæ confiunt. Confluunt hîc quoque nonnulli ad acidulas varias, sed quo cum successu, mihi, non nisi ex lectione , compertum non est. Non tanti sunt, quæ contra mel, saccharum, conservas & syrupos à Sennertò, Amatò Lusitano aliisque disputantur, ut eorum usum meritò suspectum reddere possint. Tametsi verò passim sulphur, flores ejus naturales & artificiales & ex sulphure parata sub formâ balsamorum, tincturarum, laudentur ob virtutem detergendi, ea tamen in usum in dysenteria nunquam vocavi. Cum crassa intestina ulceribus fœdantur, suus etiam clysteribus detergentibus locus. Parari enemata talia possunt ex furfur. cicer. rubr. hord. integro. Deinde, in decoctis dissolvitur aliqua mellis, & sacchari rubri quantitas. Terebinthinam etiam in vi-

tellô ovorum solutam addere licet. Nonnulli cupiunt, ut parum urinæ addatur, non malè; nam magis deterget, sed hoc habet incommodi, quod partibus dolentibus minùs amicum ejusmodi enema futurum sit. Ad fortiora abstergentia ut aliquis descendat, non facilè auctor fuero, quia est periculum, ne his adhibitis vasa aperiantur & sangvinis fluxus proritetur. Inter siccantia & glutinantia ac consolidantia eminet bolus armena, sanguis draconis &c. In frigidioribus non vulgari cum successu balsam. antiphthiticum Cl. Meibom. eâ intentione datum memini. Doct. Tralles expertus Practicus, gluten, quo Scriniarii utuntur, eò nomine maximè laudabat. Ad consolidationem plurimum aliàs facere creduntur decocta vulneraria, parata ex herbis, inter quas eæ feligendæ sunt, quæ magis detergunt, e. g. fanicula, consolida major & minor, plantago, hederæ terrest. Aristolochia rotunda &c. Pertinent huc etiam essentia travmat. Wedelii aliorumque. Non tamen diu eorum usui insistendum crediderim, quin potius cogitandum, *reunionem solutæ unitatis non posse ullis medicamentis præstari, sed potius esse opus naturæ rebus suis semper invigilantis*, imò nec detergentibus & mundificantibus adeò egent illi, quibus in frequenti usu sunt tincturæ, essentia, sicuti observatum à me est, nam spiritus vini menstruum eorum omnibus mundificantibus & detergentibus palam facit dubiam.

§. 8. Non vacat corradere illa, quæ communiter tanquam specifica laudantur. Si quis successum eorum experiri velit, evolvat Helmontium, Heurnium, Frideric. Hoffmann. aliosque, in quibus multa hujus farinæ recitantur. Quædam à me tentata, irritò plerumque conatu, sive quod nec in principiò nec in statu (ubi vulgò ita dicta specifica præsentio rem virtutem exerunt, cum cæteroquin ab optimis etiam in incrementò nihil læti expectari possit) eadem dandi offerretur occasio, sive quod vana hominum credulitas, ut ferè fit, iis unice pretium aliquod statuerit. Famofum hoc tempore antidyfentericum Ipacuanha est, quoniam verò parum hætenus ex Galliâ, in quam magna ejus copia illata est, ad nostras oras deportatum fuit, futile fuerit ejusdem hic attexere præconium, stolidum verò propemodum de substitutione alterius, cum modus operandi prioris istius adhuc latere videatur, cogitare. Fama etiam increbuit, ut jam ante verbo indicatum, de felici cura dyfenteria per pilulas quasdam Cl. Waldschmidii, quarum descriptionem orbi erudito non communicavit, non obscure tamen innuit, nisi fallor in *Disp. de theriac. cœlest.* huic illas virtutem suam ferre acceptam. Fortassis non multum differunt ab illis, quas casu 32. describit; componuntur hæ verò ex extractò tormentillæ, theriac. cœlesti & Laudano opiatò, & in hac opinione tantò magis confirmor, quòd

videam easdem pilulas à Waldschmidii intimo Cl. Dolæo laudari in *Encyclo-
pædia* p. 495. Tintinnabulum illud Medicorum Burrhus in *Epistola ad Bar-
tholinum* jactat in dysentericis, nullum esse præsentius remedium *aqua rosar.
in quâ aurum aliquoties fuerit extinctum*, sed fides sit penes ventosum au-
ctorem. Nec multum cenfeo esse tribuendum linteo in sanguine leporis
per canum morsus occisi tincto & siccato ac in vino carptum exhibito, quò dy-
senteriam curari prodidit Helmontius Pater.

§. 9. Luxuriant quoque auctores in efferendis externorum ac topico-
rum viribus. — Borellus pro arcanò venditat *argentinæ folium plantis pedum,
admotum*. Brunnerus describit Emplastrum in *consil. 50.* quod ipse vocat ef-
ficacissimum, ex *radice tormentill. & micâ panis coctis in vinò vel acetò &c.*
Omentum arietinum vel vervecinum præsens ad tormina dysentericorum au-
xilium est, ex Doctrina Lælii à Fonte *Consil. 77.* Plura ejus farinæ cumulant
Hoffmann. Zimara, Varignana ac alii. Eximiam spiritus vini camphorati
utilitatem hic reticere nequeo ac ex verò laudari videbunt, qui experimen-
tum capere volent. Lintea eò imbuta abdominique singulis duabus horis
imposita, acerbissimos cruciatus egregiè mitigaverunt. Cæterum celare ne-
queo experimentum à me factum. Vocabar ad dysentericos duos in eadem
domò commorantes, quorum alter conclamatus, alter verò ante paucos so-
lùm dies in dysenteriam inciderat. Opportunè recordabar remedii, quod
Franc. Oswald. Grembsius *lib. 2 c. 1 §. 5 n. 74. arboris integr. & ruinos.* laudat,
ad comprimendum fluxum hæmorrhoidalem exundantem; & cum analogia
obvia sit, institi, ut *sudor morituri linteolo affricatus*, id enim est pharmacum
hæmorrhoidale Grembsianum, orificio intestini applicaretur. Respondit
eventus ac fluxus remisit. Utut verò hic effectus fuerit secutus, non ausim
tamen spondere, eundem semper ope hujus topici obtineri posse, præsertim
cum in hóc casu non hoc unum remedium fuerit adhibitum, sed alia interna
diligenter in usum vocata. Ea fanè mihi sedet mens, quod commendationes
medicamentorum effusæ, quæ tamen credulos miserè ludificant, non aliun-
de oriantur, quam, quòd adhibitis plurimis remediis ultimo, præprimis si tum
demum ager fateatur se sentire levamen, præpostere effectus transcribantur.
An idem acciderit viris Cl. Michaeli & Langio eximias virtutes, in sanandâ dy-
senteria, Colcothar. adscribentibus, si nimirum super illud dysenterici alvum
exonerent, penes doctiores ac expertos sit arbitrium.

Sed satis de dysenteria, jam ad nostra redeamus, (m)

Initia Mensis Octobris æstivâ amœnitate nobis adblandie- *Constitutio aë-*

vis Octobris, bantur, & à Novilunio ad primum Cynthiæ quadrantem nos
Novembris & demulcebat sudum, quod reliquis hujus mensis diebus, ventis,
Decembris. nebulis ac pluviis sæpè obscurabatur, donec (liceat nobis cum
 Claudiano loqui) Luna denuò nasceretur Mense Novembri, ubi iterum be-
 nigniori aëris temperiæ exhilarabamur, sed ad breve tempus, nam primus Lu-
 næ aspectus, ad plenilunium usque rigido frigore horrescebat, quod quidem
 iterum minuebatur, ac insigniter remittebat, sed, ut tantò major vaporum co-
 pia ex terrâ humidâ ascenderet, ac crassiores inde nascerentur nebulae, sæpè
 propter admixtas exhalationes sulphureas, tetrum spirantes odorem, ac nubes
 à ventis hùc illùc agitatae, donec in pluviam fatiscerent. Nam, ut pulchrè
 Joh. Cleric. *l. 3 physic. c. 2 p. 240. Pluviarum matres esse nubes satis constat,*
cum non pluat, nisi nubes in cælo conspectæ sint. Sed hoc obiter. Sub exor-
 dium Decembris, tempestas varia ac inconstans erat; circa medium Men-
 sis, & anno in finem vergente intensius frigus dominabatur.

In Octobri, præter febres tertianas cum insigni dolore nuchæ conjun-
 ctas, & continuas, quas comitabatur cephalalgia contumacissima, cardialgia &
 vomitus tussisque ferina, quâ, notante D. Grassio & Pauli, lumbrici ejicieban-
 tur, etiam quartanæ occurrebant. Horis pomeridianis homines
Febris quar- melancholici temperamenti ac segnioris naturæ, qui jam ætatis
tana. provectionis erant, adoriebantur, aut etiam febres malè curatas, aut diarrhæas
 ab empyricis suppressas, sequebantur in cujusvis temperamenti & ætatis ho-
 minibus, ne infantibus quidem & pueris exceptis. Rigeant plerique, non
 pauci etiam horrore concutiebantur, simillimo propemodum ei, quem perci-
 piunt, qui in intentissimo frigore versantur. Æstus ut plurimum mitis per 2-
 liquot horas durabat, non sine notabili langvore, & artuum dolore, & hypo-
 chondrii sinistri tensione & gravitate. Aliqui ad somnum propendebant in
 paroxysmo, citra incommodum ullum, ac illi, qui eum arcere gestiebant, vix
 vertiginem & dolorem capitis effugere poterant. Primos paroxysmos rarò
 sudores sequebantur. Pulsus, fere in omnibus, debilis erat, & alvus adstrictior.
 Etsi verò, juxta Hippocratem, morbus sit securissimus, tamen ut plurimum di-
 uturnitate molestus est. Vero non respondit commune illud effatum, quòd
 quartana annua fiat, quæ jam per sex septemve menses afflxit, ut nec veterum
 illa assertio, quæ vult, unum hominem quartana per vitam bis non corripì. Nos
 certè, post Wierum, exempla sistere possumus eorum, qui ter quaterve quar-
 tanâ laborârunt. Falluntur etiam illi, qui fiducia recepti itidem canonis: In-
 stanti Solstitio vel æquinoctio, finiri quartanam, blandâ suos ægros in confinio
 ejus temporis constitutos spe lactant. In curâ V. S. non adhibuimus, nec in
 prin-

principio, nec in progressu morbi, etsi nobis minime esset ignotum, quod Ri-
olanus habet de quartana per V. S. in salvatella institutam superata. Suspe-
cta quoque sunt hæc Edmundi de Meara in examine Diatribes Thom. Willif.
*de Febb. p. 105. verba: In diuturnarum vero intermittentium progressu, secus,
quàm dicit Willifus, postquam sanguinis massa tot paroxysmorum conflagratio-
nibus & inquinamentis incanduit & computruit, nihil sanguinis missione salu-
tarius, ut cuilibet experiri promptum est, & ego tum in multis, tum præsertim in
Filio primogenito Illustris Arundelii &c. expertus sum, quem sanguine bis de-
tracto à quartana liberavi, quæ biennii ferè spatio Clar. Medicorum operam
eluserat.* At parum abest, quin hic Mearam cum Lowero in vindicatione
Diatrib. Willifii (p. 117.) ita compellemus: *Quis credet diuturnam quarta-
nam unico phlebotomiæ remedio curatam fuisse. Id quod nemo, præter Te, un-
quam Medicus se præstitisse scripsit, aut, opinor, credidit. Verùm hoc Tibi &
Pacienti fortunâ meliori quàm praxi contigit, ut morbus aliam ob causam, cœ-
li fortè, aut anni mutationem ultro desierit, nec sanguine intempestivè detra-
cto juvenis febrem hydrope aut cachexiâ mutaverit: Certo enim certius est,
hujusmodi affectus, & non raro mortem ipsam, febricitantium phlebotomiæ ni-
mis sæpe frequenter succedere.* Hactenus ille. Vomitoria in robustioribus
adhibita, ad evacuandos pituitosos ac biliosos humores, acidasque cruditates
in ventriculo contentas, aliis lenissimè evacuantia, diebus à paroxysmo liberis,
data. Admodum conveniunt pilulæ ex g. *c. querc., g. galban., extr. cent.
min., rhabarb. myrrh. select. & aloë. Egregio cum fructu datum est infusum
ex rad. gentian., cichor., herb. card. bened., cent. min., absinth., capill. ve-
ner., fol. trifol. fibrin., fumic. fumar., absinth., fl. cent. min., fibr. helleb.
nigr., rhabarb. agaric. trochisc., & sale tartari. Et sanè, quod aperientibus &
svaviter evacuantibus non obtinetur, vix ac ne vix aliis viis consequimur. Lau-
dantur ab aliis diaphoretica, ut remedia, quæ & circulum lymphæ & sanguinis
redintegrent, vigorem conservent, miasma fermentificum febrile per poros
cutis dissipent, insuper simul absorbendi ac præcipitandi vim habeant; at ve-
rò hoc extra dubium est, quòd sub paroxysmum cum regimine exhibita, verti-
gines & dolores capitis inducant, nec febrim ullo modo tollant. Adstrin-
gentia etiam ab initio non temerè dedimus, multo rerum usu edocti, quòd
icterus niger, hydrops, asthma, febris lenta &c. hæc viâ facillime subsequantur.
Ita potius in usu dictorum aperientium & evacuantium ad tempus aliquod
perstitimus, aut, si delicatiores fastidirent amarus potus, elixir antiquarium
Wedelii ex extr. card. bened., absinth., plantag., cent. min., rut. scord. aa. c.,
spir. sambuc. &c. paratum, dedimus interpolatis, pro circumstantiarum ratio-
ne,

ne, etiam salibus volatilibus & præprimis *moniactalibus. Deinde verò impetu febris quodammodo fracto, corticem Peruvian. ad quem malo consilio statim ab initio nonnulli confugiunt, porreximus, & hoc pacto febrim plerumque subjugavimus. Ast satis frequenter contingit, ut feбри jam sublata circa consuetum paroxysmi tempus, ægri languidiores sint, ac propendeant in somnum & sæpè etiam rigeant, quo in casu martialia, e. g. pulv. cachect. Q., tinct. mart. Zwelf. cydoniat. Wedel. ipsa etiam limatura mart. alcoholisata &c. profunt. Nec opiata hic prorsus exclusimus. Specifica illa vulgò celebrata e. g. fel ranar. exsicc., quod, nisi fallimur, etiam laudat Cornarus, cor leporis in tres æquales partes divisum, & in vino albo datum, quod ipse Crato noster celebrat, aliaque ejus farinae omnino vanis, superstitiosis, ac anilibus medicamentis, de quibus legenda Celeb. Rivini *censura Medicam. officin. cap. 5.* annumerari debent. Radix asari in quadratis ac agrestibus corporibus usum aliquando habere potest, sed quo jure à Strobelbergero, tanquam summum specificum extollatur, in propatulo est, cum operatio ejus lippis ac tonsoribus nota sit. Externè sinistro hypochondrio resolventia & aperientia, e. g. empl. de g. *c., de cicut., carminat. Sylv. &c. nonnunquam applicavimus. (n) In diætâ, vino ægros ditiores non interdiximus, sed moderatè hausto, memores exempli illius, quod in Barclaji *Argenide l. 3.* recitatur, nec experientiæ suffragio destituitur Kergerus noster, qui tanquam præsens remedium & arcanum in quartana vinum commendat. Conf. Guarinon. *Conf. 1.* Cautè tamen hic mercandum, nam & noxæ exempla præstò sunt. Ita quidem in quartanâ duplici, malvaticum bibens, feбри ardentissima oppressus periit, alius quoque Rhenanum in copia ingurgitans mortuus est, apud Forest. *l. 5 in observationis notæ scholio.* Ideo nunquam fuimus autores, ut copioso vino quisquam vomitum excitare conetur ad profligandam quartanam, ne fortè, qui periculum amat, in periculo pereat, & cum saburrâ humorum animam ipsam evomat.

Legimus Sylvium, Batavorum Æsculapium habuisse aliquando in votis, ut plerosque morbos in seipso experiri posset, dummodo exinde sanâ mentè reconvalesceret, ut de hominum affectionibus in proximi commodum constantius judicare, morbosque certius depellere posset. At verò tantam miseriam quidem nobis non optamus, unde cum Wilhelmo ten Rhyne, qui hæc refert de Sylvio, in descript. Febris Cardiacæ à semetipso passæ, ostentationem quandam hic subfuisse suspicamur. (o) Illud tamen nostrum est desiderium, ut docti Medici, morbos, quos ipsi patiuntur, accuratè describant. Colluctatus

tus

(n) conf. *Castigat nostra Grabnerian p. 70.* (o) conf. *Castig. nostra Grabn. p. 69. 70.*

tus est Collega noster D. Samuel Grassius eo tempore cum lumbagine scorbuticâ, quidnam verò in eâ observaverit, præmissâ descriptione temperamenti sui ac generis vitæ, hisce edisserit verbis: Nactus sum à Deo, Naturæ Authore, temperamentum sangvineo-cholericum, à Parentibus verò meis, à primis incunabulis, indulgentius habitus, nec severioribus diætæ legibus adstrictus vixi unquam. Admodum puer, infelici fato, lapsus in cellam, unde aliqua tertix & quartæ vertebræ lumbaris luxatio, sine omni corporis vitio & deformitate obtigit. Ex ephebis egressus, cum probè scirem illud Socratis, in Thæteto, *habitum corporum ab otio & quæiete destrui, ab exercitationibus vero & motibus conservari*, & præclarum sive Hippocratis, sive Polybii scitum, *Hominem, qui comedit, minimè sanum vivere posse, nisi laboret*, ad gymnastica exercitia, animum horis subcissivis, applicui, ac *ἡμετέριαν*, quam Galenus *l. 2 de tuend. valet. c. 2.* inter reliqua gymnastica exercitia minimè infimum locum obtinere ait, præsertim, cum amor sapientiæ ad exterarum avocaret gentes, amavi. Medicinæ sacris initiatus, totâ vitâ observavi illud Celsi: *Sanus homo, qui & benè valet, & sua spontis est, nullis obligare se legibus debet, prodest nullum cibigenus fugere, quo populus utatur, interdum in convictu esse, interdum ab eò se retrahere: modo plus justo, modo non amplius assumere: bis die potius, quam semel cibum capere, & semper quam plurimum, dummodo hunc concoquat.* Semper quoque, haustu vini delectatus, gnarus, quod vino alantur vires, sanguis & calor hominum, stomachusque recreetur, appetentia ciborum invitetur, ac utilitatem vini æquari vix non Deorum potentiæ posse, ut Asclepiades pronunciavit, teste Plinio *lib. 22. c. 1.* ac præterea à praxi respirans, & hodiè adhuc, candidos candidus compello ex Athenæo: O! amici, Dii vinum fecêre beati, ut curas animi pellant mortalibus acres. Ebrietatem tamen semper detestatus sum. Concubitus, juxta aureum illud Celsi, neque nimis concupivi, neque nimis pertimui. Rarus excitavit modò corpus, frequens (dum adhuc bulliret sanguis) ita fuit, ut corpus non solveret. Fluctibus iræ sedandis, non semper fui par, non tamen arduum mihi, illos componere mottis. Ita vivens, anno ætatis 30. dolorem gravativum in regione lumbari sentire cœpi, qui cum prodromus ultimæ paroxysmi fuerit, ejus indolem, breviter, describam: Incurvato, & paululum inclinato, ad dextrum imprimis, latus, corpore, gravativus, circa regionem hepatis, & diaphragmatis, dolor observabatur, cum interceptione spiritus & retractione testiculi dextri, ut diutius in hoc corporis positu persistere, vel pro lubitu corpus erigere, minimè ex voto, nisi post intervallum, potuerim. Artus, veluti in medio confracti, & ut paucis multa complectar, ulcerosâ lassitudine, quasi contusi erant.

Pronum & supinum decubitus æquè tolerabam interdum, & noctu, vigilans tamen, languebam. Novilunium plerumque infestum erat, adeò, ut aliquando, furente gravativo illo dolore, stupor pedum invaderet, & in plateam ferè confidere necessum habuerim. (p) Secus ac Simon. Paulli uxor, quæ super ponte versatili & sublicio pergens glacie obducto & lubrico, lapsa est, posteaque in hemicyclo plicatili sedere solita, cum surgeret, de dolore lumborum conquesta est, ut testatur Simon Paulli *in digress. de febb. malign.* §. 53 p. 81. Interea tamen appetitus semper viguit, ac nunquam non *ἐρδωσάδι* fui, nisi quod 26 anno ætatis febre tertianâ scorbutica decubuerim, & coryzâ frequentissimè molestatus fuërim, quam tamen, si diutius urgeret, post 3 vel 4 dies, haustu generosioris vini discussi. Somnus item & placidus, &, si labores concesserint, longus, fovit corpus, quod facile ad sudores fuit. Alvus quotidie respondit, urina quoque copiosior, ob largiorem potum, fluxit citrini & rubelli coloris, cui aliquando sabulum commiscebatur scorbuticum.

Mentis commotiones, (quibus in principio enormiter, in progressu languidè indulgeo,) præprimis ira & rancor, malo fomitem præbuerunt.

Humidum æris pondus, & variationes turbidas, molestissimas observavi. Sudum verò & frigus intensum, dolores istos nimium quantum demulsi. Si quando tamen ventriculus laboraret, ei succurri essentiâ absinth. c. in vino generoso sumpta, quandoque emetico eundem evacuavi. Renes & vasa mesaraica, liquore tartari tartarificati deoppilavi. Et sic satis commode vixi, usque ad anni 1699 Mensẽ Octobris, quò manè ante septimam horam, cum surrecturus, forte fortunâ vacillante pede, in lectum pronus præcipitarer; Nam tum distortâ paululum cervice, subitò tantum cerebri motum expertus sum, ac si, apertâ futurâ sagittali, cerebrum pyramidaliter insurgeret, simul eodem momento, per longitudinem ad occiput devolveretur. Adeoque in proprio corpore invictum adversus Highmori sententiam, qui cerebro omnem motum adimit, mihi oblatum est argumentum. Et quamvis hinc cum Fernelio, Bauhino, Riolano, Mercato, Sennerto, Plempio, aliisque concludere nolim, quod cerebri substantia jugi constantique agitatione, cordis more moveatur; intimè tamen sensi in memet ipso, quod ex se & suâ sponte motum arteriarum sequeretur, id quod in capitis vulneribus, in quibus cerebri substantia, superioribus ossibus ac meningibus cæsim ablatis, conspicua evadit, etiam ad oculum patet. Consideranti rem hanc exactius, occurrit, per lapsum, vasa sangvifera quodammodo fuisse compressa, cum autem ex calculo Malpigh. de cerebr. p. 118. si cum corpore universo fiat comparatio, dimidia, aut saltem ter-

tia

tia pars sanguinis, ad caput feratur, atque hic refluxus per lapsum esset inhibitus, vehementior exarsit motus, qui etiam impedimenta removit. Hic motus, cum ad spinæ principium progredieretur, brachium sinistrum tremere incipiebat, hinc quasi fracti artus languebant, funiculusque spinæ dorsi contractus, extensionem ipsius & artuum negabat, ut sedere ac incedere nequirem, (sicuti ille apud Gabelchoverum cent. 2 Curat. 78, qui subito corripiebatur tanto dolore lumborum, ut nec erectus stare, nec decumbere posset. Aliorum vero judicium esto, an hinc cum Salmutho colligi possit, quod in ejusmodi casu, materia aliqua vel in venam cavam, vel in arteriam magnam protrusa sit, Cent. 2 observ. 77 p. 96. & Clariss. Lindanus in select. Med. Exercit. 6 videri posset huic consentire, cum & ipse à tensione arteriæ per lumbos descendens originem doloris petat §. 72 p. 178. Certè jam multis temporibus recepta sententia est, materiam à capite ad partes inferiores deferri per venas arteriasque, mediante sanguinis circulatione, sed & longe antiquioribus seculis obtinuit opinio, humorem collectum, inter cranium & meningem, per spinalis medullæ foramen, inter membranas medullam involventes, ossaque spinæ, & velamina nervorum derivari posse, tum ad alias partes, tum ad lumbos, ita, ut substantiam medullæ & nervorum non subeat; alterutro modo lapsa sit, ex superioribus ad lumbarem regionem, materia necesse est. Non ignoro quidem, quondam etiam in acroateriis Medicis traditum fuisse, quod per suturas, inter cranium & pericranium, itidem materia quædam exoneretur, & sub cute, in partes inferiores, cervicem, scapulas, maxillas, &c. propellatur, ac tandem alicubi in articulationibus obhare scat, sed parum probabilitatis hoc dogma habet) sequebatur horror & frigus intensissimus, cum repetitis vomitibus, & dolore, circa os sacrum, maxime gravativo, quem sudor profusissimus ad primam usque pomeridianam comitabatur. Videbantur enumerata symptomata remittere, lumbago tamen urgebat continuo, corpusque erigi vetabat. Appetitus planè prostratus erat, somnus tamen langventes artus recreabat. Cumque alternis diebus, symptomata hæc, & intendi & remitti observarem, febrilem motum subesse auguratus sum. Hinc, sumpto emetico, ventriculum à sarcinâ liberavi, & cephalicis stomachicisque, intermixtis antiscorbuticis, morbum debellaturus (non omisissis extrinsecis nervinis) parum tamen profeci. Urinæ per manebant ruffæ, claræ & insigniter tinctæ, appetitus aderat nullus, pulsus erat frequens, & paululum durus, caput tamen liberum & serenum erat. Hinc, cum cæteris, in largâ quantitate devoravi Electuarium Chinatum, ubi intra septimanæ spatium, urinæ præcipitata magnam copiam lateritii magmatis fundebant, originis tartareæ testem, quamvis alias minimè insolens sit, lumborum

afflictionem tolli urinâ tenui crudaque affatim emissâ, cuius rei exemplum extat in Tulpio *l. 4 observ. c. 28. p. 338 & seqq.* Remittebant tendinum tensiones, lumbaginis dolor gravativus evanescebat, appetitus cum viribus redibat, & Deo laus! sanitas pristina sequebatur, eoque felicior, quod nullus alius succederet morbus, quemadmodum legere est in *Miscellan. Smetii l. X.* lumbalem ejusmodi dolorem, accedente totius abdominis subitanô tumore velut tympanitidis (vid. *p. 543.*) evanuisse. Quod verò maximè me molestabat symptoma, erat obstructio pertinax alvi, quam pilulis laxativis solvere tenebar, cumq; jam scybala exitum quærerent, sphincterque ani se laxare vellet, in contrarium idem à dolore illo lumbari retrahebatur, tanto quidem furore, ut in aëra exilire cogerer. Hisce tormentis per dimidiam sæpè horam excruciar, donec inter mille dolores & sudores, inflexo corpore, mox ad dextrum, mox ad sinistrum latus, facibus exitum procurarem. Non vero est absque omni periculo intensior ille nifus, in reddendis recrementis, nec sanè Doctiss. Marsil. Ficinus, frustra apoplexiam vel epilepsiam hinc metuit, in opere de sanitat. studios. & nisi fallor, exempla probant, quod facilè ex tali conatu venæ & arteriæ in plexu choroide rumpi queant.

Huic de lumbagine historiæ jungere nobis liceat, peculiare ἀποσάσεως καὶ ἐκκρίσιν genus, quod aliquoties in corpore suo expertus, est D. Maximilianus Preus, itidem Collega noster. Accipe autem Lector ex calamo ejus historiam:

Naturâ ita ferente, Choleric-Melancholicus, ut vocant, proclivis subinde sum, ad congestiones seu tumores criticos subaxillares, instar furunculorum, aut bubonum quandoque benigniorum, inflammatos & suppuratos tandem, idque occasione ut plurimum Motûs & incalescentiæ sangvinis ac spirituum notabilioris, seu ex ira hoc fiat, vel balneo, seu ex vini tantillo excessu, aut aëris mutatione vitioque epidemico, vel miasmate aliquo morbofo, inter tot Ægros, Nosocomii potissimum curæ inspectionique meæ commissos, forte suscepto, & postquam reliquos corporis Maxandros, una cum sangvinis massâ liberè impuneque pervasit, in carne musculosâ glandulisque subaxillaribus circa flexuram & summitatem intimiorem brachii sitis (ex frictione lotricis, quantum recordor, violentiore aliquando cum panno asperiore, sub balnei usu laxis, hincque magis fortè atonis, tortuosis, compressis & angustioribus factis) hærente ac nidulante, ibique, prægressis aut junctis ut plurimum symptomatis febrilibus, pruritus initio intolerabilem, postque fricationem hinc vix evitandam, exigua mox tubercula duriuscula, aliquo modo acuminata, profunde satis interdum sita, ad ovi tamen columbini magnitudinem successivè excrescentia,

tia, modò unum, modò plura, excitante, cum dolore ardente, ruboreque & siccitate primum ingenti, usque dum per humectantia, tepida, emollientia & maturantia, tùm emplastra scil. diachyli, meliloti & spermat. ranarum, tùm massam é farinâ, melle & pauxillo cepæ albæ sub cineribus assatæ, tùm cataplasmata desuper ex speciebus emollientibus in lacte coctis, tandem mollescant, rumpantur, & pus sangvinemque interdum quoque spissum aliquandiu fundant, donec unguento digestivo communi cum tantillo balsami Peruviani, ceu mundicativo, mediante turundâ immisso, emplastroque nigro Tilesii aut diapalma, iterum consolidentur.

Qualia tubercula imprimistum Fraustadii olim, cum ad Physici munus suscipiendum Vratislaviâ eô proficiscerer locumque sic mutarem, cum morbosa aliquo modo epidemicaque t. t. aëris ibidem qualitate, Martio Anni 1682, & Augusto 1683, sub utroque brachio; tùm Vratislaviæ iterum deinde Anni 1691 mense eodem, & Anni 1699 epidemicâ constitutione Januario Majoque, sub alâ tantùm dextra salubri eventu expertus sum. Simile tamen quiddam Anno indè proximè præterito potissimum, 1698 scilicet, Junio Mense singulari ex causâ occasioneque pariter mihi contigit. Postquam nempe 14 Junii sub vesperam ex balneo, tantillo vini & irâ nonnihil incalueram, nihil tamen morbidum inde sentiens, sed benè valens, 15to ejusdem circa prandii tempus, iturus ad convivium quoddam illustre, ad præveniendum vini noxam, accipio pulveris lapidis cancrorum scrup. ij. præter propter in aqua florum tiliaë, ex quo, antequam dimidiis hinc effluerat horæ quadrans, corripior sensu effervescentiæ & rosionis molestæ in stomacho cum nausæâ, sudore syncoptico, horripilationeque & æstu febrili alternis, ita ut convivio interesse haud licuerit, sed lectum petere, tincturæque bezoardicæ temperationis guttas aliquas in vehiculo prædicto haurire necessum habuerim. Haud diu exhinc cùm decubuerim, egregius emanat sudor, cum aucto inde ardore & pruritu insigni (qualem & sub initium hujus paroxysmi jam aliquo modo senseram) nec non exanthematibus erysipelaceo-scarlatinis per universam corporis peripheriam, brevi tamen iterum exarescentibus, & tumore exiguo, instar parvi bubonis aut furunculi potius, sub axillâ dextrâ, qui ad cerasi magnitudinem successivè auctus, maturatus, & exulceratus tandem fuit, per remedia superius intimata, cum euphoriâ & omnimodâ subitaque satis judicatione ac convalescentia, postquam pauca insuper bezoardica fixa & balsamica myrrhata internè acceperam. Credo autem à balneo, irâ, paucoque vino, motum jam, naturali aliquo modo intensiorem, sanguini pridie impressum, postero die, occasione lapidum cancrorum, cum acido ventriculi manifestiore viscidiorque; intensius effervescentium,

sicque stomachi nervos ac spiritus irritantium, magis auctum, hincque effervescentiam febrilem separatoriam heterogeneousitatum in sanguine latentium, per peripheriam cutis & vasa glandulasque subaxillares, excitatam, earumque secretionem factâ, brevi iterum sedatam fuisse.

Febres lentæ Ferax quoque erat autumnus febrium lentarum & hecticarum, quæ succedebant partim *quartanis, malè curatis, & ut plurimum conjunctum habentibus gravativum dextri hypochondrii dolorem, tussim siccam, subinde & asthma, colorem corporis luridum aut lividum & flavescentem, partim hæmorrhagiis, per astringentia interna & frigida externa, cohibitis, partim, ulceribus renum & mesenterii, porro & motibus corporis astuosus, post ingurgitatum frigidum potum, unde & coagulationes sanguinis & scyrrhi viscerum, præprimis hepatis, non adeò rarò originem trahere videntur. Peculiariter hinc quoque chronica illa febris pertinet, quæ sequitur scyrrhos & tubercula pulmonum; neque prætermittenda, quæ gonorrhæam copiosam excipiebat. Vidimus etiam, qui propter ulcera antiqua & pallida in locis externis sensibilibus contabuerunt. Licet verò vel ex his judicare, an causam hecticam Malpighius *ep. 1 de pulmon. acutè* tetigerit, scribens: *Hecticam à nimia fermentatione sanguinis oriri, quando nimirum sanguis justo acrior, partes, ob fermentum suum quasi solvit, & fundit, ut foras partium per poros cutis innumerae evolent; imò manifestissimè potius patet, focum ejusmodi febrium esse vel lentas nobiliorum viscerum obstructions, vel eorum exulcerationes, arrosiones, vel succorum corporis nimiam evacuationem, quam in rem juvabit legere, quæ habet phthisiologiae Cl. Morton. l. 1 c. 3. 4. 6. 7. & 9. (9)* Ita vero cum hecticis comparatum est, ut sensim emacientur, & partes solidæ, i. e. fibrosæ, adiposæ, carnosæ pedetentim resolvantur & dissolvantur. Et hinc febri huic nomen *δυστροφία*, seu ab habitu, quia in habitu corporis fixa hæret, atque partes solidæ ab eâ tentantur & marcescunt. Præterea semper plus justo calent, sitiunt, imprimis tamen acriore calore, post cibum sumptum, aduruntur, facile quoque in sudorem solvuntur, præprimis nocturno tempore, eumque foetidum, ut vel hinc facile sit hecticam ab atrophîâ discernere. Appetitus solet esse prostratus. Sæpe numero adest quoque tussis rauca, & præterea saliva viscida & glutinosa. In febri illâ, quæ tubercula pulmonum consequitur, præter calorem vehementiorem, incrementum tabis, seu consumptionis carnis musculosæ notabile, ac flaccescentem ariditatem tussis frequentis & importunæ, sentitur in pectore pondus gravans, cui anhelitus seu difficilis frequens & molesta respiratio adjungi solet, ut optimè notavit ante laudatus*

tus Morton. *l. 2 c. 9. p. m. 69.* quanquam nostrum assensum in descriptione tuberculorum vix ei, per omnia, præbere queamus, dum vult, tubercula illa esse tumores glandulosos, à liquoris glutinositate vel pori seu ductus glandulosi obstructione ortum suum ducentes, dum vult stagnantem liquorem, in formam gypseam, steatomatofam vel melleam, à naturali partis calore sensim concoqui & propria tamen cystide semper contineri; cum tribus sese potuisset expedire verbis, dicendo, tubercula illa esse expansionem membranae um per materiam seroso pituitosam, & glutinosam. Multas alii Practici in the-rapeiâ hecticæ sibi formant indicationes, nos verò eò collineavimus, ut, quod planè arduum est, causam, per resolventia, mundificantia, & balsamica, tollere- mus, & excedentem corporis calorem debite temperaremus, exturbatis acri- bus recrementis per absorbentia, lenia diaphoretica, & diuretica imprimis ni- trosa, quæ tamen non usu continuo, sed tum potissimum, cum os siccum est, adhibenda, ac profectò illa multis parasangis famosum Poterii antithecicum post se relinquunt, tandemque dedimus operam, ut corpora vix ossibus hæ- rentia restauraremus emulsionibus ex amygdalis & pineis circa noctem, aliis- que analepticiis. Vitavimus tamen ineptas illas aquas, ror. majal., pulmon. vitul., ex sanguine suillo, cochleis, ranis &c. quæ Cardanus multos se curasse jactat. (q) Electuarium de passulis mire deprædicat Riverius, sed sine causâ. Ex Electuario resumptivo pauci vires recipiunt; Nec titivillitio emerimus syrupum de testudinibus, aliaque hujus fursuris incondita medicamenta. Conf. Ludovic. *Pharmac. p. 46 p. 33 p. 547.* Sudores nocturni non adeo noxii sunt, ut vulgò creditur, nec ad eos inhibendos usi sumus tinctura vitriol. mart. saturnina, quæ sequenti modo commodè paratur:

℞. Vitriol. mart. crud. absque pulverificatione Unc. j.

huic affunde aceti super minium infusi Unc. iij.

totidemque spiritus vini uncias, unde emergit intra paucos dies tin-ctura summè rubicunda. Hæc, inquam, aliisque adstringentibus in hac non facile sumus usi, (imo ex eodem capite non per omnia satisfecit decoctum Zwelfer. antiphtisicum in *Pharmacop. Reg. p. 60.* ab eo descriptum) sed poti- us, quando sudores illos animus erat refrænare, elegimus pulveres ex spec. de hyacinth., corall., nitro, qui & in diarrhœâ egregie expectationi ac votis sa- tisfecerunt. Inter externa remedia, balnea crebra tepidiora, quibus blanda partium externarum relaxatio fit & congestio ad internas impeditur, non minimam locabant operam. Litus quoque & inunctiones dorsi cum oleis rosarum, nymphææ & pingvedinibus humana aliisque, cum unguentis, re-
sum-

sumptivo, rosato, &c. non contemnendi usus fuerunt. Ad venæ sectionis mentionem, in gracilibus ejusmodi corporibus & circumstantes & ægri trepidant, imò & Medici ipsi; nihilominus nonnulli nostrum eam in primo hecticæ gradu celebrarunt, probè scientes, quod in ejusmodi corporibus, non rarò major sanguinis copia reperiatur, quàm in obesius & turgidis, quod ante Nos in œconomiâ suâ rectè notavit Doctiss. Charleton.

Inclaruit quoque cura hecticæ per lac, in quam justo severius Ludovici animadvertit, & non veremur hic cum Celeb. Meibomio in *dissert. de phthisis curatione per lac* ex §. 27. asseverare; quod *collato morbo, cum suo remedio, lacte, facile pateat, esse id in eâ præstantissimum omnibusque intentionibus satisfacere, accedente deinde Medicorum omnis ævi lactis usum in hoc morbo laudantium experienciâ.* Conf. Ephem. Nat. Cur. Ann. I. observ. 19. Diemerbrock. *Obs. Med.* 30. Act. Erud. Lips. anno 85. p. 84. in quâ alicujus Gallici Tractatus de lactis usu compendium exhibetur. Imo ipse Clariss. Ludovici p. 514. in *pharmac.* fatetur: *se restituisse sub-circumspecta lactis adhibitione, juvenes è venere, vel vinorum ingurgitatione nimia marcentes & tussientes.* Quò ipso cum Wepfero in *epistola ad Verzascham*, tacitè agnoscat, necesse est, *divini aliquid in lacte latere.* Id tamen iterum extra dubitationis aleam positum est, quod, quando pulmones duri, scirrhusi ac tuberculis referti sunt, lac juvare non possit; cujus rei exemplum DD. Preussius & Helwich in viro cholericæ constitutionis, post pertinacissimam alvi obstructionem à Medico & Veterinario quodam drastico medicamento solutam in abscessum in regione thoracis incidenti ac post illud consolidatum contabescente oblatum fuit. Nam postquam is variis remediis, & imprimis etiam decoctis lignorum, cum majori damno, quam emolumento usus esset, ac nihil aliud restaret, ad lac, tanquam asylum confugit, cum audivisset ex Martiano, *antiquitus lac fuisse sacram anchoram, & omnium remediorum caput,* & ut tanto liberius huic curæ vacare posset, auram Vratislaviensem cum rurali amœniori, & turbas urbis cum quiete Tusculani alicujus mutavit, juxta præscriptum D. Helwich, lacte victurus & ita robustiores vires acquisiturus; at verò sine ullo fructu illud bibit, propter malè affectos pulmones, quod ex gravi & anhelâ etiam in levioris corporis motu, eo quod dura pulmonis apostemata dilatationem impedirent, respiratione cognoscere licebat, atque ita brevi post fato concessit.

Sporadice etiam in Octobri adhuc grassabantur febres Petechiales, sicuti puerum quendam, hoc Mense, eâ affectum, una cum catarrho suffocativo, partim bezoardicis, partim laxantibus per epicrasin, & cataplasmatibus pectorali-

ralibus emollientibus ac solventibus D. Preussius restituit. Magnam mensum perturbationem in solutis æque ac conjugatis, imò & gravidis hoc tempore offendit D. Pauli. Et his quidem, cum immoderate fluerent, efficaciter per V. S. occurrit. Visæ etiam sunt mulieres molam excrevisse, *Mola.* & supersunt adhuc nonnullæ, quæ fermè singulis annis molam quandam seu massam informem carneam sine ossibus excludunt, postquam inutile pondus cum magnâ molestiâ sæpè diu gestarunt. Optandum omnino, ut certiora essent molæ signa, quibus non solum ab hydrope uterino, flatibus, scirrho uteri, sed & à foetu vero discernere eam liceret. Jam verò ut plurimum, quæ molam gestant, omnia signa prægnantis mulieris præ se ferunt, menstrua retinentur, mammae intumescunt, urget cibi fastidium, nec infrequenter, ut illa apud Bauhinum, vomitibus primis mensibus divexantur, venter indies magis ac magis grandescit, ac os uteri clauditur, cui signo imprægnationis tantum tribuit Panarolus *Pentec. 3 obs. 20 p. 78.* ut signa reliqua omnia incerta, fallacia, & vana principio gestationis dicat. Et quam fallax malorum indicium, à duritie tumoris, ab immobilitate ejus, quod in utero hæret, ac pondere & puncturis, quas Crato in abdomine semper, præsentem molam, sentiri ait, petatur, norunt Practici exercitati, & cum potissimum inter hæc molæ signa sit *ἀκίνησις*, quis ignorat exempla molarum itidem sese moventium, annotata tum ab aliis, tum à Salmutho? Et quid, si uterus spasmodicè concutitur, cum molam premitur, quod aliquando fieri, ipse tactus manifestat, annon facile talis motus spasmodicus etiam sagacibus foeminis imponet, ut utero se embryonem gestare credant? Et cum uterus una cum Tubis Fallopiianis gaudeat suis fibris motricibus, ac præterea cum aliis visceribus, ope nervorum ac membr. anarum, cohæreat, captum non est difficile, quam promptè & in consensum motus rapi, aut alias partes rapere queat, & certitudinem omnem molæ immobilitati ejus innixam, confundere valeat. Circumferuntur etiam alia signa molæ, quibus tamen iterum tutò acquiescere minimè licet. Verum est, quod molam gestantes, aliquando difficulter trahant spiritum, quod ex die in diem deterius habeant, in coitu, dolore, subinde etiam lipothymiâ infestentur, corpus marcescat; at verò, qui ex contabescentia corporis illa, lipothymiis, aversione coitus, difficultate respirationis &c. statim inferunt præsentiam molæ, nati is gravissimè decipitur. In casu itaque tantoperè dubio, Medicum quam maxime circumspectum esse, æquum est. At in iis, quæ jam antea sæpius ejusmodi rudia indigestaque corpora exclusere, quales ubique locorum satis frequentes sunt, securius proceditur. Nempè tutò dantur, quæ menses cient, & secundinas foetumque mortuum pellunt, rectè purgantia etiam fortiora inge-

runtur, & medicamenta ex sabina, myrrhâ, crœco, castor. borrace &c. usurpantur, omiffis vanis illis, testibus, inquam, equorum, quos commendat Rolfincius, & fellibus animalium; & parùm sanè abest, quin in censum hunc etiam hepar angvillæ Helmontio tantoperè laudatum, referamus. Infusis uterinis sua etiam constat laus, ut & sternutatoriis. Externè balnea & infusus ex emollientibus & pellentibus adhibentur &c. Iis, quæ magis depudueret etiam pessus, modò non nimis sint acres, & vaginam excorient, admoventur. Nos ferè ita progressi sumus: Cùm aliquid sangvinis ex mulieribus stillasset, quod ut plurimum fit non sine deliquiis & anxietatibus, portionem illam sangvinis inspeximus, & affusâ tepidâ examinavimus, ut tantò rectius cognosceremus, an fibrosæ aut laciniosæ partes excretæ essent; His ita cognitis, ulterius perpendimus, an aliqui conatus excernendi sarcinam uteri sensibus sese objicerent, & si vel inquietudo, vel aliæ circumstantiæ de eo conatu nos redderent certiores. Primò omnium corroborantibus usi sumus, aqu. cinamom., meliss. c., balsam., embryon., dominar. myns., tinct. corallor., confect. alkerm. incompl. &c. hisque non sufficientibus, progressi sumus ad pellentia, pulverem Augustan. borrac. venet., trochisc. de Myrrh., specif. cephal. D. M. quæ debitè remisimus, ac majorem iis vim à volatilibus salibus & ol. destill. cinamom., caryophyll., sabin. &c. foenerati sumus, ac in aqu. artemis. puleg., organ. montan. &c. ejusmodi pulveres exhibuimus. Externæ partes inunctæ ol. scorpion., lil. alb., amygd. d., cheiri &c. aquam etiam calidam sellæ supponi jussimus, ac si neque hæc operæ facerent pretium, præter sternutatoria etiam aliquando infusa ex uterinis & purgantibus propinavimus. Chirurgiæ auxilium rarius à nostris imploratur, atque hinc apud nos ferè ignota ratio extrahendi coagulum istud tum per pedem Gryphii à Paræo l. 23 c. 35. quàm forcipem dentatum ab Hildano Cent. 2 obs. 52. commendatum. Et sanè, ut optimè Primerosi, *temerè chirurgiâ non est utendum, nam nisi mola ab utero & ligamentis laxata & divulsa fuerit, ac ad os uteri declinet, per instrumenta illa chirurgica facile noxa utero inferri, isque lacerari, ac distorqueri potest.* Edita mola, ut vulneratas tractavimus. Semper tamen in memori fuit pectore aurea illa Ballonii regula ex lib. 1. Epidemior. & Ephemerid. p. m. 57. *cum falsum germen excussum est, ne quiescas, donec pro comperto habeas, num aliud restet.* Ibidemque providè monitum est, ne in hoc metu obstetrices adstringentibus utantur. Et licet uterus onere suo, per rejectionem ingentium grumorum, semel liberatus sit, frequenter tamen, post menses, novus labor, ad deonerandum uterum, redit. Non soli sanè Platero oblatum exemplum Nobilis faminae, singulis anni quadrantibus, molam enitentis,

tis, sed & hodie frequenter aliis Practicis, atque hinc meminimus, quæsitum ex nobis, quomodo mola præcaveri possit? Provide in hac re nos gessimus & multa fecimus nostra ex consilio doctissimo Lentilii *lib. 2 Miscellan. Med. Practic. Tripartit. p. 530.* neque tamen nobismet ipsis satisfacimus, quia veræ molarum origines nondum ita evolutæ sunt, ut nulla supersit de iis dubitandi occasio. Magna cum probabilitate asseritur, quod generatio molæ eadem ferè, quæ polypi, quod *ex stagnante sanguine serosum diffuat, aut abeat cum parte magis fluida ipsius sanguinis, fibrosum vero restitet cum mucoso, novis accessionibus, novi accrescant lobi, calor vero superficiei inducat tunicas.* At totum hoc non exhaurit. Nos, cum in Republica literariâ liberæ debeant esse voces, læsi, aut fauciaci uteri fructus, carneas illas excrescentias, hoc est, molas, tam diu credemus, quoad rectiora fuerimus edocti ab aliis. Inter omnes enim hujus negotii circumstantias, illa est cumprimis notabilis, quod fecundæ sint uteri molarum matres, quæ vel abortivæ, (ferè enim plus negotii abortus, quam maturus partus exhibet) vel laborioso partu defunctæ sunt, vel in sævas obstetricum imperitarum manus inciderunt. Virginum molæ sunt aut nugacium figmenta, aut sane massa sanguinea in aqua ut plurimum dissolubilis, nisi fibris sanguinis robustioribus conglutinentur, ac de ejus generis molis Horstius, Lindanus, Hœferus aliique ex Medicis, qui molas à virginibus edi posse concedunt, loqui potissimum videntur, quæ tamen & ipsæ ruptorum inflammati & exulcerati uteri, vasorum quorundam, venerearumque phantasiarum partus sunt, adeò, ut in prophylaxi nihil agatur, nisi ad læsum uterum oculi convertantur.

Occasione molarum, antequam ad Novembriam progrediamur, verbo monemus, quod in metu abortus earum, quæ jam antea foetum immaturum excluderunt, præprimis cum conceptio mox post abortum facta est, non tam cogitandum sit, quod alias ordinariò Medici faciunt, quomodo impendens abortus inhiberi queat, sed severiori ac exactâ trutinâ expendendum, an inhiberi debeat. Atque hinc à vehementioribus adstringentibus seriò dehortamur, cum non desint exempla, ubi per adstringentia ejusmodi miseræ ad molæ gestationem perpetuam quasi damnatæ sunt.

In Novembri D. Preussius in puella quadam prolapsam intestini recti notabilem in Orphanotrophio curavit. Prominebat illud ad 5 digitos transversos per duas septimanas, tandemque sponte tunica interior sphacelata decessit, & reliqua intestini substantia iterum in naturalem situm reducta est, egregiam opem præstante linimento ex mucilag. semina. frigid., lythargyrio, oleoque amygd. d. parato, atque hoc pacto puella integræ sanitati restituta est.

Hydrops Ascites.

Aliquot Ascitici etiam nostram flagitarunt opem, ac requirit gravitas morbi etiam alio tempore stragem edentis, ut ejus historiam aliquanto diligentius enarremus. Nostri, antequam evidentiora hydropis signa præsto sunt, gravitate quâdam & angustia, circa præcordia, ac tensione in hypochondriis afficiuntur. (s) Deinde difficultas respirationis in motu corporis & ascensu scalarum iis graviter molesta est. Quando verò circa mediam noctem, chylus, finita concoctione, cum sanguine miscetur, non tantum dolore, cardialgiæ analogo, torquentur, sed & tam ægrè spiritum trahunt, ut prope à suffocationis periculo absint; Et cum hoc fit, in procinctu tumor est, & singulis quasi diebus abdomen sensim intumescit ac distenditur, ac ante notabilem ventris tumorem, impulso abdomine aut corpore, in alterutrum latus provoluto, murmur & humoris fluctuationem interdum percipiunt. Quibus tandem succedit sæpè stupendus abdominis tumor, & tum omninò notæ, quibus Ascites dignoscitur, sunt visu, tactu & auditu facillimæ, ut loquitur Aretæus *lib. 2 de morb. diuturn. cap. 1. (t)*. Tumor verò non unius generis est, interdum in uno tantum latere cernitur, interdum in utroque, & quidem ita, ut venter quasi in duas partes divisus videatur, aut quasi duos sacculos appensos habeat, interdum verò æqualiter distenditur ab hypochondriis ad pubem usque costarumque fines & extremitates extrorsum pelluntur. Hic verò tumor, quando Ascitici recti sunt, versus inferiora magis vergit, quando verò decumbunt in latere, aqua volvitur ad latus illud, in quo cubant, cum verò supini dormiunt, summus ventris vertex collabitur. Præter hanc abdominis distensionem, morbo protracto, etiam œdematosus in dorso tumor exsurgit. Non solus autem venter, sed & pedes & scrotum intumescunt, licet aliquando à naturali constitutione non recedant. Interdum verò intumescencia pedum præcedit, illorumque, ut accuratè Platerus, infimam sedem eminentiorem, deinde eam, quæ in ambitu malleolorum existit, primum replet, inde sensim ad genu usque & ulterius extenditur, maximè in humiliori femorum sede ampliusque excrescit interdiu sedente, aut cunte, ægro, decrescit verò nonnihil eo recumbente noctu, impressumque in hoc tumore aliquandiu remanet vestigium, qui, ubi admodum distentus est, splendere & pellucidus non nihil esse videtur. Postmodum aqua in scrotum ex abdomine per processûs peritonæi quoque delabatur, illud sæpè ad magnitudinem stupendam distendit, imò vidimus totum colem tortuosum & translucidum, naturalem crassitiem longè excedentem, aquâ ex vicinis inguinis partibus sese inter cutem & carnem penis insinuante. Superiores partes in-

terea

(s) conf. *Castigat. Nostræ Græbner. p. 72.* (t) conf. *Castigat. Nostræ Græbnerian. p. 74.*

terea exarescunt, ac veluti liquefcunt, ut sola cutis, tendines, membranæ & ligamenta vix offibus hæreant, niſi quod aliquando facies aliquo modo intumeſcat. Celeberr. Wedelius in *Excercit. Semiotico-Pathologic. p. 138. facies*, inquit, *ut in cachexiâ ſe habet, ictericum quid ſepè præ ſe ferens*. Aretæus vultui pallorem inefſe docet. Aëtius autem tribuit hydropicis colorem ex viridi albicantem. D. Graſſius & Helwich, hydropicam intenſe rubicundam tractarunt. Præterea adefſt in corpore laſſitudo & torpor, non rarò etiam dolor, ab initio quidem in imo ventre, & coxis, in morbi progreſſu vero circa laterum inanitates & ſpinæ muſculos, imò non rarò ad jugulum & mammas uſque ſe diffundit. Nonnullis pruritus eſt moleſtiſſimus, aliis ſcabies infeſta eſt, nonnulli eryſipelate infeſtantur. Aliis maculæ in cruribus & fere mortem denunciant, ut compertum eſt D. Graſſio & Pauli. Pedes tumidi plerumque frigent & al bent. Ex iis aliquando tranſudat aqua falſa cum intertrigine non ſine diſcrimine gangrænæ. Tales ſcaturigines aquæ etiam alibi in corpore cernuntur. Ueberior verò quantitas ex umbilico dehiſcente effundi ſolet. Nec infrequenter hæmorrhagiâ aſcitici vexantur. Accedit ad cumulum malorum etiam continua & lenta febris, ſub vèſperam potiſſimum, manifeſtius ſe prodens, quæ ſatis vehemens eſt, cum hydrops morbos acutos ac viſcerum inflammationes ſequitur. Pulſus ordinario eſt parvus, mollis & ſubdurus, cum aliquâ tenſione. Præter hæc etiam alia ſymptomata hunc morbum ſtipant, nimirum ſitis intenſa, quam licet bibendo ſedent, ſtatim tamen denuo affligit, & ſi hic ſuis hydropici obſequantur deſideriis, tumor abdominis magis magisque excreſcit. Nam verè Horatius cecinit, quod creſcat indulgens ſibi dirus hydrops. Licet verò multum bibatur, urina tamen plerumque per pauca mejitur, & ea modo tenuis eſt & aquoſa, modo craſſa, lixivioſa & rubicunda. Difficulter quoque ſudant Hydropici. Et licet Smetius ſudorem hydropicis ſupervenientem bonum eſſe dicat, fuit tamen, ubi potius cum Avicenna eum laborioſam diceret ægritudinem. Alvus aliquando ſeſe rectè habet, interdum verò ſegnior eſt, quod ex Hippocratis aliorumque doctrina læſi hepatis indicium exiſtit. Adefſt etiam nimium alvi profluvi-um, & inter initia, quando ſine cruditate eſt, ſpem recuperandæ ſanitatis facit, ſub finem verò & cum viſcera læſa ſunt, mortem brevi ſecuturam præſagit. Scybala alvi magis ferè cineritia ſunt. Sub primum hydropis ingreſſum ſi vomitus ſuperveniat, quod aliquando fit, is utilis eſſe ſolet, ac memorabile hujus rei paradigma legere eſt in Marcelli Donati *Hiſtor. mirab. lib. 4. c. 21.* ſed grave periculum ex vomitibus, cum vires dejectæ ſunt, & tanto magis, ſi illi ſanguinei ſunt, quales vidit Ballonius, inſtat. Ex præcipuis ſymptoma-

tibus inter tria illa à Sydenhamio allegata, est dyspnœa, & sanè verum est, quod ferè semper hydropem comitetur. D. Pauli & Helwich curæ suæ commissam habuerunt foeminam nobilem, quæ post puerperium incidit in ascitem & ex eo defuncta est, abdomine in magnitudinem stupendam propter incredibilem aquæ quantitatem post mortem eductam, distento; hæc tamen nullum incommodum circa respirationem, etiam ultimis vitæ diebus passa fuit. Appetitus, quod penè exciderat, plerumque deficit, imò hydropici nonnulli ad ciborum mentionem nausea tentantur, simul ac verò aliquid cibi modici saltem, & non flatulenti assumerunt, inflantur & ructus ac distensiones patiuntur, magnæque præcordiorum anxietate premuntur, cuius rei luculentum exemplum à Schenckio *l. 3 observ. Med.* recitatur. Ulterius aut tussis sicca & rauca affligit, aut inane tussendi desiderium excruciat. Sociantur etiam vertigo, convulsiones, epilepsia, & in junioribus etiam major capitis magnitudo; ut de palpitatione cordis, podagrâ, ictero, non raro cum tumore ascitico complicatis, nihil dicamus. Quidam somnolenti admodum sunt, nonnulli vero vigiliis molestissimis enervantur. Plerumque experientiæ respondent Prognostica illa Hippocrat. *ex lib. 2 prædiction.* quæ Cælius *lib. 2 c. 8.* latine ita effert: *Aqua inter cutem minimè terribilis est, quæ nullo antecedente morbo cæpit, deinde quæ longo morbo supervenit. Utrique si firma viscera sunt, si spiritus facilis, si nullus dolor, si sine calore corpus est, equaliterque in extremis partibus macrum est, si venter mollis, si nulla tussis, nulla sitis, si lingua, ne per somnium quidem, inarescit, si cibi cupiditas est, si venter medicamentis movetur, si per se excernit mollia & figurata, si extenuatur, si urina, & vini mutatione, & epotis aliquibus medicamentis mutatur, si corpus sine lassitudine est, morbum facile sustinet. Siquidem in quo hæc omnia sunt, iis ex toto tutus est, in quo plura ex his insunt, is in bonâ spe est.* Hactenus Ille. Aqua, quæ in abdomine dissecto post mortem reperitur, non unius generis est, sed ut cum Meibomio loquamur, aliquando observatur planè liquida, aqueo tantum colore, sine sapore; Interdum mucilaginosa quid habet, & igni admota, in gelatinam abit. Sæpius autem ad flavum nonnihil inclinat, urinæ naturali similis vel lixivio, non colore tantum sed etiam sapore, quandoque viridis conspecta fuit, & spumavit quoque. Interdum verò materia adest, in stupenda quantitate melli liquidiori aut syrupo dilutiori similis. Ubi quidem obscurum minimè est, quod hæc aquosa colluvies sit vel è feri laudabilis seu humoris lymphatici, aut etiam ipsius chyli, vel feri excrementitii profapiâ. Prioris censûs est illa mucilaginosa & gelatinosa, posterioris autem generis lixiviosa ista &c. Non tantum autem gelatinosa illa textura de scaturigine vel origine istius

istius testatur, sed hoc quàm maximè, quod corporis reliquæ partes contabescant, hæc enim contabescencia evidens præbet documentum, partes illas emarcescentes substantiâ alibili privari, eamque alibi in cavitate quâdam deponi, & hoc modo tabescentibus subtrahi. Nec est dubitandum, quin hydrops subito ob enormem in diætâ commissum errorem cum extravasatione chyli conjunctus sit, nam hoc dulcedo & suavitas materiæ stagnantis extra controversiam ponunt. Quòd verò & serum excrementitium, motu ejus turbato, hydropem producat, loquuntur exempla apud Plater. *l. 3 c. 3.* Holler. *l. 1 de morb. intern. c. 39.* Dodonæum *observ. 34.* In hydropico Harle-
 mensi post mortem dissecto deprehensus est ren sinister totus in putrilaginem abiisse, dexter ureter calculo obstructus, atque adeò urinam in abdomen sese effudisse, teste Clariss. Borrichio *Cent. 4 epist. Med. ep. 17 p. 76.* Quod insensibilis transpiratio quoque cohibita ad hydropem disponat, evincit exemplum apud Blanckardum *Cent. 1 obs. 19.* Magis in hac sententiâ confirmabitur, qui perpenderit, nobiliorum in hydrope viscerum atonias, obstructions, corrugationes, indu rationes scirrosas, exulcerationes, fissuras aliasque corruptelas, quibus motus lymphæ ad profusionem hydropicam usque impeditur; qui consideraverit vasorum laxitatem, rupturas &c. & ab altera parte excretoriorum, præprimis autem viarum urinariarum læsiones & vitia. Pleni sunt Practicorum libri de morbosus viscerum constitutionibus, ex quibus multa, singulari diligentia, congeffit quondam Celeberr. Conring. *in disp. de hydrop. Ascite à §. 35. usque ad 39.* diligentissimus Theophil. Bonetus *in Sepulchreto l. 3 sect. 21 à p. 1033.* aliique pro lubitu consulendi. Hæremus verò adhuc dubii, quasnam satis frequentis apud nos hydropis causas procatacæticas nominare fas sit. Aliquid confert aër crassior, & crudioribus particulis gravis, dum poros occludit, liberam transpirationem impedit, & serum in corpore auget. Magis adhuc ad hydropem disponunt cibi flatulenti & crudi, quibus non pauci delectantur. Fructus horræi malè audiunt apud Ægidium Euth. *in agonism. de hydrop. p. 38.* Allii esum etiam noxium esse, credit Tulpus *lib. 2 obs. c. 35.* Omnium verò maximè, nisi prorsus fallimur, abusus generosi vini (vid. Aristot. *l. 3 problem. 5.*) & cumprimis spiritus ex eo, ac frugibus parati, qui si aromatibus acuentur, aqua vitæ, cum rectius aquæ mortis dicerentur, jejuno ventriculo, intemperanter haustæ, in Ascitem præcipitant. Hæc fundi nostri calamitas est, hinc illæ lachrymæ. Atque utriusque ferè sexûs delitiæ sunt, & privatim apud mulieres, variâ arte certatim confici solent, ut cum Listero *Exercit. Med. de Hydrop. p. 3.* loquamur. Nimirum internas ventriculi fibras sive villos, spiritus hi exedunt, ipsumque viscus inflammant,

unde chylus crudus & lentus conficitur. Hoc modo rem habere, ostendit usus spiritus vini Chirurgicus, quando ad luxuriantem in vulneribus carnem depascendam ab artificibus adhibetur. Sæpè sane attoniti stupuimus, quomodo in tantâ hi spiritus quantitate ingurgitentur, cum illo tempore, quo ex libris Arabum apud Mutinenses, modus eorum ex vino corrupto conficiendi, ad medicamenta ejus ministerio paranda, innotuisset, vix ultra guttam biberetur. Non diu verò intra hos terminos hominum intemperantia sese continuit, fomitem subministrante avaritiâ. *Erat scilicet aliquando per totam Italiam, copiosissimus vini proventus, ut Mutinensium vinorum, quæ Venetis vendi solebant, cum debiliora cæteris essent, nec emptores invenirent, bona pars corrumpere.* Hinc Mutinenses aquam vitæ ex iis destillabant, quibus vina, nondum corrupta, sed quæ vendi non poterant, miscuerant, atque ut majori copiâ conficerent, bis stillatam, non sine lucro vendiderunt. Veneti, cum intelligerent, metallorum fossores in Germaniâ potu tali indigere, qui vigorem & calorem corporis conservaret, venalem illis potum mittentes, magnum inde, questum confecerunt. Mutinenses postea majori copia, cum vino abundarent, aquam vitæ stillarunt, cum bonorum vinorum pretium ex eo crescere viderent, ut narrat Alexand. Tassonus, *Pensieri diversi l. 10 c. 26.* & ex eo Celeberr. Morhofius in *epist. ad Clar. Langelottum de Metall. transmutat. sect. 11.* Dum verò passim in circulis & familiaribus colloquiis ingentes pateræ circumferuntur, quotusquisque est, qui cum Callisthene respondeat: *Nolo bibere, ut Æsculapio indigeam?* Aquas palustres & stabiles Hippocrates de aer. aqu. & loc. itidem culpat. Nec minus etiam suum confert symbolum hoc, quod nostri satis sint incuriosi & negligentes circa excernenda & retinenda, atque non adeo raro fiat, ut excernenda è corpore diu satis retineantur, & retinenda in magna quantitate excernantur. D. Pauli & Helwich nuper habuerunt exemplum dispositionis hæreditariæ ad Ascitem in fœminâ, adeo nati paternorum malorum sunt hæredes, atque sic patrum in natos veniunt cum semine morbi! Præterea cum apud nos sit tanta Medicastrorum multitudo, quanta Romæ muscarum, cum maximè calet, dissimulare minimè possumus, nos in eâ esse opinione, quod per præposteram febrium, dysenteriarum, diarrhæarum, coeliacæ affectionis curam ab illis, qui, illotis manibus, sacra Medicinæ tractant, non pauci in hydropem conjiciantur. Nam inde sanè est, quod æquè frequenter apud nos & fœminæ & viri, secus ac apud Anglos fit, teste Sydenhamio in libro de hydrope, laborent, & nulla fere ætas sit, quæ non huic malo obnoxia vivat. Illud tamen multiplici experientia confirmatum est, quod facilius in hunc affectum ruant, qui calidioris & siccioris sunt constitutionis. Ipse Medicorum

Princeps Hippocrates in Coacis, non obscure insinuat, *biliosis accidere hydropes*, id quod & Fernelius passim in consiliis, & omnium diligentissime Guarinonius notavit.

In curatione primo ad continentem tumoris ascitici causam, aquam in cavitate abdominis, p. n. contentam, respeximus, eamque evacuare sumus conati, deinde in illo occupati fuimus, ut causam, ob quam aquea hæc colluvies in abdomine collecta est, & unde adhuc in cavum depluit, tolleremus. Et tanto diligentius enitendum est, ut aqua illa educatur, quia non tantum magnæ molestiæ ab illâ ægris inferuntur, vis medicamentorum infringitur, viscerum tonus destruitur, sed & quia jam corruptelam passa est, nec ulla apparet ratio, quâ iterum in vasa reduci queat; accedit vero & hoc, quod ipsa natura nobis hæc in educatione præeat sæpè per largam diarrhæam, umbilicum ruptum, vesiculas excitatas in pede, serum e corpore effundens, ac ægrum liberans. Quem in finem in principio morbi, dum ægri adhuc essent *ευσπλαγχνοι*, paracathesin aliquando rarius tamen instituimus. Censemus autem abdomen esse aperiendum acu subtili, tereti, cannulam exilem subintranti, vel solâ cannula ex argento aut chalybe ad latera perforatâ, & acumen ex chalybe cannulæ ferum ruminatum habente, quibus pungitur abdomen & aqua educitur, quod inventum Thouvenotio debetur. Ad illam enim visceribus læsis & viribus morbi diuturnitate attritis, intestinisque corruptis, sese accingere, propemodum est gladium jugulo admoveere, nam & gangræna in parte eâ, in qua sectio facta est, consequi solet, notante Ballonio 2 *epidemic. p. 203.* & Thom. Fieno *Chirurg. tract. 6 cap. 2.* & licet hæc non sequatur, paulò post tamen fere vitæ excedunt. Non nescii sumus, quod scarificationes, vesicatoria, setacea, scroti perforatio & ustio, aliquando usum præstent, & scarificationem Collegæ nostro D. Acolutho feliciter cessisse in molitore, probè recordamur; tutius tamen fere, ne gangræna aut sphacelus excitetur, hæc omnia omittuntur. In morbo confirmatò ob respirationis difficultatem, nulli etiam fuerimus Auctores, ut emetica, cum Sydenhamio Asciticis ad educendam serosam colluviem, promiscuè propinet, quàm difficillimè enim vomunt, quia forte muscoli abdominis nimis tensi, cooperari labori debite non possunt. Aliquando tamen vomitionibus magna aquæ quantitas effusa est, & ægri convaluere, ut ille apud Forest. *lib. 19 obs. 32.* ac Listerus à Magisterio veneris, succo ebuli, & elaterio, vomitum notavit cum euphoria in ægris 6. 7. 8. 9. 10. 13. 14. Tentari rectius ergò poterit educitio stagnantis aquæ per diuretica, resolventia, aperiencia, diaphoretica & discutientia. Equidem tenue satis est auxilium, quod posteriora, tum interna e. g. decoctum lignorum, tum externa, ut balneum

Laconicum, præstant: Et facile fieri potest, ut calidiora ejusmodi medicamenta, majores viscerum obstructions inducant, quod incommodum etiam Platero cognitum fuit. Interim, quia ipsos poros quodammodo aperiunt, locum aliquando invenerunt, præprimis minus calida, & sine regimine data, nisi quis malit frictionibus eadem intentione uti. Experientia docuit, quod ex usu diureticorum interdum abdomen detumuerit; sic mulierem hydropicam per urinæ fluxum sanari vidit Rondeletius *c. 36. Method. curand. morb. lib. 2.* Ex pulvere bufonum, ab uxore sibi dato, maritus, magnam aquæ copiam per vias urinarias exoneravit, & liberatus est, teste Sollenandr. *sect. 5 conf. 15 S. 19.* & Wiero *l. 3. de prestigis demon. c. 35.* Nos itaque, sine anxio examine, quomodo ex abdominis cavitate per vesicam exterminari possit, diuretica reliquis medicamentis interpolavimus. Ex his elegimus potissimum lixivium ex salibus alkalifatis vegetabilium, ac in hoc imitati Mynsicht & Welschium sumus. Tartari crudi efficaciam laudat D. Oehmb. Succus petroselini itidem prodest. In salviâ agresti, seu montana specificam illam vim à Mayerne laudatam deprehendere minimè potuimus, eam tamen nihilominus cum aliis, liniariâ, daucô, genistâ, bacc. juniper. cynosbat. &c. vino infudimus. Nitrosa omnium fermè sunt optima, quod simul etiam sitim sedent; maximè in illâ hydropis specie, quæ febrim conjunctam habet; nam tum calidiora illa grave afferunt damnum. Est etiam, ubi tuto millepedes, lumbricos terrestres, & ipsas cantharides sub debitâ circumspeditione, adhibeas. Ingenue confitetur Bartholinus *cent. 4 epist. 14.* quod variis salibus, lixiviiis, decoctis, aquis, pulveribus, hydropicorum aquas per vias urinæ aliquoties tentaverit educere, sed non nisi semel in juvenculâ successerit.

Summa præcipue spes est in hydragogis, & certum est, quod rarè admodum sine his hydropici restituantur. Inter initia lenibus, crebrius repetitis, quibus mercurium d., non sine causâ, à Mayerne laudatum, admiscuimus, agimus, deinde ad fortiora descendimus. Nobis ex his in usu sunt resina giap., G. Gotte s. de Peru ad gr. IIX. c. ol. destill. caryophyll. & mucilag. tragac. in form. pilul. D. Grassius & Helwich ad 14. gr. hydropicæ dederunt sine ullo ferè effectu. Nec elaterium tantum præstat apud nos, quantum cæ Listerus ac alii tribuunt, per frequenter illud adhibuimus nullo ferè cum fructu. Aliquantò est efficacius Euphorbium c. cortice frangulæ, extractis balsamicis, in dosi moderatissima exhibitum. Iridis succus, quo vulgus nostrum utitur, fauces adurit. Luna hydragoga, in cujus laudem & Angelus Sala, & Illustris Boyle *de utilit. Philosoph. experiment.* & Willisius, multa scribunt, non implet semper spem tantis elogiis de se concitatam. At vero minimè hæc

drastica conveniunt malè constitutis internis visceribus, nam, cum præsentissimo damno exhibentur iis, qui vel phthisi laborant, vel aliâ viscerum labe, aut morbo propemodum consumpti sunt. Hominibus tenuioris texture ac fœminis etiam, ut plurimum nocent. Et sanè, si candidè verum fateri volumus, non possumus non subscribere fere ex toto Clar. Volckammero Nostro, qui *Decad. I. ann. 9 in Schol. p. 65.* hæc censurâ hydragoga perstringit, quod sint *canta violentia, que sanum è statu suo, in morbum, vel ipsam mortem decurrere valeant, & venenis potius quàm salutaribus pharmacis annumerandis sint.* Eò fere magis miramur, quod drastica ejusmodi sub nomine arcanorum, ab hominibus extra pomœria nostræ artis constitutis, impunè & arroganter, sub spe certissimi ac infallibilis successûs, miseris obtrudantur. Rariora robustioris naturæ exempla, quibus è voto successit talis temeritas, confirmatos reddit hos empyricos & agyrtas, qui ægrotantium animas mercari didicerunt, ut optimè iterum Volckammerus Noster *loc. cit.* In eo vero tonsoriam stupiditatem, & anicularum fatuitatem superant suffeni illi blaterones, quod curam omnem hydropis, solâ evacuatione, per ejusmodi drastica absolvi contendant. O pecora æternùm à nostris sacris arcenda! an his vasorum lacteorum lymphaticorumque rupturam consolidabitis? an viscerum obstructions, scirrhus, putrilaginem, purgantibus emendabitis? Unde fando audivistis, quòd cathartici seri extravasationes avertantur, & lymphæ extra vasa stagnans ad canales suos reducat? An ergo viscera aquæ immersa, & ad soliditatem coriaceam semicocta, vel pure & tabo diffluentia, nihil nisi purgantia vehementiora, ut in statum naturalem reducantur, requirunt? Tantus est horum hominum & stupor, & quæ hujus germana est, arrogantia, ac bruta temeritas, ut non monitis salubribus, quæ alto contemnunt supercilio, ad frugem reduci possint, sed multis, carceribus, à perdendis hominibus mature avocari mereantur. Infamia patrant latrocinia, quoties hi suis vehementissimis purgantibus, mulieres ex mensium suppressione, hydropicas, quas deobstruentibus à sarcina hæc liberare nobis mos est, tractant, quoties ab alio morbo, vix leviter, respirantes, suis secretis (nugis nugacissimis) torquent, cum iis cordati Medici digestivis & aperientibus subvenire possent.

Nos ergo scientes, quod sublatâ etiam aquâ, non tamen Ascites statim curatus sit, nam flebili experientia scimus, quod intra nycthemeron aut paucos dies, perpetuâ scaturigine ad cavitatem abdominis serum confluat, quod laboriosè intra multos inde evacuatum, hinc ad causam, ob quam serum collectum fuit, & propterea stomacho, cujus tonus omnino conservandus, diebus à purgatione vacuis, succurrimus; reliquis etiam visceribus mederi conati

fumus aperientibus & appropriatis, ac vel inflammationi, vel scirrho viscerum debitis remediis. Imò non raro ab alterantibus cachecticis subinde & martialibus curam auspicati sumus. Mercurialia his quoque sociavimus, nec enim vanum est, quod alicubi tradit D. Michaël, quendam hydropicum mercurio d. & bezoard. martiali sanatum esse. Interposuimus antiscorbutica & antihypochondriaca, quæ subtili acrimoniâ viscera extergunt, ac in usu etiam nobis fuit Wedelii mistura antihydrica. Tandem fecimus accessum ad purgantia, modo leniora, modo paulò fortiora. Diureticis usi sumus, cum urinæ essent aquosiores, nam tùm prorsus salia lixiviosa eximii usûs sunt. Interpolavimus roborantia, & alia attenuantia, ac viscositatem resolventia, ex rad. ari, helen., bardan., petasitid., irid. flor. herb. capill. vener., absinth., cent. min., ac carminativ., diaphoretica ex rob. ebuli, sambuc. ac bez. martial. itidem aliquando data. Externa & topica non neglecta fuere. Nec tamen magnus est hydropicorum numerus, qui sollicita nostra curâ fuerunt à nobis liberati, & singulari Dei benignitati potius in his quoque, qui evasere, auxilium & sublevationem tribuimus, quam medicamentorum viribus, cum Valeriolâ l. 1 obs. 2. narrante, quomodo ascitica uxor, congruis à se præfidiis, restituta. Quod nec Aretæum fugit lib. 2 de caus. & sign. diuturn. morbor., ita scribentem: *Ab hydrope perpauci liberantur, idque felicitate quâdam & DEorum potius, quàm artis auxilio, manebitque in ævum omne inconcussum illud Hippocrat. de intern. affect. t. 27. Morbus gravis est hydrops & pauci hunc effugiunt.* Et hoc Græci omnes fatentur, qui ipsorum candor non debuisse à Cardano ad prognostic. 1 lib. 2 Hippocrat. suggillari.

Sed quid de V. S. in hydrope sentiendum? Eam prorsus rejicit Ægidius Euth. in agon. de hydrope, sed frivolis prorsus ex rationibus, dum p. 116. ita argumentatur: *V. S. rejicio à Φοβως, quoniam homo I. ad Corinth. 3 v. 16. 17. templum Dei est, spiritusque Dei habitat in eo: si quis autem templum Dei violaverit, disperget illum Deus &c.* Eam contra necessariam existimat Prosper Martianus in Comment. de rat. vict. acutor. p. 327. *Si spirandi adsit difficultas, tempus æstivum sit, ætas egrotantis vigeat, & virium robur.* Et ut dubium, quod facile alicui circa difficultatem respirationis occurrere poterat, diluat, ita pergit: *Spirandi difficultas in hydrope duplici de causâ contingere potest, vel propter copiam aquæ, ventrem inferiorem replentis, quæ diaphragma comprimendo, ejus liberum motum impediat, vel ob tumorem hypochondriorum eodem modo septum transversum comprimentem.* In primo casu, nullo modo convenit V. S.; in altero autem ex mente ejus locum habet. Doctiss. Sponius in aphorismis novis p. m. 367. docet, quod in praxi occurrat species

cies hydropis, quæ largo potu, sero lactis, sanguinis missione feliciter tollatur, contrà vero solitis alias artibus exacerbetur. Provocat & ad experientiam propriam, dum porrò ita loquitur: *Vidimus hydropem viginti curatum V.S., qui ab exhibitis hydragogis & diureticis cujusvis generis, magis ac magis intumuerat.* In numero horum, qui V. S. in hydropse commendant, est etiam Leonardus Botallus *in lib. de Curat. per sangv. mission. cap. 15.* Nam ex ejus sententiâ, primus ac præcipuus scopus, imminuentis hydropis vitandi aut inchoantis, seu jam concepti curandi est penes ea auxilia, quæ inutilem sanguinis multitudinem imminuunt; *conf. p. 214. & seqq. in operib. & ante hos omnes in hac opinione fuit Hippocrates & Galenus, hujus hæc sunt in cap. 5. adversus Erasistrat. d. V. S. c. 5. sæpè spasmus, hydropemque sanguinis evacuatione sum medicatus.* Ast verò in nostris locis, ubi hydrops ferè semper est soboles depauperati sanguinis, diminuti caloris, corruptelæ viscerum, ac ruptionis vaforum lymphaticorum, V. S. cum summo periculo ægrotantium celebratur, ac apud illas fœminas, quæ ex suppressione mensium, aut viros, qui impedito fluxu hæmorrhoidum in ascitem labuntur, non nisi inter initia cum successu vena pertunditur.

Eodem mense variolæ infantibus erant infestæ. Eas comitabantur aphthæ ac tussis pertinacissima. Adultos febres continuæ cum levi rigore, æstu mitiori, dolore capitis & pleuræ, lumborum & artuum infestabant, sub finem verò notante D. Grassio in remittentes mutabantur, ac diarrhæis quasi criticis, non tamen sine omnibus torminibus, finiebantur. Fœminis solito frequentius hæmorrhagiæ uteri erant molestæ. Longè autem communissima erant apostemata ac ulcera. Ac sæpè sanè quasi manu palpavimus, quod in activioribus natura materiam p. n. è massâ sanguineâ ad ignobiliores partes protruserit, & excitato ibidem tumore, quem ἀπὸ σαύης Hippocrates passim vocat, id quod visceribus noxam certò allaturum fuerat, cum corrosione partis, quam collectio ejusmodi occupat, è corpore proscripserit. Non tantùm autem hoc tempore callosa, varicosa, & sinuosa, ac cum carie ossium conjuncta, aut quæ circa articulos erant, aut partes glandulosas, membranosas obsidebant, ulcera, Chirurgis crucem figebant, sed & alia benigniora in iis etiam corporibus, quæ cacochymicis humoribus non adeo turgebant, aut ex cachexiâ languebant, difficulter curabantur. Nam & symptomata, singulis autumnis, plura eaque graviora, curam alio tempore facilem, plerumque reddunt difficiliorem.

At verò ordo requirit, ut tandem etiam ad Decembrem festinemus. In eo à nobis spectati in hypochondriacis ac minimè raro in mulieribus hysteri-

cis, tumores circa latus sinistrum. Non paucos miseros vidimus, in quibus ejusmodi tumores molles & fungosi, ferè universam sinistri abdominis partem obsidentes deprehendebantur. Fere autem sub costis nothis incipiunt, & quando supini jacent ægri, lineam albam aut transcendunt, aut

Tumores Lienis. proximè attingunt, & vacuum spatium inter costas & spinam ilii implent. Hic, ut errandi occasionem vitaremus, soli visui arbitrium non commisimus, is enim imponit, ac inspicientes in eam inducit sententiam, quod peritonæum inter & integumenta tumoris sedes sit, sed manum post intestina clysteribus elota, jejuno ventriculo, admovimus. Tactu interprete non obscure constabit, quod tumefactus lien supra mesenterium, intestina, ventriculi partem, ac in mulieribus supra uterum emineat, ut in illa puellâ apud Fortem *Cent. 3 c. 47.* Initio ferè adsunt citra notabilem actionum læsionem ac molestiam, & loco moveri posse videntur; deinde gravativo & obtuso dolore sunt molesti, ac somnum in latere dextro prohibent, postea uberrima sudoris profusio sub somno illos comitatur. Sensim hæc ingravescent symptomata, & his jungitur crebra narium hæmorrhagia, in aliis etiam oris foetor, in quibusdam superveniunt pedum ulcera. Non citò verò evanescent hi tumores, sed satis diu durant, & nec clysteribus carminativis, aliisque facillè dissipantur. Urina modo est subtenuis, modò crassa & subruffa. Ex hæmorrhoidum internarum fluxu detumescunt, & quidem salubriter, vomitibus cruentis etiam minuuntur, at verò ut plurimum illos funestus excipit eventus. Inter rarissima sanè exempla Thomæ Bartholini Frater referendus, cui non semel per vomitum largissimum cruenti feri lien magnus subsedit, teste Thomâ *Cent. 4 epist. p. m. 54.* Alii largis evacuationibus ejusdem feri, & per alvum & urinam succedentibus, convalescunt, quod de uxore suâ l. c. refert Bartholinus. Pristinam incolumitatem, teste Valetio, religiosus, lienis tumore pressus, recuperavit, urinis nigricantibus, atramento simillimis, per 5 vel 6 dies erumpentibus. Icterus & quartana sunt *ἐν τῶν ἐπιγνομένων*. Ex his patet, quodnam ejusmodi tumorum subjectum sit, lienne an intestina? Nimirum quia intestina tenuia & crassa, ac ex his colon præcipuè, eâ parte, quâ ex ampliori cavitate arctius nonnihil constringitur, simulque angulari figurâ ad renem sinistrum deflectit, in hypochondrio sinistro delitescunt; in eam aliqui lapsi sunt opinionem, quod scybala in colo, itemque mucilagines acidæ stagnantes, aut flatūs coërciti hos tumores forment, cujus sententiæ est Clariss. Ettmüllerus in disp. *de dolore hypochondr.*, at verò omnes tumoris circumstantiæ facillè persvadent, quod in liene ejus sedes sit. Nam qui viscidiorē sanguinem esse, & crassiorē ejusmodi hominum, qui tumoribus hisce

corripiuntur, perpendit, qui oculos convertit ad ipsum lienem, ac ingentem cellularum, sinuum, quin & venosi ductus amplitudinem, quæ arteriarum molem & capacitatem longè superat, attentè considerat; qui exactè trutinat, quomodo sanguis ab angustis arteriarum tubulis in cavitates illas impetu adactus in iis necessario aliquas moras agat; qui tandem non fugitive seriem fibrarum in tunicis lienis lustrat, ac motum constrictorium & relaxatorium istius visceris cognitum habet; is certè sine ullo negotio intelligit, quomodo latex sanguineus lentus & spissescens cavernulas infarcire, illas distendere ac distorquere, nimiam morâ fibras relaxare, affluentem novo locum præbere, ac ejus generis tumores formare possit. Immerge, si placet, aquæ lienem, ac videbis, quomodo secundum omnes dimensiones, instar spongiæ, aquâ imbutæ, dilatetur, nec amplius erunt incredibiles illæ anatomicæ historiæ, quæ narrant, lienem consuetam magnitudinem aliquando excessisse, ut decem & septem librarum pondus æquaret. Patrocinantur huic sententiæ etiam juvantia, quæ sunt antiscorbutica pleraque & resolventia, e. g. rad. bryon., pimpinell., bardan., vincetoxic., dyptamn. alb., fibr. helleb. nigr., petasitid., herb. agerat., cherefol., scolopendr., epithym., bugloss. eaque omnia, quæ vulgò splenetica audiunt. Thee antiscorbuticum & spleneticum ac melancholicum à Borrich *de usu plantar. indigenar. in Medic. p. 82 & 83.* ordinata, egregium præstant effectum, si satis diu in usu persistiteris. Quod etiam dicendum de gummi resinis, ammoniaco, galbano, myrrha aliisque. His si succenturientur, quæ distensionem & flacciditatem fibrarum respiciunt, ex quò censu primaria sunt ipsa martialia, & salia vol. urinosa, tantò optatio evenus erit sperandus. Inter externa, emplastrum de cicuta, magni facit Bartholinus, ejusque usum continuatum svadet. Nos, inquit, quoque *in emplastro splenetico dispensator. Hassniens.* reliquis cicutam, nicotianam & ebulum adjecimus. Meretur quoque laudem ceratum d. g. *co Forest.

Hepatis quoque tumores frequentiores sunt, quàm vulgò *Hepatis tumores.* à Practicis creditur, quod certè mirandum non est. Quam facile enim obstructionibus obnoxium fiat hepar, est vel ex eo colligere, quod sanguis omnis, à tribus magnis arteriis, coeliacâ, mesentericâ superiori & inferiori ad ventriculum, intestina, lienem, pancreas, & mesenterium protrusus, mediante venâ portæ, reducatur in hepar, & per istud transcoletur in venam cavam. Heic verò cogitandum, quomodo vel minimo negotio (1) quidem ipsa Hepatis substantia, frigore, rebus adstringentibus, à compressione, contusione, ligaturis &c. ita coarctari possit, ut sanguis è finibus capillarium venæ portæ in ultimâ venæ cavæ capillamenta per ipsius hepatis acinos &

& glandulosos poros filtrari nequeat. (2) Ipse sanguis tartareus, viscidus ac pituitosus, hoc glutine parietibus quibusdam adhærescere & stagnare possit. Ut jam non commemoremus, quomodo plenitudo huius infarctus causa esse queat. Cujus rei exemplum nuper in aliquo cœlibe victu aromatico & diætâ vinosâ in magnatum convivis, singulis ferè diebus uso, omissis corporis exercitiis & omnibus sanguinis depletionibus D. P. & H. viderunt, ac ortum ex hoc tumorem prægrandem manibus palparunt. Nec excidere nobis debet, quod & biliosi humoris culpâ, si is minus expeditè in pori biliarii oscula pertransseat, ejusmodi obstructio hepatis oriri possit. Quo in casu color æruginosus & quasi ictericus faciem deformat. Enimverò obstructions hæc aliæque similes non possunt non parere tumores hepatis. Interdum totum hepatis parenchyma, ut cum veteribus loquamur, spongiæ instar æqualiter intumescit, & hoc tumore affectum hepar in immensam molem excrescit, ferè autem semper conjunctum habet (præter respirationis difficultatem, ac oris siccitatem, coloris mutationem &c.) tumorem pedum, præprimis dextri, œdematosum, nec ambigendum, quin inflatio illa hepatis sit causa tumoris pedum. Nam, cum nuper ejusmodi tumor in paupere quodam, à balneatore proprio ausu, apertus esset, magnaue contentæ in eo materiæ putrilaginosæ copia evacuata foret, tumor pedis dextri notabiliter remisit, sine ægri gaudio diuturno, quippe qui post breve tempus expiravit. Id quod semper fit, cum tumores hi in abscessum desinunt. Ex re & vero Raym. Joh. Fortis cent. 3 conf. 58. agens de jecoris obstructione & tumore, *affectus*, inquit, *gravis, nec sanationis facilis, nec magnam ex ordinariâ methodo in ægros utilitatem redundasse novimus.* Succum depuratum cichorei, eupatorii, capill. vener., agrimonie, cuscute, sonchi, absinthii, aliquid præstant, nec prorsus contemptui habenda decocta ex hepaticis parata, in meliorem etiam spem animos ægrorum & medentium erigunt martialia, at verò curam omnem non absolvunt, quod nec expectandum à marrubio albo, quod mirifice extollit Forestus. Inter vana autem referendum hepar lupi, quod tanquam specificum tonicum ad hepatis affectus commendari suevit.

Palpitatio cordis. Multis apud nos, præprimis viris hypochondriacis & debilitate stomachi laborantibus, ac foeminis mensium inordinatione fatigatis ac flatuosis, illis in decrecente ætate, post haustum vini largiorem, excessum in venereis, his autem post terrorem, cibos flatulentos, iram, refrigerationem, cor veluti concussum intremittit & palpitat. In palpitacione hæc mucro cordis, tempore constrictionis (nam fallitur Valesc. de Taranta, in philon. p. m. 339. signum huius morbi ponens motum cordis dilatativum) attol-

attollitur versus costas, easque ferit, & tantopere quidem, ut minimè rarò sonus concussionis istius ab adstantibus percipi queat. Arteriæ quoque toto corpore pulsant, maximeque distenduntur, ac ex illis eæ potissimum, quæ supra jugulum sunt. Si malum mitius sit, vires non adeo prosteruntur, abest etiam animi deliquium, in graviore verò hæc cum aurium tinnitu conjunguntur. Recurrit sæpè affectus ille & per paroxysmos impetit. Non autem necessario omnes hi, ante senectutem, morte præveniuntur, imò toto die occurrunt, qui terminum 50 annorum à Galeno positum, excedunt, aut vel 60 vel 70 annum attingunt. Aliquando præcipiti syncope extinguuntur, nam palpitatione in eam frequenter mutatur. Sæpè *παλμὸν* præcurrit sensus auræ cujusdam ex hypochondriis vel ventriculo ad cor ascendentis, ructus, borborygmi, & alia flatuum indicia, ex quibus Horstius *decad. 5 problem 3.* infert, plerumque flatus in hoc malo reperiri; quod sicuti negandum minimè est, ita etiam concedendum, quòd hujus mali causæ multæ aliæ esse possint. Nuper subitanè morte extinctus, hoc malo per biennium laborans, in cujus corpore post mortem secto, palpitationis causa nulla potuit reperiri, quam inusitata cordis magnitudo. (x) Polypi quoque hujus depravatæ motus cordis authores esse solent, quamvis non semper, præsentis fibrosa quasi textura necessario adsit palpitatione, ut memorabile ostendit exemplum, quod habet D. Grassius in *Ephem. Nostr. Dec. III. an 5 & 6 obs. 181. p. 423.* Magnà etiam verisimilitudine gaudet Willisii sententia, quæ vult, palpitationis cordis causam proximam subinde esse obstructionem & infarctum vasorum arteriosorum, arteriæ, inquam, pulmonalis & aortæ, quæ à segnitie & crassitie sanguinis &c. dependeat. Imò universaliter, quoties heterogeneum in corpore hæret, dum principium movens ad illud expellendum insurgit, rarò, qui tamen sæpè irriti sunt, conatus expellendi & proscribendi alienum istud è corpore sine palpitatione cordis animadvertitur, quod non solum in variis excrescentiis abundantiori copia aquæ in pericardio, sed & in motu calculi & lumbricorum, molarum &c. ad oculum patet. In paroxysmo profunt absorbentia, e. g. pulvis absorb. Wedel. spec. de hyacinth., cord. temperat., pulvis analept. Mindereri cum *℞. d.* & cinnabari debite mixta. Præsentiore ope se commendant volatilia tum oleosa, tum spirituosæ, ac in sanguineis & calidioribus etiam acida, e. g. spir. vitriol. volat., perlæ in aceto solutæ &c. Analeptici verò potissimum insistendum. Externè camphorata, crocata &c. dorso & pectori applicata officium faciunt. V. S. in plethoricis robustis vino ac diætâ aromatica abusis, diutiùs durante paroxysmo, locum habet. Augenius credit,

R quod

(x) conf. *Castig. nostra Græbner. p. 75.*

quòd applicatione hirudinum ad venas hæmorrhoidales magna ægris utilitas præstetur. Si vires defint, ex consilio Hercul. Saxonix ad cucurbitulas veniendum. Extra paroxysmum, carminativa, antihysterica, splenetica, nephritica, anthelmintica, emmenagoga &c. juxta præscriptum & leges artis danda sunt, atque his remediis diutius immorari oportet, ut rectè sva-
det Ehiphan. Ferdinand. *histor.* 22. & in diætâ, oleracea, lacticina, decubitus supinus &c. vitari debent. Reperias autem non paucas mulieres, quibus pal-
pitationes, post cibum sumptum, in toto corpore sentiuntur, cujus generis u-
na multarum prolium mater, jam vidua, curis aliisque malis confecta, D. Pau-
li & Helwich hodieque sub manibus est. Ab Hippocrate vocantur ægri ta-
les *παλμώδεις δι' ὅλας*, de quibus alibi ex professo.

Febris catarrhalis.

Phlegmatici & phlegmatico-melancholici inter 20 & 30 æ-
tatis annum catarrho correpti, quotiescunque prioribus 5 diebus ex
bronchiis rejectio non ritè procedebat, in febrim incidebant catarrhalem, seu
continuum periodicam quotidianam veterum, quam Fernelius, sub titulo *len-
ta febris* describere videtur. Typus ejus sequens erat: Post quartam pomeri-
dianam, horrore & frigore levi tentantur fermè per horam unam, succedit
calor non quidem vehemens & intensus, sed tantum acris, & aliquo modo
mordax, & fermè per noctem durat. Lingva non est aspera, sed albo & lento
humore imbuta, non urget magnoperè sitis. Pulsus est frequens, non adeò
magnus. Urinæ excernuntur satis tinctæ, ac colorem Aurantiorum æmur-
lantur, & hoc peculiare habent, quod post brevem moram parietibus vitri
inducant cutem ex albo rubentem. Lassitudo artuum gravis est. Torquet
& anorexia ac agrypnia cum cephalalgia gravativâ, aurium susurro, ut & tus-
si, quæ tamen nec patientes, nec Medicum terrere debent.

Aliquid monstri alunt pleuritides & deliria, periculum autem maximum
denunciant anginae & aphthæ, si quando, quod fieri solet, cum febris hæc com-
plicantur. Inter initia sudor rarior, frequentiores sunt dejectiones alvi, quæ
sub initium febris impetum minuunt, sub statum verò, si non directe profunt,
periculo tamen vacant, nec tamen laxantia multum profunt. Exantlato pa-
roxysmo, bene sunt ægri dispositi, nisi quod langveant. Atque hæc fabula
ferè per 14 dies agitur. (y) Metuere majus malum Medicus debet, si febris
illa singulis diebus non redeat. Doctiss. Ettmüllerus p. 240. in *febris catarrha-
li epidemica Lipsiensi* testis est, (1.) utilissimam fuisse mixturam ex aqu. sambuc.,
cardui bened., spir. c. c., sal. vol. succin., & syrup. fl. papav. rhæad., & hanc
unâ alterave vice repetitam profligasse febrim catarrhalem epidemicam. (2)

Pro-

Profuisse & pulverem ex succin. ppt., specific. cephalico, bezoard. solar. & duobus granis laudani opiat. Nostræ expectationi, votisque ægrorum magis satisfacere medicamenta, quæ pollent facultate resolvendi mucum & salia diuretica commodo tempore exhibita. Experientia etiam nos docuit, quod tumentibus circa 12 & 14 diem, tonsillis, per alexipharmaca æstus intendatur, ac pulveribus nitrosis & cinnabarinis cura felicius expediatur. Quamvis verò ad sudores ægros non compulerimus, non tamen ex re visum, eosdem impedire. Non fuimus adeò rigorosi in diætâ, ut haustulum vini post paroxysmum negaremus.

Cæterùm aliæ febres e. g. continuæ periodicæ, ex parte malignæ, per obauditionem & parotides, & tumores glandularum colli, circa laryngem, exulceratos judicabantur, notante D. Preussio.

Nephriticas passiones, strangurias, dysurias & urinæ suppressiones D. Grassius cum aliis Collegis tractavit. Dùm verò hic nephriticas passiones nominavimus, non loquimur cum vulgo, quod, teste Galenò, cùm quis urinam cum difficultate reddit, vel etiam omninò reddere non potest, quando lumbos dolet, & mejit arenosa, nephriticum dicit, (z) nec cum Doctiss. Caspar. Hoffmanno 5. institut. cap. 23. per nephritidem renum imbecillitatem intelligimus, sed inflammationem renum, quam non solum dolor & ardor satis vehemens comitatur, sed & juxta Authorem definitionum medicarum dysuria, fibrosæ excretiones arenosæ cum sanguine aliquo. Quod ultimum tamen, nescio, annon magis exulcerationem quandam renum aut vesicæ indigitet, juxta aphorism. 75. sect. 4. *Si quis sanguinem aut pus mingat, renum aut vesicæ exulcerationem significat.* Vidimus quidem interdum sanguinem & pus urinæ ita mixta, ut nec sanguis, nec pus, progressu temporis à se invicem separarentur, sed tantùm urina, aut purulenta aut sangvinolenta appareret, & rursus in aliis mictu cruento laborantibus, animadvertimus, quòd licet sanguis aut pus, cùm urinâ simul exeat, non longè à mictione in parte inferiori matulæ sanguis purus, aut etiam merum pus conspiciatur, in superiori autem parte urina proprio colore cernatur; nihilominus utrumque hoc urinæ genus, solutionem continui, aut in renibus, aut vesicâ notat indubiè. Quicquid sit, in progressu mali omnino nephritici sanguinem mingunt. Fibrosæ autem illæ excretiones sunt parvæ carunculæ velut pili, seu corpuscula quæcunque, quæ carnis propriè dictæ aut membranarum portunculæ æmulantur, aut rectius fibræ sanguinis tenuissimæ, quæ longitudine suâ pilos repræsentat. Illi autem, qui nephritide tùm temporis vexabantur, ferè erant sangvinei, & ut antea hæmorrhagiis affucti, ita ad hæmorrhoidales ex-

cretiones molimina sentiebant. Inflammationem vero hanc renum & mictum sanguinis ordinario lithogenesis sequitur. Dùm verò Anatomicæ inspectiones ostendunt, quod calculosorum renes ulceribus diffuant, hinc inde cuniculis excaventur, valdè probabile fit, quod rupto vase aliquo sangvifero acfluente urina acri, ulcusculum excitetur, ac saniei spissior portio sensim in coagulum concreascit, quod pedetentim, vel sponte abruptum, vel spasmus renis tonico detrusum calculum exhibeat. Tantò autem magis hæc sunt verisimilia, quòd in renibus exulceratis talis tephacea & calcuosa materia sæpè reperiatur, & post aliquot calculorum partus mucidum ac glutinosum magma, quod ab exulceratis renibus originem habet, cum urina emittatur. Tormenta illa calculosorum satis nota, quæ tamen ludus & jocus quasi sunt, si absit urinæ suppressio, at hæc præsens, diros illos cruciatus vehementer adauget. Contingere autem videtur hæc urinæ suppressio

1. Quando glutinosa & tephacea illa materia in utriusque renis pelvi hærens, ita obstruit orificium ureteris, ut delabi in illum nulla urina possit, & tùm adest dolor fixus & gravans circa regionem renum, difficilis spinæ flexio, dolor cum vomitu.

2. Decumbente calculo in ureteres, ac glutinosa ejusmodi materiâ iis inhærente, urina iterum ad vesicam descendere nequit, ac tùm acuto dolore, inquietudine, anxietate, delirio &c. non rarò infestantur. Stupent etiam crura propter musculi psoas compressionem.

3. Calculo vesicæ orificio sese insinuante, ac tùm adest in pectine tensio, gravitas, tumor & dolor.

Non ignoramus, quod etiam aliunde, nempe à vermibus, grumis sanguinis, diuturnâ urinæ retentione, ac nimia hinc factâ vesicæ distensione, excrecentiis variis, tumoribus, paralyfi &c. urinæ suppressiones inducantur, sed hæc à præsentis negotio aliena sunt. Nisi quòd

4. Verbo monendum sit, fieri, ut calculo in urethrâ hærente, urina supprimatur, in quibus duobus ultimis casibus catheter officium optimè facit. Non dubitandum tamen est, quin sæpissimè spasmodicæ viarum urinariarum contractiones, fluxui urinæ remoram injiciant. In diris illis calculi cruciatibus libertatem alvi clysteribus, ex consuetis vegetabilibus, præprimis autem herbâ veronicâ paratis, procuravimus. Iis, qui enemata averfantur D. H. etiam minorativum, secutus Septalium, aliquoties non sine optimo successu dedit. Spasmodicis doloribus occurrimus temperantibus, & ardorem urinæ tùm mucilaginosi emulsivis, tùm absorbentibus & nitrosis, lenivimus. In multo apud nos est usu decoctum Foresti, de quo Celeberr. Collega Noster Pechli-

chlinus in *Observ. Physico-Medic. l. 1 p. 37.* scribit, quòd omnibus numeris absolutum sit, quòd nihil convenientius huic morbo excogitari possit, sibi in plurimis usus ejus felicissime cesserit, & ut juniores Practici, qui vanè arcanis inhiant, quantum huic tribuere debeant, ritè perspiciant, non possumus, quin verba doctissimi Viri, quibus docet, quod omnibus indicationibus ex æquo satisfaciat, hùc transcribamus, sunt verò hæc sequentia : *Reperies ibi primò aquam, ceteræ virtutis vehiculum, quæ etiam mucosum pelvis involucrum diluvio solvat, materiamque prabeat seri. Reperies mucilaginosâ malvæ, althææque dulce caricarum, sebesten, & glyzyrrhyzæ delinimentum, hordeum, denique & ciceres, quæ cum nitrosa constant & abstergente facultate, secretionem seri adjuvant. Quibus si deinde juscula adjungas vitulina, acido citri, oleo amygd. d., mannâ tabulatâ & syrupo de althæâ Fernel., parte etiam vini Mosellani delibuta, jam haberi puto, quod omnibus Chymicorum arcanis, ipsi imprimis Aroph & Samech Paracelsi fastum facere possit. Hæc ille. Pulverem famigeratissimi Nostri quondam Præsidis Volckammeri quidam nostrum cum successu dederunt, ob insignem, demulcendi spasmos, virtutem. In graviore malo etiam anodyna, sed non nisi alvo liberâ dedimus, & quidem in dosi refractâ. Spiritus nephritici ardentes, balsama, sulphura, therebinthinata, parcius à nobis adhibentur. Calculus formatus duo alia videtur indicare*

1. quidem comminutionem,

2. comminuti aut integri etiam promotionem & exclusionem ex corpore. Magna est de lithontripticis declamatio in scholis, at verò magnæ illæ pollicitationes ferè in fumum abeunt, cùm ad praxin venit. Specificum illud Bernitzii, lap. 69, sem. dauci, sanguis hirci, pulv. milleped., spirit. persicariæ essentificat., cantharidum, post curiosam experientiam, diu elogiis illis exciderunt, nec cochlearum aceto destillato tritarum & maceratarum spiritus, diu famam sustinuit. Idem dicendum de lapide Judaico, lyncis, gryllis, vesicâ leporis &c. & quis dabit vel unicum, quod non expectantium vota frequentissimè eluserit. Cardanus in *lib. de variet. rer.* refert, suâ ætate virum per Longobardos oberrasse, qui paucis diebus, quodam poculo passim securè, certò citoque fanaret, quotquot calculum in vesicâ (quod magis mirandum) habebant, aitque Cardanus, se non dubitare, hunc virum in inferis esse, quod moriens artem suam mortalibus inviderit. And. Libavius in *Syntagm. arcan. chymic. lib. 2 c. 29.* Sunt, inquit, Autores, qui lapidem vesicæ in mucum, resolvi posse scribant, idque testentur se feliciter procurasse non vanâ persuasionem, sed opere ipso, id quod non legimus audivimusque tantum ab aliis narra-

rum, sed & nos Dei benignitate affecuti sumus. Hæc ille. O! quàm vellemus miserti essent eorum, quos sine sensu intimi doloris intueri nemo potest. At non maiorem his aliisque tribuimus fidem, quàm lithontriptico D. Brocardi, de quo in Zodiaco Gallico plura legi poterunt. Aut tonforio illi, sc. sangvini vulpis calido vesicæ injecto, in *Itinerario* Dn. Monconysii p. 20. Hoc tamen verum, quod ex usu virgæ aureæ Gesneri, (quam Arnoldus Villanovanus, Joh. Prævotius aliique laudant, & in usu multiplici est D. Janischio,) & hederæ terrestris levamen percipiant, & in majori quantitate sedimentum limosum in urinâ conspiciatur. Eâdem facultate gaudet liquor nephriticus D. Grassii. Quantum ad alterum, nulli fuerimus Auctores, ut pel-
 lentia ægris, e. g. petroselin. fraga, bacc. alkekeng. juniper., balsam. sulph. terebinthin. ol. destill. succin. &c. in paroxysmo dentur. Nam cum pelli calculus sine spasmodicâ constrictione renis & ureterum nequeat, hæc autem spasmodica constrictione dolores acutissimos ac inflammatorios augeat, omnino tutius iisdem abstinemus. Inter remedia prophylactica, quæ prolixè recenset Gualter. Charleton in *Diatrib. de caus. sign., & sanatione lithiaseos sect. 2 c. 3 à pag. 147.* ubi non pauca tanquam antigorgonica credulè nimis extollit, nullum est, quod missionibus sangvinis vernalibus & autumnalibus, aut conservato vel revocato fluxu hæmorrhoidum, jure merito, præferri possit aut debeat.

Podagra. Nec minus podagrici dolores illo tempore satis erant communes. Ejus historiam Georg. Bagliv. *de praxi Medicâ ad priscam observ. ration., revocanda l. 2 cap. 6. p. 183.* doctè tradit, aphorismis quibusdam comprehensam, hanc ab ipso mutuabimur, & nostris observationibus augebimus. *Podagra*, inquit, *dolorosus articulorum morbus, illos præceteris invadit senes, qui, postquàm meliores vitæ annos mollius, ac delicatius transegerunt, otio, crapulis, veneri, vino aliisque spirituosus liquoribus, uberius indulserint, ingravescente jam ætate ab exercitiis desvescunt, & vitam omninò otiosam degunt.* Hæc ille. Certum est, podagram esse dolorosum morbum, sed, cum varia dolorum genera sint, minimè fuerat tacendum, dolores podagricos esse spasmodicos, qui non quidem totum tendinem, aut membranaceas vel ligamentosas partes totas, sed fibras quasdam, modò has, modò illas, occupant, cum sensu tractionis, vellicationis, vibrationis, pulsationis, &c. Neque negari potest, quòd pelliculæ, ossa articulorum pedis propriè dicti cum tibiâ &c. cingentes, tortorem hunc frequenter patiantur, & verò ipsa experientia toties totiesque docuit nos, quòd minimè rarò velamentum ossium tibiæ, fibulæ etiam in intermediis partibus extra articu-
 la-

lationem, furibundum percipiant cruciatum, qui æque meretur nomen podagræ, ac alter ille, in articulationibus, membranulam delicatissimi sensûs afficiens. Causam verò receptæ communiter sententiæ, quod in solis articulationibus, sedes hujus mali quærenda sit, putamus esse obviam in podagricis doloribus, motûs difficultatem, quam non nisi ab affectâ membranulâ, articulos accingente, male deduxerunt. Nam, quod alii dicunt, articulos idè affectui huic magis expositos, quia propter motum continuum humores, quos Tartareos ipsis vocare lubet, per loca consveta exitum non invenientes, in cavitate suam, aut ex debilitate nativâ, aut acquisita recipiant, id non satisfaciet consideranti, partes per motum non reddi aptas ad recipiendum, sed potiùs expellendum humores, unde vel vulgò notum, collectos aut stagnantes in partibus per quietem humores, per motum solere discuti. Deinde miramur Baglivium, præcipuæ circumstantiæ in descriptione senum (quamvis apud nos ferè ordinario homines ætatis consistentis podagricos insultus patiantur) esse oblitum, nempe illos fuisse in juventute hæmorrhagiis obnoxios, aut evacuationibus artificialibus sanguinis assvetos, & illas suppressas, has autem neglectas ab iis esse. Quod verò res ita sese habeat, satis experientia quotidiana confirmat. Præfatus aliqua de juvenibus, interdum in podagram labentibus, revertitur ad senes, ac notat, *quod habeant crana grandiuscula, habitum corporis ut plurimum pleniorum, humidum & laxum, salacem & robustam corporis constitutionem.* Nobis utique etiam attenta observatio fecit manifestum, quod podagrici sint habitus carnosî, venis exiguis præditi & inter initia floridiori colore spectabiles; sed quod humidi & laxi temperamenti, i. e. uno verbo, phlegmatici sint, nobis non æque constat. *Circa æquinoctia & solstitia generalem paroxysmum ordinario renovat. Errata in victu, animi pathemata & causæ vehementes latentem paroxysmum excitant, qui, sicuti de repente fit, & absque præviis signis, illum manifestantibus, ita brevi desinit, & præsertim causis prædictis omnino sublatis.* Verbo, quæcunque commotionem in massâ sanguineâ excitant, eadem ad paroxysmos podagricos renovandos sunt aptissima. *Aliquot ante paroxysmum generalem, septimanis aut diebus, sensim corripitur æger a pepsiâ, ventriculi cruditate, gravitate corporis, & intumescencia ejusdem quasi ventosâ, quæ omnia quotidie sensimque augentur, donec tandem erumpat paroxysmus.* Imò longè ante paroxysmum sentiuntur tensivi dolores inter scapulas, circa nucham & spinam dorsî, circa lumbos, os sacrum, coxas, donec sensim tandem in partibus inferioribus sedem figant. Paroxysmus autem ita procedere solet: Paucis diebus, ante illius insultum, torpor quidam & veluti flatuum descensus, per femorem carnes cum

affectione quasi spasmodicâ præcedunt. Imò nonnunquam etiam pectoris angustia, & asthma humidum. Pridiè paroxysmum appetitus voracior est, sed præternaturaliter, licet sanus lecto se commiserit patiens, circa mediam tamen noctem excitatur à dolore, pollicem pedis ut plurimum, quandoque vero calcaneum, furam, aut talum occupante, paulò post rigor, horror, & aliquis veluti febricitatio, superveniunt, quæ omnia sensim remittunt, dolor vero gradatim crescit, donec ad summam vehementiam, circa solis exortum pervenerit, & ossicula tarfi ac metatarfi variè occupaverit, cum sensu veluti canis rodentis, aliquando pressuræ, & coarctationis, quandoque verò veluti dilacerationis ligamentorum. Dolor ille, quem patiens primo expergefactus sentit, refert eum, qui talium ossium luxationem sequitur, cum sensu quasi aquæ frigidæ, dolenti loco, affusæ. Hæc Baglivius ex Sydenhamii *Tract. de podagr. p. m. 547. & seq.* qui, cum sit in omnium manibus, pro lubitu consuli poterit, utpote qui graphicè, tanquam exercitatus, in podagricorum castris, miles, ejus phænomena describit. Circa secundam & tertiam matutinam podagrici obdormiunt, at vero somnus frequentibus pavoribus est irrequietus. Cum dolore conjungitur motus voluntarii læsio. Nam sæpè instar trunci sunt immobiles. Comitatur podagram etiam rubor & tumor, quamvis aliquando reperias podagricos, in quibus nullum tumoris vestigium cernitur, & hi atrocioribus dolorum facibus uruntur. Sitis, præcordiorum anxietas, jectigatio, ciborum nausea, flatulentia, dolores lumbares, sunt quasi ordinaria podagricorum symptomata. His aliisque malis sæpè per aliquot septimanas miseri torquentur. Quando autem dolores decrescunt, in oculos incipit incurrere spasmodica musculorum compressio & strictura, ac sicuti antea de dolore, ita modò de tensione, stupore & rigore conqueruntur. Urina podagricorum, prioribus septimanis, rubicundior est, & sedimentum rubrum ac veluti arenosum deponit. Tumor, qui circa finem erumpit, ac tardius discutitur, spem facit, fore, ut ægri per longius intervallum, à cruciatibus podagricis vivant immunes. Neque tamen hinc statim erit inferendum, *criticè materiam tumoris, per glandulas mucilaginosas musculorum copiosè fuisse separatam & inter interstitia delatam, & non posse non distendere & elevare partes illas, quibus incumbit*, quæ sententia est Clar. Haveri in *Osteolog. nov. p. 278.* Nam longè probabilior hujus tumoris causa alibi à nobis allegabitur. Neque nobis placent, quæ de tumore in arthritide differit Wilhelm. ten Rhyne in *dissert. de arthritide à p. 59.* A quibus non abeunt ea, quæ occurrunt in libello, qui inscribitur: *Das genau untersuchte und ausserfundene Podagra.* Reliqua, & præsertim irregularis podagræ, symptoma-

ta profequi, jam non vacat, illud tamen sicco pede præterire non placet, quod observante D. H., in pedibus podagricorum propter spasmodicam cutis strictionem, vel prorsus non sentiat fudor, vel cutis flaccida quidem madeat, muscoli vero substrati nihilominus spasmò sunt contracti.

Dùm ad curam convertimur, propemodum cum Podagrigo apud Lucianum in *Trago-podagr. p. m. 807. Tom. 2.* exclamamus: *Incomprehensum ô mentibus mortalium malum irritis Te, ut mitigamus fofibus omnes.* Sanè verissima sunt, quæ ipsa de se podagra jactat in eodem dialogo p. 813. quòd sit *insuperabilis Regina morborum*, quam nec ipse Baon, omnium cælestium Medicus, Deorum vincere pharmacis potest, nec Phabi doctus filius Æsculapius. Equidem ex quo mortalium fuit genus, omnes ejus vires retundere gestiunt, omnemque turbant pharmacorum industriam, sed verè podagra illos omnes jubet plorare, atque sic tentantibus se occurrere iracundior solet, sed in se excogitantibus nihil mitem ac benignam præstat se; Nam in tantâ, nescio quæ arcana jactantium turbâ nunquam defunt, qui iterum cum podagra apud Lucianum absoluto dolorum exercitio, baculi opem implorant:

O! qui labori, bacule, fers opem meo

Sortite partem tertii pedis gradum

Fulci, trementem dirige, & nobis iter

Leviaque, ut innitar solo, vestigia.

In paroxysmo exhibuimus horis matutinis lenia diaphoretica, eaque cum nervinis debite miscuimus. Continuo sudorem non ursumus, eò, quòd nimis exhauriatur serum, & in junioribus facile viscerum nobiliorum inflammationes, ex abusu sudoriferorum, consequantur. Pomeridiano tempore, aperientibus institimus, ac sub noctem pulveres nitrosos ac cinnabarinos exhibuimus, subinde etiam gratis emulsionibus atque temperantibus aliis usi. Sæpè fit in hac morum labe, ut podagrici Venereis miasmatis simul sint inquinati, & tùm antiarthriticis, sanguinem purificantia etiam mercurialia, rectè admiscuntur. Si verò diathesi scorbutica laborent, aut ex cachexia tabescant, quod itidem subinde contingit, antiscorbutica & anticachectica rectè iis præscribuntur; Tartarea pro scopo diuretico, non prorsus sunt inefficacia. Et apud nos quidem arcanum tartari D. Sennert., toto die adhibetur. Anodyna, non more Sydenhamiano, quem ea de causâ sugillat Listerus, sed post V. S., corpusque repurgatum, alvo non obstructâ, nec omisissis humectantibus, in dosi non magnâ, cum aliis, sub noctem, imperavimus. Pilulæ Wildeg. à nostris hic etiam, citra Medici præscriptum, usurpantur. Opiata nisi his caute-

lis adhibeantur, facile tumores œdematosos, nodos ac tophos, vertiginem, paralyfin &c. inducunt.

Rarius Podagricis nostris Emetica, nisi forte ab inconvenienti diætâ paroxysmum irritarunt, præscribuntur. Scimus magnis sumptibus ad nos advectum arcanum Heinssii, sed sopitos hoc ipso dolores, post breve tempus, cum majori acerbitate recruidisse. Arcanum Cnöpheii, sive, nisi nos omnia fallunt, phlegma vitrioli, pridem omni laude caruit, quamvis subacida sanguineis non frustra dentur.

Periclitati sumus etiam varia externa. Ab externo balsam. sulphur. succinat. usu, non vidimus illa, quæ refert Sylvius *l. 1 prax. c. 30.* Neque apud nos emplastro illo, quod in Actis Hafniensibus *Volumin. 3 obs. 9. p. 14 & seqq.* describitur, ita ægros nostros restituere potuimus, ut altero statim die choreas ducere possent, imò dolorum incrementa ab ejus usu observavimus. Sub quibuscunque nominibus prostant topica illa venalia, apud nos fidem decoxerunt, neque nos movent splendida illa epitheta, dum divina, miraculosa &c. à vanis gerronibus illis vocantur. Omnia pingvia & oleosa meritò nobis semper fuere suspecta. Ex his aliisque ut & conglutinantibus applicatis, facile nodi in sanguineo-cholericis excitantur. Quod etiam dicendum de usu emplastr. de spermate ranarum, quo egeni promiscuè utuntur. Ex usu repellentium non tantum tormina, cardialgiam, sed & vomitus observavimus. Inter omnia emplastra hic palmam reportat illud, quod describit Barbette *l. 1 c. 4 p. m. 42.* illud sine dubio à Digbæo mutuatus. Camphorata verò ritè adhibita omnibus præferri merentur. Et hæc de morbis, qui in Decembri sunt grassati, dicta sunt.

Nihil amplius restat, quàm, ut aliquid de temperamento Vratislaviensium, aut Silesiorum in genere, addamus, & modum vivendi in Silesiâ receptum, breviter perstringamus.

Silesiorum temperamentum inter sanguineum & melancholicum ambigere, scripsit Curæus. (a) Nam id exploratum est, non adeò frequentes esse, qui sint exquisitè sanguinei vel melancholici, multò minus in majori copiâ deprehendas, quos verè liceat appellare cholicos & phlegmaticos. Planè verò nullos esse Silesios in censu vel sanguineorum vel cholicorum, vel phlegmaticorum vel melancholicorum, nec nos profiteimur, nec affirmat Curæus. Ne verò temerarium alicui videatur vel nostrum vel Curæi assertum, accuratio-
ra temperamentorum criteria hic paucis commemorare fas sit. Petuntur illa, partim ab ipso sanguine, partim vasorum, per quæ sanguis ad partes corporis mu-

(a) conf. Castig. Græbner. nostræ p. 77. 78. 79.

musculosas derivatur, capacitate, partim amplitudine interstitiorum inter fibras, (nam etsi fibrillæ immediate sint junctæ, non tamen continuæ sed contiguæ sunt, ut pulchrè annotavit Ingeniosissimus Philosophus & Medicus Nicolaus Steno *in Specimine Myologiae p. m. 12. & 13.* & sic satis apta hæc connexio earum ad transmissionem humoris ejusdemque concussionem; quæ opinio illà à Clar. Blancardo propalatà in tract. de Circulat. sangv. per tubulos, cujus fundamentum est, fibras esse tubulos cavos, quales sunt fistulæ arundineæ, multò nobis est verisimilior) ac denique ex aspectu externi habitûs corporis. Scil. sanguineus appellatur (1.) cui sanguis moderatè fluidus, (2.) pori laxi ac partes distentæ, (3.) vasa sangvifera teneriora & angustiora, ut Cl. Mœbium hic humani aliquid passum esse videas, qui *in epitome Institution. p. m. 284.* latas venas inter signa temperamenti sanguinei refert. (4.) Corporis habitus turgidulus.

In Cholericis verò cernimus sanguinem (1.) itidem floridum, (2.) vasa capaciora, (3.) poros strictiores, (4.) cum corpore gracili & macilento. Mœbius iis faciem cum virore pallidam tribuit, quàmvis color non ingratus eos sæpè commendet. Cum quibus quantum ad vasa & poros melancholici conveniunt; nisi quod hi spissioribus ac cholericis gaudeant fibris, & pori eorum sint arctiores adhuc, sed sanguis ipsorum spissior & crassior est, & corpus macilentum, strigosum & aridum, facies pallida & subfusca.

Phlegmaticorum verò (1.) sanguis vappidus & mucidus est, lentorem & visciditatem obtinet, (2.) vasa exilia existunt, & (3.) angusti pori, turgentibus fibris, quæ videntur in his esse cylindruli similes virgultis arborum plenis substantiâ seu medullâ quadam, aut funi madefacto, quibus rebus fibras, post celi-
xationem, in genere comparat Celeb. Joh. Alphons. Borellus. (4.) Corpus album, molle, glabrum.

Ipsa verò experientia loquitur, Silesios rectè numerari inter sanguineo-melancholicos, hoc temperamento, ut in juventute ad illos, in senectute verò ad hos propius accedant, non negato, quod aliqui, qui cum his in comparationem venire non possunt, alterius sint temperamenti, sed verò juxta Prudentii illud:

in paucis jam deficiente catervâ

Nec persona sita est Patria, nec curia constat.

Jucundum non rarò præbuit spectaculum sanguis Nostrorum venâ eductus, (b) aquâ calidâ, more Malpighiano, aliquoties lotus, oculis microscopio armatis, offerens deturbatis rubicundis partibus, texturam vehementer fibrosam, & re-

te ex nerveis, viscosis, crassis, (quales in cholericorum & phlegmaticorum sanguine frustra quæsieris) fibris pulchre contextam.

Confirmant vero etiam hanc de temperamentis sententiam, mores Silesiorum, quos alicubi Clar. Henelius veraci calamo describit.

Cum verò ita comparatum sit de temperamento Silesiorum, jam liquet, ad quos præcipue morbos inclinent, nimirum ad plethoram, & eos, qui plethoram pressio sequi pede solent, sc. (1.) dolores varii generis, gravativos, inquam, æstuentes, lancinantes, pressorios, (2.) hæmorrhagiam, circa diversa, pro ætatum diversitate, loca, (3.) ulcerationes, (4.) spasmos, (5.) stases, (6.) convulsiones, (7.) pathemata hypochondriaca, inflationes, indurationes lienis, hepatis, atrophias &c. his enim morbis premi, qui ejus, quod diximus, sunt temperamenti, experientia docet. (c)

Ulterius dispiciendum erat, qualem in Silesiâ trahamus aërem, nam is non solum ad vitam & sanitatem conservandam, sed & ad morbos invehendos, plurimum facit: Hinc adeò commendata Medicis notitia constitutionis aëris ab ipso Hippocrate, in *libris Epidemicis, Prognosticis, libro de aëre, aquâ & locis*, ut Prospero Marciano Senex Noster nimium tribuisse visus sit aëri, quandoquidem ei primario intelligentiam adscribat in *libr. de morbo sacro*, antiquo errore, quo aër divinitatis particeps credebatur. Sed hoc pensum absolvimus in antecedentibus, si tamen in genere aliquid de eo dicendum, talis communiter esse solet. Satis maturè, in ipso Novembri, plus minus regnat apud nos frigus, asperius verò sævit in Decembri, Januario & Febuario; quibus jacet aggeribus niveis informis & alto terra gelulata. Nec tamen eo, quod sentiunt in Moscoviâ, in quâ, narrante Oleario, in itinerario Persico, terra in medio foro, ingentem in hiatus intensissimo frigore distracta. Mitior aliquantum aura est in Martio & Aprili, Majo autem omnia rident & est formosissimus annus. Junio, Julio, Augusto æstus nos infestat, non tamen continuus, & ut plurimum satis tolerabilis, reliquis vero mensibus, humorum & frigoris varia sentimus incrementa, cum non raro aër singulis momentis variet, quâ de re, non in eleganter, disputat Ferrandus Imperatus *lib. 8 Histor. Nat. c. 6. & 7.*

Aëris constitutionem perstrinximus, (d) meritò itaque Ventorum, qui ex Plinii sententiâ, aëris motus sunt, mentionem facimus, præcipue cum hi aërem variè mutant. Est verò Silesia, ut bene Doctissimus Schwenckfeld in *Geographica Silesiæ delineatione* præmissa catalogo stirpium & fossilium, exposita ventis præcipue aquilonaribus & occidentalibus. Nam ad Austrum cingitur

mon-

(c) conf. *Castigat. Nostra Grabner. p. 83.* (d) conf. *Castigat. Nostra Grabnerian. p. 84.*

montibus Bohemis, ab ortu jugis Carpathi. Aquilones verò liberè ex Polonia in eam incurrunt, & ex Marchia & Lusatia occidentales; ac hi quidem plerumq; moderatè frigidi & humidi, ac pro diversis anni partibus, vel pluviarum vel nivis feraces; Septentrionales verò sicci & frigidi, ut meritò etiam aquilo, quod apud Nasonem *l. 6. metamorph.* de se dicit, in Silesia etiam prædicet, tristia nubila pello; Secus quàm iis, qui meridiem & orientem habitant, quibus pluvius est, teste Theophrasto *l. de ventis.* Auster, si quando Silesis fiat, calidus & humidus est, & cùm corpora nostra gravet, majorisque reddat ponderis, ut olim Aristoteles, Hippocrates & Galenus docuere, non immeritò etiam nos Horatium imitati, eum dixerimus plumbeum. Qui ab oriente Silesiam perfiant, serenitatis nuncii sunt. Et licet magnà inconstantia volvantur venti, non tamen vana etiam apud nos deprehendimus, quæ de ventis periodicis ac statis Varenius, de motu eorum annuo Isaacus Vossius *in lib. de motu marium & ventorum c. 23.* ac Dn. Mariotte de Circulatione eorum, disserunt, nam compertum habemus, (e) quod occidentalem sequatur septentrionalis, hunc excipiat orientalis aliquantò obscurius, ita ut post austrum vices redeant ad occidentalem, quamvis etiam aliquando inter se configant, & ut Poëta ait: *Una Euruseque Nothusque ruant creberque procellis Africus.* Cùm Boreæ vis nobis incumbit, regnant catarrhales affectus, coryza, tumores uvulæ, tonsillarum, glandularumque sublingualium pathemata, ophthalmia, tussis, respirandi difficultas. Experimentiâ edocti sumus, lienosos etiam & calculosos pejus habere, præprimis verò hystericas; notavimus etiam facillimè tum obstructions mensium & lochiorum contingere. Urinæ difficultas, quæ itidem impetuosius nos, urgente hoc vento, affligit, etiam ab hac externâ causâ, ex parte, oritur. Phthisici, & malè sana corpora pessimè habent. Complexus hæc Hippocrates solitâ brevitate 3. §. 5. Auster appetitum imminuit, ventriculo nauseam affert, & caput replet. Nec facillè alio tempore homines deprehendas morosiores in Silesiâ, quàm dominante Austro; Libertus Fromondus *in Meteorol. l. 4. c. 8. art. 2.* notanter hoc exprimit, ita scribens: *in insulis Flandricis quæ vulgo Azores, Austro spirante, homines manifestè morosissimos ambulare, pueros tristes, & lugubres desiderare domi, nec solennes eorum lusus & cætiis apparere in plateis, qui Boreâ reslante, statim ad alacritatem redeunt &c.* Præterea Auster auditum hebetat, caliginem visus obducit, corpori tarditatem & langvorem conciliat, & ventres humectat, ut Hippocr. *l. c. aphor. 17.* quæ sic fati accuratè etiam hic experientiæ respondent, etsi apud nos non siccus, quod Hippocrates memoriæ prodidit, sed humidus existat. Austrinis quoque fla-

tibus facile recrudescunt motus epileptici, nec absque causa Lemnius *l. 2. c. 2. de occultis Natur.* multitudinem epilepticorum in Belgio Austris tribuit. Prosper Martianus *p. 351.* queritur, quod, qui in aphorismum sententiam retulit ex *lib. de humor. v. 148.* omiserit ulcera glabra, maxime oris, pudendorum & aliarum partium, non absque utilis doctrinae jactura.

Ægritudines, ad quas anni tempora nos disponunt, variae sunt, & multiplicis generis. Vere, quod Hippocrates respectu ad alias anni partes, & feliciorum morborum decursum, saluberrimum vocat, oriuntur lippitudines, pustulae, profusio sanguinis, (varia pro ætatum differentiâ, in pueris enim & adolescentibus per nares, in juvenibus ex pectore, in viris per hæmorrhoides sanguis expellitur, veroque consonum est Brassavolæ illud, sanguinis menstrui profluvia tum copiose fieri, ut medicam manum requirant) abscessus corporis, morbus comitialis, angina. Hi quoque morbi, qui in articulis nervisque modo urgent, modo quiescunt, tum maxime & inchoantur, & repetunt, quæ sunt Romani Hippocratis, Celsi inquam, verba *l. 2. c. 1. p. m. 43.* Et hinc chorus podagricorum apud Lucianum in Trago-podagr.: *At nos Tibi, Podagra, primo veris tempore, mystæ tui sacrificamus ejulatus miserabiles.* Quibus morbis non immerito febres annumeres, utpote quæ vernali tempore potissimum grassantur, sanguinisque depurationem moliantur. (f) Æstivo tempore adeo frequenter morbi non sunt, nec in Silesiâ locum habet istud Aristotelicum problema, quare per æstatem magis adversâ valetudine laboretur, quod expedire satagit *Seç. 1. problem. 25.* Et qui sunt, eos ingurgitationi horæorum fructuum & primario post æstum diuturnum, refrigerationi nocturnæ, transcribere decet. Sicuti Mense Augusto, dysenteriam frequenti facum alvi dejectione cum materiâ sæpè cruentâ, sæpè purulentâ, satis molestam edidisse stragem compertum est. (g) Nullum verò tempus anni, morborum feracius est, quàm autumnale. Rara ea felicitas, ut non febres varii generis, præprimis quartanæ grassentur, querelæ audiantur de dolore hypochondrii sinistri, qui non raro ad claviculas usque protenditur, pleuritidemque mentitur; sæpè etiam furas ac tibias infestat. Tabidis quoque non favet, ut habet Hippocrates *l. 6 Epidemic. Seç. 7. v. 73.* nec podagricis & arthriticis. Verum quoque, quod habet Ballonius *l. 2 Epidem. & Ephemerid. p. m. 180.* omnia ulcera esse *δυσεπικλῶν* in autumnali constitutione. Ex tripode profecta sanè illa Nostri Senis *l. 1. Epidem. Autumnno acutissimi morbi, & maxime lethales.* *Universum simile ipsis vesperi exacerbari &c.* quæ accurato commentario illustrat Vallesius *p. 88. & 89.*

Mor-

(f) conf. Castigat. nostra Grabnerian. p. 87. (g) conf. Castig. nostra Grabn. p. 87.

Morbi maligni passim quoque grassari solent circa Septembris initia, febres ecchymaticæ, variolæ & morbilli ingrediuntur, ac per Januarium, Februarium sæviunt, sub cujus finem puncticulares plerumque caput efferunt non raro, quibus non pauci fato suo occumbunt.

Sed de his omnibus, ex antecedentibus, iudicium formari poterit. Verum memores promissi nostri, non possumus, quin etiam aliqua de recepto apud nos vivendi modo commemoremus.

Victum autem Silesiorum nemo magis vivis coloribus depinxit, quam celeberrimus quondam Vratislav. Syndicus, Nicolaus Henelius, in *manuscripto opere*, cui *Silesiographia Renovata* nomen, cujus autographum in locupleti ad S. Matthiam, bibliothecâ, tanquam thesaurus aliquis custoditur, exemplar vero manu Reverendissimi Domini Prælati, Michaëlis Fibiger, descriptum, & luculentis notis & additamentis, pro amore, quo in patriam & studia fertur, ab eo exornatum, nostris patuit, ex Ejusdem Per-Illustris Dn. Magistri indulgentiâ, usibus. Hinc bonâ cum Lectorum veniâ ex *cap. 7.* aliqua mutua- bimur, ex quibus etiam Nobilissimi Operis præstantia æstimari poterit. Verba Henelii ita habent:

Victus in Silesiâ mundior & elegantior, quin etiam parabilior, quàm inter plerasque alias gentes. Plebs urbana & agrestis, panem vulgari, cum ex bordeo, tum ex secali, pecudum domesticarum carne, lacticiis, anseribus, gallinis, ovibus, piscibus quâ recentibus, quâ salitis & infumatis, halecibus sive baringis præsertim, passeribus sive plateffis & asellis, leguminibusque, oleribus & pultibus victitat.

De carnis sufficientia Oppidanis prospicere tenentur laniones: qui ob id animalia, puta boves, vaccas, vitulos, oves, verveces, agnos, hædos, sues, porcos, non solum ex hac nostrâ, sed & vicinis provinciis, Poloniâ maximè & Hungariâ, procurant, mactatorumque in lanienâ carnes, ut in macellis suis quotidie, ita diebus Sabbathi, in foro publico venales exponunt. Sarcopolia appellare liceat, in queis præcipua, Vratislaviense, Schwidnicense &c. sed quibus tamen parum concedit Oppaviense; Extraneis quoque annonam carnis adjuvare, omnis generis mactata inferre, & venalia exponere licitum est. Qui boni Patres familias esse, nec cuncta, à macellariis, præstinare volunt, emunt quot annis, pro familiæ & facultatum modo, unum & alterum bovem, tum & oves aliquot & porcos, quibus mactatis & sale conditis, ac fumo induratis, penaria sua instruunt, magnam anni partem inde victitant. Urbanis ditioribus, Nobilibus ampliora prædia possidentibus, Primoribus atque Magnatibus, ubi præsertim genio sacra parantur, victus dapsilior est, pollucibilior ac pretiosior,

sior, ut qui mensas cùm alicibus domesticis, tùm feris animalibus, volacilibus, ac piscibus lautioribus, in quibus nec ostrea, testaceorum omnium nobilissima, aut sardelle Venetianæ desunt, variè coctis, assis, frixis, elixis, artocreis, talibusque aliis, in quibus permagnus est aromatum, sacchari & aliorum condimentorum usus, cumulatè instructas habent: Nec oleribus exquisitis ea carent, non acetariis, intritis, intinctibus suavissimi saporis, non scriblitis, & tortis, non bellariis sumptuosis, aliisque mensarum secundarum deliciis, ac cupediis quæ damianatis, quæ exoticis & aliunde petitis. Adeò

quicquid queritur, optimum videtur.

Et hanc etiam Provinciam sumptuosus exterorum luxus ita contaminavit, ut non modo non subinde ad detergendam stomachi nauseam, excogitentur sapor, & exquisita gula irritamenta: verùm etiam in pompam, quæ spectes, non quæ gustes solum, fercula ponantur. Quasi oculis pareretur cibus, exornatur. Mensa ambitionis scena quædam est, & jam divitias dapes indicant; Lauti sumus, si immensum consumimus. Ut quidem minimè mirum aut novum videri debeat, si nonnullos, quibus Attalico luxu ostentare & frequentare lautas epulas pulchrum fuit, paulo post obaudire oporteat, quod Diogenes, præteriens ades cujusdam belluonis inscriptione notatas venalesque, dixisse fertur: Facile divinabam, fore, ut præ immodica crapulâ domum evomeres. Eousque certè luxus hic crevit, ut nemo æquus rei estimator nobis vitio sit versurus, si cum Michaële Hospitalio, Gallie Cancellario, (at quali & quanto Viro!) exclamemus:

O! Romanarum legum veneranda potestas
Sublata è vivis! ô Fannia, & Oppia, leges!
Existetne aliquis concessu & munere Divûm,
Errorem hunc animis hominum qui demere possit,
Et nostri immensis moderetur sumptibus avi?

Priscus & promiscuus Silesia potus est, cujus usum etiam ante terre inundationem, primi seculi mortalibus non incognitum fuisse, Germanos certè jam inde à primordio gentis Celticæ habuisse, una cum gente ex Asia in Europam delatum, probabiliter credidit Cluverius: de quo nimirum versus extant Leonini (ut vocant Grammatici, quales à Poetis priscis, tam Latinis, quàm Vernaculis scribi solitos, & vix aliquando alios, ex epitaphiis & aliunde observatur) nec tamen illepidi, Monachi, manu tenentis tritici spicas:

Me piget hoc esse, cum sit potare necesse,
Vinum de messe, quod nos consuevimus esse.

Vinum, inquit, de messe. Ex sententiâ certè Diodori Siculi, fragrantia & effica-

ficaciâ, vino haud multò inferiore; sive ut Tacitus loquitur, in quandam similitudinem vini corruptum, potum nos intelligere palàm est, quem Bieram, sive Biriam, sive Beriam nuncupamus, acceptâ voce, ex sententiâ Viri Clariss. Gerardi Johann. Vossii à Romanis militibus, quibus illud in ore: Da bibere. Sic enim Romani loquebantur, ut Terent. Andr. act. 3. p. 2. sed pro bibere etiam dixerè Biber. Quod idcirco quidam veterum nomen ac neutrius generis, putant, uti apparet ex Charisio & Caprà. Ex biber autem contractum Bier; ut nomen biria sit generale. Quod quidem etymon multò verisimilius est, quàm quod alii quasi pyriam dici volunt, quia ex pyris exprimeretur similive pomorum genere. Sunt & alia illi nomina, sed usitatiora, zythi & cerevisia: Illa Egyptiaca originis vox est: hæc sic dicta, vel quasi Cerebibia, quia Ceres, seu fruges, bibitur; vel quasi Cereris vinum, vel quasi Cereris vis in aquâ, vel à colore cereo, vel à Gallico sive Celtico vocabulo, Zerus, idem significans, quod frumentum; vel denique ab aliâ voce Celtica, Zehren quod Germanis notat incoquere, & alere, nempe quia vim habet alimonie. Conficitur passim in urbibus Silesiæ & pagis ex tritico hordeovè, primum ad regerminationem macerato, ligulisque enatis torrefacto, indeque molis crassiusculè contrito, (quod vocant nostri *Malz* lex Latino molitum. Mediae ætatis scriptores, *Brasium* vocant: à quo *Brasarium*, vel *Bratarium*, quod horridius alii *Braxatorium* fecerunt, ipsumque adeo *braxare*, quod est *cerevisiam* coquere) ac denique aquâ cum lupuli salictarii floribus artificiosè decocto. Potus sanè, si rectè paratus, at ritè defœcatus sit, saluberrimus optimique alimenti, ut, qui Spiritum roborat & excitat, animumque ex hilarat & confirmat, non incommodat nervos, non apoplexiam, non paraplegiam, non nervorum resolutiones, non comitiales & convulsiones ac tetanos, non arthritidem denique concitat, quæ omnia potum vini comitari amant. Bonitas ejus & præstantia de spumâ colligi solet, in quam adhuc à recenti cocturâ vertitur: & adhibent quoque eandem Nostrates ad panis fermentationem. Quod & idem Plinius de Gallis pariter annotavit.

Inter triticeas, quæ diebus quibusvis per integrum annum parantur, præcipuam laudem habet cerevisia Vratislaviensis, quæ *Schepß* vulgò appellatur, quanquam non omnibus, quia fortior, vini præsertim potoribus, grata.

Hordeacea cerevisia certo & delecto tempore, hyberno nimirum, & sub veris initium coquitur, ac sine acoris vitio per integrum annum, imo plures quoque servari potest. Hujus rei causam, sunt, qui referant ad primi veris vim, atque singularem efficaciam, à quibus alienus Cardanus, lupuli salictarii

seminibus, è quibus supervacaneus humor, omnis putredinis parens, absumptas sit atque exinanitus, vim eam assignat; quasi nimirum solum lupuli istius semen coctura immittatur valido effectū. Cur verò non cæteris mensibus eadem vis perstat, quibus etiam magis humiditas decoxit?

Commendatur præ reliquis Oppaviensis, Martiana dicta, quæ liberalius pota, verè Martios efficit: sed qua incolæ ejus Ducatus (uti testatur Thaddæus Hagecius ab Hagen, Moraviæ quondam Medicus Celeberrimus, singulari de Cerevisiâ opusculo) etiam vice medicamenti utuntur, ubi se malè affectos sentiunt, & propterea Medicina non magnus, apud eos, usus est.

Schvvidnicensem hordeaceam, Raconizensi, Zacensi, Stirnensi, in Bohe-miâ idem Hagecius annumerat; Cerevisias quidem istas, præterquam, quod urinam & menses provocent, in facultate nutriendi, & lac suppeditandi triticeis istis anteponeus, ut quæ multo celerius, unico quippe haustu facta, & pauculo somno capto, id præstent, atque ob id à nutricibus mirificè expetantur.

Tametsi verò jus coquendi Cerevisiam, in plerisque Germaniæ provinciis, urbibus tantum & oppidis competat. Nobilibus autem nonnisi pro necessitate, ac sustentatione familiæ suæ concedatur: In Silesiâ tamen Nobiles quoque eodem jure utuntur, cum de illo investiti fuerint, ultra militare præsertim ab urbe positi. Nimirum ut in Bojemiâ, sic in hac quoque regione concessio juris braxandi, pro regali, siue jure reservato Principis haberi cæpit, ut nemo illo uti possit, nisi, vel privilegio, ut pleraque civitates, vel investiturâ, vel longissimâ temporis præscriptione, munitus sit.

*Tenuiores qui sunt, itemque agrestes, cerevisia defectum, vel secundaria illius Cerevisiæ, quæ plerisque locis Zisch-Bier|Vratislavia Langweil/vocatur, ac civium quoque familiis ut maximè præbetur: Vel alterius potionis ex pomis, pyrisve tuis, aquâ perfusis atque expressis impendio minori conficiendæ, multis nationibus usitatæ, præsertim orientalibus; vel lactis aut seri pota, sup-
plent. Aquæ purissimus liquor, de quo Lucanus dicebat, Satis est populis fluviusque Ceresque, infima duntaxat, omniumque rerum inopi plebi, usitatus, qui antiquissimum apud omnes mortales potus genus est.*

*Vino sanè olim pauci, nec nisi elegantiores utebantur, nunc optimo telluris succo nemo non abutitur, ex Hungariâ præsertim, Austriâ & Moraviâ ad-
vecto. Quamvis nec Rhenensia, Rhetica, Italica, Gallica, Hispanica, Canariensia, & alia vina desint, apud Vratislavienses imprimis, quibus jam olim, privilegii loco, ab Henrico VI. Duce, concessum reperio, ut non solum esse illis, & vivere, sed bene esse, benè vivere liceat. Sine vino sanè, nulla placent con-*

vivia, quasi Varrorem edidicerint, ita ubique elegantibus illis & suavis ver-
ficulis occini audias :

Vino nihil jucundius quicquam cluit.

Hoc continet coagulum convivium.

Hoc hilaritatis dulce feminarium.

Hoc ægritudinem ad medendam invenerunt.

Mellus cum lupulo aquâ decocti (Medonem vulgo vocant, Plinius hydro-
mel, & aquam mulsam) non infrequens est in Silesiâ potus, quod, cum ex Polo-
niâ & Lithuania importatur, tum Ratiboria, Oppavia, & aliis quibusdam
locis, coquitur.

At verò adusti, incertum, usus major sit, an abusus? eò quod multos, eo ine-
briatos, repentina morte & somno sepultos interiisse constat; Ad hæc multa millia
modiorum siliginis & tritici, quæ ad usum panis & cerevisiæ prodesse, in hunc
abusum insumantur & prodigantur, de quo ob id cobibendo sapius, at frustra
deliberatum fuit. Sublimatum idem dicitur, quia per sublimationem elicitur.
Sed id non ex frumento tantum, sed ex vino etiam ejusque facibus, atque adeò
cerevisiæ crassamenti in fundo vasis relictis. Indeque haud mode plebeji, qui
artificio illi ex professo dediti, rem non contemnendam faciunt; sed Nobiliores
etiam viri, ac fœmina præsertim, luculentos proventus percipiunt; ex quo ni-
mirum istæ, lucro allectæ, quod sordidis hominibus suave esse consuevit ex re,
qualibet, animum ad vinum istud conficiendum, adjecerunt, & hanc victûs
quærendi rationem inferioris conditionis hominibus eripuerunt. Hoc vinum
ardens vendit aut suis subditis, pro potu, publicè propinandum. Ita autem
illud plebs rusticana, vicem ferè jentaculi, pitissat, ut plerumque benè poti do-
mum redeant.

Cæterum compotationes in Silesia frequentiores, ubi quidem (neque enim
tàm Patria chara est, ut manifesta negem, ut cum F. Fabri Sabotho loquar)
ἀπνευσί, ἀμυσί, ἢ ἀδρεῖως, non Xenophontis modo minuta illa & rorantia,
sed & portentosa pocula, quæ præsertim Sanitates vocant, (nempe ut bellum,
quod in se nihil aut belli aut amœni habeat) exhauriri videas, & sollicite legem
illam Græcorum observari: Aut bibendum aut abeundum. Idque non ma-
gis in cauponis, ad quas vulgus compotandi causa convenire solet, quàm in Pro-
cerum convivis, in natalitiis & initiationibus liberorum, in nuptiis, in paren-
talibus, in aliis denique festis, conventibus & actionibus, certare poculis magni-
ficum, vincere gloriosum imprimis putant; indeque crebra inter vinolentos ri-
xæ & contentiones, quæ non tam in convivis, quàm vulnera & cædes desinunt:

Sed ipsa tandem in compotationibus, ceu Bacchi auspiciis, transiguntur, hausto utrimque philotesio cratere, concordia firmamento.

Habent id commune Silesii cum reliquis Germanis, in quibus jam diu notavit quoque ebrietatem Tacitus, aliisque gentibus septentrionalibus, Sarmaticis maximè ac Slavonicis, vitium; quod inde à longa antiquitate sic invaluit, tamque altas egit radices, ut extingvi, ut elidi, ut extirpari vix ulla posse ratione videatur. Desinit nimirum esse remedio locus, ubi, quæ fuerant vitia, in morem atque consuetudinem, non hominis, sed gentis, non exigui temporis, sed seculorum, abière. Attamen verò si suus cuique populo attributus est error, si vitiiis nemo sine nascitur, & optimus ille, qui minimis urgetur, maneat sane hoc vitium nostris, dum graviora absint, levitas, fraus, dolus, perfidia, perjurium, blasphemia, immodica, sed inconcessa, Venus in nuptas, in virgines, in puellas, in pueros, in bruta animalia, quibus maximè urgentur improbatore nostri. Neque tamen ebrietas, quam objectant nobis, vel Germanis durtaxat, vel septentrionalibus populis, propria. Nulla in mundi parte cessare eam, verissimè jam olim dictum. In Insula Americana, quam S. Mariae vocant, regem bene potum ingenti cornu præcinente, & tympano triumphi in modum, solenniter pulsato, cubitum deductum testantur, qui viderunt. De Græcis quid dicam, unde tamen virtutes, gratiasque omnes prodiisse vetustas memorat, potandi gratia famosissimos fuisse, nemo, opinor, negaverit, qui, quid græcari, quid pergræcari olim dictum fuerit, non ignorat? Quid veteres illi Romani? Minimè paucos eorum, sed omnem civitatem, principes juxta, & plebem, potationibus crebris, adeoque continuis indulgisse, ebrios etiam servorum, humeris ad ludum vel circulum symphoniacum à corona efferrî solitos, unicuique libros eorum, maximè vero poetas, diligentius legenti liquet. In plebe quidem egregium exemplum memorat Ovidius Fastorum lib. 3. Festum graphicè describens, ut non habeant, cur Germanis magis potationes exprobrent, quàm Romanis, morum cultu principatum inter gentes adfectantibus. Quin non viros tantum, sed fœminas quoque illustres vinolentia deditas Romæ fuisse, notavit Tacitus, annal. lib. 12. Ipsa hodiè polita Gallia, & prudens Belgium, apud se vitium hoc frequentari, queritantur, nec nullos ex Italia reperire licet, qui tegere melius vitium hoc quam fugere norunt. Quæ ipsa tamen, non ad excusationis ansam, ei rei prætexendam, ex qua id ferè consequuntur miseri, & heu! nimis prodigi salutis suæ, ut in corpora, quæ Spiritûs S. debent esse domicilia, deserviant, ea demoliantur, fortunas, opes, facultates dilapident, dum ad restim res redeat, animas denique ipsas diabolo oppignorent: Sed eo tantum dicuntur, ut nihil heïc, præ cæteris gentibus, in Germanis culpandum demonstretur.

tur. Licet non desint, qui minus culpabiles, veniæque adeo digniores putent, ob ventriculi sc. calorem, qui quo remotius cis Austrum homines colunt, eo major & in ipso frigore, quod mirandum est, aestuant. Hinc igitur robustam illam, sitim esse, cui sedandæ, & crebriori & largiori potu sit opus. Sed quod ipsum tamen, si maximè ita esse concedamus, immanibus illis belluationibus, ad ebrietatem & furorem usque, institutis, nullo modo patrocinator. Et si hoc quoque minimè dissimulandum, haud exiguum huic malo fomentum præberi à nimia Dominorum ac Magistratuum indulgentiâ, quibus dici non potest, quàm fructuosa illa potandi licentiâ existat. Ex hæc siquidem non exigua tributorum & vectigalium publicorum juxta & privatorum portio corrogatur.

Vasa Mensalia vili & promiscuæ plebi, pro antiqua simplicitate, lignea & testacea, sive figulina; qualia nimirum etiam Agathocles Rex apponi sibi jussit, ne, Patre figulo natus, prioris suæ fortunæ unquam esset immemor. Qui supra plebem, stannæa quoque usurpant. Sed quibus honestiores non contenti, argenteis insuper utuntur, iisque inauratis, & vario opere calatis. Adeò, in hac quoque parte, prodiga rerum luxuries passim se exercet, ac stultitiâ patiuntur nummi; nisi quod tamen in vasis & lanceis argenteis, præter usum & decentiam, thesaurus inest, quia nimirum & durant, & in subitos casus statim prodesse possunt. Hactenus Henelius.

Nihil jam superest, quàm ut tribus indicemus verbis, quotnam morbis à nobis hactenus descriptis in designatâ aëris constitutione victu à nobis adumbrato antea usi perierint. Mense Januario mortui sunt 78. Februarius abstulit 92. Martius absorpsit 146. Aprili 138 numeravimus funera. Mense Majo 124 homines interempti sunt. Junio extulimus 91. Julius delevit 87. In Augusto tumulavimus 106. Septembri vero sepelivimus 112. In Octobri vitam hanc cum meliori commutarunt 87. Novembri occubuerunt 71. In Decembri autem decesserunt 67. Atque adeò hoc anno finem vivendi fecerunt 1199., in quem tamen censum non veniunt illi, qui in suburbiis aut templis à Magistratibus Vratislaviensis inspectione exemptis requiescunt.

Ad pag. 149.

Gravior tortor est calculus vesicæ, cujus & diagnosi & cura valdè ardua est. Multa in Consilio quodam Germanico Collega noster D. Christian Helwich de utroque hoc capite disputavit. Nos pauca tantum ex isto huc transferemus. Cum autem, vesicæ calculus magnitudine, figura, situ, ac fortassis etiam substantia multum variet, facile apparet, cur tam diversis symptomatibus exerceantur, qui calculò vesicæ laborant. Fernelius lib. 6 de part. symptomat. & morb. cap. 13. p. m. 317. inter propria calculi vesicæ signa primo

loco ponit *vagam quandam & oberrantem circa pubem & perineum titillationem, dum exiguus & levis etiamnum est.* In Wiliclm. Laurembergio, prout ipse testatur, in *dissert. epistol. de curat. calc. vesic. p. 8.* non aliam, primo tempore, attulit molestiam, quàm quod urinae fluxum, quando ad vesicae ostium, cum lotio effluente delatus esset, nonnunquam impediret. Cum grandior calculus subest, ingens gravitatis sensus percipitur, qui valde tendit ac premit pubis regionem. Aurelianus lib. 5 *tardar. passion. c. 4. p. 225.* ait, sequi dolorem secundum pectinem atque veretri radicem & ilia & clunes & magis initio ac fine urinae reddendae, quae non raro, etiam prorsus ad aliquod tempus supprimitur, aut certè difficulter redditur, unde videas, alios membrum contrectare, extendere.; foeminas quoque manus pudendis admoveere; eademque crebrò scabere, ac alia indecora agere, ut urinam provocent, & dolores crebrò redeuntes mitigent. Certum enim est, quod mictio *crebrescat*, adeò, ut tandem *assiduè meijendum sit*, vixque possit urina cohiberi, prout optimè iterum Fernelius notavit. Nihilominus ut primum coepit *perrumpere*, quàm mox *tota incipitur*, obviam nimirum impulsio calculo, ac ita intercisa incidit mictio. At tum dolor aliàs universi pudendi ductum, aliàs glandem solam affligit, isque acerrimus sub emissionis finem, verbis Fernelii, cum calculus urinae cursu incitatus quasi proditurus sphincterem violentius comprimit. Aurelianus vim doloris huius exprimit per *fervorem incendiosum*; quia verò graphicè omnia describit, verba ejus hìc legi omninò merentur: *Sequitur*, inquit, *fervor incendiosus, item pulsus & extantia partis in passione constituta cum jugi ac frequenti urinae reddendae desiderio, & repentina cessatio, ac rursus egestio sit cum dolore intolerabili per singulos mictus, ut extenti agrotantes etiam ventum per podicem reddant, ac ad deponendam alvum sollicitentur.* Quem meijendi conatum & desidendi cupiditatem à calculi magnitudine è perineo rectum intestinum & vesicae cervicem existimulante rectè cum Fernelio deducunt Auctores. Urina, quam reddunt calculosi nostri, si Fernelium, Lommium, aliosque audis, *alba ac crassa* est, & cum grandior calculus jam diu in vesica detentus est, *sedimentum ejus purulentum* existit, aut *narium muco persimile*. Auctor. libr. 4 de morb. inter Opera Hippocrat. ait: *urinam paulatim fluere, velut in urinae stillicidio, & esse cruentam, vesicà nimirum à lapide exulceratâ*, juxta aphor. 79. sect. 4. *Quibus in urinis arenosa subsistunt, his vesicà laborat calculo.* At verò ex his omnibus signis certo praesentia calculi in vesicà colligi nequit. Ab excretis arenulis quàm minus rectè deducatur lithiasis, totà die in hypochondriacis & scorbuticis experiri licet. Cardanus in Hippocr. aphor. p. 459. *Mihi*, inquit, *ab annis hinc triginta rufae prodeunt & nunc etiam*

etiam alba & quotidie & copiose atque omnino citra omnem calculi suspicionem, tam renum quam etiam vesicæ. Quin etiam, quod longè majus est, jam toto decennio exacto tantum alba arena adheret parietibus, adeoque concreta, ut intra 15 dies, si non abluatur, tota lapidescat intus &c. Cætera autem signa calculi vesicæ, quæ recensuimus, etiam in gonorrhæâ observantur. Hospes sit in praxi & tyro, qui ignoret, quantum patientur ardorem in regione radicis penis sub emissionem urinæ, qui gonorrhæâ virulentâ infecti sunt. Nec minus atrox est is, quem in glande perpetiuntur. Adhæc in inveteratâ gonorrhæâ vix matulam ex manibus deponere possunt, stimulaturque per consensum etiam alvus. Ægrè quoque vel exercitatisimus Medicus turbidam calculosorum urinam sedimento non unius generis refertam, discreverit à mucida & tenacissimâ illâ materiâ, flavâ, viridescente ac fetida, quæ in gonorrhæâ cernitur, quando in præputio abest tumor, ardor, rubor, excoriatio, fissuræ purulentum plorantes ichorem. Quando enim hæc adsunt, meritò suspitioni de gonorrhæâ virulentâ locus datur, quod etiam dicendum, quando scrotum ardente & pruriginosâ erosionem fœdatur, in tumorem attollitur, in rugas abit, asperitate crustosâ instâr corticis alicujus digitos offendit, aut indurescit. Confirmant etiam in probabili gonorrhææ conjecturâ, ulcera illa parva in virgæ genitalis reliquâ parte, si exorientur, mollescant, suppurascant, colliquescant, particulamque cutis, quam obsident, erodant & abscedere faciant. Sed si hæc omnia, ut subinde fit, in iis, quos gonorrhææ labes inquirit, non deprehendantur, iisdem premuntur symptomatibus, ut jam diximus, quibus vexantur calculosi, inde etiam fieri solet, ut illi obtentu calculi turpitudinem venerei morbi velare nitantur, quod crebrius fit, quàm credant inexperti. Hoc cum non lateret Viros doctos, in clinicâ praxi exercitatos, aliis modis præsentiam calculi in vesicâ explorare conati sunt. Galenus in lib. introductorio c. 13. jussit digitum per rectum intestinum in sedem immittere, hæc cautela, ut index inmissus reflectatur in priorem vesicæ partem, ratus, calculum hæc viâ tangi posse. Enimvero monente iterum Fernelio nonnunquam summa vesicæ adheret, & ex istâ quasi propendet nullumque calculi indicium manifeste exhibet. Recte etiam monet Hildanus de lithotom. vesicæ: iis in partibus duros tumores atque scirrhus nonnunquam generari ac calculum mentiri, & symptomata similia inducere.

Alii magis illi explorationi fidunt, quæ per catheterem suscipitur. Sed verò quis sibi hoc tribuet, ut rem tangibilem sensu auditus rectè certeque, dijudicare possit, dum collusionem quandam ferrei instrumenti lapidem contactantis sentit. Impedimentum instrumenti vesicæ collum introire nequeunt.

*“tis sine lapide à multis aliis causis provenire posse, qui neget, neminem furu-
 rum arbitramur. Adde, quod, cum per additionem augeantur in vesicâ la-
 pides, ut plurimum fieri posse, ut nova facta additio, adhuc non indurata,
 nullam cum ferreo instrumento admittat collisionem. (quod tantò majori
 gauderet probabilitate, si experientiâ comprobaretur assertum Beverovicii
 in exercit. de calcul.: calculos, quamdiu in vesicâ sunt, molliores exteriori
 præsertim superficie esse) Ceterum nec illud hoc loco dissimilandum est, sæpè
 non tangi calculum ab explorante, quia vel in altiori vesicæ parte contineatur
 ille, vel in tumore crasso & viscoso sit immersus & involutus, ut
 præclare disputat Johann. Baptista Silvaticus Controv. 32. pag. 157. seqq.
 Conf. Ballonium paradigm. 61. & lib. 2. epid. pag. 247. Ex quibus
 omnibus constat, hòc quidem in affectu cognoscendo unice Medico relinqui
 prudentem σοφασμόν, innixum accuratâ præteritorum ac præsentium sym-
 ptomatum cognitione, ut & juvantium & nocentium accurata explora-
 tione. Cardanus suggerit consilium, quod in re dubiâ & perplexâ
 sequi non abs re fuerit, his verbis in citat. Hippocrat. aphorism. p. 467.
 Cum volueris scire certius, an aliquis calculo vesicæ laboret, jube eum equitare,
 saltare, exerceri vehementius, exhibe lapidem comminuentia, inde subsidentia in
 urina inspice, in qua si tribus aut quatuor diebus pulvis appareat, lapis est du-
 rus, si lapidum frusta & quasi arena, non autem arena tophus est, si nihil ho-
 rum appareat, lapis procul dubio non est. Quanti verò æstimari voluerit con-
 silium suum Cardanus, ex verbis illis, quæ annectit, colligas: Arque hæc sunt,
 quæ duobus millibus annorum latuerunt expositores. Cave tamen, ne exercen-
 do magnum ardorem urina, aut, ut dicunt, uriginem intolerabilem efficias. Im-
 probi enim & ignari medici maledicendi ansam, postquam bene facere non di-
 dicerunt, undique arripiunt. Ætatem etiam considerasse juvabit. Nam etsi
 procul absimus ab eorum opinione, qui calculum vesicæ puerorum & decre-
 pitorum senum esse morbum cupiunt, (cùm experientia affatim edoceat, senes
 quoque calculum pati renum, nec infantes à malo hoc esse immunes, quem
 metuere prudentis Medici est, quando infantes absque signis dentitionis &
 coaguli lactis crebrò vomunt) nihilominus negari nequit, quòd majori ex
 parte, senes & pueri vesicæ calculo torqueantur. Et sanè de his posterioribus
 notum est, quòd obnoxii sint morbis lymphæ & glandularum. Quando au-
 tem lymphæ coagulum patitur & stasin, non solum tumores glandularum ori-
 untur, sed & calculus vesicæ; Modum declarare annititur Auctor. lib. 4 de
 morb. qui consuli potest. Cur verò senes calculo vesicæ affligantur præ ado-
 lescentibus juvenibus ac viris, explicare conatur Cardanus jam ante laudatus,
 præcipuèque accusat latiores in renibus meatus materie crassitiem ac viscidita-*

tem, & calorem sicciorē. Cruditās autem ventriculi ac *ἀνέψια* utrique ætati familiaris primum ex ejus mente, inter causas antecedentes occupant locum.

Calculus vesicæ remotionem sui omninò indicat. Removetur autem vel operatione Chirurgicâ, quem lithotomiam vocamus, de cujus administrande modo consulendi sunt tum alii, tum Hildanus in peculiari libro, Franciscus Tolet. in tractatu Gallico de la litotomie ou de l' extraction de la pierre hors de la vessie, Joh. Mori in observ. sur la maniere de tailler dans les deux sexes par l' extraction de la pierre pratiquée par Frère Jacques. Cornelius Solingen p. 289. ut & in der Nieuw lichtende Sacel der Chirurgie of hedendangze Heelkunst Cornelius van de Voorde, Hieronymus Fabric. ab Aquapend. Scultetus &c. vel medicamentis. Uterque verò modus pluribus obseptus est difficultatibus.

Et prior quidem ante non multos annos etiam Celeb. Medico Olao Borrichio fuit fatalis. Is enim cum ferro se submisisset, magnitudo & durities calculi, qui neque per incisuram extrahi, neque instrumento, absque præsentissimo vitæ periculo diffringi potuit, optatum elusit successum, & tandem molestiæ, infernæ noctes, indomabiles dolores, in mortem terminata sunt, ut refertur in historiâ vitæ. Posterior autem itidem plerumque spem miserorum frustratur. Medicamenta enim, si aliquod operæ pretium facere deberent, calculum vesicæ comminuerē oporteret; at verò de hac virtute medicamentorum lithontriptica, ut jam ante monitum, non immeritò dubitatur, quâ si vel maximè pollerent, cogitandum tamen, quanta sit ab ore ad vesicam distantia, quam cum considerat Fontanus lib. 3 cap. 3. externa velut efficaciora præfert internis. Fiat, per nos licet, periculum, an aqua persicaria, aliquem calculo vesicæ liberare queat, qua Gerardum Boot horis matutinis exhibita aliquem vesicæ calculo laborantem pristinae restituisse sanitati refert Robertus Boyle de utilitat. Philos. Experim. p. 2. f. 3. Subeat examen crystallus magno labore in liquorem solutus, & videbitur frustra jactari à Turriano, vesicæ calculum comminutum hujus ope & fractum fuisse. De prædicet spiritum ☐æ Schræderus, ☐. è calculo vesicæ elicium Hæferus, ☐. D. Sylvius, alii alios, & spiritus & essentias & tincturas, ægros parum levaminis hinc sentire certum est. Heic potius pollicem premimus Rondeletio, qui lib. 3 c. 44. medicamenta & frequenter & ampla mensurâ sumi debere contendit, ut & Heurnio Method. prax. lib. 2 c. 13. omnia medicamenta calidiora scriò dissuadenti. Non prorsus autem rejiciendum censemus antidotum Lauremberg. ex epistol. cit. p. 20. quæ ita habet:

℞. Afellor. ppt. ℥ij.
 Sangv. hirc.
 Spong. ros. sylvestr.
 Sem. volar. purpur. aa. ℥j.
 Spec. lithonript. ℥ij.

Hujus antidoti acceptæ sunt ℥ij, decocti diuretici ℥x. ℞. juniper. ℥ij, ex mixtis factum est pharmacum, quod assumsit mane horâ ut plurimum quintâ. Effectum, quem exeruit, his verbis describit: ubi secundâ vice hausissem, post horas plus minus quatuor, sub pubis osse ad regionem ostii vesicæ, magnos cæpi sentire dolores, paulo post parum urinae profluebat, & cum eâ lamella exigua instar squamæ piscis, ampla, subrubra, quæ licet aliquam visciditatem habere videretur, ad tactum tamen in sabulum resolvebatur, ita ut manifesto apparet, tunicam vel crustam esse à majore calculo solutam; & tandem hujus usu continuo à calculo vesicæ liberatus fui. Hæc ibidem & alia plura. Si quis tamen hoc medicamento uti vellet, ei cum Mercuriali lib. 3 prax. c. 33. essemus Auctores, ut corpus universum inediâ & purgatione ante ejus usum præparet, ne uberior affluxus viscosorum humorum istius usu ad vesicam concitetur. Scimus cum utilitate adhibitam solam herniariam c. betonica in jusculo coctam, ut & lap. 69 ℥ij. cum jusculo limonum, quod medicamentum laudat Poterius observ. & curat. Cent. 3 c. 72 & 73. Nec audemus rejicere oxymel cum anagallid. & parietar. aquâ remixtum, quod, ait Guarinonius, mirifice fecisse vidi. Injections Rolfincius planè magni non æstimat, Zechius inanes judicat, admittit Cardanus cum aliis. Frustra solutionem calculi ab iis speres. Pansa quondam, narrante Clarissimo Sachsi nostro in Gammarologiâ per syringam injecit, solutionem oc. 69 in ℞. ☐æ factam, eamque eximie solvere calculum ait Sachsius, sed nos imitantes eum nullum vidimus effectum aliquâ laude dignum. Hoc quidem certum est, quòd, quando ostium vesicæ ab illiso calculo saucium est, & urina cum dolore profluit, mitigatio sequatur injectis per siphonem demulcentibus, e. g. lacte, oleo amygd. d., ut & emulsionibus seminum. Quantum ex his omnibus colligere licet, melius fuerit, cavere generationem calculi, quam comminutionem generati ullo remediorum genere tentare. Prohibent autem, si Cardanum audimus, lapidis generationem sex sequentia: fomentum minimè potestate calidum, expressio diligens sedimenti, dum mingitur, quæ fit subsultum mingendo, ususque olei, abstinere à caseo, tum his, quæ ex lacte fiunt, tum à terreis ac salsis, tum à cruditate cavere.



HISTORIA
MORBORUM,

QUI

ANNO M DCC^{mo} VRATISLA-
VIÆ GRASSATI SUNT,

ADORNATA

a

LEOPOLDIN. ACADEM. NATUR.
CURIOS. COLLEGIS VRATISLA-
VIENSIBUS.

Inclytæ Reipublicæ Vratislaviensis
ILLUSTRI PRÆSIDI,

Uti &

*Magnificis, Generosissimis, Nobilissimis, maxime
Strenuis, Consultissimis, Amplissimis*

**DOMINIS
SENATORIBUS,
SYNDICIS**

ET

SECRETARIIS,

Mæcenatibus, Patronis atque Fautori-
bus eâ, quâ par est, observantia, colendis &c.



V I R I

ILLUSTRIS,

MAGNIFICI, GENEROSISSIMI, &c.



Udet libellus hic, VIRI Magnifici, Vestra
 Illustria Nōmina sibi inscribere, non sūi,
 non Collectorum, sed argumenti fiduciā,
 quippe qui morbos multorum civium cor-
 poribus infestos, & nostrā curā, sub divi-
 nis auspiciis, feliciter plerumque depul-
 sos, enumerat; eō verò, DOMINI Per-
 Illustres, affectu & amore in subjectos vo-
 bis Cives, quod nec invidia negat, ducimini, ut & prospera & ad-
 versa illorum animos Vestros tangere nemo sit, qui non intelligat.
 Et tametsi minimè simus nescii, quod gravissimis, pro salute Reip.
 hujus, tempore adeò calamitoso & exulcerato, Generosissimæ
 Amplitudines Vestræ detineantur curis, eā tamen spe lactamur, fo-
 re, ut graviores occupationes ad horulæ spatium schedularum ista-


rum lectione distinguant, cum & antiquitatis tanta Medicinæ dignitas fuerit, ut ne Regibus quidem ipsis imminuere splendorem Majestatis Artis Divinæ tractatio videretur. Nota ad omnem posteritatem Nomina sunt, non tantum Mithridatis & Attali, Mesues aliorumque, sed & Germaniæ Principum in præterlapso proximo seculo, qui tanto studio in Artem hanc, non deserto Reipublicæ clavo, incubuerunt, ut & Medicamenta invenerint, & in usum verterint. In tristibus, fatemur, ferè occupamur, h. e. Medicis, nam Medicus, verbo Hippocratis, *aspicit horrenda, tangit injucunda*, (& quod Nos addimus, calamitosa describit) *ac ex alienâ infelicitate, proprias sibi demetit molestias*. At eo ipso majorem à Generosis Vestris Pectoribus pollicemur Gratiam; Nam dum mille molestias Medici Spartana concoquunt nobilitate, id beneficii, teste Galeno, consequuntur, ut optimis quibusque Viris eorum labores approbentur. Inertis plebeculæ auram non captamus, probè memores Democritici illius dicti, *apud vesanum vulgus veritatis neque ulla cognitio, neque testimonium ullum*: Neque immeritò Idem ille Philosophus ita compellat nostri Chori Coryphæum: *Valdè timeo, neque Medicinam Tuam, ô! Hippocrates, hominibus placere, nam præ intemperantiâ omnia illis displicent, & insaniam sapientiam putant*. Et iterum: *Profectò suspicor pleraque in scientiâ Tua palam contumelia affici, aut propter invidiam, aut propter ingratitudinem*. Vulgi, inquam, favorem non captamus, sed Vestrum, Per Illustres Viri, quorum Prudentia, Dignitas & Autoritas tanta est, ut Patres à Romulo conscripti, aut Atheniensium Areopagitæ, si Senatum Vestrum intuerentur, Vobis venerabundi assurgerent. Favorem Gratosissimum & Approbationem Laborum nostrorum ambimus, procamur. Non inanis gloriolæ cupidine ad hoc opus suscipiendum sumus impulsæ; Quam contemptæ enim Musæ jaceant, & quomodo plerique, ut mos est, lucripetarum, ad quæstuosas Artes properent, minimè ignoramus, sed neque cornea nobis fibra est, ut, si quid laborum nostrorum cordatis placuerit, nullo gaudii sensu afficiamur. Et tanto quidem magis hoc ævo, ubi impunè passim medendi provin-

vinciam capeſſere audent ſtipites & trunci quidam , quibus etiam Medicos ſe proſitentibus ſtatim creditur, cùm ſit periculum in nullo mendacio majus , Illuſtrium Patronorum Gratiâ Medicinâ eget, Ut vel ex hâc cauſâ confidamus, veniam nos conſecuturos, dum hiſce ſonticas occupationes Magnif. Veſtr. interpellamus. Suſcipite itaque , Viri PerIlluſtres , libellum hunc Gratioſo Vultu à clientibus Veſtris , quî nullis civibus Obſervantia & Veneratione erga Vos cedimus. Deum venerabimur, ut Generoſiſſimas Veſtras Dignitates, non tantùm ad Reip. , ſed & ſplendidiffimarum Familiarum, ſalutem & augmentum per multorum annorum decurſum , ſalvas & incolumes præſtet.

Per-Illuſtrium Ampli-
tudinum Veſtr.

*deditiſſimi & obſequioſiſſimi
Cultores*

LEOPOLDINÆ Academiae
Nat. Curioſ. Collegæ Vratiſlav.



P R Æ F A T I O
A D L E C T O R E M.

Historiam morborum, superiori à nobis anno editam, doctissimis & in arte faciendâ exercitatissimis Viris non displicuisse, ex epistolis ad nos scriptis latè intelleximus. Ab iis quoque nobis calcar additum est ad pertexendum hoc pensum, cui tantò promptiori, inter concatenatos clinica labores, animo, manus admoveamus, quo magis nobis perspecta est eorum in judicando dexteritas, ac de publico bene merendi studium. Aliquod in Medicinam ex ejusmodi labore redundare posse emolumentum, Ipsi contendunt, quam laudem etiam si nobis minus arrogemus, lubenter tamen fatemur, morborum historiam exactè descriptam, plurimum ad artis nostræ incrementum facere. Graviter Ludovicus Vives lib. 5. de tradend. disciplin., artes ne constare quidem possunt, si historiam sustuleris. Hippocrates, Galenus & alii Medici, quàm sæpe historicos agunt, dum experimenta narrant. Ipsa adeò Medicina ex historia collecta est, sicut Plinius ex M. Varrone perhibet. Quot morborum genera, quomodo, & ubi orta, aucta, compressa, sedata, memoria vetus prodit, sine quorum notitia, manca est Medicina, & potissima sui parte orba, quam ex tot undique experimentis necesse est colligi, ceu aquas pluvias, stillatim. Illi autem, qui morborum historiam fastidiunt, ac alto contemnunt supercilio, quod facient sine nostra indignatione, Philopoda sua, suam addicant, & industriam impendant in hypothesebus curiosis novis cudendis, poris solidarum partium & viscerum exilissimis describendis, firmas quoque glabras, flexiles, obtusas, terraqueas, salino-ethereas, ramosas, retorridas &c. particulas lynceis oculis in humeribus visas, in tabulis adumbrent, & sero olim discet Posteritas, quantum opis hæc lecto affixis afferant. Et nos in his olim studium non leve posuimus, quod sine dolore memorare vix possumus, nunc annis & judicio maturiores scimus, quod sint apine triceæque & si quid vilius illis, quas ne titivillitio quidem emptit aremus. Per nos etiam licebit, ut porro commentariis inutilibus Auctores quosdam onerent & turgidiores reddant, aut, si iste summus Sapientiæ gradus est, in aliorum scriptis refutandis versentur tanquam novi athletæ & promachi, ac de amplo brabeo, nempe fumo sapientiæ, iis gratulabimur, certi cum Celeberr. Wedelio, secundum sapientiæ gradum esse, non occupari in commentando, vel refutando. Nihilominus tamen, si quisquam aliquid adversus nos parturierit, triumphum non paret, nondum abiecit clypeum, nec eundem abiecturi sumus. Vale!



I. N. J.



IN Januario anni post millesimum, à salutifero Virginis partu, septingentesimi, frigus Vratislaviæ usque ad Lunam πανσέληνον satis erat remissum, quod nec nerveas fibras spasmodicè corrugare, nec glandularum subcutaneorum meatus constringere, aut poros cutis coarctare aptum; reliquis vero ejusdem mensis diebus, usque ad interlunium, nebula corporibus infestæ, aërque humidus, & feri copiam accumulare, hujusque inter glandulas laxiores stagnationi, ansam præbere, tonumque partium relaxare, ac enervare potis erat. In Februario, jam grato solis jubare illustrabamur, jam verò pluviis & nivibus expositi torporem corporis ægrè declinare poteramus; frigus verò per aliquot dierum intervalla quodammodo adurebat nos, cùm Luna totâ nocte luceret. Usque ad medium ferè Martii perpetuæ frigidi & tepidi aëris vicissitudines notabantur, quas ad finem Mensis usque turbida ventis ac pluviis molesta tempestas excipiebat. Præter morbos superiori anno enumeratos, variolæ grassabantur, & quidem multò frequentius distinctæ, quàm confluentes. Primis *Variolæ*. ab invasione diebus, seu tempore ebullitionis, nunquam non febris acuta aderat. Nec meminimus nos, quod variolæ quibusdam sine febre proruperint, tametsi sedulò attenderemus, an gemina illis, quæ *Forestus lib. 6. Observ. 49. & 50.* aut *Rhodius Cent. 1. Observ. 24.* ex ore Prævotii recitant, nisi fortassis Viri pariter doctissimi & expertissimi in observationibus suis, humano more, hallucinati, exempla Vratislaviæ deprehendere liceret. Continua quidem illa febris erat, in his tamen vehementior, in aliis remissior, ejusque exacerbationis satis incertæ, nisi quod tertio die recurrentes aliquibus tertianæ febris suspicionem moverent. Præcedebant ferè febrim hanc lassitudo & gravitas corporis, pandiculationes & oscitationes, dorsi lumborumque dolores, qui in sexu muliebri, si adultioribus mulieribus credimus, parturientium dolori non dissimiles, pulsus ad spinam dorsi & sensus pruritûs ac punctiõis in

cute, sed horror & rigor, præsertim, recurrens, rarius paulò, quem tamen in Angliâ satis frequenter variolis laboraturos invadere ex Sydenhamio intelligimus. Frequenter etiam vomitus à primo morbi insultu fatigabant, iique interdum immanes, aut si hi abessent, præcordiales anxietates gravissimæ cum inani vomendi conatu conjunctæ ægris negotium faceiebant. Alvi fluxus rariore observati, & hæc evacuatio non adeò è re ægrorum est, fortè quòd motum materiæ à centro corporis ad peripheriam ejus protrudendæ impediat, & retrocedere ad interiora cogat: Itaque alia apud nos est hujus fluxûs ratio, quàm in Belgio, ibi enim, si credimus Auctori Tentaminis Medici *de Variolis p. 39. Pueri multi in principio, augmento, & statu morbi fluxu alvi laborantes sine noxâ advertuntur.* In pluribus alvus, sine damno ad aliquot dies erat adstricta, in paucissimis etiam urina suppressa; vix visi, qui sæpè se ad reddendam urinam urgeri conquererentur. Urina varia erat, quorundam flammea & intensè rubra, nonnullorum turbida & opaca, qualis jumentorum esse solet, quæ post eruptionem variolarum interdum clarior reddebatur, interdum verò per aliquot dies à protrusione adhuc turbida excernebatur; aliorum autem pallida, unus alterve cruentam micturiebat urinam. Nares etiam frequenter sanguinem stillabant & possemus hîc mutuari verba Stubbs in respons. Thomsoni: Multos cognovimus, qui suapte naturâ hæmorrhagias passi sunt iisque ad 18 vel 20 diem, magno cum commodo. Propensio in sudorem non tantum in adultioribus ingens erat, ut Sydenham observavit, sed etiam in tenerioribus. Nonnulli, præprimis qui erant temperamenti phlegmatici, dormituriebant, alii de turbulentis conquerebantur insomniis, ac sæpè expavecebant, ac altos subinde in illis tollebant clamores. Capitis dolores jam gravativi, jam punctorii, cum temporum pulsationibus erant molesti. Facies tumebat, atque maxillæ rubebant. Oculos prurientes rubentes ac splendentes, quin imò aquâ suffusos quotidie intueri licebat. Lacrymæ quoque injustæ aliquando manabant. Palpebræ ac nares dolore pruriginoso vexabantur. Præterea anhelitus difficultas, vox rauca, tussis sicca, cordis palpitaciones, & tandem etiam deliquia non rarò observabantur. In aliquibus habitu corporis densiori præditis etiam saliva in majori quantitate rejiciebatur. Et hinc quadantenus confirmare licet sententiam Listeri, qui arbitratur, causam ejus salivationis latere in ostiis cutis obstructis. Pars magna ægrorum corpus variè jactitabat, ipsique infantes in cunis hinc inde sese volutabant. In genere musculofo varias subinde motitationes, quas nec tumorem nec convulsionem, aut rigorem dici posse arbitramur, notavimus, in eâque sumus opinione, illas quasi subsultus momentaneos musculorum prorsus esse similes iis, quos

Doctissimus Simon Pauli Medicus Danicus Celeberrimus *in digression. de febb. malignis p. 34.* nominat non incommode *ἰππον δέματ* &, in quo partes aliquas blandè leniterque vellicari perſentiſcunt ægri ceu motacilla avis caudam motitare, aut mus ſub panno ad parietes tricliniorum expanſo, ſeu ludere, ſeu errare liberè hinc inde obſervatur. Hunc etiam ſanis accidere Clariffimus Vir autumat, quod ob aëris ſubitas mutationes, cœlo jam pluvio, mox ſereno aut ſudo exiſtente, calido, frigido, temperato, tempeſtuoſo &c. venæ & arteriolarum muſculorum, imò ipſius cutis, ſimulque ſanguis in iis contentus, means, remeans, inſtar Euripi, ita offendantur, ut *αἰσχροίως*, ac, ut par erat, ac naturaliter convenit illi, circulari aut diſtribui nequeat. Hæc utut ingeniōſa ſatis ſunt, malumus tamen ejus cauſam potius in ſubitam tenſionem, ſive tonum ac relaxationem vel remiſſionem fibrarum muſculorum, quàm vaſa ſanguifera conjicere, ac undulantem in iis ſanguinem, cùm ejusmodi alterationes toni etiam alibi ſatis exiſtant manifeſti. Enimverò Nos in Stadio Noſtro pergamus. Minimè etiam rarò teneriores invadunt motus convulſivi, iique vel particulares e. g. in labiis, oculis &c. vel magis univerſales, hoc eſt, in partibus pluribus. Et ſanè ex epilepticis motibus, quibus infantes, dentitione peracta, corripuntur, non vane, cum Sydenhamio, variolas in procinctu eſſe iterum iterumque prædiximus. Præterea in ſatis multis etiam deliria obſervavimus. Ordinariò poſt valetudinem, die quarto prorumpébant. Vidimus tamen, in quibus vel tardius, vel citius prodirent. Notum autem ſatis eſt in praxi occupatis, quòd, ut accuratè Sydenham deſcribit, in eruptione ſubrubræ primò puſtulæ tenuiſſimarum acicularum puncta æquantes, ſparſim ſe prodant per faciem, collum, pectus & corpus univerſum; quanquam partes illæ, in quibus primò apparent, minimè certæ ſint; ubi inter initia quidem exactè definire vix licet, ſintne variolæ futuræ an morbilli. Ne tamen pulicum morſus haberemus pro variolis, memores fuimus, quod, ut optime Haſenrefferus *in Noſodochio lib. 1. c. 5. p. 44* advertit, *in pulicum morſibus, in medio tanquam punctum quoddam morſus veſtigium inſit, & hoc compreſſione non deliteſcat.* Nunquam genæ totæ rubro colore ſuffuſæ, & una quaſi lata macula conſpiciēbatur, nihilominus tamen poſteà diſtinctæ puſtulæ oriebantur. Senſim effloſcentes illæ maculæ ſubeunte humore agebantur in altum & evadebant ſaſtigiatæ ac diſtinctæ, quæ multò erant tutiores, ſi in baſi eſſent rubræ, ſupra autem albæ, eminentes & molles, quàm illæ, quæ in latum exporrigēbantur. Et ſanè depreſſæ & malè figuratæ, ut & duriores, quæ inſtar verrucarum ſeſe habebant; nunquàm fuere ſine periculo. Quo paucioribus corpus erat conſperſum; eo magis res in vado erat. Mali ominis erant, quanquam non adeò

frequentes, lividæ, violaceæ, certi verò lethi prænunciæ, quæ maculâ nigrâ in medio deformabantur; id quod in Angliâ etiam compertum, ut videre est in Mortono *in pyretolog. p. m. 39.* In quibusdam cacochymicis corporibus notavimus in interstitiis variolarum petechias, aliasque maculas, nonnunquam etiam vesiculas aqueas, atque inde ut plurimum funesti eventûs præsagium cœpimus. Ejus verò generis variolæ, quæ de malignitate non possunt non esse suspectæ, hoc tempore in paucis, ut diximus, spectabantur. Paulò ante narratum est, quòd symptomata cum eruptione variolarum ut plurimum conquieverint, non defuere tamen, qui feбри, difficultate spirandi, anxietate, cruciatibus insignibus circa humbos, etiam post eruptionem, vexarentur. Atque hi non erant extra periculum constituti, evasere nihilominus plerique, modò abessent inexpugnabiles vigilæ, phrenitis, crebra deliquia, palpitationes cordis, motus convulsivi, urina nigra, vel hæmorrhagiæ enormes, alvi profluvium, hæc siquidem atrocia symptomata mortem denunciabant. In aliquibus admissio frigore, alioque incommodo regimine, retrocedebant, iterumque oculebantur, non sine summo discrimine vitæ. Et profectò de hac actum est, ut ex pallore, frigore extremorum algido, & anxietatibus immanibus, & denique rebus per momenta in pejus ruentibus, colligere licet, nisi iterum expellantur. Cæterum etiam apud nos circa octavum, à primo insultu, diem, in facie intervalla pustularum prius alba rubere incipiebant, in tumorem attolli, & dolore tensivo affici, extendebantur palpebræ, & ut vesica inflata, haut rarò, oculos claudebant, quæ & in Angliâ ita fieri discimus ex Sydenhamio. Proximæ à facie intumescabant, manus digitique distendebantur. Calamitosum esse, si pustulæ satis commodè elevatae, vel suâ sponte, vel externâ aliquâ de causâ subito concidant, iterum iterumque experti sumus. Constat verò satis, quòd in statu inflammatoriæ suppurationis nova febris accendatur. Variolæ debitè elevatae ac maturæ, pus fundebant satis coctum. Sensim sanies illa exsiccabatur, relictâ in medio, post corrugationem, fossulâ, ac ultimò variolæ exarescebant, & decidebant, quod, ut optimè notat Clariss. Wedelius, circa diem decimum quartum contingit, postquam ut plurimum à die XI. decrementum fuere sortitæ. Nihil autem attinet hîc commemorare, quòd post hoc tempus occurrerint vestigia variolarum rubicunda, transparente per cutim attritam sanguine, & sæpius varii generis cicatrices remanserint, cum hæc non temerè quenkum lateant. Hoc neutiquam silentio prætereundum, quòd variolis exsiccatis, majores tumores & abscessus subinde in artubus observaverimus, & licet tùm variolæ vel malignæ, vel epidemicæ non grassarentur, testari tamen possumus, ejusmodi abscessus plorasse subinde pus acerrimum, venas,

nas, nisi in tempore occurreretur, exedisse, consumpsisse carnes ac ipsa vitiasse ossa, & membris omne robur ademisse. Qualia duo miserranda imprimis exempla viderunt DD. Samuel Grafs & Maximilianus Preus, ille in mercatoris filiolo tenerrimo 18 septimanarum, hic in pannificis filiâ unius anni ætatis, ex tumore & abscessu sinuoso circa flexuram cubiti dextri sub variolis confluentibus enato, ossa simul ibidem carie afficiente, & septima post eruptionem variolarum septimanâ filiolum, octavâ verò filiolum jugulante. Pariter quoque sub variolarum cursu in pueris quibusdam conspexerunt glandis cuticulam à lymphâ acriore & fervidiore in vesicas ingentes pellucas magnitudine castanearum elevatam, cum insigni simul rubore inflammatorio circa frænum, distorsioneque enormi totius colis, quemadmodum in asciticis quoque fieri solet, cataplasmate tamen ex speciebus emollientibus & discutientibus feliciter curatam.

Varias sensuum læsiones, à variolis etiam ritè tractatis, e. g. vitia oculorum, depravationes organorum auditûs & olfactûs &c. aliquoties notavimus, ut de noxis gravioribus pectoris ac artuum, paralyfi &c. jam non dicamus.

Cùm verò, ut optimè Mayerne *in appendice ad praxin Medic. p. 596. & seqq.* duo sint maximè periculosa tempora, initium eruptionis, alterum à IX. die ad XI. quando maturescunt, ad utrumque in curâ respeximus sollicitè.

In primo quidem consideravimus gradum effervescentiæ febrilis, præ oculis habentes pulsum, calorem, sudorem &c. Piaculum nobis fuit, si motus & agitatio jam satis magna in sanguine deprehenderetur, ebullitionem in infantum, puerorum juvenumque corporibus calidioribus remediis augere, unde etiam apud nos exularunt tinctura bezoard. Ω . eboris, C. C. pulveres bezoard. myrrhat. c. salib. volat. misti &c. Religioni etiam nobis duximus in tempestiva calefactione, cooperturâ lectorum, plumis distentorum, ac pannorum, igni, in sanguine, oleum affundere, alienissimi præterea ab obtrudendis jusculis, quæ vocant consummata, aut aromatibus, ut ferè mos est, conditis, imò in vehementiori istâ sanguinis despumatione, victum refrigerantem, moderatissimè calidum aërem (cavendo nihilominus præcipites refrigerationes) commendavimus. Novimus præivisse hîc nobis ipsos Arabes, qui seculo ferè duodecimo, primi hunc morbum descripserunt, ejusque curandi methodum ad nos transmiserunt; imò fortè primitus eundem etiam experti sunt, ejusque semina & contagia ad alias gentes propagarunt juxta Sidobr. *de variolis c. 1 & 8. p. 6. 7. 82 86.* Nam & hi, ut constat ex Avicennâ, variolis correptos cibari voluerunt jujubis, dactylis, lentibus, cucurbitis, tamarindis, succo prunorum, quibus quidam in Angliâ juscula alia, alterata acidis, e. g.

acetosâ, berberibus, omphaceo uvarum, limonibus &c. haut incommode adjungunt. Nos quidem in enormiori æstu, & hæmorrhagicis sanguinis exundationibus, tum subacidis aliis, tum succo citri, aut syrupo acetositatis citri diligenter usi sumus, tum ne quidem à nitrosis abstinuimus.

Venæ sectio ferè apud nos celebrata non fuit, quàmvis minimè dubitemus, eam habere locum in initio ante eruptionem, in intensiori sanguinis ebullitione, si æger sit ætatis provectioris (quamvis Cl. Rolincius ne tenellulam puerorum ætatem eam impedire scribat *lib. de febb. c. 80.*) adsit plethora, cum pulsu magno & vehementi, & robur virium infractum, si diætam vinosam & aromaticam sectatus, & tandem nulla malignitas appareat, modo ante eruptionem celebretur. Nam etiam si satis gnari simus, quòd etiam post eruptionem à V. S. Mercurialis aliique non abhorreant, nos tamen periculo eam non vacare, imò lethalem esse posse, cum Vesalio credimus. Scrupulum illum de turbato per V. S. naturæ conatu atque humorum ab extimis ad intimas corporis sedes retrocessu doctè eximit Caldera *in Tribunali medico lib. de Variol. c. 9.* ac simul evincere satagit, quod nec vomitus nec ventris fluxus sanguinis missioni contraindicet. Confer etiam Bartholinum *in Cist. Medic.* Nec ambigimus etiam loco V. S. surrogari posse cucurbitulas, ac eas rectè applicari lumbis, natibus, poplitibus, id quod facere solitum Mercurialem patet ex ejus *lib. 1 de morb. pueror. c. 3.* qui hac in re etiam sibi consentientem habuit Riverium.

Avarissimâ manu dedimus opiata, quæ sanguini æstuanti frænum injicere aliàs non ignoramus, & ab ipso etiam diascordio ordinariò ferè abstinuimus.

Cæterùm cum Willisio, si effervescentia illa nobis justo videretur minor, lenis & blanda diaphoresis placuit & hinc cardiaca moderata aliquoties in die exhibuimus, rati nos eo ipso naturam ducem sequi, cum diaphoretica ad circumferentiam propellant, minimè aliàs inquirentes, an, quod Willisio placet, natura toto tempore eruptionis unam & continuam crisin moliatur. Elegimus verò hic ea, quæ simul figunt & præcipitant, qualia sunt mater perlâr., corall. ppt., ꝑ. d., C. C., lap. bez. oriental. & occidental. Interdum emulsionones ex sem. nap., aquileg., citr., c. ▽. card. b. scabios., scord. &c. factas & debitè edulcoratas, ut tenellorum gustui adblandiremur, propinavimus. Ægris phlegmatici temperamenti etiam calidiora, in quorum numero sunt tinturæ bezoard. variorum, essentiæ myrrhæ, scord. &c. pro re natâ exhibuimus; ut vel hinc videas, nos non approbare eorum sententiam, qui solis refrigerantibus, vel solis præcipitantibus incumbunt, posthabitâ expulsi-
gan-

gantibus in hoc morbo apud nos locus nullus, imò propemodum hîc subscribimus laudato antea Mercato, Rudio, Minadoo, aliisque, qui eorum usum non satis tutum arbitrantur. Nec temere imitandum hîc Sylvii censemus exemplum, qui purgantibus & vomitoriis in principio variolarum sæpius est usus. Imò ne Enematibus quidem naturâ in expulsiōe occupatâ, alvum irritavimus, quâ in re nobis adstipulantem habemus Frid. Hoffmannum Seniore. Interim prorsus non negamus, in certis constitutionibus aëris aliquando lenientia tutò posse dari, id quod probat Ballonius *lib. 1 Epidem. & Ephemerid. p. 37.* Et in præservatione quoque à variolis non sunt usus contemnendi cathartica.

Non possumus non hîc *ὡς ἐν παραδείῳ* monere, nimis audacem nobis videri assertionem Cl. Dolæi, qui, cum multa scripsisset in liquoris antivariolosi, quem cum Waldschmidio invenisse aliunde nobis constat, laudem, quam ei minimè detractum imus, tandem in hæc verba prorumpit, in *Encyclopadîâ medicâ & dogmaticâ lib. 4 p. 130* : *Tot liquoris nostri antivariolosi videmus effectus, ut spondere audeamus, neminem imposterum variolis mori posse, modò hoc utatur medicamento & calorem lecti primis fugiat diebus.* Innotuit quibusdam ex nobis descriptio ejus liquoris, tantam autem virtutem in eo deprehendere minimè potuimus. Profectò non injurii sunt in manes Doctissimi Dolæi, qui nimium hoc encomium adscribunt cœco in inventa propria amori, adeoque in hoc remedio insigne prostat exemplum, quod non tantum parentes filios, licet non optimæ indolis, & poëtæ sua carmina, sed & medici depreant sua medicamenta.

Ultimò alterantibus selectioribus & confortantibus sitim profligare & feri defectum supplere, ejusque acrimoniam retundere conati sumus. In ejusmodi medicamentorum censu sunt tum ante jam laudatæ emulsiones, decocta scorzonæ c. C. C. decoct. citr. papaveracea, hordeacea cum seminibus fœniculi, lentibus excorticatis, ficibus, dactylis &c.

Appetente exulcerationis tempore, & pustulis non debite sese attollentibus, pulveres bezoardici, tantillo myrrhæ & croci grano uno alterove remixti, suppetias tulere exoptatas. Variolas planè maturas & pure acriori turgentibus raritus quidem fecimus aperiri, nihilominus quidam Nostrum meminit, se pauperioribus non sine successu fuisse Auctorem, ut exanthemata ejusmodi in magnum ulcus concreta vel acu aperirent, vel etiam forficibus capita rescarent. Dum variolæ exarescerent, pulveribus, quorum mentionem fecimus, addidimus lap. 69, de quorum virtute balsamicâ minimè aliàs ambigi solet. Symptomatibus magis fonticis remedia Præcticis celebrioribus usitata oppo-

fuimus. Inter ista frequentiora sunt (1.) vomitus diuturniores & graviores, quos bezoardicis compescuimus. 2. Hæmorrhagiæ narium nimia, in quibus sistendis internè nitrosa, externè autem camphora c. aceto aliquid laude dignum præstitit. 3. Convulsiones cum anxietatibus, tremoribus, pavoribus in somno, quibus in circumstantiis opitulabantur; quæ sanguinis distributionem æquabilem promovebant, quibus prælucent temperata alexipharmaca, non neglectis cinnabarinis. 4. Faucium, laryngis & c. pathemata, æstus inflammatorii, quorum mitigatio à notis mucilaginis, gargarismatibus & lacte ipso non vanè expectabatur. 5. Mictio cruenta, cui tollendæ lenientia, emulsiva & diluentia & c. inserviunt. 6. Diarrhææ & dysenteriae, utut rariores, à quibus bezoardica & anodyna in dosi refractâ ægri nostri liberabantur. 7. Tumores emplastro de meliloto, aliisque emollientibus & suppurantibus auscultabant.

Alia mitiora hic loci recensere non vacat, nec immorari placet commemorandis iis, quibus macularum vestigia abolere licet, in quibus recitandis diligenter versatur D. Mayerne. Nihil certius verò tutiusve observavit D. Grassius sapone Neapolitano balsamico, si partes affectæ bis in die hoc illinantur & post quadrantis horæ spatium aquâ simplici abluantur. Coronidis loco tribus monemus verbis, nos, tametsi satis multos tractaverimus variolosos, hætenus minimè deprehendere potuisse, quod variolæ sint animatæ, ac innumerorum minutissimorumque, vel atomorum ad instar insensibilium, vermiculorum pullago, quod Clariss. Langius defendit: Id extra controversiam est, quòd aliquando variolis laborantes infestentur vermibus, & hi sub crustis iterum fuerint deprehensi, id quod & nos vidimus, & ante nos præter Zacutum, Joëlem, Sennertus, Borellus, Crato alique; Conf. Bartholin. *Cent. 2. Epist. 85 Cent. 5. histor. 20.* Rhodius *Cent. 3 Observ. 64.* Ephemerid. Nostr. *Dec. 1. ann. 3 Observ. 28.* At verò hinc neutiquam colligere licet, quod ipsa variolarum ratio & essentia sita sit in hæc vermium pullulagine, quippe quam etiam cum multis aliis complicari morbis notum est, ut in compendio cernere licet in *Cynographiâ curiosâ Sect. 4. c. 8* celeberrimi Collegæ nostri Paulini. Vidi-
mus aliquando variolas non pure sed flatu turgentes, ex quibus tamen inferendum minimè est, variolas inter morbos & tumores flatulentos numerari. Diximus de variolis, quæ satis fuere hoc anno benignæ, multò autem frequentius, hoc, quo scribimus, & cum majori clade fuere grassatæ. Præprimis autem confluentes stragem aliquam dederunt. Et ab hæc clade domus Collegæ nostri D. Helwich non fuit immunis. Confluentes enim variolæ trimulam optimæ indolis filiam, parentum & domesticorum amorem & delictum, Mariam
Theo-

Theodoram d. 9 Mart. more erysipelatis corripiebant & sequentibus diebus in facie sibi invicem implicitæ vultum instar vesiculæ rubræ contegebant. Diceret puellam hanc oculis Sydenhamii fuisse objectam, cum historiam variorum confluentium adornaret: ita prorsus vivis coloribus ejus morbum descripsit. Mature satis intumescebat vultus, palpebræ extendebantur, & ut vesica inflata oculos claudebant, & nimis citò, octavo scilicet morbi die, tumor recedebat, ita ut die sequenti oculorum ministerio iterum uti posset. Die morbi 10 facies planè flaccida erat, ac interstitia inter pustulas albescebant. Die morbi undecimo, hoc est d. 19 Mart. prægressâ turbulenta admodum nocte, bis leniter convulsa, post preces, quibus animulam suam Creatori commendabat, placidè obdormivit, nimis acre sui desiderium in parentum animis relinquens.

Varias morborum spasmodicorum species tractavimus eo- *Spasmodici*
dem tempore ac convulsionum genus non unum vidimus. In *affectus.*
spasmo cynico compertum nobis, topica non tantum in principio nervorum, sed & bono cum successu musculis in latere opposito applicari. Tria illa capitis atque cervicis spasmodicorum genera aliquantò apud nos sunt rariora. Inter motus convulsivos, inter quos epilepsia primum tenet locum, satis communis apud nos erat in foeminis hystericis ac spleneticis ille gradus, quo sine ullis partium externarum spasmis, omnium sensuum ac motus exercitio privabantur & concidebant ægræ ejusmodi foeminæ. Vulgus nostrum ait, sie sind in Ohnmacht verfallen; quanquam aliquando etiam Viri eundem affectum incurrant. Apud foeminas vulgò audit epilepsia uterina, & curabatur methodo à practicis præscripta. E contrario novimus, interdum corpus variis motibus concussum sensusque maximam partem fuisse integros, ita ut omnium, quæ circumstantes egerant, recordarentur finito paroxysmo, cujus commatis historias recitant Bartholin. *cent. 2. hist. 9.* ut & Doctiss. Neukranzius *de purpurâ c. 33.* cujus rei vidit duo isthoc tempore exempla D. Helwich, alterum in conjuge fabri murarii, sæpius in uno die ita concidenti, & ultra horas aliquando sine sermonis usu jacente, hæc enim cum à servâ duriusculè habita, in paroxysmo colaphis percussâ esset, rediens ad se graviter de injuriâ istâ & ignominia cum ministrâ exposulavit, eandemque verberibus probè depexam ex servitio dimisit: Alterum in virgine plethoricâ antehac vegetâ & robustâ, à cujus latere cum mors aliam virginem ejusdem lecti sociam improvisò abstulisset, eoque tempore Nostra tributum menstruum persolveret, in hanc miseriam, singulis mensibus instanti muliebri profluvio redeuntem, lapsa est, ita tamen, ut omnium dictorum factorumve, post superatum insultum, vivat memor. A-
cta,

cta, ad subigendum hunc affectum, varia, sed omnia haecenus frustra. Singulare quoque Exemplum talis spasmodici affectus visum fuit D. Pauli in Matronâ Nobili, quæ miris modis eo agitata, integro & intellectus & omnium sensuum & loquelæ usu, tandem convaleuit, optimumque per vesicatoria artibus applicata, nacta est auxilium.

Colica.

Colici doloris nomen Civitatî nostræ non est incognitum, sicuti quondam Romæ tempore Principatûs Tiberii, quo id malum in illam irrepsit teste Plinio *lib. 26. H. N. c. 1.* Sæpissimè enim sævis illis doloribus homines apud nos torquentur, quos cruciatus diros non pauci accessunt sibi, dum corpus distendunt pinguibus, omnis generis leguminibus, flatulentisque aliis, crudis ac dyspeptis, dum cerevisiâ aut frigida vel acidâ vel recenti stomachum replent, aut nescio, quæ non alia deglutunt, quæ idem præstant, quod aureus nummus ingestus, quâ de re Borellus *Cent. 4 Obs. 25.* & Bartholinus *Cent. 3. ep. 69.* evolvi poterunt, vel abdomen contra frigus non debite muniunt. Notum satis est, quod dolor ventrem infimum occupet, & licet sæpissimè circa umbilicum sæviat, nihilominus non rarò vel sinistram, vel dextram abdominis partem affligit, unde ab ignaris, vel lien vel hepar affectum creditur, quin etiam circa dorsum, juxta renes, dolor ille versatur, & sicuti ut plurimum vagus & instabilis est, ita supra infraque umbilicum oberrat, & sub ipso cordis scrobiculo sæpè sese exerit, dextra tantum magis parte, atque hac ratione aliorum morborum, ipsius etiam pleuritidis larvam induit, cujus rei causa in anfractuoso coli situ quæri debet. Nam hoc, ut notum est, relicto intestino recto, ad sinistram inguen divertit, ac ad sinistram renem adscendit.

Non unius autem generis est dolor, sed modò *recrebrans* ac rodens, ubi ferè pituita acida ejus causa est, subinde etiam in infantibus bilis porracea & æruginosa, modò *gravativus*, quem fovet pituita simplex, modò *distensivus* & *gravativus*, qui vel sæcibus induratis, ubi pali infixi sensus, vel flatibus &c. sua debet incunabula, hi enim, si non liberè per superiora & inferiora erumpant, sed constrictis tunicarum intestinalium fibris, aut iisdem nervis nimium tensis (quod crebro experiuntur iræ, tristitiæ, mœrori dediti, aut suspicionibus nimium indulgentes) incarcerationentur, aut humoribus crassis, viscidis &c. obvolvuntur, aut propter herniam intestinale, vel illapsum superioris partis intestini in cavitatem inferioris, aut propter tumorem canalîs cavitatem aliquo modo coarctantem, detineantur, exquisitissimorum tormentorum colicorum auctores sunt, & tantam intestini coli aliquando efficiunt tensionem, ut velut infantis brachium subesse videatur in foeminis. Sic colicos ejusmodi dolores atrocissimos ac pertinacissimos observavit in Generoso quodam Equi-

te, enterocele scrotali laborante, cum obstructione alvi & vomitibus biliosis ac stercoreis tandem, D. Preus, qui nec hernia reposita, nec aliis remediis cedebant, cucurbitulâ tamen, quam ventosam vocant, cum flamma regioni epigastricâ applicatâ, ex voto tandem sublata sunt. Quotiescunque autem flatu turbascent, magno cum murmure fremunt, & borborygmi aures adstantium obtundunt, qui futuram humidi dejectionem aliquando notant.

Sed tormentum immanissimi doloris colici solet esse majus, si alvus sit adstricta, quod communiter fit, & sanè unicuique constat, quod ea sæpissimè ita sit impedita, ut ne flatum quidem emittere possit, & si vel sponte, vel clysteribus sollicitata suo fungatur munere, excrementa sicca, vel more ovilli aut caprilli stercoreis in globulos intorta deponat, non sine levamine, nam vel ructu, flatuve prorumpente, dolor ille solet imminui. E contrario aliquando alvus concitata est, & in quantitate satis magnâ ejiciuntur excrementa. Non rarò etiam urget nausea & vomitus ac, in graviore malo, singultus & cardialgia. Cum primis verò affligit anxietas cordis cum respiratione frequenti, conjuncta cum pavoribus, contractione crurum, torpore frigido, mentis hebetudine ac lipothymia. Pulsus celer est, ac, verbo Aureliani, parvus ac densus. Urina magis ut plurimum tincta ac spumosa, imò viis urinariis, in consensum doloris, tractis, ea nonnunquam supprimi solet. Ægri etiam siti satis magnâ premuntur, & ut de gravitate capitis, aliisque symptomatibus interdum supervenientibus, epilepticis, inquam, motibus, syncope &c. jam nihil dicamus, non infrequenter dolores colicos excipit icterus, obstructo à viscidis humoribus ac flatu, poro cholodocho; Hinc verò fit, ut bilis, quæ in intestina penetrare nequit, regrediatur in sanguinem, & cum eo totum corpus perambulet, ac illud citrino tingat colore. Vidimus dolorem colicum imprudenter emeticis tractatum, transisse in hydropem.

Vocati ad ægros, dolore coli excarnificatos, ac de obstructâ alvo informati, eò laboravimus, ut eandem redderemus fluxilem, nec tamen unicum semper in enematis præsidium quærivimus, ac multoties experti, quasi ex tripode profectum illud Doctiss. Rolsincii effatum, κατωτερικόν *unum, cum judicio adhibitum, in dolore colico unâ resolvi elavâ, quod vix decem attingunt clysteres.* Nec à verò abludit illud Riverii, observatum esse, quòd, cum æger quidam triginta clysteres, sine fructu, accepisset, alius Medicus mannæ unciam unam semis in oleo amygd. d. unc. duab. exhibuerit in pingui gallinæ jussulo, & ægrum dolore liberavit.

Quapropter non rarò curam auspicati sumus 1. à lubricantibus, pinguibus & oleosis, e. g. mannâ in aquis carminantibus solutâ, oléo amygdal.

d. 2. Lenioribus purgantibus c. nitrosis & tartareis &c. prudenter mixtis.

Quâ occasione etiam virtutem \S ii d. extollere minimè veremur. Emi-
nere enim in illo virtutem eximiam carminantem, usuris erit manifestum No-
vimus, quod à quibusdam purgantia c. opiatas in ejusmodi doloribus præscri-
bantur, nostram tamen spem nullatenus adimplevere, tametsi, ex præscripto
Theoreticorum, aliquando nos fortiora purgantia c. anodynis, debita quanti-
tate ordinasse, recordemur, imò potius majores subinde tumultus, citra sco-
pum purgandi, ex istiusmodi pharmacis observavimus. Ubique itaque eva-
cuantibus locus, optimo cum successu dedimus potiunculas ex ∇ . laxat. vienn.,
syrup. Regio, domestico, rosarum solutivo, & sale essentiali tartar., spec. dia-
tartar., pulv. gialap. &c. Habere autem lenientia locum, Practicis abunde
constat, si dolor non hæreat fixus in fine coli intestini, sed aut in principio
ejus, aut etiam in tenuibus. Nam licet dolori huic à parte affectâ colici no-
men inditum sit, non tamen putandum, quòd alia intestina prorsus nunquam
tortorem hunc patiantur, sed propterea huic cruciatui nomen colici tributum,
quia colon illum frequentius patitur, eò, quòd utraque extremitate sit medio
suo corpore angustius, unde hac parte facile excrementis & flatibus repletur.

Itaq; meminimus, nos lenitivo sopivisse colicam flatulentâ, in quâ strepitus
puri, resonantes & clari per intestina prorumpabant, cum nec enematis, nec
carminantibus compesci antea potuisset, eò, quòd in superiori intestini coli par-
te, ut ex strepitu illo colligere licebat, excrementa admodum dura contineren-
tur. Quo in casu laxantia in formâ potiuncularum præscripta, reliquis antepo-
nenda esse censemus, quòd & fecimus, quando flatus quasi stridorem refere-
bant, quippe qui exiguâ humiditatem excrementis inesse notat. Nec est contra
Medici auctoritatem etiam ad hæc sordidiora attendere, quamvis *διαρροϊὰν*
τῆς διαβολῆς proderet, qui ad lectum ægri coram mulierculis aliisque circum-
stantibus, de hisce differeret. Per nos licet, sedes doloris etiam examinetur,
modò memori sit in pectore, quòd intestinorum positio mutetur nobis jacen-
tibus, à nobis stantibus, quâ de re consuli meretur Nicol. Chesnau *lib. 3. Obs.*
c. 4 p. m. 256.

Ubi enematis locus, ea etiam adhibita fuere, atque plus vice simplici
observavimus in sanguineorum præsertim hypochondriacorum hysterica-
rumque doloribus colicis, clysteres ex carminantibus calidioribus, sem. cal.
bacc. laur., terebinthina magis obesse, quàm prodesse, ac his anteire enema-
ta ex emollientibus, inter quæ decocta capitum vervecum aut pedum vituli,
non postremam merentur laudem; Nam illa augendo tensionem fibrarum,
simul

simul etiam augent dolorem, quem hæc minuunt & demulcent, quod etiam præstat clyster ex lacte cum malvâ, quo sæpius utitur Celeberr. Wedelius; omnibus verò palmam præripiunt olea expressa, loco clysterum infusa.

Topica ac externâ profunt, tum potissimum, quando ab incauta refrigeratione malum oritur, aut aliunde nata obstructio transpirationem insensibilem prohibet ac retenta effluvia in flatu obfirmat, quo in casu discutientia temperata & humida actu calida, laudatissimi usus sunt, quemadmodum calidiora in sangvineis & vino deditis, dolores intendunt; Id quod etiam contingit, quando sangvis stagnat, ac transitus ejus ex venis in arterias est impeditior, vel etiam, quando orificia venarum mesaraicarum sunt obstructa, ut &, si lymphæ per organa secretoria, prout leges œconomiae animalis exigunt, separanda est lenta ac viscida, in his, inquam, casibus omnibus, calidiora externa minus recte adhibentur, ac temperatoria humida calidè applicata magis expectationi respondent.

Interna, habitu ad causam doloris respectu applicavimus.

In dolore à pituitâ acidâ profuerunt non tantum salia volat., prudenter adhibita, e. g. sal c. c. vol., succin. &c. sed ea omnia, quæ in cruditate acidâ aliàs à Practicis laudantur, cujus generis sunt nota absorbentia, mater perlar., corall., crySTALL. montana ac cinnabarina. Sic novimus, multoties & referente D. Pauli, Illustri imprimis Personæ colicis doloribus ex accumulata intra primas vias pituitâ acidâ tentatæ, & opiatis ab imprudenti quodam Medico exhibitis, in Iliacum morbum conjectæ, salia volatilia intra clysmata optimè profuisse.

In molestiis à pituitâ simplici, danda opera est, ut saburra ex corpore exigatur.

De cætero attendendum, an subjecta sint frigidiora, an calidiora; Istis optimè conducunt *tum aromatica acria*, item essent. zedoar., galang., calam. aromat., acori &c. imò ipsum balsamum Peruvianum: *tum amara* e. g. essentia absinth., cent. minor. Majori autem æstu flagrantibus ea ferunt opem, quæ in acida cruditate convenire jamjam indicavimus. Optimè etiam se gerunt *salsa*, ut liquor terr. fol. tartar., tartar. vitriol. arcan. zpl., cremor & crySTALLI tartar. &c.

Intenti etiam fuimus flatibus discutiendis, nihilominus decantatissimis illis carminantibus ∇ . carmin., ∇ . vit. Matth., physogon., essent. carmin. D. M. & Wed. ol. carm. M. ol. cort. aur., cumin., aneth., piperis &c. spir. menthæ essentific. juniper., cort. citr. &c. circumspèctè usi fuimus, cum promiscuus & empiricus horum abusus, ut experientia docet, gravem inferat no-

xam, quam non facilè observare licet ex nitrosis & nervinis, ac ex haustu vini generosioris. Galanga & zedoaria eximii usus sunt in doloribus colicis, partum insequentibus, si virtus earum adjuvetur sacculis paregoricis ex fl. chamom. R., sem. carv., bacc. laur. &c. In aliis atrocioribus doloribus cum successu licet abdomen fovere decocto hyoscyami ad exemplum Drawizii.

Colica biliosa. In *Colicâ*, quam *biliosam* vocant, præter symptomata jam enumerata, adest æstus maximus (habitus verò corporis externus horripilationibus est obnoxius) qualis in ardentibus febribus esse consuevit, molesta est oris siccitas, graves sunt vigilæ, dejectus est prorsus appetitus, rubor faciei satis intensus in oculos incurrit, qui accedente ictero in flavum abit, singultus excruciat, anxietas præcordialis, conatus vomendi, ac non rarò ipse vomitus torquet, alvus in fluorem concitata est. Huic non raro per certa temporis intervalla in orbem redeunti molestiæ obnoxii sunt homines cholericæ & sangvineo-cholericæ diætæ calidiorem sectantes, quando vel brevi ante prandium & cœnam, vel post cibum sumptum, iracundiâ effervescent, & nihilominus frigidioræ aut sæculentum potum ingurgitant, vel dulcia fermentescibilia, in quantitate notabiliore, ingerunt. Facilè enim apparet, quod per impetuosam illam bilis sinceræ in duodenum dejectionem, præsentibus cibis fermentescibilibus ex subacidâ ciborum, & tenui ac sulphuræâ bilis substantiâ, nascatur caustica quædam acrimonia, quæ exquisitissimo ærosionis sensu intestinum duodenum ipsumque ventriculum afficit, & si vomitu rejiciatur, fauces non rarò excoriat, ac dentes stupefacit, aut per alvum exturbata, intestino recto, ærosione & sensu ardoris ac pruritûs infesta est.

In curâ, tametsi alterantia, & intestinorum dolorem mitigantia, minimè sint aspernenda, & aliquando etiam ipsæ Emulsiones ex sem. cucum., cucurb., melon., papav. alb., non omisissis reliquis, ut & serum lactis tamarindinatum, juvent, nihilominus acrem bilem potius abstergendam & blande evacuandam judicamus. In ingenti dolore, oleum ex amygd. d. selectis recens, & sine igne expressum mannæ in jure pulli dissolutæ rectè admiscetur. Ac tentaturi non negabunt verè quondam scripsisse Thomam Mermannum, nihil præstantius inveniri diluto rhabarbari cum mannâ. Si enormiores vomitus usum horum non admittunt, clysteres ex lacte vaccino, oleo violaceo, additâ electuarii lenitivi Florentini aliquâ portione, adhibentur.

Porro cautissimè etiam processimus, quando suspicabamur, tendinem coli, quo tunica nervea & crustosa, in certis rugis & valvulis, detinetur, vel ærosum, vel inflammatum esse, quod in diuturnioribus doloribus fieri admodum est probabile. Opposuimus verò huic malo eadem, quæ dysenterix incipienti

enti aliàs opponuntur, nisi quòd dolorifica hæc affectio commodiùs per clysteres tractetur.

Præter modò descriptam colicam reperitur etiam alia, quæ *Colica Convulsiva*, in hæc abdomen modò cum umbilico retrahitur, modò distenditur, sive ventèr inæqualiter contrahitur & latera apparent obliqua, & muscoli recti recta introrsum incurvati, ut optime Tulpus *l. 3. obs. c. 22. p. 227.* ventriculus ac intestina fursum contrahuntur, ureteres & vesica urinaria, quin in abdomine contenta viscera omnia convelli videntur, nec ab hæc libera sunt vasa genitalia, quòd involuntaria feminis excretio & retractio testiculorum probat. Confer. Hœchstetter. *Dec. 5. Cas. 1. & Heurn. in lib. de morb. cap. c. 25.* Imò thorax quoque in consortium trahitur; sicuti colligere licet ex respiratione sublimi & anhelosâ ac difficili. Nec his limitibus coërcetur mali violentia, nam, ut vere Willisius *in parte pathologicâ de anim. brutor. c. 15.* in capite vertiginosi affectus frequenter hujus morbi insultus aut præcedunt, aut sequuntur; observavimus etiam, nonnihil mentem in paroxysmo aberrasse. Cujus generis colica scorbuticis, venereis, & pertinaciori à febre non ritè liberatis est familiaris, ac ingravescentes dolores in membris exterioribus accersit, ac demùm in paralyfin terminatur. Ejus rei exemplum in Sacerdote Ordinis Carmelitarum hoc anno DD. Samuel Grassius & Helwich viderunt. Quinquagenarius is circiter erat temperamenti melancholici & habitus siccioris, vino Austriaco adfvetus, ac præterea à multis annis herniosus, sæpius ab exordio virilis ætatis, etiam ante herniam, spasmodicis abdominis afflictionibus obnoxius. Summè ei adstricta erat alvus, quæ etiam acrioribus enematibus sollicitata, non facile contenta sua deponebat. Indies malum hoc incrementa, non sine diris cruciatibus, capiebat. Cùm itaque iliacum malum metueret, retentis per multos dies fœcibus, nominatos ante doctores ad monasterium sex milliaribus Vratislaviâ distans invitavit, tum munere Provincialis fungens; ac hi quidem divinâ opitulante gratiâ debitis remediis alvum obstructam promptè reserarunt, at brevi iterum rediit cum doloribus his spasmodicis malum, quod in paralyfin alterutrius brachii desiit, quam cùm nulla arte humanâ, miraculis Christi inductus, sanari posse crederet, fatis, post aliquot septimanas, ut audivimus, concessit. Aliis verò determinandum committimus, quomodo & per quas vias doloribus intestinorum paresis succedat; nec definimus, an metastasis materiæ spasmos excitantis fiat per vasa sangvifera, an per nervos, quamvis istud nobis magis videatur verisimile. Et sanè in hæc collectione, si colicus dolor (de quo modo est sermo) est nervorum affectus, atque nervi tum abdominis, tum intestinorum crassorum aliqui, tum

pedum & manuum furculi sint, ex eâdem stirpe, spinæ scilicet medullæ, prognati, materia peccans, nimirum humor tenuis, ichorosus, vaporosus &c. ab intestinorum & abdominis dolentibus membranis, nervisque, in nervosâ tum pedum, tum manuum partes propellitur, in hæc, inquam, ratiocinatione multa desideramus, de quibus forte alibi.

Cæteroquin satis est notum, quod ex profapiâ colicæ convulsivæ sit tum nephritica, tum hysterica, tum etiam, quam subinde infantes patiuntur, cujus postremæ facile convulsiones epilepticæ solent esse pedisequæ. Verè autem profiteri possumus cum Wepfero quondam nostro ex *Dec. 1. Ann. 2. obs. 39. p. 71. unicè nos angit, quâ ratione constrictio hac specifico aliquo antepileptico mature solvi possit.* Id certum est, quod purgantia dolores exasperent, nec à V. S. sperandum aliquod auxilium, licet eam Chiffletius commendet. Institimus itaque antispasmodicis internis & externis, ac inter hæc quidem emplastro de galbano, unguento antispasmodico Myns., laudes debitas detrahere minimè possumus, sed tamen fatendum est, quod major horum sit efficacia in eâ, quæ sine præcedaneâ corporis dispositione à solâ causâ evidente, aut consensu cum membro vicino oritur, quàm in habituali, atque à certo, ut ferè fit, ac altas radices agente corporis vitio, dependenti.

Præterea gravissimi ac admodum diuturni dolores sunt, qui vel peritonæum, vel membranas, quæ abdominis ventrisque partibus obtenduntur, afficiunt, quos, nescio quo errore, indocti appellant colicos; imitati forsitan quosdam ex Gallis, qui ejusmodi dolorem, vel colicam notham, ut Fernelius, vel Pictonicam aut Pictaviensem, ut Riolanus, à cruciatûs quâdam similitudine & vehementiâ ac frequentiâ in Pictaviâ nuncupant. Non tantum vero ibi, nec clysteribus, neque medicamentis, neque fomentis, nec aliis remediis, quibus colici dolores declinantur, solent placari: sed & apud Vratislavienses, ubi frequentiores sunt, quàm inexperti credant, admodum rebelles sunt, ac fere tympanitidem præcurrunt. Et fortassis non hallucinabimur, si ex *sect. 4 aphorismum undecimum* de isto dolore explicaverimus: *quibus tormina & circa umbilicum dolores, & lumborum dolor, qui nec purgantibus, nec aliter solvitur, in hydropem siccum firmatur*, hoc enim ita fieri, aliquoties sumus experti. Quomodo huic occurrendum malo, edoceri cupimus ab aliis, nos enim omnia tentantes, hætenus ferè successus destituit. Aliquantulum auxilium ægri consecuti sunt ex usu nervinorum, carminantium & correctioni humorum dicatorum ac anodynorum, ut & applicatione discutientium topicorum. Sicuti verò alias minimè rarò dolor colicus genuinus transit in abscessum, ita sanè spurcius ille in apostema aliquando degenerat.

Hæc dum revolvimus, occurrunt cruciatus illi intestini recti, qui hæmorrhoides cæcas eârundemque exulcerationem aliquando anteire consueverunt. Qui, ut rectius intelligantur, meminisse omninò oportet, quòd vasa hæmorrhoidalia in texturam intestini recti intexta, multò capaciora sint, quàm rami ad reliqua intestina distributi, ac quod profundius intra corpus longitudinem intestini recti ambient & perreptent vasa interna hæmorrhoidalia, à venâ portæ ortum ducentia; in his itaque sangvis congestus & stagnans venasque distendens, multorum dolorum causa esse sivevit, qui, utut nitrosis & cinnabarinis quodammodo mitigantur, ita omnimodè vix cessant, nisi stagnanti sangvini exitus paretur.

In febb. petechialibus hoc tempore à nobis observabantur subinde inflammationes in natibus, aliisque partibus musculosis, quæ interdum in gangrænam degenerabant. Hanc sanè prædicere facile potuimus, quando circa statum nec resolvebatur inflammatio, nec suppurabatur, & dolor pulsans fatigatis gravis subitò imminuebatur, horrores & rigores cum animi deliquiis superveniebant. Hæc in sententiâ magis nos confirmabat color cutis initio quidem intensè rubeus, mox verò deinde livescens aut nigrescens. Nec amplius de imminente aut quasi præsentì gangrænâ dubitandum, quando in conspectum prodeunt pustulæ flavæ sero turgidæ.

Tractavimus etiam gangrænas, aliundè ortas. Non infrequens ea est, quæ scorbutò prima debet incunabula. Hæc ferè *Gangræna scorbutica.* semper per maculas fuscas, quæ degenerant in escharam siccam, cum membri torpore, sese prodere solet, & vix ullam admittit medelam. Et ut illas taceamus, quæ à violentiis externis, contusionibus, inquam, vulneribus, lacerationibus, compressionibus, combustionibus &c. oriuntur, non possumus non meminisse illius, egenos sæpè mutilantis, quæ à partium refrigeratione oriri solet. Hæc tum imminere suevit, quando derepentè *Gangræna à frigore inducta.* acutus dolor pungens & urens partem invadit, ruber, micans in lividum colorem abit, & postea torpor, cum summo frigore observatur. Semper hujus periculosior eventus est, quàm illius, quæ à causis calidis originem ducit. Cæterum in omni gangrænâ consummatâ, à quacunque demùm causâ orta fuerit, dedimus operam, ut putredinem inchoatam inhiberemus, ne ulterius serperet, & in sphacelum degeneraret. Adhibuimus eam in rem laudatas scarificationes, & incisiones, easque pro gangrænæ ratione varias, modò majores, modò minores, jam profundas, jam verò magis superficiarias. Scarificatas partes jussimus elui iis, quæ ad manus promptius esse poterant. Et sanè perindè est, an muriâ, lixivio chirurgorum,

rum, decocto calcis vivæ, spiritu vini simplici, aut cum sale armoniaco acuat-
to, aut spirit. vini camphorato, theriacali, tinctura myrrhæ lotio instituatur.
In usu autem nostris chirurgis est unguentum Ægyptiacum, quod modò me-
moratis admiscent. Factâ hac mundatione, varia apud Nos imponi solent.
Alii Chirurgi præligunt Mercurium præcipitat., vel solum, vel cum alumine,
myrrhâ, aloë &c. mixtum, alii balsamum sulphur. extollunt. Plerisque bu-
tyrum Æii satisfacit. Hæc verò calida aut tepida applicantur, eoque dùm
circa partem gangrænâ affectam, circulus vel linea rubicunda, naturam in se-
cretionē occupatam indicans, appareat, & ulcus incalescat. Si diutius in
horum usu perseveraveris, acribus hisce facilè novam gangrænæ occasionem
suppeditabis. Quamvis enim minimè admistionem aliquorum acrium da-
mnemus, potiore tamen tùm locum tribuimus digestivis & abstergentibus.
Optimè verò rem gerunt illi chirurgi, qui his aliisque medicamentis superim-
ponunt cataplasmata ac fomenta calida ex rad. angelic. Herb. scord. absinth.,
menth., fl. lavendul., rorismar., stæchad., cent. min., bacc. juniper., farin.
lupinorum &c. hac tamen cautelâ, ut sub principium modestè repellentia, in
progressu verò resolventia eligantur. Quid fomentum cerevisiæ singulare
præstet, nondum experti sumus, de eo agit Barthol. cent. 5. Histor. 41. Rectè
verò ii etiam agunt chirurgi, qui partem sanam non negligunt, ne fortè gan-
græna ulterius serpat. Apud nos adhibentur varia, præprimis autem empla-
strum, quod Hildanus de Gangrænâ & sphacelo c. 13. describit. Nec inme-
rito Barbette laudat defensivum rubrum & ceratum Vigonis. Alii unicè ex-
tollunt unguentum Würtzii. Nullum autem auxilium humanum, præter se-
parationem membri, quod necrosi affectum, superest. Gangrænam verò in
sphacelum degenerasse scire licet, si pars colore nigra appareat, tactu autem
marmore frigidior sentiatur, nulloque polleat sensu. Ubi tamen admonitio
Ambrosii Paræi L. 9. c. VI. p. 374. memori tenenda mente est. Porro in spha-
celo abest motus voluntarius, quamvis quædam ejus reliquiæ interdum appa-
reant, tùm nimirum, quando altera musculi extremitas incorrupta adhuc est,
& suâ contractione tendinem sibi continuum, quamvis emortuum, attrahit.
Præterea magna adest partium mollities, nec pars digito compressa refurgit,
imò cutis digitis facillimè avellitur. Tandem in sphacelo factor magnus &
acris exhalat, ut præsentis ei ferendo minime pares sint.

Odontalgia.

Erat etiam hisce diebus odontalgia non paucis molesta,
quemadmodum etiam aliis anni temporibus esse solet, quando
aër frigidus, humidus & pluviosus existit. Diuturna etiam nobis experien-
tia constat, quòd præter cibos flatulentos, quibus non pauci delectantur, & cra-
pula

pula, & hinc ortæ cruditates, somnus immodicus, illud malum foveant. Notorium est, quod austera & acida hæmodiam gignant, quàm maximè. Præterea saccharum & quævis dulcia dentes offendunt, ut rectè observavit Forestus. In sequiori quoque sexu curæ, sollicitudines, & mœrores itidem istud malum provocant. Eum in censum referri etiam debent incautæ pedum refrigerationes. Agmen verò omninò ducunt inter evidentes odontalgia causas, suppressiones consuetarum evacuationum, non tam earum, quod multi credunt, quæ per nares & os contingunt, quàmvis & hæ symbolam suam conferant, sed præprimis depletionis sanguinis, quæ per hæmorrhoides & uterum statis temporibus suscipitur. Huc pertinet intermissio scarificationis & V. S. quæ longo jam tempore erat consveta. Ambigimus, an usus balneorum, tam humidorum, quàm siccorum accusari mereatur tanquam causa odontalgia. Nec pollicem hic premimus Doctissimo Cratoni Nostro, qui flatulentum spiritum, principem fermè doloris dentium autorem *Consil. 75.* apud Scholtzium esse putat. Nullo modo autem dubitandum, quin odontalgia à vermibus sæpè excitetur. *Conf. Salmuth. cent. 3. observ. 32.* Præterea neminem temerè latet, quod & suppuratio circa radicem dentis, dolorem inducat. Et lippis ac tonsoribus est notum, quod, cùm dentes sæpè putreant, ac frustatim excidant, corrosio eorundem sit causa doloris. In pertinaci & nulli remedio victas submittenti manus odontalgia, præsentibus symptomatis atrocioribus Viri quidam Doctissimi veneficium habent suspectum. Vidimus id factum à plebejis, tum in dolore, qui circa radicem dentis hæret, tum in eo, qui maxillam simul affligit, aut obscuriori alio dentis vitio oritur. Nec præterire possumus, quod sæpè advertimus fallax remissuri doloris indicium fuisse peti- tum à vulgo ex tumore gingivarum & potissimum genarum, odontalgia supervenienti, quin potius cum tumore hoc malum auctum fuisse, ac cum sum- mæ ægrorum molestiæ oris diductionem inde impeditam vidimus. Pro cau- sarum varietate, varia dolori huic opposuimus remedia, de quibus anno præ- cedente aliquid dictum fuit. Varia Autorum experimenta tentavimus, nec tamen ullum deprehendimus, quod omnibus satisfaceret. Non malè magni- fecit decoctum persicariæ Paracelsus, decoct. fol. lappæ cum aceto addito sa- le Forestus verè, teste experientia, deprædicat. Nec fides iis abroganda, qui in laudem decocti verbenæ in vino, agrimonix, L. Guajaci, rad. chelidon. ma- jor., salviæ &c. varia scribunt. Hæc enim aliquibus aliquod auxilium tulisse etiam Nos recordamur, non neglectis tamen paregoricis, quæ alias λουστρο- να vocantur, cujus generis sunt radices althææ & lil. albor., fol. malv. & bis- malv., fl. chamæmel. & meliloti, summit. aneth., sem. malv., lini & fænugræ-

ci &c. quæ decoqui possunt in lacte tum ad os colluendum, tum ad fomenta extrinsecus applicanda: Hæc enim anteferimus oleis & unguentis, quæ illiniri siveverunt. Narcoticis aliquantò rariùs usi sumus, memores consilii Doctiss. Fieni *Physograph. c. 14.* & si summa nos ad eorum usum compelleret necessitas, non quidem antiqua illa fastidivimus, qualia sunt Sotirella parva Augustanor., laud. opiat., Philon. R., pilul. de cynoglossâ, theriacâ recens &c. sed tamen magis ferè placuit massula ex g. tacamahac., laud. opiat. & oleo quodam. Meminimus radicem hyoscyami in aceto elixam, aliquando ab Empiricis cum successu applicatam. Præstat etiam aliquid decoctum nicotianæ c. fl. chamæmeli. Verum de his aliisque consuli possunt Strobelbergerus de dentium podagrâ, & Sebizius in Manual. Medico practico. Verum est illud Ballonii, dolores subinde recrudesce, si dens vitiatùs remaneat, nec tamen facile, hæc in parte cum Erasistrato facientes, evulsionem dentis, quæ hic satis est familiaris, svademus. Ex dente evulso diuturnam salivationem, & hinc natam contabescentiam observavit D. Helwich; conf. Highmor. in *disquisit. Anatom. l. 3. p. 2. c. 1.* Nota sunt funestæ hæmorrhagiarum inde orta exempla, non absimilia iis, quæ Cardanus *l. de caus., signis, ac loc. morbor. p. 3. cap. 60.* & Highmorus *Anacephalæos. circul. sanguin.,* ac alii recitant. Minimè rarò fit, ut maxillæ pars simul avellatur, quâ de re jam olim questi sunt expertissimi Viri, Forestus, Hollerius, Bartholinus *cent. 5. histor. 54.* ut de inflammatione, febris &c. jam nihil dicamus. Quando dandum aliquid fuit precibus ægrorum, cavimus tamen, ne dens evelleretur eo tempore, quo caput doleret, aut gingiva tumeret, aut atrox sentiretur dolor, monuimusque chirurgos, ne violenter & affatim uno ictu dentem extraherent, & cautè sese gererent, quod Riverius prudenter jam ante nos inculcavit. Quâ cautione in repellentibus adhibendis opus sit, præcipue, si, ut mos fert barbitonforum, maxillis applicentur, providè monuit Noster Sennertus & accommodatè ad rem exemplum ex Valesco de Taranta recitat de Medico, dolore dentium molarium afflicto cum inflatione maxillæ & post appositum oleum rosaceum c. aceto, in anginam lethalem incidente.

Antequam vero hanc materiam deferamus, non possumus non cum Carolo Pisone *de colluv. ferof. l. 2. c. 3.* esse junioribus Practicis autores, ut phlegmaticis, quicumque de odontalgia conqueruntur, svadeant, ut neglectis remediis, quibus vulgò os colluitur, primo quoque tempore hydragogum sumant, hoc pacto enim levare posse atrociores dolores certo experientur. Cum verò arteriolæ à carotidibus in auriculas procedant, & inter has major quædam anti-tragum & anthelicem perreptet, superioremque maxillam conscendens sin-

gulis dentibus sangvinem supeditet, in propatulo est, quid in sedendâ odontalgia ab acriori sero & fervidiori sangvine dependente præstare queat artificiosa apertio propaginis hujus arteriæ in anthelice, hâc sane mirabiliter sedatam fuisse odontalgiam, notatur à Bauhino, ac refert Riolanus, se Parisiis Virum vidisse, qui per illam curationem magnum faceret quæstum, qualem etiam in Geldria se vidisse narrat Clar. Diemerbroek *Anatom. lib. 5. cap. 13.* cui hanc observationem debemus. Unicè dolendum, quòd hîc chirurgorum dexteritati minimè confidere liceat.

Et hæc dicta sunt de morbis, qui tribus prioribus mensibus apud nos grassati sunt.

In Aprili terra blando tepebat calore, quæ aliquando etiam calidis fovebatur pluviis, de cætero ferè semper grato solis jubare illustrabatur. *Constitutio aëris Bernensis.*

In Majo major aëris inconstantia erat, vidimus post nubila Phœbum, ac post Phœbum fulgur & nonnunquam tonitrua audivimus.

Ineunte Junio calore solis temperato refocillabamur, quo etiam in procedente mense, non tamen absque intermixtis pluviis recreabamur, circa finem verò turbidam experti sumus tempestatem, ac frequentes imbres.

Sub initium hujus trimestris, febres petechiales quadantenus remittebant, ac in quotidianas, tertianas, ac aliquando etiam, ut paulò rariùs, quartanas degenerabant.

Passim verò tum temporis Nostri erysipellate infestabantur, præprimis sangvinei & sangvineo-choleric, rariùs sangvineo-phlegmatici, & tantò magis, si consuetæ sangvinis evacuationes ad tempus suppressæ, aut patientes terroribus, aliisque animi pathematibus concussi fuissent. Notorium est, quòd sæpius etiam erysipellate corripiantur, qui antehac vulnerati, aut aliam externam violentiam perpessi fuerunt. Præcedit ferè horripilatio, sequitur vero calor præternaturalis totius æquabilis & ferè vaporosus, cum aliqua tamen acredine & morsicatione conjunctus, ac cætera adsunt, quæ alias in inflammationibus observantur, rubedo, inquam, dolor, febris, aliqua partis intumescencia. Aliæ tamen hîc occurrunt differentia. Nam non tantum in phlegmone major intumescencia, quam erysipellate, sed & in hoc calor est ex rubro flavescent, qui tamen, ubi digito urgetur, disparet, maculam albicantem relinquit, iterum ubi laxaveris, rubescit, quod non fit in inflammatione, nisi fortius premas. Præterea in hâc est dolor pulsatorius ac distendens, sed erysipelas nullâ cum pulsatione aut tensione est conjunctum. *Επιφλόγισμα* ex una parte in aliam migrat, quod inflammationi familiare

non est. Confer. Overkamps *Chirurg. p. m. 122.* Tandem febris in erysipellate primaria est, quæ in inflammatione symptomatrica existit. Cæterum tametsi Noster Kergerus *lib. de fermentat. p. 251.* accuset in erysipellate fermentationem sanguinis ad aciditatem vergentem, & in aliquam partem impactam, secutus hâc in re Helmontium *lib. de febb. c. 9. §. 18.* Nobis tamen, salvâ aliorum sententiâ, erysipelas, seu diffusio tenuiorum & inflammabilium sanguinis partium per membranas & cutem, orta videtur, non aliundè, quam ex frustra tentato naturæ sanguinem excernendi conatu, cujus rei signum est, quòd partes illæ, ex quibus sanguis aliquando uberius effluxit, erysipellate afficiantur, statim ferè temporibus illis redeuntibus, quibus olim per hæmorrhagiam sanguis fuit depletus. Unde nullam quidem constitutionem organicam pororum læsam agnoscimus, quæ hujus *ἀπὸς ἀσέως* origo sit, multo minùs verò Archeum partium debilitatum causabimur, nec admodum verisimile videtur, quod arteriæ plus afferant sanguinis, quàm ex torosis musculis revehere queant venæ, nisi addas, partes musculosas ipsasque venas stringi atque hinc non adeò expeditè succedere refluxum per venas. Hanc nostram sententiam circumstantiæ in hæmorrhagiis occurrentes confirmant, & quotidiana ista experientia, quâ edocemur, sæpè oboriri erysipelas in illis corporis partibus, ex quibus ante annos fortè plures sanguis aut per scarificationem, aut V. S. fuit eductus, nullis prorsùs occurrentibus vestigiis vel Archei debilitati, vel etiam læsionis pororum &c. Erysipelas ex suâ quidem naturâ mortis periculum non minatur, nihilominus circa caput efflorescens, non ex voto semper decurrit. *Malum etiam est juxta Hippocrat. aphor. 25. sect. 6. erysipelas ab exterioribus ad interiora converti.*

Cura ejus, ut experientiâ nobis constat multiplici, sine V. S. & sine purgatione, quam requirit Sennertus Noster cum aliis, absolvi potest solis diaphoreticis. Vulgus nostrum Rob. sambuci, & ocul. 69. aut C. C. utitur cum successu. Loquimur autem hic de erysipellate ab internâ sanguinis commotione orto, nam si à causâ externâ originem trahat, V. S. tanquam remedium revulsorium à nobis adhibetur. Quantum ad topica, remediis repellentibus solis nunquam usi sumus, hæc enim facile gangrænam inducere scimus. Abstinuimus etiam à pinguibus, e. g. lacte ☉eo seu mixtura ex oleo sambucino & lixivio, unguento de Jhno, sed discutientibus institimus. Pulvis erysipellatodes M. usitatissimus fuit, aut extemporaneus ex farinâ hordei, fabarum, eretâ, glyzyrrhyzâ, myrrhâ, cerussâ, cum quibus paria facit pulvis à D. Ludovici descriptus, ut lithargyrium tritum inter duas petias externè erysipellati positum tepidè ex commendatione Clariss. Viri Bartholini *Cent. 6. hist. 724.* ut &

Cratonis & Angeli Salæ. Unguentum de liquiritiâ Augustanorum non adhibuimus, nec facilè linteum crocatum M., aut linteum leporino cruore tinctum, de quo Helmontius consulatur *Imag. ferment. §. 17.* vel spiritum vini camphoratum, aut epithema Loffii *lib. 1. obs. 25.* ex decocto florum sambuci cum vino, sapone Venetô ac theriacâ, vel cataplasma Overkampii in usum vocavimus. Non contemnimus humida, nec metu quodam anili absterri ab applicatione humidorum nobis temperavimus, non ignorantes, quàm feverâ, quamvis forte non meritâ, virgulâ censoriâ capropter veteres à Dolæo in *Encyclopad. Chirurg. rational. l. 5. c. 6.* castigentur, sed quod apud nos ægroti humidorum applicationem nullo modo ferant. Quamvis & in topicis applicandis summa cautio esse debeat, ne quid nimis fiat, quod ex parte rectè inculcavit Overkamp. Si ritè tractetur, per insensibilem transpirationem erysipelas evanescit, & accidente pruritu, cuticula quasi in squamas fatiscit, ac color naturalis redit. At verò, si ab imperita manu tractetur, non sine periculo suppuratur Hippocrat. *sect. 7. §. 6.* erysipelas, quod exulceratum, facer ignis appellari sivevit. Et tùm vel summa tantùm cutis afficitur in eaque crustulæ furfuraceæ oriuntur, vel tota patitur, ac saniem purulentam reddit, ac hîc chirurgi nostri ferè empl. diasulph. Ruland., unguent. alb. camphor., diapomphol. uti solent, non omissis internis evacuantibus lenioribus ac diaphoreticis. Sed cura ferè difficilior est, si partes glandulosæ ejusmodi exulcerationem sustineant. Ita meminimus erysipelas capitis in Illustri Personâ, triginta annorum, constitutionis cholericæ, non uno errore in diætâ, vino, ∇. physogon. commisso, hincque inflammationem ad canthum oculi majorem ortam, quæ ægilops vocatur. Hæc rupta est, ac in fistulam abiit, quæ ferè biennii curam exegit. Nihil autem attinet hîc commemorare vana molimina chirurgi, nam dici non potest, cum epiphora, ut ferè fit, sequeretur, & præterea etiam ipsum ulcus perennem suppeditaret affluxum, & tenuem humiditatem exudaret, quibus machinis fronti applicatis impetuosum illum humorum affluxum avertere sategerit ignarus, & quod longè pejus, præ arrogantia non cupiens discere, quod non in fronte, sed lachrymali innominata ac in ipsis palpebrarum glandulis humor separetur, & per ductus à Clariss. Viris Stenone & Meibomio detectos, qui ad oculorum superficiem hiant, fluat. Diu durante affectu non mirum, quòd os cribriforme quadantenus læsum. Cum deinde pertinacis hujus mali cura prudenter institueretur, & internâ à Medico, externa ab alio Chirurgo, juxta Medici directionem adhiberentur, melioris sanitatis spes affulgere cœpit. Egregiè inter chirurgica remedia debitis temporibus data, profuerunt ∇. vulneraria Ulmensium Balsamus vulnerarius Hant-

Hantkii, ut & Prævotii, nec non sequens: R. decoct. rad. Aristoloch. long., fol. veronic., nicotian., betonic., c. f. q. ∇ . mellis, & inspissetur ad formam balsami, cujus unciiis duabus semis deinde additur elix. propr. Parac. sine acido, balsam. Peruvian. a. a. drachma una semis. Adhibitus etiam citra ullam noxam fuit balsamus Arsenici, cujus descriptionem suppeditat Carolus Musitanus in *Chirurg. lib. 1. c. 5. p. 22. & seqq.* Cæterum cum sæpè recurat erysipelas, non rarò ægri à Medicis exigunt, ut debitis remediis præcaveatur. In potione ab Hildeshemio *lib. 5. spicileg. p. 471.* commendata (ex ∇ . rosar. mithridat. pulv. bacc. laur., & rad. aristoloch. Od.) ante novilunium haustâ, virtutem prophylacticam deprehendere non potuimus. Nec placentulæ ex herbis absinth., taraxac., & chamædr. per mensem Maji assumptæ aliquid eximii præstant. Quod etiam dicendum de lacte cum floribus sambuci decocto, & singulis decrefcentibus lunis ter vel quater mane hausto. Multi spem omnem, citra tamen successum in acidulis collocant. De urinâ propriâ cum melle epotâ, non possumus, quin adscribamus verba Bartholini *Cent. 6. histor. 72. p. 327.* *Probatissimum, inquit, vulgi remedium unum chartæ huic assuam, quod nunquam fallere experientia inter nostros docuit, urinam propriam melle subactam, summo mane continuis tribus diebus assumunt, & exinde tuto se ab erysipelate per vitam sciunt. Mel sane humores calidos temperat & expurgat, urina vero vehiculi loco adhibita sale suo abstergit bilem.* H. I. Folia raphani rustici externè applicata extollit non immeritò Hartmannus. Nos in debitis sanguinis evacuationibus ritè susceptis, & catharticis justò datis potissimum causæ momentum reponimus.

Purpura alba.

Purpura alba solito frequentius hisce diebus infantes, pueros ac fœminas & præprimis puerperas cholericæ-sanguineas &c. corripiebat. Ultimas quidem omni tempore post lochia suppressa invadere suevit, at verò si hæc causa absit, nec iracundia gravior, ac illa quidem fere suppressa præcesserit, aliis anni partibus non æque multis infesta est. Typus morbi sequens est: Initio quidem mediocri corripuntur horripilatione, quam excipit æstus non adeò vehemens. Magis molesta est angustia præcordiorum, quàm dolor capitis, qui non acutus, sed ferè turbulentus existit. Adest etiam faucium dolor & ardor. Somnus propemodum omnis cessat, & paucæ sunt, quæ sub initium morbi, per unam alteramvè noctem somno non interrupto fruuntur. Alvus plerumque officio non satisfacit, vidimus quasdam tamen, quæ aliquoties manè dejecerunt. Pulsus celer est, & quasi oppressus. Urina cruda ineunte morbo sub exitum satis copiosum deponit sedimentum. Appropinquante die quarto, quanquam interdum etiam citius illud fiat, in artubus,

tubus, collo, pectore, elevantur & extuberant pori cutis cum rubore, instar cutis anserinæ, ac sensim oriuntur numerosissimæ pustulæ magnitudinis exiguæ, pelluentes, aqueâ quâdam humiditate gravidæ, quæ in siccioribus satis maturè ferè intra 24 horas exsiccantur; in humidioribus & junioribus aliquantò diutiùs erosâ cute, aliquid humoris stillant, non sine aliquo corporis pruritu & ardore, qui ab initio vix observabatur. Unde facilè patet, quomodo hic affectus à petechiis differat. Nam in purpurâ miliari hæc multo copiosius maculæ, quæ materiam purulentæ analogam continent, erumpunt, quam in malignâ illa febris, quam *petechialem* nuncupant, & præterea etiam materia macularum petechialium multum tenuitate superat contentum in pustulis purpuræ. Accedit & hoc, quod disparentibus maculis miliaribus illis, mitescat febris, quæ ut plurimum omni vacat periculo, quod non fit evanescentibus petechiis, quibus adjuncta febris satis multos in mortem præcipitat. Nec necesse est, hic explicare, quomodo Purpura Miliaris differat à scabie & erysipellate, cum discrimen ex utriusque hujus historiâ abunde illucescat.

Nostri otii quoque non est, hîc prolixè enucleare, in quibusnam miliaris Nostra abeat à morbillis, phlyctænis, epinyctidibus, sive sudaminibus &c. Hoc enim labore, cum summa laude Nobiliss. Melchiorem Sebizium Nostrum, esse defunctum, in *doctissimis de variolis & morbillis dispp.* ut ostenderet inter varia exanthemata differentiam, recordamur, hoc sanè nomine merito etiam laudatus à Celeberrimo Fherio Nostro. Breviter cum famigeratissimo Wedelio dicimus: *Concipe tibi partes urticæ percussas & purpuram bene noveris.* Cura non adeò operosa est, præprimis si, ut ferè semper fit, maligna non sit purpura. Ordinariò quidem optimè conveniunt nitrosa & salina aliquoties per diem exhibita, præmissis mane diaphoreticis & bezoardicis fixioribus (nam volatilia ut plurimum *φλόγωσι* intendunt) aut etiam decoctis ex saponariis e. g. fumariâ, sambuco cum fero lactis caprini paratis. Si verò morbus hic miliaris à lochiorum retentione exoriatur, & spes adhuc supersit hæc concitari posse, danda sunt ea, quæ lochiorum fluxum promovent, quod faciunt myrrhata, cum debita circumspectione post V. S. in plethoricis, repetitis dosibus exhibita.

Sed neque præterire possumus aliud morbi genus à nobis observatum & à paucis Germanis, nisi fallimur, auctoribus descriptum, quod in pueris, ut & adultioribus quibusdam notavimus. Invadit illud eo propemodum modo, quo exanthemata cum febris satis vehemente, capitis dolore vertiginoso, tussi &c. & maculæ dilutè rubentes & flammæ, rosarum instar, ignæ naturæ eo ferè ritu, quò morbilli tertio quartove die prodeunt,

sed longè uberius sese diffundunt, nam cum morbus ad *αἰμὴν* pervenit, corpus quasi ignitum apparet. Vidimus sane habitum corporis univ-
sum magno rubore perfusum, crederes illud totum ab erysipelate ob-
fessum, circa diem septimum circiter rubor sensim evanescit, ac calor re-
mittit, maculae instar petechiarum hinc inde sese oculis intuentium ingerunt,
ac epidermis in multis locis squammatim abscedit. Per totum morbi cursum
vehementer affligit sitis, adsunt vigilae, adurit calor vehemens, alvus adstricta
est, appetitus prorsus dejectus languet, excernitur urina flammea ac rutilans,
pulsus observatur celer ac durus, mens ut plurimum deliriis distracta stupet,
præ siccitate cutis aspera est. Et sanè hæc cutis asperitas diagnosticum est, quò
à rubeolis, in statu ferè milii granum superantibus, dignoscitur hic affectus.
Hæmorrhagia nonnullos, alios autem diarrhæa hoc ab affectu liberavit. Ferè
autem contingit metastasis quædam materiæ ad articulos extremorum, qui do-
lore vehementi torquentur. Sed neque his terminis continetur mali hujus
ferocia, nam sæpe pedes non tantum ad talos & furas, sed & ad genua usque
intumescunt, & si hypochondria tenduntur, ac respirationis difficultas invale-
scit, brevi post abdomen totum in tumorem attollitur, atque hinc vel hydrope
moriuntur, vel ægerrimè sanè cum pristina sanitate in gratiam redeunt. Hic
noster affectus, de quo hætenus diximus, videtur idem esse cum eo, quem Ita-
li scriptores rosaliam dicunt. Proximè sane accedit ad descriptionem ejus,
quam affert Ingrassias *Tom. I. p. 194.* & Prosper Martianus *in Epidem. lib. 2.*
sect. 3. p. 308. & seqq. nisi quod non, ut vult Martianus *pag. seqq.*, die quinto,
sed ferè septimo asperitudines cum febris deleri sentiant, & apud Nos periculo
minimè careat morbus ille, cum de rosalia scribat Prosper Noster, docere expe-
rientiam, nullum ferè ex rosalia interire, nisi miraculo quodam & ob errata
maxima, quæ aut ægri committant, aut medici, potissimum verò sanguinem
mittentes, cum remedium hoc *totis viribus sit huic morbo contrarium.* Cu-
ram adhibuimus eandem in hoc malo, quam in morbillis & rubeolis & vario-
lis servavimus, nisi quod diluentia & temperantia, præprimis verò nitrosa
largiori obtulerimus manu. Inter alexipharmaca non displicet pulvis bezo-
ard. confortans Celeberr. Bauschii, Primi Nostri Præsidis, optimè de Acade-
miâ Nostrâ meriti, quem ejus Successor Fehrius *in anchora sacra* recitat *p. 91.*
quique *p. 90.* asseverat, anno superioris seculi 52 Svinfurti maculas has primùm
fuisse conspectas, didicimus autem ex annalibus quibusdam manuscriptis, Vra-
tislaviæ jam anno 1628 visas esse, & quosdam ex iis, sub cura Clariss. Döringii
obiisse, alios verò iterum convaluisse. Sed jam progrediamur ad alia.

Anebrisma.

Tanquam singulare aliquod recitat Sennertus, Mulierem
quandam Anevrisma nucis juglandis magnitudine in cubiti flexu-
râ

râ ultra 30 annos gestasse, & certè communiter gangræna ac mors metuitur, si paulò majus sit & circumjacentes partes in tumorem magnum attollantur. Et sanè non vanum hunc esse metum, facile intellectu est, obvium enim est, quod levide causâ sangvis ex arteria ruptâ aut vulneratâ ad partes intercutaneas & interstitia musculorum profusus & collectus putrescere possit, si aliqua in motu progressivo ei remora & obstaculum ponatur. Nihilominus DD. Preus & Helwich noverunt cœlibem quandam, quæ ex violentiori motu brachii admodum juvencula aneurisma, duas in pugnum contractas manus æquans, ultra 50 annos habuit, & nuper admodum, non ex gangrænâ, sed febris malignâ obiit senex annos, nisi fallimur, 74 nata. Tumor semper fuit mollis ac laxus, nec per tot annos ullam contraxit duritiem. Pulsus quoque deprehendebatur in eo pulsui arteriarum respondens; quamvis propterea minimè fidem abrogandam censeamus Paræo, qui in aneurismate majore nullum pulsum observavit *lib. 6. c. 33.* eò fortè, quod nimia sanguinis profusio arteriæ pulsum obtunderet. Molestiam sæpè sensit Nostra ac ardorem cum inflammatione vicinarum partium, ut & pruritus, adeò, ut fonticulum, qui nescio cujus svasu non procul ab illo tumore excitatus fuerat, ampliùs ferre non posset. Non silentio possumus prætermittere puerulum, qui adhuc à partu rubens, suffigatione & exulceratione palpebrarum diuturnâ correptus, ab hac liberari non potuit, nisi per inflammationem abdominis supervenientem, sed verò cum & ab hac immunem parentes optarent, contra hanc remediis pugnandum erat, sed eo eventu iterum id factum, ut in locum inflammationis hujus iterum pristinus affectus succederet, exulceratio scilicet palpebrarum, quæ non nisi admodum tarde variis topicis, ac internis laxantibus, temperantibus adhibitis cessit. Eodem tempore gravissimis torminibus, de quibus testabantur continuus ejulatus, jectigatio corporis, pavores &c. afficiebatur puerulus evsarci & sangvinei corporis habitus. Varia ad mitigandum hunc dolorem acta, sed præstantissimum ejus pharmacum erat superveniens vomitus pituitoso-bilio-sus & unica sedes, quâ dejiciebatur copiosè sangvis instar loturæ carnis, sicuti fieri sivevit in fluxu hepatico, in quo observatur liquida dejectio cum humore interfluente eoque diluto ac sangvinolento; sed ea tamen etiâ hîc cernitur differentia, quòd dejectio illa in Nostro non sine magno cruciatu contingeret, quod in fluxu hepatico non fit, vix enim nisi sensus aliquis pressionis in abdomine percipitur.

Satis etiam communis apud nos erat fluor, qui à Græcis *ῥῆξις* Fluor uteri-
γυναικῆ & fluor muliebris, aut *ῥῆξις τῆς ὑτέρας* &c. fluxus u-
 terinus vocatur. Nonnullis menstrui albi nomine venit, non quod menstruum

um sit reverâ, sed quod menstrui in modum per uterum fieri soleat, quàmvis Ballonio *lib. de Virgin. ac Mulier. morbis p. 110.* à ratione alienum videatur, menstruum album confundere cum eo affectu, qui à Græcis *ῥῆς γυναικῆς* dicitur. Nos cum Latinis vocabimus *florem album*, tametsi satis gnari simus, quòd non omnis sit colore albus. Hic affectus familiaris est foeminis cujuslibet ultra pubertatem annis, frequentius tamen evenit paulò provectioribus aetate, rarissimè autem eo corripuntur admodum puellæ, nec à nobis visæ hæcenus hic locorum, quæ vel 6 vel 8 ætatis anno fuerint hoc malo obsessæ, cujus generis virgunculas Fernelio, Hœchstettero, Joh. Matthiæ Nesterio aliisque cognitæ fuisse novimus. Necesse autem est, illas fuisse vel cachecticas, vel admodum infirmas & debiles. Nam ubi natura tam præpropere & maturè agit, seque ipsam quasi anticipare videtur, ut plurimum futuræ valetudini & robori multum decedit. Affectus hic citra difficultatem omnem ex ægrarum relatu dignoscitur, ac illis exitus materiæ mucidæ inconvetus non potest non esse manifestus. Ferè autem ista *vel est limpidior & albuginea* nec genitalia lædens, nisi sub labore corporis & attritu genitalium, & licet vel jugiter fluat, vel maxime tempore mensium appropinquante, aut sanè post cessantes menses, non tamen magnam noxam inde sentiunt ægræ, præter molestiam; vel *discolor flavescens, virescens, saniosa*, acris & mordax, quæ vaginam exco-riat, adurit, tumefacit ac inflamat, & huic subinde gravis odor adest. Hic fluxus malignus ac venereus cum aliis gravibus symptomatibus ferè conjunctus est. Nam ut plurimum adesse solent vitiosus corporis color, nausea, & fastidium ciborum, spirandi difficultas, virium dejectio, oculorum tumor & inflatio, mœror & tristitia, interdum etiam lipothymia, lumborum gravitas, intumescencia pedum & quæ non alia? de quibus Riverius, Primirosius & Zacutus Lusitanus *l. 9. prax. Histor. c. XI. p. m. 187.* consulendi. Benignus etiam est ferè fluxus, quo gravidæ antè imprægnationem ab eo immunes, vel per vices, vel per totum gravidationis tempus premuntur. Distat verò hic fluxus noster à gonorrhæâ: Nam (1.) fluor iisdem, quibus menstruum, ductibus ejicitur; cernimus enim menstruum fluorem variis esse obnoxium mutationibus & initio minus floridum, ac in cacochymicis & cachecticis postea pallidum sæpè prodire. Quà de re tanto minùs hodiè dubitandum videtur, postquam vasa lymphatica uteri ab Olao Rudbeckio, Thomâ Bartholino, Wepfero *histor. & observ. apoplect. 13. p. 338.* Warthono, Regnero de Graaf &c. aliisque detecta sint, & ex Stenone, Malpighio satis notum, nullum reperi vas lymphaticum, quod non oriatur à glandulâ, vel in glandulam aliquam inferatur, ita, ut neque de præsentia glandularum in utero amplius ambige-

re liceat, præprimis, quia glandulas conglomeratas cum suis vasis excretoriis in utero muliebri Bartholinus vidit, quas in vaccâ descripsit *in libr. de diaphragm. p. 107. & seqq.* confer. Acta Hafn. *Volum. 4. obs. 20.* Ex utero, inquam, posse fluorem album prodire, glandulæ & vasa lymphatica probabile reddunt, quòd verò etiam ita fiat, dissecta post obitum corpora foeminarum, quæ in vitâ laborarant fluore albo, abunde loquuntur, utpote quæ varia glandularum & vasorum lymphaticorum in utero vitia oculis & manibus profectorum obtulerunt. Vid. Bonet. *Anatom. Pract. lib. 3. p. 1354.* & Pinæus *lib. 1. de not. Virgin. Problem. 3.* Atque hinc non malè ex fluore albo, quo gravidæ laborant, Charleton *de Oeconom. Animal. p. 201.* rectè contra Harvæum concludit, minimè uterum in gravidis ita clausum esse, ut ne aër quidem eum ingredi valeat, cùm materiæ illi submucidæ in gravidis pateat exitus ex utero. Itaque in fluore albo pars affecta est uterus. Gonorrhææ autem sedes est, ut cadaveris cujusdam hoc vitio infecti dissectio Graaf palàm fecit, corpus glandulosum, seu substantia illa membranosa & glandulosa, meatum urinarium circumdans, ac in vaginam uteri certis canaliculis & ductibus hians, quæ in mulieribus glandularum prostaticarum munere fungitur. Hoc ut deprehendatur, minimè necesse est, ut genitalia inspiciat Medicus, an forte partes circa exitum meatus urinarii mucosâ quâdam materia sint obsessæ, an verò tota vagina squalleat ejus generis humore, quod quidem vult Graaf, nam datur aliud indicium satis luculentum, quo hæc symptomata à se invicem discerni possunt. Nimirum ut Mauriceau *de Morb. Gravid. & Puerper. cap. 7.* docet, gonorrhææ humor etiam tempore menstrui fluxus elabitur, hoc autem vix contingit in fluore albo, qui tum ferè suppressitur. Accedit & hoc, quod fluor albus quantitate superet humorem illum seminalem & in illo dolor lumborum & ossis sacri, in gonorrhæa autem cruciatus ulcerosus in pudendis sit molestus. Multò manifestius adhuc est discrimen inter fluxum Nostrum & pus ex ulceribus uteri, quod vel crassius & magis album est, vel si saniosum sit, cum cruore & dolore profunditur.

Mali hujus non ita facilis est cura, quippe in quâ & viscerum chyli secretioni, & feri depurationi inservientium, & lymphæ ratio habenda. Ac sanè lympa excrementitiis crudis humoribus non tantùm videtur inquinata, sed & modo nimis crassa glutinosa & mucosa, conf. *vol. 3. obs. 33.* Actor. Hafnienf., modo nimis tenuis & ichorosa &c. ut jam de motu ejus læso nihil dicamus. Eò autem collimavimus, ut abundantiam feri & excrementitii & viscosi ex corpore eliminaremus, materiæ fluxum hunc constituentis proveniunt impediremus, & uterum corroboraremus.

Curæ initium ferè ab universalibus fecimus. Præprimis nobis placuerè noduli, ex stomachicis, uterinis aliisque appropriatis ac purgantibus, & non possumus non illis subscribere Practicis, qui experientiâ edocti asseverant, nullum Medicamentum prodesse in hoc fluxu, nisi corpus probè fuerit expurgatum. Adeoque toto cœlo aberrant, qui curam ab adstringentibus auspicantur, atque ita rivulos, non obstrueto fonte, occludunt; quo ipso & gangrænæ uteri ac tumoribus, variisque metastasibus, cum periculo summo conjunctis &c. occasio suppeditatur. Vomitoriis nisi sponte ad vomitum inclinarent ægræ, ac evidens in ventriculo vitium hæreret, rariùs sumus usi, etiam si prolixè & à Riverio & Montano sint commendata. Nec abhorruimus à diureticis, memores illius Swalviani axiomatis: *uterus albo fluore fætens diuresi mirificè mundificatur*. Eo autem ferè scopo dedimus succinata, ut & terebinthinata, nec laude suâ defraudanda sunt decocta pituitam & serum per urinas evacuantia, quæ Sylvio in crebriori usu fuerunt. Nec abs re decoctum dauci cum radice filipendulæ commendat Simon Pauli. Diureticis palmam longè præripiunt diaphoretica, quæ maximè laudat Felix Platerus *Tom. 3. l. 2. c. 7.* achic præ reliquis iterum elegimus succinum, ut & § d. Ole, utpote quod non solum discutit, sed & simul roborat. Propter diaphoresin etiam famam videntur adepta lignorum decocta, quæ empiricorum asylum & sacra anchora sunt in omnibus ferè morbis chronicis. Non displicet formula, quam habet le Mort in pharmaciâ suâ rationibus & experimentis instructâ.

Salivatio generosum illud remedium est, quo etiam inveterati fluxus debellari possunt.

Cæterum V. S. vix celebravimus, etiam si eam vehementer laudet Sylvius, quia ferè medicam opem implorant Nostrates, viribus jam dejectis, & tabe corporis imminente, aut præsentē cachexiâ, hydropis matre. Ex fonte chirurgico magis nobis placent fonticuli & setacea, & utinam posterius hoc remedium Nostris persuadere possemus, citiùs sanè & faciliùs à spurco hoc fluxu Nostræ liberarentur; nec enim nobis excidit, quod refert Hildanus *Currat. 41. Centur. 1.* se nimirum mulierem quandam diuturno fluxu muliebri laborantem, & hinc infœcundam & sterilem ex voto curasse. Cùm verò Nostræ exorari sese non patiantur, ut in hoc remedium consentiant, exemplo Galeni frictions commendavimus; Is enim, præter medicamenta, has cum linteis primùm mollioribus, mox asperis quotidie instituit, in curando fluxu uterino uxoris Boëthi, ut ipse refert *lib. 1. de præcognit. ad posthumum c. 8.* eo successu, ut eam intra tredecim dies curaret, & 400 aureos, soltri loco, reportaret, ut hæc prolixius refert Rolsinc. *Method. cognosc. & curand. dolor. lib. 1. sect.*

sect. 1. c. 5. Cæterum adhibuimus ea ferè, quæ in aliis fluxibus uterinis cum successu à Practicis præscribuntur. Inter vegetabilia non sunt rejicula, sed eximiæ virtutis, melissa, mentha à Dodonæo laudata, ac præprimis rosmarinus. Hinc Lindanus: *Fluoris albi*, inquit, *cura est per decoctum rosmarini cum vino in diplomate, sed diutiùs usurpent, & quidem manè bonum haustum & supersudare debent, & rursus in prandio & cænâ sumant.* Huic decocto viribus si non major, certè par est essentia rosmarin. composita aliquibus Nostrum usitata; Ex nominato roremarino & rad. galang., caryophyll. zedoar., florib. cheiri, galeopsid., betonic. bacc. lauri, juniper. costi, nuc. moschat., L. aloës &c. confici possunt noduli jam ante à nobis laudati. Crato, non absque fundamento, laudat pulverem ex gran. kerm. nuc. moschat. tost., thure albiss. &c. à Nobis tamen ferè tantum adhibentur pulveres ex succino, unicornu foss., ebore, off. sep. corall., matr. perlar., bolo Armen. osteocoll. &c. quibus pro re natâ tantillum olei alicujus Olati, ad imitationem Wedelii additur. In formâ guttarum essent. ad flux. alb. succin. D. M. elix. uterin. variorum, tinctur. corallor., terr. catech. ipsam etiam tincturam bezoard. porreximus. Electuarium D. Sydenham debito tempore datum, itidem profuit. Id quod dicendum etiam de Salibus. Et sanè nostrâ suffragante experienciâ, merito inter rara experimenta & sæpè feliciter probata refert Bartholinus cremorem lactucæ, prius maceratæ in aqua extinctionis chalybis, addito pulvere eboris. Aliorum passim deprædicatorum virtutes satis sunt exiguæ. Omnibus autem hætenus enumeratis, jure optimo præferuntur pilulæ D. Becheri, de quibus Ipse in *Psychosophiâ* p. 241. scribit: *Es ist nicht wohl zu beschreiben/ wie gut diese Pillen den Weibern/der Gebähr-Mutter/und ihren Zuständen bekommen/denn sie reinigen die Mutter vom Wind/ Wasser und Schleim/sie befördern die verhaltene Zeit / und die zu starck gehende stillen sie / sie dienen zur Fruchtbarkeit/hingegen/so was unnatürliches oder todtes in der Mutter wäre/das treiben sie hinweg.* Atque hinc Celeberr. Stahlius, cautus, si quis alius in deprædicandis Medicamentis, in *Disp. doctiss. de Mens. muliebr. fluxu*, §. 45. ait: *Pilulas polychrestas Beckerianas in omnibus uterinis affectibus ultr. 2. omnem expectationem & laudem positas esse, nec ullâ hætenus nota compositione exæquari.* Præterea nec externa negleximus. Ex iis usitatiora apud nos sunt, unguent. comitiss., ceratum de galbano, mass. ex tacamahac., g. carann. &c. Nullam adeò insignem efficaciam deprehendere potuimus in linimento Raymund. Joh. Fortis, quod conficitur ex bol. armen. lot. unc. sem. terr. famiæ, sangv. dracon., mastich. aa. drachm. 2. nuc. cupress. drach. 3. & ceræ parum. Suffitum ex Salviâ mirum in modum omne profluvium sistere, nat-

ratum est Lælio à Fonte, sed citra fundamentum. Jactantiam ciniflonibus usitatam redolet hoc Turnheiseri: Oleum ex rad. dauc. cretic. ℞l. & post balneum vulvæ illitum, menses albos miraculosè curat. Nam nec balneum, utpote quod fluxiones augere aptum natum est, convenit, quamvis Platerus *in Observat.* ejus usum serio commendet. Nota nobis est egregiæ spectatæque formæ mulier, quæ, cùm nihil intentatum reliquisset, ut à fluore albo, quo per multos annos laboraret, liberaretur, tandem virtutem balnei aluminosi experiri statuit, unde suppressus quidem fluxus est, sed infaustè admodum. Successit enim ulcus circa orificium uteri molestissimum, quod ægerrimè admisit medelam, hâc verò, post longi temporis patientiam obtentâ, secutæ sunt hæmorrhoides (cum summis torminibus conjunctæ, non sine suspitione & ulcerationis intestini recti) quæ circa singulas lunæ phases, cum sedibus frequentibus, non sine exquisitissimis doloribus totius abdominis turbas dant maximas, ac ægram in tabem conjiciunt, ex quibus malis hæctenus nulla arte potuit eluctari. Nec adeò magna spes ponenda in pessariis, in cervicem uteri immixtis, cujuscunque etiam fuerint generis, quæ tamen etiam foeminæ, nisi perfrixtæ frontis, non admittunt. Quantamcunque verò adhibueris diligentiam in medendo, sæpè tamen adeò contumax & rebellis est affectus iste, ut omnem eludat curam. Atque hinc verè scripsit Rodericus à Castro, in vetulis ad capulum usque affligere & commori, ut adeò nimis sit angustum menstruum spatium, quò curam circumscribit Riverius.

Fluxus hæ-
morrhoida-
lis.

Jam addemus, quæ de fluxu hæmorrhoidali à nobis annotata fuerunt. Ex causis externis cujusvis temperamenti homines in virili ætate in illum incidere possunt: sed circa horum concursum ferè ii demum fluxum experiuntur, qui per aliquot annos pathematibus quibusdam in hypochondriis fuere obnoxii. Nam hi deinde interdum per aliquot dies, dùm alvum deponunt, unâ cum excrementis aut minimùm inter conatus ejiciendi fæces, sine ullo abdominis dolore, absque vitio œconomix & nutritionis, sangvinem ex venis, quæ in anum explicantur, intercedente motu intestini recti expressorio, profundunt. Hoc ubi semel factum est, fluxus iste redit statim propemodum temporibus, nimirum aut tardius e. g. circa æquinoctia, aut citiùs, singulis scilicet mensibus, circa 2æ mutationes solenniiores in paucis quibusdam per aliquot annorum decursum, citra intervalla ulla durat. Ubi autem fluxus ille impeditior est, nec ex voto succedit, corpus langvet, appetitus imminuitur, sentiuntur tormina in intestinis, præprimis autem gravitas circa os sacrum, ac nonnunquam stupor in pedibus. Tum verò natura excretionem molitur, quando ægri asthmate hypochondriaco tentantur,

tur, inflationem ventriculi, ructus ac borborygmos perpetiuntur, ac dolores tensivos sensibiles admodum per totam sacri ossis longitudinem percipiunt. Omnium autem certissimi prodromi hujus fluxus sunt pruriginosi ardores in orificio intestini recti & sensus noduli alicujus inclusi in unâ alteravè intestini parte. Et nihil certius his Kozackii: *Nunquam sanguis ex venis hæmorrhoidalibus profilit subito & insperato, sed priusquam erumpat, quid futurum sit, variis indiciis præsignat, quæ nosse Medicum decet.* Diximus paulò ante, sanguinem per venas sedales evacuari, & id fit ut plurimum; nihilominus in duobus notavit D. Helwich exivisse materiam instar spermatis ranarum, quod & observatum est à Greiselio *Ann. 1. Ephem. German. obs. 75* nec dubium est, quin ejusmodi mucus ex hæmorrhoidibus fluat, cum & Doctiss. Sorbait, *Med. Pract. tr. c. 68.* viderit, ex hæmorrhoidibus externis per sangvisugas duas ferè mensuras materiæ cujusdam instar spermatis ranarum manasse. Hæ autem subalbide sordes fero, quod ex tumentibus hæmorrhoidibus spontè apertis, ad plures libras tam acre & corrosivum, ut partes madefactas corroserit, effluxisse, testatur Meibomius, incunabula debent. Serum enim quàm variis modis inspissari in materiam albam & viscosam, albumini ovi non absimilem, queat, discere licet ex Barbato, Willisio, Brunone & Malpighio. At verò interdum nullus humor evacuatur ex hæmorrhoidibus, sed illæ tantum tument & duræ sunt, ac vehementem in ano dolorem, maximè ubi dura alvi excrementa exprimuntur, movent. Tumentes ejusmodi hæmorrhoides vulgò cœcas nominant, alii cum Platero etiam clausas, quas, ut à mariscis, tuberculis illis carnosus oblongis, à thymis sive eminentiis illis asperis ac subrubris, sanguinem, dum auferuntur, in magnâ quantitate profundentibus, à ficu, carne nimirum circa sedis foramen superflua, rhagadibus, fissuris, sive ulcusculis ant oblongis, & tandem à cristis & condylomatibus ritè distinguas, juvat historiam dolentium istarum hæmorrhoidum breviter annectere.

Produnt hæ sese communiter primò quidem pruritu & morfu propè exitum intestini recti, ac spasmodicis quibusdam intestini illius motibus. His deinde succedit perceptio molis alicujus, sive nuclei inclusi, id quod maximè fit, cum alvus deponitur. Huic moleculæ complicatur dolor primò tensivus, & perpetua vellicatione punctoriâ quasi ægrum afficiens, sed multò magis sub ipsâ dejectione deinde acerbissimus, qui, si inflammatio aliquanto major sit, ad vesicam, testes, uterum & inguina usque dolor propagatur. Eæ, quæ sub sensum cadunt, non tantum ratione magnitudinis & molis, sed & ratione figuræ differunt, quæ occasionem quondam dedit Alexandro Veronensi, ut ineptè satis cœcas has hæmorrhoides in uvales, molares, verrucales & vesicales

distingveret. Nec color illarum semper idem, interdum ex atro rubescunt, aliquando autem albescunt. Porro modo sunt molliores & flaccidiores, modò turgidiores ac duriores, prout vasa hæmorrhoidalia plus minusque distenta sunt, nam cœcæ hæmorrhoides nihil aliud sunt, quàm varices seu intumescencia venarum hæmorrhoidalium tortuosa ac anfractuosa. Et fane venas esse subjectum protuberantiarum ejusmodi, edocemur ex pulsus absentia & ipso colore eorum, qui ex rubro lividus est. Nec attinet hîc repetere, quòd duplicis generis sint hæmorrhoides, nimirum externæ, quæ extremitatem intestini recti afficiunt, & visui patent, ac internæ, quæ profundiorē, sive altiorē intestini situm occupant, & oculorum aciem subterfugiant, nisi extra podicem, inter nisum excernendi fæces urgeantur, quo in casu repositio earum non usque adeò facilis esse solet. In hoc conveniunt externæ ac internæ, quòd vel iterum dissipentur & dolores remittant, vel suppurentur, non sine immani dolore, ac in fistulam abeant, eamque initio quidem exiguam ac sine artis adminiculo coalescentem, interdum satis magnam, quæ tardè quidem invalescit, sed eò profundius serpit.

In curâ hoc modo nos gessimus: Consuetas moderate fluentes in ætate virili, præsentē plethorâ, præsertim omissis (olim familiaribus) sanguinis depletionibus supervenientes, minimè suppressimus, qui pessimus nonnullorum mos est, nescio quàm inde cachexiam pueriliter metuentium, sed potius conservavimus, gnari, quòd eo ipso multi averruncentur morbi. Imo cessantem hunc fluxum in iis, qui eo sanguinis profluvio olim non sunt facti imbecilliores, helleboratis ac myrrhatis aliisque justo tempore datis, cum emolumento ægrorum revocare conati sumus. Nam nisi hoc fiat, subiti gravissimique morbi plerumque verò aut hydrops, aut tabes, imò & apoplexiæ &c. incidere solent, ut jam de ulceribus, scabie, vitilagine aliisque vitiis nihil dicamus. Si verò Fluor ille nimius esset, & vires ægrorum attereret, vividus faciei color periret, gravitas sentiretur in coxis, & in cruribus magna imbecillitas, partim ebullitionem in sanguine nimiam compescuimus, partim fluxui huic frænum injicere studuimus adstringentibus, quæ simul vigorem naturæ augere possunt. Nam valida adstringentia ægros in hydropem, asthma, hæmoptyses, cardialgias singultuosas, anxietates præcordiales, membrorum torporem & gravitatem, maniam &c. conjiciunt. Hinc Hippocrates *l. 6. aphor. 12.* rectè præcipit, *ut in diuturno hæmorrhoidum fluxu, una fluere sinatur*, quâ de re legi merentur, quæ habet Clariss. Fromannus *de hæmorrhoidib. parte posterior. problem. 5. p. 251. & seqq.*

In cœcarum hæmorrhoidum curâ ad sangvinis congestionem inhibendam, aut moderandam, usi sumus V. S., deinde tentavimus discussionem per sacculos, fodus, clysteres ex verbasco, parietaria, malvâ, scrophularia, flor. sambuc. chamomill. femin. lini, fabariâ, una cum adstringentibus paratos & calidè admotos. Quem in finem decantata etiam passim unguenta de liniariâ, verbenâ, ac illo, quod ex recenti scrophularia & telephio conquassatis cum butyro in cellam repositis ac super igne deliquatis conficitur, aliaque ejus generis adhibuimus.

Interne quoque dedimus chelidonium minus, crassulam majorem, scrophulariam, millefolium, & alia in exiguâ dosi, eâ potissimum intentione, ut vias roboraremus & stases prohiberemus. Ubi autem discussio obtineri non poterat, aliquoties tumores hi aperiendi fuerunt, tametsi ab apertione abhorreant non tantùm ambo Lusitani, Grembsius, Hoffmannus, sed & Sennertus, Crato, Rolfincius aliique, & hîc potius sequi maluimus Severinum, Riverium ac Drawitium. Nam istarum apertionem ex aloëticis, myrrhatis, colocynthiacis aliisque internis expectare, & incertitudo eventus ac periculum majoris noxæ, ac ipse insanus patientium dolor vetant. Et sanè ex istâ apertione ope lanceolæ perpetrata, nec hæmorrhagias nimias nec fistulas consecutas meminimus. Ac sanè cum Alexandro Massaria ferro magis, quam hirudinibus, quas etiam eundem affectum præstare posse credimus, negotium perpetrandum esse opinamur. Apertæ, ut ulcus aliquod tractari debere videntur. Atque hinc absorbentia, diluentia, emulsiones (proscriptâ diætâ vinosâ & aromatica ac flatulentis aliisque noxiis) agris nostris ordinavimus. Cæterum hæcenus experiri datum non fuit, an, si hæmorrhoides tuberosâ radice chondrillæ tangantur, etiam exarescant, si chondrilla siccetur, & corrumpantur, quando radix corrumpitur, quod olim præsentî Thomæ Bartholino testatus est Petrus Castellus, ut testatur Ille in epistolâ præmissâ libello Herm. Grube de transplantatione morborum. Durantes & Ulysses Aldrovandus magni fecerunt hæmorrhoidalem herbam, quæ est species Polygoni Italiæ non ignota. De hac ita Rolfinc. in *Epit. lib. 3. c. 21.* *Ea (sc.) herbâ tactæ hæmorrhoides melius habent, si per diem circa femur gestetur, & mox in fumante camino suspendatur, ut herba ita & hæmorrhoidales corrugentur omnisque evanescit dolor.* H. I. Quod an succedat, nobis hæcenus non innotuit. In scrophulariâ, quæ propter virtutem eandem celebrari solet, efficaciam hanc deprehendere minimè potuit D. Helwich, cum ante aliquot annos Episcopus Warmiensis in Prussiâ ab eâ in dolore maximo sibi opem polliceretur. Et sanè ut obiter hoc addamus, nondum adeò liquidum est, quid de

curâ per transplantationem statuendum sit. Rigidum nimis esse videtur, cum Conringio eandem prorsus reprobare, quamvis magnâ cum asseveratione scribat: *nec transplantationem quicquam valere in morbis, quos sibi relictâ agrotantium natura non solet sanare, nisi accesserit constans quedam & temere concepta persuasio, comperimus.* Longiùs adhuc processit Velschius, qui transplantationes istas ludibria vocat ex arte medicâ releganda. Sed neque intra hos terminos sese continuit Kircherus, qui curationem ejusmodi rogo mulctandam dictatoria severitate edicit. Quid enim tanta pœna dignum committitur, quando naturalia adhibentur remedia, nulla concurrente superstitione, aut verbis, aut characteribus, aut gestibus, quanquam non semper manca mortalium mens rationem assequatur, ut pulchre Bartholinus *cent. 3. hist. 66.* Vicissim fatendum etiam est, quòd in morbis rarò cura hæc ex voto succedat. Scimus tentatum esse experimentum in *epilepsiâ*, quod Sachsus Noster commemorat in *Gammalog. p. 876.* in *Podagrâ*, quod communicat Timæus *l. 5. epist. Med. 8.* in *Ictero*, quod proponit Hoffmannus *lib. de Method. medend. p. 327.* in *aridurâ*, quod hîc omnibus notum, sed absque ullo successu. In mictu cruento nimis patiens cruorem recenter emissum cum pulvere sympathetico miscuit & diligenter hæc inter se mista agitavit ac in loco non adeò calido sivit exarescere nullo cum levamine. Meminimus quoque, aliquem periculum fecisse, an verrucæ tolli possent eo modo, quò ab iis liberatus est Verulamius ab Angli Oratoris uxore, quæ accepit particulam lardi pelle non exutam ejusque pingvedine illevit omnes verrucas & inter eas, quæ penè ei fuerat coæva, ac deinde clavo affixam lardi particulam ad postem fenestræ cubiculi sui, quod meridiem spectabat, soli exposuit putrefaciendam eo cum successu, ut omnes verrucæ intra septem menses planè evanescerent, sicuti testatur Ipse in *Sylv. Sylv. cent. 10. histor. 997.* At hunc effectum ex illo remedio neutiquam consecutus est Silesius, quem ex eo reportavit Angelus. D. Preus tamen svasu beati nunc D. Ettmülleri, Præceptoris olim sui, etiam post cineres venerandi, Lipsiæ anno 1673 clavum quendam in volâ pedis sui medietate pomi Borsdorffiani in duas partes dissecti, eò usque fricuit, ut interna pomi superficies inde aliquo modo incalesceret, & muniâ verrucæ hujus vitali ac spiritali imprægnaretur, hincque medietate illâ sub acervum fimi conjectâ, ut putredine ibidem consumeretur, spatio 6 præter propter septimanarum, nullo insuper remedio in auxilium vocato, à clavo successive emarcescente, ac evanescente penitus liberatus fuit.

*Achores &
Tinea.*

Qui isto tempore in ætate puerili fuerant immunes ab exanthematibus, sub finem veris, Achoribus & Tineâ infestabantur.

Paf-

Passim consulebamus à parentibus, quando capita prolium deformabantur ulceribus madidis seu exiguis istis tuberculis, in cute excitatis, sub quibus humor acris & erodens continetur, qui non tantum ad scalpendum incitat, sed & cutem tenuissimis foraminibus post pruritus perforat & erodit, ex quibus erumpit, ac copiosam ac spissam crustam efformat. Magis anxios adhuc parentes habet Tinea. In hac capilli partim defluunt, partim ita arroduntur, ut emineant aliqua & ea quidem satis exigua parte ex cute & veluti stipulas exhibeant, ut videas non adeò accuratam esse Tineæ descriptionem, quam suppeditat Dolæus, scribens: *Tineam esse scabiem cutis cum squamis & crustis, pilorumque evulsione &c.* Et sanè pars illa capitis, quam tineà defœdat, non tam crusta est obtecta, sed vehementer rubescit, ac mediocriter turget, tennerrimaque nitet cute, quam si vel suspensis digitis scalpant, facile erodunt & abradunt, subsequente ichore subcruento, ac copiosè abscedentibus furfuraceis squamis. Ficosam nominant tineam, in quâ stigmata sangvineæ, sive, ut aliis placet, vivæ rubræque carnis quædam grana apparent ficuum interioribus granis haut absimilia, quæ ægerrimè consolidationem admittunt, & texturam debitæ crassitie induunt. Hujus loci non est, scrupulosius inquirere, an affectus hic pendeat à vermiculis, quos se per accurata microscopia detexisse aliqui gloriantur, ab illis sanè vermiculis, ex minutissimis, ut ajunt, ovulis prognatis & pilos corrodentibus nomen affectui inditum esse autumant. Nobis hîc sufficit annotasse, quòd internè nostrâ experientia ea optimè conducant, quæ alias in scabie profunt, & à nobis anno præterito breviter fuere indicata. Externa administrant ferè apud nos barbitonfores, & vetulæ, ac illa remedia omnium efficacissima sunt, quæ à Joële in cura Achorum commendantur, tametsi formulæ sint minus concinnæ. Nicotianam non sine fundamento laudant, at camphoratorum usus hîc noxius. Tantum sanè exinde ægri percipiunt dolorem, ac si carbones vivi capitibus impositi essent. Cæterum meminimus ex voto successisse curam ad mentem D. Sorbait *Tract. 4. Med. Pract. c. 19.* ritè institutam. Compertum quoque nobis est, citra ullam efficaciam in linimentis adhiberi solere ranas virentes, tineas fluviatiles, serpentes ac viperas, quorum usum in Medicina introduxit & hodie adhuc alit superstitiosa inscitia. Quando ulcerosa hæc eruptio non succedit, & humores maligni circa caput stagnant, non rarò glandulæ exiguæ magnitudinis in magnum attolluntur tumorem, qui cum maximâ ægrorum molestia non detumescit, nisi puri exitus paretur. Imo hinc minimè rarò aures inflantur & vehementer pruriunt, unâ cum cute auri vicinâ, quæ si leniter abradatur, per longum tempus ex illa liquor lymphalis ac serosus extillat, durante molesto pruritu ac inflatione.

Constitutio In Julio terra per totum mensis cursum benigno ☉lis calore
airis aestiva. animabatur, ac simul calidis fovebatur pluviis, subinde tamen etiam tonitrua audiebantur. Per Augustum eadem gratae inter phœbum & nubilâ vices durabant. Nec alia aëris in Septembri constitutio, nisi quod frigidior aura post benignum ☉lis calorem allaberetur corpori ac aliquam ei afferret molestiam.

Hoc tempore grassabantur Febres continuæ intermittentes cum doloribus hypochondrii dextri, pleuritides spuria, in infantilibus corporibus excretio miliaris notabatur. Multos cholerae, diarrhaeae ac dysenteriae fatigabant, ac eò à nobis modò curabantur, quem in historia morborum nuper adumbravimus. Febribus quotidianis jungebantur dolores capitis enormes ac spasmodicae pectoris constrictiones notante D. Grassio. Multi catarrhis obnoxii degebant ac pertinacissimis tussibus concutiebantur. Colluctati etiam sumus cum difficili malo, quod quidem nobis hîc familiare non est, sed tantò frequentius grassatur in vicinâ Silesiâ Poloniâ, unde ad nos non ita rarò Magna-Plica Polonica. tes nostris usuri consiliis excurrunt. Plicæ illi nomèn inditum à signo diagnostico, eò quòd pilos complicit & conglutinet. Ea ergò, quæ nobis de hoc gravi & fontico morbo innotuere, hîc breviter perstringere liceat. Corripiuntur hoc malo omnis ætatis homines & nec pueri ac puellæ ab eo immunes sunt. Nec sexus alteruter aliquâ prærogativâ fruitur. Nam falsum esse comperimus, quod vulgò proditur, plures fœminas, quam viros laborare plicâ, inter mulieres tamen eæ citiùs infestantur, quibus menstrua non ritè fluunt, imò, quod mireris, nec temperamenta quicquam peculiare habent, nam & sangvinei & cholericî, phlegmatici & melancholici hîc æque suos patiuntur manes. Id tamen observatum est, eos, qui Gallica lue laborarunt, ac qui ab ejusmodi infectis prognati fuerunt, faciliùs in plicâ incidere vitium. In hoc etiam magis propendent, qui tineam & capitis porriginem reppercentibus medicamentis represserunt. Constat etiam ex propria Polonorum confessione, quod tametsi generosa gens minime ad severas diætæ leges sese adstringi patiatur, ii tamen, quos Plica deinde deformat, enormius initio exceßerint & in nimia ciborum, sale, aromatibus &c. conditorum ingurgitatione & in crebris computationibus, quibus ingentes cyathi cerevisiæ faculentæ, vini Hungarici, mulsi cum lupulo decocti, & stygiarum aquarum, quas *crematum* vocant, evacuantur.

Obscura labis nostræ initia sunt. Imminentis Plicæ suspicionem concipiunt, quando ægri semper aliquid sibi deesse conqueruntur, neque tamen, quid patiantur, exprimere norunt, ac de cætero sat meticulosi sunt; Augetur

metus, si appetitus eorum, licet aliàs languidior sit, præfractè in hoc illudve cibi ac potus genus feratur, cætera etsi sapidiora esculenta & potulenta averse-
 tur, ac color faciei, qui ante vividus erat, in plumbeum pallidumve mutetur,
 tùm verò de ingratissimi hospitis adventu nemo dubitat, quando corpus aut
 inopinatò præter morem convulsionibus concutitur, aut spasmis torquetur,
 aut artus cum jurecturis acerbissimo exercentur dolore, & tinnitus aurium per-
 cipitur, aut tormina ventris crebrò infestant, ossa tibiæ & fibulæ, humeri & fe-
 moris nonnihil incurvantur, articuli nunc introrsum, nunc extrorsum incli-
 nantur, tota spina intorquetur partim scilicet antrorsum, partim extrorsum,
 aut etiam partim dextrorsum, partim sinistrorsum. Imò ex pleuritidè spuria,
 paralyfi, præprimis recurren- te, cæcitate & obauditione non temere Plica apud
 Polonos prædicitur. Imo horrores & rigores statim etiam temporibus repeten-
 tes cum subsequo calore, nullis antifebrilibus medicamentis expugnabiles, ferè
 prodromi sunt plicæ. In procinctu verò est plica, quando prædicti morbi præ-
 cesserunt, & furfures ac pediculi in capite generantur, foetor etiam cum spur-
 citie exoritur, tùm enim unus & alter cirrus cum vicinis sibi crinibus in se im-
 plicatur & densus in conspectum prodit. His à syncipite, aliis ab occipite pro-
 pendens, aliis totum caput involvit, ac villosi ac congeniti pili speciem refert.
 Quod cum fit, corpus à malis, quibus antea pressum fuit, ferè liberatur. Et sa-
 ne multos videas cum crinibus in cirros convolutis rectè valere. Comper-
 tum quidem nobis est, quod plicæ, quanquam non adeò frequenter, spontè de-
 cidant, constanter tamen Poloni asserunt, præcisionem & resectionem com-
 plicatorum istorum capillorum ne-utiquam vacare periculo. Hinc tot circum-
 feruntur historiae de cæcitate, artuum dolore, ac infinitis ferè malis post præ-
 cisionem hanc subsecutis. Dùm hæc scribuntur, D. Grassio, Pauli & Hel-
 wich oblata nobilis Polona, cui à Sacerdote, absente marito, abscissa fuerat
 Plica, Illa initio quidem non sensit notabile incommodum, postea autem stru-
 mam incurrit cum aneurismate supra costas spurias lateris sinistri. Nec fa-
 bula est, quod plicæ dissectæ sangvinem fundant aliquando, id enim ita fieri
 quibusdam Nostrum à Polonis magnà cum asseveratione est confirmatum. E-
 piscopus Posnaniensis narravit D. Connor, quod ipsemet abscindens plicam,
 observavit eine düffrige und flüchtige materie, in grossem Überfluß durch die
 Gänge seiner Haare gehend/welche die Locken gekrümmet/ und zusammen gezo-
 gen/ &c. in Beschreibung des Königreich Pohlen's Connors *part. 2. p. 794.* Sed
 sine stupore legi non potest, quod meminimus nobis relatum, post abscissos
 plicæ funiculos in capite, alios exortos in pube, similes iis, quos describit *ob-
 serv. 221. Ann. 3. Dec. 1. Ephem. Nostrar.* Harnius. Longa docuit Polonos ex-
 pe-

perientia, ingruente morbo, & signis quibusdam jam sese manifestante, institutam V. S. prorsus esse noxiam, nec minus damnum afferre cathartica, unde jam olim Academiae Zamolchenfis Rector in epistola ad Facultatem Medicam Patavinam de purgatione ex vero ita scribit: *Purgationibus usitatis, si plica medearis, agrescit & exsuperat magis, quod noxios humores nequeat superare purgatio, sed commotos per totum corpus dispergat: tanto enim dolore omnium deinceps membrorum hac affecti peste ardent, ut ad cruciatus acerbitatem nihil possit esse acrius.* H. I. Vulgus itaque nihil hic aliud agit, ut ipsi Magnates nos sæpius informarunt, quam ut plicam in capitis capillis procurant. Eum in finem instituunt lotiones cum decoctis ex branca urfina, sive acantho Germanico, rad. lupuli, musco terrestre. Quidam oleum & vinum miscent & sæpius caput abluunt. Et sanè non prorsus a scopo aberrant, dum ita poros capitis ejusmodi externis blandè aperiunt, nam quia natura materiam peccantem in corpore ad capillos propellere molitur, eam in conatu hoc, per ejusmodi emollientia calida juvant, & ut enixius id faciat, invitant, prudentius adhuc facturi, si, quod nonnulli medici svadent, blandis diaphoreticis morbificam materiam ad ambitum corporis propellerent. Lautioris fortunæ Nobiles Medicos advocant, quorum quidam decoctis Lignorum & vialibus medicamentis utuntur, alii volatilibus, alii absorbentibus morbum oppugnant non magno cum successu. Prorsus alii inter medicos à medicamentis dehortantur & ferè unice in leniendis & mitigandis atrocioribus symptomatibus occupantur.

Quidam in curanda Plica tanquam specifico utuntur Musco terrestri serpenti, cujus decoquendi rationem & modum adhibendi describit Bernizius *Ann. 1 Dec. 1 Obs. 52. Miscellan. nostr.* Et sanè propter opem, quam multis in hoc morbo attulisse creditur, plicariam vocant Poloni. Ex his autem facile perspicitur, quam falsum sit assertum illius Plico - Mastichis, qui plicam voluntarium morbum esse, quem nullus habeat, nisi qui non velit cavere, pronunciat. Et sanè nullo modo concipi potest, quomodo crines, ex negligentia pectendi, in cirros ex mente Nostri ita convoluti, hominem tam sævis matitare doloribus, horrendis convulsionibus torquere, & membra in functionibus suis impedire queant? Nec exhaustum negotium, quæ de ductibus pluribus & hederæ in modum extensis atque hinc conjunctis ex glandulis subcutaneis miliaribus oriundis, copiosiori & densiori pilorum progerminatione ansam suppeditantibus, non adeò pridem proponi cœperunt, etiamsi lympham glandularum istarum viscidissimam supponas. Quemadmodum neque satis est in genere allegare hic humorum visciditatem; nam hæc & alia ejus generis

neris etiam in aliarum terrarum incolis, qui ne fando quidem aliquid de Plicâ audiverunt, inveniuntur. Scimus etiam, aliquos credere, morbum hunc veneficio inductum Polonis. Sanè Schenckius vocat Plicam tricas incuborum. Et ante seculum hic Vratislaviæ novimus à veneficâ quadam puerperæ, ex lochiorum, propter terrorem, retentione in peripnevmoniam & phthisin incidenti, per fascinum ita intricatos capillos, ut nullo postea modo extricari possent, donec vitam cum morte commutaret, eò, quod anus opem auxiliumque suum ægræ offerens, à puerperâ fuisset domo exclusa, teste Nostro Rumbaumio apud Schenkium *lib. 7. obs.* Profectò multi inter Polonos, etiam non superstitiosi, impietatem Roxolanicarum mulierum hic suspectam habent. Enim verò quàmvis rariores, etiam alibi Plicâ laborantes, vivos esse, loquuntur observationes: Morbus enim hic in Helvetiâ, Brisgojâ, Alsatiâ, & Belgii parte ad Rhenum, ac in Hungariâ cognitus; ast non tam frequens; in Hungariâ interdum animalia morbo hoc infestari, præsertim equos, testatur Sennertus *lib. 5. Prax. med. Part. 3. sect. 2. cap. 9. &c.* quæ sunt verba D. Helwichii in *Observ. Physico-Medic. posthumis* ab Illustri Præside Nostro L. Schrœckio editis *p. 114. & seqq.* In Bavariâ etiam idem Helwichius cognovit Vice-Prefectum, qui cirrum densum, longum, à cervice ad lumbos usque pendulum & mirè implicatum & inviscatum gessit, ut *l.c. p. 137.* legere licet. Et tamen in his terris non quæras:

Quicquid habet Circe, quicquid Medea veneni

Quicquid & herbarum Tessala terra dedit.

Rursus propter eandem causam Plicæ originem petere prohibemur ab aquis per Tartaros, immixtis cordibus humanis, quæ veneno imbuerant, infectis, licet has nova monstrorum genera peperisse Poloni credant, & sobolem horum in inexplicabili tricarum compage vulgò autument superesse, ut intelligimus ex Pastorii *Floro Polonico l. 2. c. 4.* Eò scilicet, quòd primitus infectæ aquæ, aliis in Polonia fluviiis ac stagnis sese commiscuerint, cœcis nimirum ductibus, quo digitum intendit Eques Polonus, Auctor Epistolæ de Plicâ. Alii non tam de primâ plicæ origine solliciti, quàm hodiè adhuc durantem propagationem explicare conantes hujus causam esse contagium perhibent. Non abs re ait Hercules Saxonia in *operib. p. 806. Quispiam statim animo concipiet, Polonicam Plicam ex solo contagio quotidie ampliorem fieri, qui videat, tam facile in Pocutio duos & tres in eadem domo laborare, qui intelligat eos, qui locum illum attingunt, facilius infici, quidemque sciat, magnâ ex parte hanc lui & ea copulatam esse, quæ omnium consensione contagiosa est.* H. I. Tum in contagio, tum in rerum non-naturalium usu incongruo veram cau-

sam Plicæ quærendam esse autumat Auctor *Absurdorum verorum* seu *Paradoxor. Medic. part. 2. p. 28.* Quicquid verò sit de causâ proximâ Plicæ, in aperto sanè est, in hoc morbo magnam fieri congestionem lentorum ac viscidiorum ex diætæ erroribus natorum humorum ad caput, & eam utique ad hæmorrhagicam tendere excretionem, hæc autem cum propter ipsius liquidi conditionem & impedimenta, aliisque de causis oriri nequeat, insigni infarctu humores illi circa caput restagnant, ac pars etiam in ipsis obhærescit capillis, eosdemque mutuo agglutinat.

Quantum ad curam, sub primum morbi insultum incidentia & præcipua cautè data, & ea, quæ æquabilem sanguinis distributionem promovent, eximie, quantum quidem nobis constat, profunt. At, ubi malum invaluit, therapeia longè est difficilior, & quænam conducant ad malum tollendum, ob notam Gentis inconstantiam & crebram Medicorum mutationem, non æquè constat.

Febris scorbutica.

In æstate hæc vidimus motus quosdam febriles, qui nullum typum observabant, neque statis exacerbabantur periodis. Mirabilis in istis vicissitudo est, eaque satis crebra. Quî hæc horâ ex angustia cordis gemit & trepidat, de fatigatione summâ conqueritur, post unius alteriusve horæ, erecti animi est, & frontis exporrectæ. Propemodum autem febriles ejusmodi excandescantias experiuntur homines scorbuticis maculis, modò rubicundis, modò lividis deformes. Hæ quando numerosiores in corpore comparent, ferè abest ejusmodi ebullitio, sed quando pauciores adsunt, præprimis in loco minus consveto, tùm istiusmodi alterationes sentiuntur, præfens quoque est manifesta coloris macularum mutatio. Non carent hæ inordinatæ febres suis symptomatibus. Nam & anxietates gravissimæ præcordia premunt, languor totius corporis & ossifraga omnium membrorum lassitudo invadit, ac interdum alii graves impetus ac tumultus corpus affligunt. Partes antea maculis obsideri solitas dolor tensivus, gravativus, imò & rigor occupat. Præterea hi ægri patiuntur vertiginem, alvum habent modò fluidam nimis, modò nimis adstrictam. Non rarò in his febb. anomalis æstuantem calorem sequuntur horripilationes. Pulsus ferè magnus est, interdum aliquo modo inæqualis & parvus, urina, quantum meminimus, ferè crassa est, & statim, postquam reddita est, conturbatur, ac deponit corpora rotunda, instar arenularum & superior substantia nihilominus crassa manet, & quasi pingvedo quædam vitri parietibus adhæret. Vix post sumpta cathartica, ut alias fieri solet, clarescit, sed turbida manet. Prudenter facit Medicus, si excretionem macularum scorbuticarum promoveat, aut materiam earum subigat

gat & corrigat, id enim satis docet experientia, quòd factâ excretionē, aut etiam correctione materiæ, interdum etiam ejusdem depositione ad extremas partes, omnes illi motus conquiescant. Id certum est, quòd antifebrilia sola hîc non conducant.

Vicissim eodem tempore excruciabantur aliqui dolore artuum, statis horis, singulis diebus per aliquot septimanas redeuntibus, sine ullo febris signo. Acta varia & topica omnis generis sine patientium levamine in quâcunque formâ fuere applicata. Tandem cum antifebrilium imprimis autem corticis Peruviani efficaciam experiri animus esset, inventum remedium est, quo deinde illi dolores, qui sudoriferis, purgantibus, diureticis exasperati fuerant, ex voto placari potuerunt. Quàmvis nec hæc remedia sub initium morbi æque prosint. Hoc tempore D. Helwich opem & consilium imploravit cædò ferè sexagenarius, temperamenti melancholici, is sæpè hypochondriacis passionibus obnoxius hætenus fuerat, ante annum etiam fluxum hæmorrhoidalem satis copiosum aliquoties erat expertus, nec non varia incommoda à flatibus perpeffus; modò verò conquerebatur de dolore pectoris & dorsi ac laterum præprimis sinistri & post sumptum cibum, de pondere, quod in visceribus sese percipere ajebat. Sub vesperam etiam febricula aderat cum dolore capitis leviori & obscuratione aliquâ visus. Vix per biduum huic curæ vacaverat D. Helwich, ubi clanculum obrepfit alius, & brevi suis arcanis omne sese sublaturum esse malum liberaliter promisit. Sed ecce, post paucorum dierum intervalla, per vomitum rejicere cœpit humores atros subcruentos, saporis acidi, dentes stupefacientes. Vocatus denuò D. Helwich, cùm vomitus hi aliquoties in die redeuntēs & copiosæ dejectiones per quatridduum jam durassent. Iste cùm advenisset, senem admodum languidum deprehendit, manus ejus erant frigidæ, infesta ei cardialgia ac ipsa lipothymia, ac propterea conjugem maturè admonuit, actum esse de vitâ mariti. Et profectò exactissimè conformis experientiæ est Hippocraticus ille aphorismus: *dejectiones omnes nigrae, qualis sanguis niger, sponte prodeunt cum & sine febre, pessime*; ut & alter ille Ejusdem Senis: *Morbis quibusvis incipientibus, si bilis atra vel sursum, vel deorsum prodierit, lethale*. Sponte prodierat atra materia in nostro, (tametsi id uxori ægrè persvaderi potuerit, utpote quæ causam hujus melancholici, ut cum veteribus loquamur, vomitus, in medicamenta nimis calida ab altero illo propinata conjiciebat) adeoque prognosticon hoc tantò tutius in ætate senili, attritis jam viribus, formari poterat; quod & eventus comprobavit. Nam etiamsi blanda diaphoretica, antispasmodica, leniter adstringentia, balsamica &c. ordinarentur, nihilominus vomitus hi per aliquot

quot dies secuti sunt, quos tandem mors excepit. Quia verò satis probabile est, materiam hanc nigerrimam existere sanguinem sæculentum & corruptum propter stagnationem diuturnam, non possumus adhuc assequi, ubi tam enormis quantitas, quæ ejiciebatur, hæserit. Ter enim quaterve per diem ad duas hebdomadas, nisi nos memoria fallit, integras patinas replebat. In ramificationibus venæ Portæ, (quæ de vasis brevis violentâ apertione produntur, alias nobis constant) sanguinem hunc stagnasse omninò quidem verisimile est, sed quia rejecti quantitas, mensuram ejus excedit, qui in his vasis continetur, addendum videtur, quòd sanguis per arteriam coeliacam & mesentericam immixtus dudum stagnanti admixtus itidem fuerit corruptus & colorem atrum si-ve in intestinis, si-ve in ventriculo, ob nimiam aciditatis copiam induerit, & tam per superius, quàm inferius guttur rejectus.

Itterus niger.

Occasione hujus morbi devolvimur ad Icterus nigrum, à nobis itidem tractatum. Is, ut notum est, à colore nigro, quo corpus inficitur, nomen trahit. Nam in hoc morbo coloris flos perit, isque pro vivido obscurus primùm, deinde sublividus & subniger, nullâ evidenti occasione apparet. Album oculorum etiam ejusmodi colore nigro suffunditur. Sputum isto morbo correptorum itidem vel nigricat, vel intensè flavescit; dejectio atque urina modò pro naturâ se habent, modò subnigra sunt. In sinistro hypochondrio gravitas inest, & non rarò etiam tumor subdurus. Aliqui hoc morbo correpti avidè cibum ingerunt, sed appetitus ille minus est constans, in aliis verò initio statim languet, os perpetuo siccum est, affligit sitis, & tamen potum antea sibi consuetum ferè fastidiunt. Languor corporis ac perpetua inquietudo fatigat hos ægros, sed tamen abest membrorum gravitas, quæ in ictero flavo à nobis observata est, nisi ubi tumor pedum oedematofus est, quod tamen rarius fit. Tametsi verò minùs ingravescat corpus, mens tamen eorum imaginibus perturbatur, quæ metus & mœstitiæ plenæ sunt, ut optimè observavit Fernelius. Hinc taciturni, morosi, ac omnibus graves sunt. Sensim calor hecticus corporis vires dejicit, & compertum nobis, quòd hecticici & tabidi, postquam prorsus exaruerunt, intereant. Et hoc fato præcipuè premuntur homines ætate proveciores, nam etiam si in omnibus admodum sit rebelle malum, in senibus tamen ferè omnem medicamentorum efficaciam eludit. Quod tantò minus mirandum, quia fere aliis fonticis succedit morbis, præprimis autem febb. quartanis male curatis, aut aliis notabiliore viscerum, hepatis, inquam, & lienis labi. Nam etsi minimè hic faciamus cum veteribus, qui arquati nigri causam constituunt melancholicum humorem in omne corpus cum sanguine effusum, eò quod vel in sanguine atque jecore ni-

mium exuperet, neque totus per lienem expurgetur, vel quod lien atræ bilis, ut loquuntur, copiâ infarctus, alium excipere nequeat, vel copiâ turgens illius portionem refundat in venas &c. etsi, inquam, hanc pathologiam minimè probemus, docent tamen omnes anatomicæ cadaverum post hunc morbum inspectiones, quòd viscera hæc prædicta fuerint vel obstructa, obstipata, vel alio notabili vitio laboraverint.

Et huc fanè oculos in curâ convertimus, quod nisi fiat, oleum & opera perditur. Nullus hîc locus V. S., nullus purgantibus, sed detergentibus, attenuantibus, deoppilantibus & deobstruentibus agendum. Quod ubi aliquousque factum, ad lenia purgantia progredi licet. Imò tùm etiam locum inveniunt diuretica. Balnea vix adhibenda, quia morbus hic periculum hydropis minatur, nisi debellato ferè morbo, ubi ad squalorem cutis discutiendum, foedique coloris reliquias delendas imperari poterunt. Non placet tamen inunctio corporis, quam post balneum relaxante & discutiendi litur ex oleo anethino, aut chamæmelino instituendam esse aliqui svadent. Multò minùs in usum trahenda errhina ex succo cyclaminis, nigellæ, betæ, anagallidis, quæ absurdè ad bilem per nares derivandam ex usu esse, non nemo scribit. Cibi evchymi & evpepti, extenuantes & aperientes optimè conducunt.

Pruritus.

Probè recordamur, quòd & viri quidam & mulieres fervido cœlo de tormentis pruritus fuerint conquesti. Occurrerunt nobis, quibus pruritus totius corporis usque ad lipothymiam fuit molestus. Quædam gravidæ cum aliquibus exanthematibus tortorem hunc per multas septimanas sustinuerunt. Rursus aliis dolorosa illa titillatio in certis tantùm partibus negotium faciebat. Inter crebriores est pruritus ani, interdùm tam ferus, ut anum scalpant usque ad sanguinis profluvium. Nec adeò rara est prurigo pudendorum, tam internorum, quàm externorum, in sexu sequiori, quæ ita malè miseras sæpè mulctat fœminas, ut præ diritate doloris, quò se vertant, ferè ignorent. In inguine adultorum & q̃i assvetorum, aut pollutionibus nocturnis obnoxiorum, maximoperè hîc affectus ferocit. Et cui non notum est, quod & palpebræ oculorum, aures, & aliæ partes sæpè pruriant? Cum verò pruritus sit affectus omnibus temperamentis & omni ætati ac sexui (quavis inter illa siccum & calidius aliquantò frequentius eò infestetur in ætate senili, unde jam olim ab Hippocrate pruritus inter senum morbos relatus est) familiaris, æquum est, ut quomodo illud malum tetrum abigere tentaverimus, brevibus edisseramus.

Et certè arduum est, hîc aliquod operæ pretium præstare, quod fanè aliunde non oritur, quàm ex eo, quòd ferè ignoremus, quidnam illud sit, quod

cutem & membranas, seu potius papillas miliares earum fibras per cutim dispersas hoc molesto sensu afficiat? Scimus hîc accusari acrimoniam humorum, seu principium salinum in lymphâ & sangvine vulgò causam hujus morbi constitui. At verò nobis illa humorum acredo minimè causa *συνεχής*, ut cum Græcis loquamur, pruritus esse videtur. Nam si lymphâ & sanguis ejusmodi salinis recrementis abundans causa est pruritus, cur non tenerrime partes internæ, quas hi humores acres jugi circulatione permeant, etiam non pruriunt. Hoc verò non fit in hoc affectu. Quotusque Medicorum audivit ægros conqueri de pruritu pulmonum, hepatis &c. Sanè inter rarissimos morbos est *ζυμωσις* in pulmonibus, cujus meminit Hippocrates *lib. de locis in homine*. Et quæ hîc nonnulli de stasi feri in glandulis subcutaneis arguantur, prorsus sunt levia. Nam certè sæpissimè in oculos incurrunt diffusissimæ feri stagnationes, tumores glandularum ex subsistenti acri lymphâ, quas tamen pruritus non comitatur. Rursus invenias homines acerrimis humoribus plenos, qui de nullo pruritu conqueruntur. Nuper admodum curavit D. Helwich virginem quandam ætate provectiorem, cujus saliva in acredine vix aquæ forti cedebat, nam non tantum linguam ægræ mordebat, & sauciabat, sed & in reliquas partes, casu illapsa, easdem erodebat; neque ullæ tamen de pruritu corporis audiebantur querelæ. Atque hinc etiam fit, ut vulgari-bus remediis incassum hic affectus oppugnetur. Novimus data esse purgantia ad eliminandam hanc acrem saburram, scimus sudorifera ad halitus salios, acres, ichorosos in ambitu corporis hærentes dissipandos fuisse adhibita; recordamur diuretica ad amurcam ferrosam falsam per vias urinarias evacuan-dam fuisse præscripta, & tamen tantum abest, ut ex istis omnibus ulla in ægros redundarit utilitas, ut potius malum ex usu horum indies invaluerit. Eo-dem prorsus successu topica discutientia & poros laxantia fuere imperata, un-guenta item & emplastra varia, eo eventu, ut ægros & medicamentorum & vitæ ipsius tædium cœperit; Quosdam meminimus dixisse, se, cum lectum in-gredi debeant, toto cohorrescere corpore, & ex animo optare, ut maturâ mor-te ab infandis miseriis liberentur. Incidimus itaque in has cogitationes, pru-ritum non tam excitari ab humoribus acris, quam à vermium morfu, præ-primis cum notum sit, eos rostellis suis in particularibus corporis locis per-sæpè pruritus provocare. Ita neminem opinamur ignorare, ab ascaridibus in recto intestino provorari dolorificam illam pruritus voluptatem. Porro ex omnium consensu inguinalis pruritus oritur à pediculis, vernibusque in piloso illo horto hospitantibus, quas plattulas vocat Forestus. Nec omni videtur destitui fundamento Clariss. Pechlini nostri opinio, quæ vult, prurigi-nem

nem naturalium in sequiori sexu, prægnanti utero, ortum habere ex eo, quòd injecti feminis virilis particulæ in interioribus vaginæ rugosisque processibus morâ putredinem aliquam, ut semen est vivax & volatilis succus, concipiant. Et nonne in morbo pilari non tantum infantes contabescunt, infomnes redduntur & inquieti, sed & insignem pruritus patiuntur à crinonibus seu comedonibus, quos *Miteffer* vulgò vocant? Et unde in pustulis serosis sub cuticulâ manuum imprimis & pedum pruritus, nisi à sironibus seu cironibus, de quibus legantur observationes *anno 82. in Actis Eruditor.* quæ hodiè adhuc in Germaniæ Nostræ gloriam à Celeberrimis Viris summâ diligentia & accuratione singulis mensibus Lipsiæ eduntur, *ut & Epistola Hauptmanni ad P. Kircherum.* Et cum filius rusticæ in Pomeraniâ post theriacam in aquâ card. ben. sumptam in universâ cute intolerabilem sentiret pruritus, ex frictione à matre institutâ auctum; hæc à filio rogata, ut accuratius inspiceret corpus, undique minutissimos vermiculos è poris cutis partim egressos, partim egredientes deprehendit, teste Doctissimo Collegâ Nostro Dn. D. Paulini in *cynographiâ curios.* p. 187. Et profecto hanc sententiam maximè roborat hoc, quòd remedia anthelmintica cæteris, de quibus ante dictum est, remediis virtute & efficacia in hoc affectu anteeant. De illis autem jam anno præcedenti egimus. Narrat quidem Bonetus, quòd mulier, quæ viva fuerit de pruritu vago conquesta, post mortem in vulvâ habuerit tumorem lividum & atrum; item quòd Mercator jugi & perenni pruritu in cole vexatus, foverit sordidum carcinoma circa meatum, qui à vesicâ urinariâ in intestinum rectum descendit in *Anatom. Pract. lib. 4. sect. XI. Obs. 4. & 5.*, at verò quis est, qui ignoret, dari abscessus, tumores & exulcerationes verminosas, de quibus Severinus, Hildanus, Paræus, Tulpius, Forestus, Platerus, & Nostræ Ephemerides consuli possunt. Quapropter relictis ante commemoratis topicis amara in vino decocta multoties D. H. cum successu applicuit, aliquando etiam pulveres prurientibus locis inspergi mandavit. Unguentum quoque diapompholygos cum aliis mixtum non rejiculum deprehendit. Hic obiter velut in diverticulo commemorare liceat, hoc tempore Vratislaviæ quæsitum esse, an, cum post contractas nuptias neonupta tanquam atreta & imperforata, aut etiam tanquam velata, adeoque ad admittendum membrum virile inepta accusatur, inspectio & exploratio hæc obstetricibus, an Medicis committenda sit? Nobis salvo aliorum judicio, posterius placuit, ac in hunc sensum respondimus: olim quidem obstetrices magnum in addiscendâ medicinâ, ut sexui pudibundo & ægrè ob verecundiam suas molestias viris detegenti in affectibus muliebribus succurrere possent, posuisse laborem; ita Agnodicen Viri habitu, tonsis capillis

pillis sese Herophilo erudiendam tradidisse, ac artem exactè didicisse, ut Higinius tradit, Ocyroën Chironis filiam dedisse operam huic arti, utpote quæ juxta Ovidium:

Artes contenta paternas

Edidicisse fuit.

Filiarum Æsculapii Hygiæ & Panacæ tanquam medicinæ gnararum, mentionem fecisse Hippocratem in jure jurando, & Aristophanem in Pluto, medicam quoque fuisse Aspasiâ Plutonis & Periclis Magistrâ, Phaneroten, Socratis matrem egregiè in Medicinâ versatam fuisse obstetricem, ut liquet ex Laërtio in vitâ Socratis, & Valerio Maximo lib. 3. c. 4. atque propter hanc peritiam artis olim iis rectè creditam fuisse in ejusmodi negotiis renunciationem. Tales autem obstetrices minimè reperiri nostrâ ætate, præprimis in Silesiâ, in quâ rudes quædam mulierculæ, rerum Anatomicarum & Medicarum ignarissimæ, hanc faciunt artem; ac de nostris verissimè dici posse illud, quod habetur in Jure Canonico: *Sepè fallitur oculus & manus obstetricum.* Et tantò esse clariùs, quod imperitis obstetricum oculis & manibus inspectio permitti nequeat, si finis ejus consideretur, neque enim nudè id quæri, an occurrat in genitalibus aliquod vitium, sed an illud ita comparatum sit, ut nullam admittat curationem, nisi cum gravi vitæ periculò conjunctam, ejus autem rei dijudicationem quàm longissimè superare captum fatuarum muliercularum. Et quis, quæso, ab eis expectet, si membrana quædam ante uteri os obtendatur, an nervea sit, an carnea, an, si incideretur, magna sit metuenda hæmorrhagia, inflammatio, gangræna, convulsio, aut, si vagina secundum suos parietes coalluerit, an exigua sit, an magna, an à primâ nativitate, an morbo inducta ista cohæsiō & coalescentia? ut jam nihil dicamus de ulceribus scirrhis &c. Vid. *Fidel. Relat. lib. 3. c. 6.* Absque horum & multorum aliorum præsuppositâ notitiâ ad causæ decisionem non posse ritè descendere. Ad uberiores ejus causæ dilucidationem addebantur tum alia, tum præcipuè sequentia ex Thomâ Sanchez de Matrimon. Sacrament. Tom. 2. lib. 7. Disp. 113. conclus. 12 pag. 390. *Quamvis regulariter ad mulierem inspiciendam eligenda sint matronæ honestatis gratiâ, ut constat ex c. proposuisti &c. & ex c. penult. de probatione & ex c. Fraternitatis, & cap. fin. de frigid. at ubi agitur de qualitate altioris peritiæ ad judicandum desideranti, quàm quæ in fœminis reperitur, ne probationum facultas pereat, aut matrimonium validum dissolvatur, vel irritum approbetur, Medici periti adhibendi sunt, quò fœminam inspiciant, quòd hujus rei gravitas ac necessitas præponderet naturali honestati, sicut à Medicis inspicitur, ubi necessitas urget morbi.* Et probatur ex cap. ex liter. de frigid. ibi:

Si vitium illud mulier à natura contraxit, nec ope medicorum poterit adjuvari. Et cap. fraternit. v. per hæc autem eo tit. ibi: *nisi per incisionem, aut alio simili modo violentia inferatur.* Nam uterque textus supponit in his eventibus, foeminam à medicis inspiciendam, utpote qui nec id judicare, nec decidere possunt absque conspectu. Et ita docent Franc. Aretin. *Cons. 142. dub. 4. n. 15 vers.: venio nunc ad quartum:* referens id effectum fuisse cum Dorotheâ Filiâ Ludovici Marchionis Mantuæ. Decius *cap. proposuisti. N. 3. notab. 2. de probat:* & dicens esse verissimum & observatum cum Filia Ducis Parmensis &c. Quæ, quamvis prolixiora, adscribere volumus, tum quod nostrum assertum egregiè confirment, tum quod notitia accuratior ejus rei apud nos utilitate sua minime destituatur. Non vacat alia, quæ ex Zachia & aliis gravibus Autoribus allata fuere, hic recitare, sed potius è diverticulo redimus in viam.

Cœlo sereno & calenti frequentissimæ erant sternutationes, *Sternutatio.* & jungebantur hæc etiam morbis tum grassantibus. Diligenter attendimus etiam ad illas, gnari, quod veteres sternutamentum sacrum ac divinum habuerint, sicuti id rectè colligitur ex problem. Aristot. *sect. 34. problem. 7.* & fortassis ex lib. 3. Xenophont. *de expedit. Cyri.* Idcirco & sternutantes jam antiquo more salutantur. Ac hoc fecimus eo majori studio, quia aliqua excretio, ad quam Practici utroque semper oculo in morbis respiciunt, motu sternutationis perficitur, & quidem non sine admirabili naturæ artificio, quod ex comparatione tussis cum sternutatione elucescit tantò clarius. Nam etsi tussis cum sternutatione conveniat in subitanea aëris explosione, quæ fit opera diaphragmatis & pulmonum, in tussi tamen aër non modo à diaphragmate & pulmonibus inflatis exploditur, verum etiam in summum guttur, gurgulionem, & extremum palatum arte quâdam incurvatum quasi in fornicem impingitur; in sternutatione autem ejusmodi impactio in has partes non fit, sed clauso ferè ore spiritus ex pulmonibus erumpens, in illos membranæ pituitariæ anfractus, ubi vasa excretiora in notabili quantitate præsto sunt, impingitur, ut vel hinc videas in tussi pulmones, tracheam, summum guttur, extremumque palatum ab humore lento & viscido liberari, per sternutationem vero in aliis partibus ejus generis materiam excuti. Regnavit olim sententia, pituitosos humores, qui motu sternutationis excutiuntur, intra calvariam congeri & per Ethmoidei ossis poros & ostium in palato, ex pituitariâ glandulâ expurgari, cujus sententiæ fuit ipse Martinus Schoockius *in primâ, libri de sternutatione, editione:* at verò postquam Schneideri felix industria ostendit, vias has haud esse aptas ad ejiciendos hos humores, eo, quod interior dicti

ossis paries à durâ matre cerebri exacte tegatur, ipsa vero foramina, quæ in calvariis exsiccatis cernuntur, ex amussi occludantur, ostium item illud, quod ex pituitariâ glandula serum viscidum ad palatum ducere credebatur, & omnia bascos calvariæ foramina ab eadem matre exactissime investiantur, ut nullus humor ex iis exstillare possit; rectius, quicquid etiam Auctor Ephemeridum Gallicar. anno 1665. Mens. Januar. p. m. 7. moliatur in contrarium, placet Vieussens opinio, quæ vult, in pituitaria membrana satis diligenter ab eo descriptâ & duodecim aquosis capitis emissariis, quæ ossibus sphænoideo, ethmoideo, frontali & maxillari insculpta sunt, liquorem illum viscidum contineri, qui, dum sternuimus, effluere solet. Quondam Clar. Vir Caspar Hoffmannus vovit, cum sternutatio opus sit mirabile, cujus modum nemo Philosophorum & Medicorum antiquorum explicarit, ut ante vitæ suæ finem id fieret: *de causa*, inquit, *epilepsie novimus fuisse votum Magni Cratonis, utinam ante vitæ suæ exitum aliquis ostendat de modo, quo sternutamentum fit, idem planè rogemus.* Non improbamus quidem hoc discendi desiderium, magis tamen optamus, ut propediem certatim à doctis ostendatur, in quibus morbis sternutatio vel ut causa, vel ut signum profit, vel obsit. Oppido falsa est opinio illa, qua sternutamentum omne salutare putant ei, qui sternuit, quâ in opinione sive superstitione vulgus Galliæ est; nam, ut Salmasius in *epistol. ad Beverovicium* testatur, Galli, cum aliquem ægrotum sternutare audiunt, Medicum suum ab eo dimitti ajunt. Dextra, ut cum Catullo loquamur, (juxta experientiam Nostram) sternunt approbatione

1. Catarrhalibus obnoxii affectibus sub finem catarrhorum.
2. Ophthalmiâ correpti, quando collyria acria oculis ipsorum admoventur.
3. Odontalgia cruciati.
4. Cardialgia & singultu fatigati, unde noti versus:
Tollere singultum sternutamenta, Platonis
Conviva est nobis testis Aristophanes.
5. Mulieres hystericae in suffocatione uterinâ.
6. Etiam Menstruum pensum persolventes, cum aliàs justo parcior est fluxus.
7. Secundinarum remoram patientes.

His, & aliis pluribus, ut hoc tempore, & aliàs sæpè experti sumus, merito acclamaveris illud priscum *ῥωρεῖς*. Cum formidine quadam sinistri eventus adhibueris illud Gentilium christiano sensu de Deo vero intellectum *ῥεῦ σῶ-
 ρον*, cum ægri sternaunt.

1. Senes vertigine correpti, nam ferè frequentia illa sternutamenta apoplexiam præfagiunt, ut aliquoties observatum.
2. Epileptici.
3. Cephalalgia laborantes.
4. Ii, quibus magna adest in somnum propensio.
5. Hydropici.
6. Pleuritide & aliis inflammatoriis affectibus viscerum mediæ & infimæ ventris exæstuant.
7. Urinæ fluxum, aut nullum aut impeditum sentientes.
8. Hæmorrhagiâ narium correpti.
9. Herniosi &c. &c.

Nondum experti sumus, an aliquid veri subfit his Plinii verbis: *Oscitatio in enixu letalis est, sicuti sternuisse à coitu abortivum*. Dubium etiam est, quod tamen proditur, an calculi renum, in ureteribus hærentes, sternutando possint expelli, quia illi musculos lumbarum contingunt. Prorsus autem futile est assertum, flavedinem scilicet cutis ictero in facie contractam, sternutando discuti. Nec audemus definire, quid in febribus mali moris ex sternutatione divinandum sit. Probè edocti ex historiis novimus in ejus generis febribus ægros illos, quibus sternutationes frequentes acciderunt, mortuos esse, ut patet ex Thucidide, Suffrido, Presbytero, Cardano, Carolo Sigonio & aliis. In malignis illis febribus, cum quibus Nos colluctati sumus, alii sternuentes mortui, alii iterum cum sanitate in gratiam redierunt. Atque ita ab uberiori experientiæ luce, harum tenebrarum discussio præstolanda erit, quemadmodum eo fine hæc hætenus allata fuere, ut pateret, quousque aliorum observationes nostræ experientiæ sint conformes, & alios ad plura observanda excitaremus. Hoc admodum peculiare in Sene capulari (qui jam annum ætatis 83. agit) observavit D. Helwich & in sexagenario D. Pauli, quod sternutamentum, quotiescunque vino incalescit (uti illud minime raro à primâ juventute fit) Senem admoneat de pontanum & alium satis prata bibisse, & finem compotationi faciendum illico, nisi crapulam gravi dolore capitis, vertigine, &c. die postero castigari velit, à quibus tamen molestiis est inamunis, si, quamprimum sternuerit, ab ulteriori haustu sibi temperet. Cæterum requiritur etiam Medici consilium in sternutatione frequentiori, seu ex causis internis, seu inepto ptarmicorum hodie nimis frequenti abusu excitata sit, nam hæc viâ quosdam sensum olfactus, quosdam etiam simul sensum visus amisisse, constat ex Hildano. Præprimis etiam sternutamenta inania periculum minantur, quemadmodum constat ex Cardano & Salmuth. In sternutatione nimia optime

hydragoga & evacuantia ex gialappa porriguntur. Suus etiam sudorificis hîc constat honos; à masticatoriis, quæ commendat D. Blanckardus, merito abstinemus, ne, dum his membrana pituitaria irritatur, simul sternutamentum excitetur, quia membrana nares investiens non secus ac illa matris duræ propago est, cum tamen evidens sit, sternutationem oriri ab irritatione tunicæ illius. Oleum amygdal. d., & butyrum non salitum non prodest, nisi quando externa irritantia naribus intrusa fuerunt, quo in casu etiam lac, ut & aqua calida abluendo juvant & demulcendo. Laudani opiatum efficaciam idem laudat Blanckardus, quo jure, nemo, nisi expertus, novit. Jonstonus Noster in *Idea Univ. Medic. Practic. l. 4. c. 3.* in fine: *Venula*, inquit, *in majori oculorum angulo naribus proximo fortius compressa crebram sternutationem statim sedant*, quia nimirum puncta lachrymalia in limbo palpebrarum breves dimittunt canales in nares desinentes, ut advertit Steno, canales vero illi constricti acris lymphæ descensum impediunt. Nam longius petitum est, quod habent problemata sub Aristotelis nomine à nobis in præcedentibus citata, quod calor fricatione concitatus discutiat calorem feri in naribus, aut, quod alii volunt, compressio sensum obtundat. Eximie vero præ cæteris juvant frictiones & ligaturæ extremorum, ut & V. S., nec non spiritus re-
tentio.

Hæctica. Nullo non tempore mortalibus gravis est Hæctica, imprimis autem tempore Autumnali. Compertum satis est, quod & juniores, sanguinis evacuationibus aut consumptionibus debitis aut consuetis perperam intermissis seu oppressis, imò & post febres inflammatorias, corripiat, ut optime observavit Cl. Stahlius in *problem. pract. de febb.* & senioribus insidietur post febb. quartanas male curatas, & hoc etiam experientia docet, quod quamvis ætatem in hanc miseriam potus frigidus, post æstuosum corporis motum avide ingurgitatus, conjicere soleat. Nec causa proxima hæcticæ adeo nos latet. Conveniunt enim facile omnes in eo, quod tabificæ istiusmodi febres ortum suum trahant ab obstructione lentâ, ulceratione, erosionem, ac abscessionibus partium internarum. Nec enim adeo ineptum est, quod docet Scretæ de febb. castrens. malign. p. m. 60. scilicet *hæcticas febres esse manifesta signa internorum seu latentium viscerum abscessuum*, modo vox abscessus in latiori significatione pro vitio, organicam visceris structuram aliquo modo lædente, accipiat, quamvis nullam hic insectandi veteres rationem Scretæ habeat, prout optime ostendit Celeb. Schelhammer in *genuina febres curandi method. part. 3. p. 117.* aliquanto tamen durius, quam par erat, in Scretam inductus. Ulterius signa quoque hæcticæ neminem temere fugiunt. Ex
chro-

chronicâ enim ejus duratione & lentè fatis procedente (magis enim invalescit, & citius extenuatur corpus, si fortè febris hæc exacerbetur, aut evacuationes symptomaticæ subsequantur) tabe, vel à vulgo cognoscitur. Sed verè scire, cujusnam visceris labes febrim hanc excitet, utut Medici non parum intersit, ut postea intelligemus, arduum est, nec diagnosticæ signa ad hodiernum usque diem à quoquam sufficienter enarrata. Quodcunque demum læsum fuerit viscus, adest calor, & is quidem patienti non adeo molestus, nisi exacerbetur, quod sumpto cibo & circa vesperam contingere solet, ubi tamen in volis manuum potissimum sese manifestat: adest perpetuò os siccius, & vel glutinosa, vel, quod rarius fit, spumosa salivâ imbutum, & ut crescit potionis novæ potius quam consuetæ desiderium, ita summum urget cibi fastidium, nam, ut notum est, dum summopere corpus languet, etiam appetitus ferè nullus, vel languidissimus, aut admodum nauseabundus adest, aut si quando excitatior sit, fere in dyspeptos ac frigidos cibos fertur, unde nisi fastidium satis cito capiat, ut ante satietatem desistat, æger ferè tantum pejus habet; adest etiam somnus turbulentus, interruptus, & ob perpetuos sudores, squalidus, ac laborem faciens, interdum verò premit vertiginosa capitis debilitas, qualem experiuntur temulenti; hæc, inquam, & alia symptomata contabescences fatigant, in quocunque tandem viscere fomes tabificæ febris lateat, nisi quod, ubi nobiliora sunt affecta viscera, e. g. hepar, pulmones, longe atrocior sit hæctica, quàm ubi renes læsi eandem foveant. Quomodo vero hæctica, v. g. pneumonica, sive ea, quæ sequitur læsos pulmones, distingvi possit ab hepaticâ, spleneticâ, nephriticâ, seu quæ læsum hepar, splenem &c. excipit, ex his signis non cognoscitur. Præclarè de ægris & Medicis mereretur, si quis accuratè hoc exequeretur, eundo per nobiliores hæcticæ species. Observatâ à nobis breviter perstringemus, omisâ ea, quæ diffusas, profundas, ac plurimum materiæ stillantes, ulcerationes externas consequi solet; De qua legatur Morton: *Tr. de phthisi l. i. c. 5.* In pulmonari hæcticâ adest tussis vehemens & valida, quâ sputum satis multum ac illud etiam sæpè fordidum, striis etiam sangvineis notatum & purulentum, nec non materia tophacea redditur, quam epulis sumptis vomitio excipit, nam videas ejusmodi hæcticos eousque concuti, dum cibus vomitu rejiciatur. Raucâ quoque voce, clangosâ & exili, hæctici illi sunt præditi. Perpetuo in febre hæc notare licet respirationem frequentem, aliquatenus molestam, difficilem, anhelosam, non tam à motu, e. g. levi deambulatione, sed etiam à quibusvis aëris alterationibus. Porro ægri hæc tabificâ febre affecti de pectoris gravitate, & quæ ab infarctû pulmonum pendet, oppressione aliqua conqueruntur,

Hæctica pulmonaris.

& quoniam lobus pulmonum affectus præponderat, hinc fit, ut ægri in unum latus decumbentes, impetuosiori vexentur tussi, quam si in altero cubent, quoniam dum in latere affecto jacent, glandulæ serosâ colluvie secretâ turgidæ comprimuntur, ab his vero compressis, continua feri exspuitio in bronchia pulmonum cum continuâ titillatione &c. sequitur. Aliquando fixus genarum rubor adest. Quando ad extrema ventum est, prominent scapulæ, pulsus fit durus, defluunt capilli, ungues incurvantur, corpus prurigine afficitur, mens errare incipit. Ad pleraque hæc rectius intelligenda, Mortonum in *Tract. de phtisi l. 1. c. 3.* consulere juvabit. Multâ hic cumulare exempla, eorum est, qui otio suo abutuntur, in praxi enim toto die occurrunt. Ac ne nauseam creemus, in cæteris quidem hæcticæ speciebus in recensendis exemplis occupabimur.

Hæctica diaphragmatis. Non dubium est, quin diaphragmatis inflammationes, vel in scirrhum, vel tumores & abscessus abire ac hæcticæ causam præbere possint, sed, quibus eam modis cognoscere liceat, id non usque adeo est obvium. Non à nobis adhuc tractata est, quantum scimus, sed, impetuosam esse eique adjunctam insignem respirandi difficultatem cum tensione præcordiorum spasmodicâ, nulli dubitamus.

Hæctica hepatica. Hæcticam ex læso hepate, ut indagaremus, varia egimus, & quæsiimus, an in latere dextro senserit contabescens, antequam hæcticam incideret, dolorem gravativum, qui ad jugulum usque pertigerit, & collum contraxerit, an exiguam tussim cum urinâ satis rubicunda, colore totius citrino, aut plumbeo? aut nunquid expertus fuerit singultum? an vomitu cum anorexia & siti satis magna pressus? An aliquam tumoris speciem observarit? An respiratio fuerit suspiriosa, aut suspirio luctuoso similis? Conf. Bartoletti *method. in dispnæam lib. 4. c. 23.* Hæc enim & alia cum præcesserunt, probabile, licet non apodicticum, de hepatis inflammatione præbent argumentum. Quia vero hepatitis facile in abscessus hepatis vergit, operæ pretium esse duximus, sollicitè sciscitari, an purulenta materia, vel per urinam, vel per alvum evacuata fuerit? & cujus illa coloris? an fusca & eo conjuncta cum foetore, quem alias amurca olei olivarum spargit? Saniem hepatis ad rubedinem vergere quidem asserit Avicenna, sed experientia non invictè probat, quibus in casibus etiam respiratio solet esse longè magis difficilis. Præprimis autem utile admodum est nosse, an febris quartana patiens laborarit, & quomodo ab hac fuerit curatus? an æstuantî corpore frigidam affatim hauserit? Hoc enim cum fit, sanguis coagulatur, hepar constringitur, & facile oriuntur scirrhii. His, inquam, aliisque sollicitè discussis sym-

symptomata ritè sunt perpendenda, quæ, quantum nobis constat, in hecticâ, à labe hepatis oriundâ, sunt sequentia: Ferè aliquam sentiunt gravitatem in dextro hypochondrio, asthmatis obnoxii sunt sicco, colorem habent lividum ac flavescens, (quasi icterus cum hoc malo foret complicatus) alii vero sub primum insultum morbi crebrâ tentantur phlogosi ac facies ipsorum rubet, præcipuè post potum, etiam si is spirituosus non sit, cum tempore vero incipit pallescere, nisi, quod pallor ille maculis floridis post cibum sit distinctus. Urina, quæ mingitur pauca, colorem aurantium æmulatur, consistentia autem ejus crassa est, ac sedimentum multum, illudque submucidum, grave & spissum, ac rosei coloris existit. Dejectiones jam nimium duræ, jam liquidæ citò diffuentes & consistentiæ inæqualis, jam verò spumosæ. In appetitu est aliqua varietas, modo nimis langvet, modo autem fertur in cibum quendam incongruum &c. Quanquam vero ita res sese habeat, non tamen putandum, quod semper, quando hepar male affectum, febris sequatur tabifica. In autumno anni præterlapsi, Matrona, diuturnâ inappetentiâ, magna siti, dolore gravativo in hypochondrio afflictâ, post aliquot ab ▽. bened. Rul. à Medico exhibitâ dies, inopinato moritur, quod D Helwich ultimo morbi die vocatus fore prædixerat. Anatomicæ inspectioni cadaver patuit. Ventriculus aquâ quasi clotus videbatur, intestina flatu turgebant, viscera reliqua sine labe & sine putrilaginosâ labe, in hepatis vero parte ima spectabatur corruptio, ac hepar præ siccitate friabile erat, & nihilominus nullo modo contabuerat.

Hectica ex splenis vitio orta, nunquam hominem invadit, *Hectica*
nisi præcesserint seqq. (1) *Tumor in sinistro hypochondrio ver-* *splenetica.*
sus anteriora protuberans, & hominem quasi in medium cingens,
quem, credimus, expertus leno ille apud Plautum, qui ita de se: *Nunc jam*
quasi zona liene cinctus ambulo, geminos in ventre habere videor filios, nihil
metuo, nisi medius disrumpar miser. (2) *Palpitatio lienis* interdum satis ve-
hemens, ut ab adstantibus audiri queat. Vid. Tulp. l. 2. c. 28. (3) Febris con-
juncta cum fervore in sinistro hypochondrio, cibi fastidio, siti. (4) Dyspnœa,
& oppido fallitur Craan, dum autumat, non tam spirandi difficultatem adesse,
quam respirationis metum, ob ingravescens ex respiratione dolorem, cum
in ejusmodi casibus nemini ignota sit aliqua diaphragmatis compressio. (5)
Decubitus in dextrum latus molestior. (6) Durities sub costis sinistri late-
ris oblonga, ex acutiore principio in latus quasi & arcuatum ventrem turge-
scens. Hæc, inquam, aliaque ejus generis symptomata febrim tabificam sple-
neticam antecunt; hectica autem lento satis pede procedit, & cum hæc ferè
conjuncti sunt maximi sudores, color faciei & totius corporis luridus & subli-

vidus, pedis sinistri intumescencia dura ac tensa, fusca & nigricans conjuncta cum dolore urente, vibratili, contusorio, appetitus ut plurimum non dejectus quidem, sed tamen interdum absque evidenti causa fastidiosus, oris siccitas, & tamen non usque adeo magna bibendi cupiditas, cum nausea abunda hujus illiusve potus generis aversatione, urina sublivida in virorem vergens, & interdum dilute nigricans, alvus ut plurimum adstricta, interdum aliquo modo concitior. Ipsi vero contabescences torpidi sunt, taciturni, morosi, & profundis cogitationibus defixi, anxii & moesti, oculis suis concavis adstantibus formidinem aliquam incutientes.

Hæctica Pancreatica.

Cum in Pancreate origo hæctica hæret, quid fiat, vel ex solo Tulpio *l. 4. observ. Med. c. 32.* colligere est. Prudenter Vir Ille à pancreate supra infraque ut turgido & extuberante, sic intus sordido pure ac viscidâ pituitâ impendio nimis infarcto juvenilis corporis emarcescentiam, summas præcordiorum anxietates &c. deducit.

Hæctica Nephritica.

Hæcticam Nephriticam præcedit (1) Nephritis, i. e. inflammatio renum, si propriè vocem accipias, nam nephritidem inter inflammationes recenset Hippocrates *lib. 1. de morb. text. 3.* Nephritis vero cognoscitur, ut notum est, ex dolore in lumbis præcipuè tamen in sinistro, acuto, ardente, lancinante &c. (Unde & Auctor *Definition. Medicar.* ait, quod nephritis sit inflammatio renum cum dolore vehemente &c.) ex motu illo febrili vago, horripilatione & æstu, dysuria, urinâ paucâ modo tenuiori, modo autem crassiori, fibrosâ & veluti filamentis mucidis interspersâ &c. (2) Sæpe etiam uberior calculi proventus aut tantum excretio sabuli calculosi, quod statim cum urinâ erumpit, & ad ima matulæ præcipitatur. Febrim verò nephriticam comitantur & ab aliis hæctica speciebus distinguunt copiosa muci excretio, striæ sangvineæ vel muco vel urinæ intermixtæ, exacerbationes vehementiores post iracundiam, motum corporis violentiorem, recurrentes, contabescencia lentiori pede, quam in aliis hæctica speciebus progrediens.

Hæctica Omentalis.

Omentum quoque hæcticam fovere potest. Exemplum ejus occurrit in Warthonio in virgine cachectica. Illa per tres menses ante obitum diarrhæâ lentâ per vices recurrente unaque frequenti materiæ porraceæ vomitu laboravit, pulsus erat languidus, urina pauca & incensa, abdomen circa regionem umbilicalem duriusculum, & sub-tumidum apparebat (quæ symptomata DD. Grassius & Helwich etiam in septenne puero Illustris prosapiæ, omento plane destituto, notarunt) decubitus in latus dextrum molestè ferebat, paulò post tussiculâ, spirandi difficultate, febriculâ cum lingvæ ariditate infestabatur, ac tandem maciæ confecta factis

tis cessit *cap. 12. Adenograph.*; aliàs, sicuti tumores omenti nulla arte à tumoribus mesenterii distingvi valent asserente Riverio, ita nec hectica ex omento discerni potest ab eà, quæ ex affecto mesenterio oritur.

In Hecticâ tamen à Mesenterii vitiis oriundâ, quæ teneriori *Hectica Mesenterica.* ætati magis familiaris est, quam virili aut senili, febris ipsa est satis languida atque graviorum symptomatum exors, nec functiones ægri quotidianas interpellat, abest ferè sitis, sed anorexia premit tanto gravior, adest etiam tensionis ac gravitatis sensus subter ventriculum, imò advertitur quoque aliquando contactu durties, (ita Fernelio oblata est ingens contactu durties à ventriculi fundo in utrumque hypochondrium diffusa in *Consil. 67. & rursus lib. 2. pathol. c. 7.* testatur, usque adeò durum à se esse deprehensum tumorem, ut penitioribus subter umbilicum partibus vel os, vel calculus concrevisse putaretur: Ab Heurnio totum mesenterium quasi saxum est inventum *Commentar. 6. aphorism. Hippocr. 7.* Ejus generis tumores duros à Coitero, Hollerio, Cornelio Gemmâ, Paræo, Fabric. Hildano, aliisque sunt observati.) Nonnunquam ejusmodi tumores non sentiuntur, quod fit, cum abdomen turgidum, ac sensim nimis protuberat. Alvi successus inconstans est, jam nimis lubrica existit, egestionesque chylosis non absimiles cernuntur, jam verò dura & adstricta est. Rupto abscessu, pus vel sincerum, aut facibus permixtum, albi vel citrini coloris, citra dolorem enormem excluditur. Est tamen ubi abscessus isti multorum gravissimorum symptomatum, vomitus, nausea, cruentarum alvi dejectionum, lipothymiarum, vigiliarum, sitis clamoræ &c. causæ sunt, ut constet ex Donato *lib. 4. c. 7. histor. Med. Mirab. & Benivenio de abdit. c. 33.*

Nec dubium est, quin in febrim hecticam homines ex scirrhis & apothematibus ventriculi ac intestinorum incidant. Ita *Hectica stomachica & intestinalis.* meminit D. Helwich, ante novem annos aliquem sensim Regionti extenuatum & summè languidum, ad mentionem cibi potusve præ fastidio cohorruisse, & feбри hecticâ contabuisse, in defuncto autem ad finem orificii sinistri ventriculi inventus est abscessus per totam partem gibbam ad fundum usque in orbem exprorectus &c. ut ex Novis Litterar. *Ann. 10701. Mens. Jul. p. 197.* cognovimus:

Galenus *lib. de different. febb. c. 9.* testis est, se vidisse, in coli inflammatione diuturnâ tabidam febrim secutam fuisse. Idem etiam de vesicæ affectibus perhibet. Ex ulceribus prostaticis diuturnis in gonorrhæâ malignâ quid fiat, alibi est indicatum. Sed difficiliora sunt signa diagnostica. Quando in crassioribus intestinis labes est, semper adest aliqua, in deponendâ

alvo, difficultas. Meminimus Nobilem fœminam hæmorrhoidariam, post ulcus uteri, asseverasse, sentire se, quasi per angustum aliquem canalem aliquid ejiceretur, summis doloribus, quoties alvus esset exoneranda, fœces verò, quæ non sine dolorificis illis sedibus exhibant, erant mucosæ subcinerii coloris. Extenuabatur indies sensim cum calore circa noctem increbescente, atque hinc minime dubitamus, eam hecticâ intestinali laborare. Habet autem accuratior notitia visceris, quod hecticæ oleum præbet, tum alias utilitates, tum præcipuè hanc, quòd evitetur incongrua antiphthysicorum in hypochondriacâ hecticâ administratio. Nam cum antiphthysica pleraque sint traumatica, & adstringendi virtute gaudeant, non possunt non augere malum illius tabificæ febris, cujus origo ab obstructione viscerum in imo ventre dependet. Et sanè verissimum est illud vulgatum: *Traumaticorum noxius abusus Epitaphium hecticorum.* Imò inde à sagacibus Medicis disci potest, quibus viis & motibus Natura viscerum quorumlibet corruptelas avertere laboret.

In omnibus hisce tabificis morbis, ut & in febribus acutis subinde frequentem & largum urinæ fluxum, qui diabeti quodammodo affinis, notavit aliquoties D. Helwich, ac operæ censet pretium tribus commemorare verbis, quibusnam ille evenerit, quò potissimum tempore, quidnam indicarit &c. Quantum autem recordatur, plerique eorum, qui hoc symptomate fatigati hæcenus sunt, constitutionis phlegmaticæ fuerunt, vix autem unus & alter cholericus temperamenti. Ex relationibus ægrorum didicit, in hisce læsæ ciborum concoctionis etiam ante morbum indicia sese obtulisse varia; ita aliqui, priusquàm in hos inciderent morbos, narrarunt, se compressivum ventriculi dolorem, Sodam etiam levi datâ occasione, sitim & absque Soda ardorem aliquem, quamvis non adeò ingentem in regione pectoris & ipso etiam ventriculo variis temporibus percepisse, viscera sibi calidiora visa, quæ pathemata induxerunt doctissimum Anglum, ut statueret, ingestum potum quemvis vim contrahere *diureticam à stomachi & intestinorum ardore.* Ac sanè nimis verum est, frustra nos laborare in moderando urinæ fluxu, nisi quodammodo suum ventriculo robur fuerit restitutum. Porro retulerunt, cum antehac ad sudorem fuissent propensiores, dum commodâ uterentur valetudine, eum inclinante sanitate fuisse imminutum, ac sensim largius stillasse urinam. Ulterius plerique etiam incommoda aliqua circa regionem renum, sive doloris punctorii, sive gravativi nomine veniant, se passos fuisse commemorabant, ut non absque causâ conjicere liceat, etiam renes ab omni labe in iis aut non fuisse, aut etiamnum esse immunes, quamvis ex circumstantiis vix assequaris, an eorundem inflammatio accusanda, an nimia pororum laxatio, aut an aliud quod-

quoddam subfit vitium? In omnibus autem hisce ægris, qui nimiam urinæ quantitatem profundunt, magnum in sanguine orgasmum ac vehementem ebullitionem deprehendas, unde etiam Willis rarum illum affectum diabetem sanguinis potius, quam renum affectionem esse, suamq; originem sumere à malsâ sanguinis in serum fusâ, credit, ratus sanguinis crasin per acorem ita laxari & quadantenus dissolvi, ut particulæ aquosæ à crassioribus contineri nequeant, quin illæ harum amplexibus evolutæ & falsedine imbutæ per tubulos renum excurrant. Sylvius quoque *sali volatili & valde acri ut & acido acerrimo in sanguine & lymphâ* tribuit vim fundendi serum & concitandi uberiores urinæ fluxum; ex quibus manifestum est, quod etiam hi clarissimi duumviri quandam in sanguine eorum, qui sæpe & multum mingunt, fermentationem observaverint. Imò ante multa secula accuratissimus Aretæus colliquationem humorum cum hoc affectu conjungi, acutè ut multa alia vidit, & illam hujus esse causam luculentè docet. Liquari verò atque insigniter exolvi in ægris, de quibus nobis sermo est, glutinosam ac balsamicam sanguinis portionem, imò & ipsam fortasse pinguedinem & carnem, colligitur ex macie totius corporis, sanguine in venis fluidiori, motu cordis & arteriarum celeriori, mordacitate & acredine, quâ digiti tangentis offenduntur, vigiliis nimis &c. Quando autem urinam reddunt in viis urinariis in ipso effluxu lotii acrimoniam & ardorem sentiunt. Verum est, quod scribit Listerus *p. m. 28.* ejusmodi ægros habere *abdomen rugosum, venas extantes, totumque habitum corporis gracilem, esse anxios ac animo dubios*, quando nimirum urinæ profluvium & sitis jam insigniter aucta sunt; sed non æquè adhuc compertum, num ante accessum & quando morbus *adhuc parturitur*, (quod longo tempore fieri opinatur) *os humore privetur, saliva albida sit & spumans &c.* Ultimo etiam pedes intumescunt. Quod tempus concernit, observatum est, in constitutione aëris australi humidâ æquè ac calidâ, quam aura frigidior excipit, ægrotantes illos & sæpius & plus mingere; an verò hinc inferri queat, quod ipse hic humidior aër in urinam abeat, in quam sententiam Clarissim. quondam Wittenbergensis Medicus Schneiderus *lib. 3. sect. 1. cap. 7. de catarrhis* propendit, nostri non est otii disquirere; sed illud addimus, etiam post iram, ad quam valdè proni sunt nostri ægri, terrorem aliasque animi passiones concitatori cursu ac uberiori quantitate ferri urinam, id quod etiam contingit post frigidum, quem avidissimè appetunt, potum, ac notatum est, quod tunc reddant urinam, quæ parum ab assumpto potu ratione coloris & odoris differt; & Trincavellus *lib. 13. de ratione curandi humani corporis affectus* omnino fidem meretur scribens: quod nobilis ille Venetus, frater Cardinalis quondam

Pisani febris correptus, postquam assumtis quibuscunque gelidissimis usus esset, vinum non solum & aquas, sed & syrupos non alteratos minxerit. Conf. Dec. 2. A. X. obs. 155. In acutis febribus circa dies criticos potissimum ejusmodi uberior fluxus urinæ cernitur; in diuturnioribus verò illis cum tabe conjunctis, quando de mordaciori calore viscerum incipiunt ægrotantes conqueri. Est autem ejusmodi urinæ fluxus symptoma certè in morbis illis gravissimum, & vix ullam admittens medelam, nisi in primâ herbâ viribus adhuc constantibus debitis remediis, quæ hic invenire difficile est, suffocetur, ita tamen, ut semper ad morbum præcedentem, debilemque ventriculum habeatur respectus. Unicus casus est, quo Medicus etiam in paulò uberiori urinarum tenuium fluxu per aliquot dies spectatorem agere tutò potest. Nimirum satis constat, quod in febribus quotidie exacerbationem conjunctam habentibus primis statim diebus subinde reddantur urinæ crassæ ac planè perturbatæ, (in quibus grumi quasi innatant) & quidem in exiguâ satis quantitate, quas aliqui in Praxi minus exercitati pro criticis venditare solent satis imperitè, cum harum sedimentum sit & *levius & magis unitum, compactum ac pendens*, istarum autem *asperum, dissolutum magis, fundo matula inherens*. Urinas illas crassas & paucas declinante febre excipiunt claræ ac tenuiores, quæ quò copiosiores prodeunt, eò citius febris subigitur. Et in his circumstantiis, etiamsi ubertim urina effluat, & ægri etiam ipsi male sibi ominentur, nihil quicquam sinistri Medicus metuat, multò minus sibi imponi patietur textu aliquo Hippocrat. ex *libro de judiciis*, qui in hunc sensum depravatè citari solet: *si ex crassis omnino tenues fient urinæ, difficilis & inconstans sunt judicii*. Sed potius rem omnem securo animo naturæ committat. At in reliquis casibus majori circumstantia opus est. Nulla hic evacuantia locum habent, cum ægri hoc in affectu admodum debilitentur, satisque per se evacuentur. Aliqui ad adstringentia confugiunt, & modò *julepos* parant ex ∇ . centinodæ, burs. pastor. folior. querc. tormentill. bistort. ac syr. myrth. cydon. corallior. granat. ac. de agreß: Modò *decocta* ex rad. tormentill. bistort. rosar. rub. balauft. bacc. myrth. nuc. cupress. sem. plantag. arill. granat. &c.: modò *Pulveres* ex coralliis, bolo armenâ, lap. hæmat. &c. exhibent. Enim verò certissimum est, quod adstringentia in humores ipsos exiguam exerceant energiam, quam promptissimè in partes solidas exerunt; jam verò in hoc nostro affectu vitium maximum hæret in sanguine, utpote cujus partes connubio & nexu arcto non amplius junguntur. Hoc cum vident alii, id sibi credunt dari negotii, ut humores contemperent, salium combinationes & sanguinis fusionem impediant &c. & ut destinatis suis potiantur, exhibent decocta hor-

dei,

dei, emulsiones ex amygdalis, ex semine papav. albi melonum, cucumerum &c. ipsum etiam lac; Et sanè non malè, nisi amplius his debilis offenderetur ventriculus, aut si ea dentur cautelâ, ut illum lædere non possint; neque sic tamen ex toto assequaris, quod intendis. Neque ulla ex usu Martialium in agros redundat utilitas. Opiata tantum abest ut rem afflictorum restituant, ut potius perdant & anxietates enormiter augeant. Frustra etiam ab amylo, tragacanth. restitutionem mixtionis sanguinis sibi quisquam fuerit pollicitus. Succinum aliàs egregium est medicamentum, sed quod propter vim diureticam etiam hîc quodammodo est suspectum. Mastichina, nisi æstum augerent, palmam cum thure reliquis remediis facile præriperent. Restant ergo quasi unice blandiora quædam extracta & mitiores gummi-resinæ, prudenter exhibita, quæ & ventriculo profunt, accretiones salium, fusionum autorem dissolvunt, partium in sanguine iteratum confortium promovent ac balsamicâ virtute corpori robur restitunt. De aquâ solutionis calcis vivæ & Tincturâ antimonii à Willisio commendatis testimonium ab experientiâ interponere non possumus. Externa, quæ Joh. Francisc. le Conte *in cap. 35. de curatione ardoris in urina* recenset, inefficacia sunt.

In iis, ut hoc in transitu moneamus, personis, quæ affectibus spasmodicis obnoxia vivunt, ac in mulieribus, quæ passionibus hypochondriaco-hystericis vexantur, copiosæ tenues urinæ, quæ longè quantitatem potus superant, certissime prænunciant, præ foribus esse novos insultus asthmatis convulsivi, epilepsiæ uterinæ, passionis hystericæ &c. In aliis autem, qui ab his affectibus immunes degunt, & nihilominus nimis copiosam urinam reddunt, ferè semper tutò prædicere licet, eos in hydropem præcipitatum iri, nisi maturè venienti occurrant morbo, ubi tamen plerumque surdis narratur fabula, sicuti toto die experimur. Occurrit nobis aliquod rari singultus exemplum, quod mereri credimus, ut illud paulò distinctius narremus. Nimirum tenerioris constitutionis puella annum ætatis 13 agens ex mœrore ob morbum matris periculosum & superveniente terrore ob imminentem forori lapsum in lipothymiam incidit, quæ crebrò redibat pertinaci alvi obstructione, intensiori æstu, cephalalgia & anorexiâ stipata. Vocatus Medicus creberrimo usu pulverem altero gno, altero Jali & tincturæ, quam dicebat auream, morbum profligaturus, effecit, ut lipothymia toties accederet singultus per dimidium horæ quadrantem sæviens, quoties vel cibum vel potum assumeret. Cum itaque exhaustâ ad luxuriem usque auri speciosâ Panacæâ & aucta pulverum mole indies augmenta fumerent memorata pathemata, Medicus arcanis suis nimium forsan fidens, petulantia, in quam sexus sequior ætasque juvenilis pro-

na judicatur, adscribere haud verebatur hanc malorum lernam justissimâ licet ægræ indignatione. Transactis lubrico sub hoc solatio viginti, & quod excurrebat, septimanis, singultus periodicus tandem degenerabat in continuum, nunquam nisi somni tempore inducias permittentem, quem præter alvi stipticitatem, æstum, anorexiam & in deglutiendo sonum (wie bey einem leeren Topfe) paralytici œsophagi indicem, tanta subsequebatur virium prostratio, ut nec artus, nec oculos movere amplius valeret miserrima. Parentes credulitatis pertæsi & filiam verè agonizare animadvertentes consilium auxiliumque postulabant à D. Klaunig, qui accedens externè pariter atque internè adhiberi curabat remedia, quæ judicabat deplorato statui appropriata. Clausæ alvo clysmata, stomacho & pectori stomachica confortante insimul & inprimis antispasmodicâ virtute pollentia exhibebat omnis generis, internè quidem ut plurimum liquida, quoniam sciebat ægram pulveribus jam abundanter fuisse nutritam, externè verò applicari sivebat spiritus, fots, emplastra motibus convulsivis & nervorum debilitati dicata. Tragœdiæ huic solus per aliquot septimanas adstabat D. Klaunig, morbo interim in eodem statu permanente; quapropter ipse autor erat atque svasor, ut alius ipsi adhuc adjungeretur Medicus. Deveniebat hæc sparta ad D. Helwich. Hi conjunctis viribus morbi ferociam aggrediebantur, usque dum, continuato insuper alterantium & ita dictorum specificorum usu, aliquid solatii invenirent in balneo tamdiu singultum auferente, quamdiu aquis immersa sedebat ægra. Cum de instante mensium fluxu suspicio nasceretur, venæ sectionem pariter in auxilium vocarunt, non tamen eodem exoptato successu, quo gloriatur Th. Bartholinus in *Act. Hafn. vol. 1. obs. 73. p. 143.* scribens: quod virginem quotannis per 14 dies continuò singultientem apertâ venâ integræ restituerit sanitati. Generosiora medicamenta propter accessum nimis tardum, cum ægram jam invenirent omnibus penitus exhaustam viribus, offerre non potuerunt. Interim famosum illud Δ epilepticum, quod blandis vomitibus cruditates in ventriculo latentes excutere solet, iteratis vicibus, in exigua tamen quantitate, exhibebant; postea verò re aliquoties in deliberationem vocatâ visum fuit commodum justam ejus medicamenti dosin repetere. Hoc facto aliquot sequebantur vomitus, quos gravissimum excipiebat animi deliquium. Tandem horâ tertiâ sequentis diei matutinâ tres singultus æque vehementissimæ concussiones & vibrationes præter spem & opinionem singultui per 15 septimanas continuò sævienti totique insimul morbo finem imponebant exoptatissimum.

Octobris initia benigno calore grata, reliqui autem mensis hujus dies turbidiores & propter pluvias ac frigus inamœniores erant. In Novembri
tem-

temperato fruebamur aëre, usque ad Plenilunium, postea autem nebulosus ac pluviosus corpora nostra ambiit. Mense ad finem vergente inconstans ingruerat frigus, ut plurimum tamen satis remissum. Decembrem inter nebulas, fluctus aëris (ita Verulamius ventos argutè vocat) & pluvias, sicuti ferè apud nos semper fit, transegimus. Multi sub hac aëris constitutione tussi infestabantur. Regnabant etiam febres cum mediocri calore, doloribus hypochondriorum, dorsi, siti immodicâ exanthematibus serosis, purpurâ, pleuritide, ictero & diarrhæâ singultuque conjunctæ, ac bezoardicis fixis & volatilibus, intermixtis anodynis, oppugnatae fuerunt. Parcè data volatilia, & diarrhæa, quamdiu pulsus constabat, aut exanthemata sese oculis ingerebant, anodynis non est sublata. In his febribus, ut aliquoties D. Grassius cum aliis collegis observavit, non continuò singultus vitæ periculum est minatus. Quàm terrificum verò singultus in malignis febb. symptoma sit, norunt Practici. Epiphanius Ferdinandus *hisor. 27.* DEum testatur, singultum in febribus malignis, tanquam characterem summè exitialem, sibi semper observatum, & certè si delirium accedit, ferè de vitâ actum est. Hinc Hippocrates *in Coac. 89.* inquit: *Desipientia, cum difficultate spirandi, & singultu, mortem affert.* Quò in casu veteres adesse insignem & validam inflammationem hepatis sunt suspicati, quod suo relinquimus loco. Cùm verò in singultu primariò vel diaphragma vel ventriculus, & hujus ferè sinistrum orificium patiatur, licet ventriculus diaphragma, & hoc, vice versâ, illum trahat in consensum, unde divortium sententiarum enatum, dùm hi pro ventriculo, alii pro diaphragmate pugnant, ipsimet nos fatemur, in nostris patientibus magis ventriculum fuisse affectum, quia singultu imminente continuæ febres hæ in intermittentes, quarum focus in primis viis hæret, mutabantur. Et ferè ea Nobis sedet sententia, quod singultus medicamentis in febb. acutis obtemperantes, sedem suam primario in ventriculo habeant, atque hoc evidenter patet, ubi, ut fieri aliquando solet, singultus in febribus nonnunquam intemperatum Juleporum refrigerantium usum sequitur, & vel carminativis, vel vini potu tollitur. Quod etiam fieri credimus, cum enemata aut lenissimæ evacuationes singultum compescunt. Id autem non rarò accidit, ut ex Rhodio aliisque Observatoribus intelligimus. Hinc optimè Doctissimus Duretus: *Permulti, inquit, cum singultiendo frangerentur, ductâ alvo per 5. dies hierâ picrâ, singultiendo finem fecerunt.* Et in bilioso illo juvene (de quo Timæus *Cas. 5. lib. 3.*) causo laboranti cum singultu, qui solo nivis potu edomitus est, ubi mali fomes nisi in ventriculo? Optandum sanè esset, ut præsto forent signa, quibus pars primario laborans exactè dignosci posset. Aliqua in singultiendo occurrit differen-

rentia, quæ nec scribi, nec verbis fatis exprimi potest, & à nullo, nisi exercitato in praxi, aurium iudicio percipitur. In febb. malignarum singultu, in quo diaphragma afficitur, quicquid agas, ferè frustra agis, ut etiam hoc anno aliquoties experti sumus. D. Pauli præerat curæ viri sangvinei febris malignæ correpti, qui, ubi in singultus incidisset, Collegam sibi adscivit D. Helwich, ambo nulli pepercerunt labori, alexipharmaca in variis formulis propinarunt, initio quidem, post exhibitum bolum ex conserv. scord. confect. de hyacinth., theriac. andromach. & bezoard. miner. cum saccharo paratum, & cataplasma contra singultum Mynf., aliaque topica applicata, singultus remittere videbatur, sed mox iterum pristinam feritatem induens, nullis bezoardicis cum carminativis remixtis, nullis externis, etiam selectissimis, nec vesicatoriis demulceri potuit, & æger post triduum fatis concessit. Eandem tragœdiam in aliis spectavimus. Cæterum in febb. illis, de quibus jam sermo nobis est, rarò purgantibus, V. S. vix unquam usi sumus. D. Grassius emetico subinde primas vias expurgavit. Is ipse etiam curavit hæc febris decumbentem viduam 40 annorum, cui menses ritè fluxerant, ei non tantum vomitorium, sed & purgans propinavit ac sudoriferis sudorem provocavit, cum verò illa circa 12 nocturnam totius corporis pandiculationem, cum levi debilitate per aliquot noctes experiretur, tertium evacuans dedit, & morbi reliquias essent. absinth. cum essent. cochlear. sustulit; eo quidem effectû, ut jam ab epilepsia, cui antea fuit obnoxia, vivat immunis.

Jungebantur etiam his febb. paralyfes lingvæ, & insultus apoplectici, sine evidenti periculo. Circa solstitium hybernum iisdem febb. etiam asthma convulsivum supervenit, aliquando etiam parotides accesserunt.

Quartanas D. Preus emetico, Galibus & cortice Peruviano brevi curavit. Idem cum affectu paralytico-spasmodico lingvæ & lateris dextri sæpius recurrente luctatus est. Paralytin quoque febris superveniente solutam vidit. In fene quodam eadem febris correpto, cum contumacissimâ narium siccitate, faucium ariditate, obauditione, vigiliis & inquietudine summâ, natura crisin moliebatur per sputationem, & incredibili quantitate intra aliquot dies exturbabat pituitam, similem liquori, quem alumen albumini ovorum conquassato solutum reddit, ut observavit D. Helwich, qui etiam illicò recordatus, simile olim fatum esse expertum post pertinacissimas lucubrationes, neglectum capitis muniendi, & tumultuaria per faxa, per ignes, intempestis noctibus, stridentibus austris & coris, itinera, æternum eruditæ Germaniæ decus ac Polyhistorum incomparabilem Thomam Reinesium, sicuti Vir summus ipsemet testatur in *epistol.* ad Casp. Hoffmann. XI. 26. atque hinc

hinc nominatus Collega noster nullo modo naturam turbare voluit, & ferè tantum egit spectatorem, præprimis cum quotidie vires ægri crescere videret.

Parturientes in Autumno hoc, quas nobis noscere datum, experiebantur dolores & spasmodicas vellicationes ac contorsiones in diversis locis, ut ambigui hæreremus, an Ileum, cœcum, aut mesenterium has afflictiones pateretur, an in colo mali hujus radix esset? Omnes sursum magis, versus umbilicum, stomachum ac dorsum vergebant; uno verbo, spuris fatigabantur doloribus, quos ex pomorum, pyrorum & aliorum fructuum ingurgitatione ortas esse autumamus. Opportuno tempore vocati, ac de spatio gestationis informati, ut & de conditione orificii uteri interni, & situ foetus certiores redditi, dolores illos sylvestres sopire sumus annisi. Ac in cruciatibus his placandis, singularem exerunt efficaciam in phlegmaticis & melancholicis essentia carmin. D. Mich. & Wedel., cort. aurant., galang., zedoar., castor., croc., spirit. menth., pulegii, meliss. sal. *ic. anis., anticolicus &c. pulv. stomachicus D. Birckmann., spec. diacumin. &c. In sangvineis spiritus nitr., elix. citr. cinnabarina &c. Externè sacculi paregorici, linimenta ex oleis carminativis, lauri, anethi, carv., fœniculi, juniperi, balsam. stomachale, balsam. embryonis cum panè mellito impositus, cataplasmata ex spec. decocti carminat., emplastr. de bacc. laur. &c. Laudantur communiter hîc & diaphoretica, sed ex eorum usu æstum majorem fuisse accensum recordamur. Abstinuimus etiam ab enematibus, ne ullo modo præcoci foetus exclusioni ansam daremus, etiamsi aliàs minimè ignoremus, clysteribus flatus discuti ac intestina corroborari quàm optimè. Hoc in casu etiam rarissimè V. S. apud nos celebratur, tametsi in sangvineis, ubi sanguinis depletio necessaria est, cum maximo ægrarum levamine adhiberetur. Toto verò hic die ab imperitis obstetricibus peccatur, quæ cum summo matris & foetus damno, præsentibus crudis doloribus, ad conatus pariendi & verbis, & incongruis remediis (nam & pharmacorum dispensandorum licentiam sibi vendicat muliercularum istarum arrogans simplicitas) gravidas compellunt, quo stolido ausu sæpè optimus situs foetus in periculosum convertitur, & hanc temeritatem mater aut proles sæpè morte suâ expiat; Interea illa, quæ foetum roborant, minimè sunt negligenda, & potiones analeptica cæteris interponendæ remediis. Nostrium quoque consilium expetitur fuit in urinæ suppressione cum ardore genitalium conjuncta, qua fortè ob compressionem sphincteris vesicæ ex grandiori foetus mole ultimo gestationis tempore nonnullæ infestantur. Cautè hîc mer-

*Dolores
parturien-
tium spurii.*

*Urinæ sup-
pressio in
gravidis.*

candum cum diureticis, & vix à nobis potuimus impetrare, ut propinarem^{us} spiritum falis, tinct. nephritic Ammelungi, malvat. juniper., tartar. vitriolat., juscula cum petroselino parata &c. ac ferè unicè externis contenti fuimus. Balneorum virtus hìc eximia est. Pectini quoque & perinaeo cataplasmata ex rad. alth., herb. malv., cherefol., parietar. nasturt., apii, bacc. laur., ol. scorp. optime applicantur. Mulierculæ capas butyro frixas apponunt, non sine levamine. Cùm verò sermo noster inciderit in affectus gravidarum, non abs re fuerit paucis delibare, quomodo in spasmis & tenesmo earum removendis fuerimus versati. Spasmi vicinarum partui, quantum nobis quidem constat, ex compressione & extensione fibrarum ac nervorum, dùm uni lateri diutius incumbunt, oriuntur. Ac ita quidem fert usus communis, ut in hoc affectu juncturæ secundum nervorum ductum, essent. castor., elix. uterin. aqv. apoplectic. & epilepticis variis, articulari Mynsicht., spir. formic. vel unguento nervino illinantur; enimverò tantum abest, ut hinc mitigatio spasmi sequatur, ut potius intendatur. Calidum lac hìc omnibus reliquis factum fecerit medicamentis. Imò ipsam & am calidam spirituosis omnibus, duce experientiâ, præferimus, minimè cæteròquin inficientes, quòd pedilavia cum emollientibus & blandis nervinis remixta, optato etiam gravidas exhilarent eventu. In remediis, quæ tenesmo utero ferentium opponuntur vulgò, nihil est, quod desideremus. Apprimè satisfaciunt expectationi fetus ex fol. querc., florib. thapsi barbat., chamæmel., rofar., sem. lini, linar., furfure tritico, in lacte, vel vino, pro re nata decoctis. Nec minùs ritè se gerit suffimentum de verbasco Myns. in fellâ ano exceptum. Internorum hoc in casu non adeò magnus est usus, nisi ab hoc censu oleum amygdal. d., cujus spectatæ in demulcendo vires sunt, excipere velis, quod & nos non adeò nauseabundis ordinavimus.

In hoc autumno frequenter observavit D. Helwich artuum tumores à scabie solis externis unguentis præposterè curatâ; hi, partim laxantibus, partim sudoriferis & ðialibus unicè tolluntur, externa, cujuscunque etiam generis sunt, sive adstringentia, sive discutientia, nullum effatu dignum hìc præstant effectum. Ab emplastro diasulphur. grave damnum idem in ejus generis tumoribus notavit; nimirum cum antea appetitus optimus esset, & respiratio liberrima, post hujus emplastri applicationem dejectum appetitum, & respirationem impeditam & anxietates præcordiorum natas vidit.

Lingvæ Pa-
ralysis.

Notabile exemplum paralyseos lingvæ habuimus, hodieque adhuc habemus in Viro generoso temperamenti sangvineo-cho-
lerici.

lerici. Is in juventute itinera plurima quovis cœlo peregit, & errores plures in victu, cibo & potu commisit. Postquam ex itineribus illis in patriam reversus esset, initio quidem per aliquot annos satis bene vixit, ferè verò jam à tribus lustris aliquam in loquendo difficultatem sensit, quæ tardè sua sumpsit incrementa, donec non nisi dentibus fortiter constrictis vocem quasi inarticulatam ederet, an in utroque latere mandibulæ fragorem inter loquendum perciperet. Fatigatus à malo, varios fatigavit Medicos, donec in aliquem 7 Vra-tislaviâ milliaribus distantem incideret, qui perfectam mali curam promisit, balneisque ex nervinis & aliis id affecutus est, ut non tantum jam verbum nulum, nisi fortè aliquando manè, quod tamen modò fit rarissimè, clarè ac distinctè proferre possit, sed & obambulandi & corporis movendi facultatem amiserit, lingua ipsi gravis & continuo salivâ abundat. Initio locum affectum meritò credimus fuisse nervos paris septimi, secuta deinde plena paraly-sis non nervos tantum, qui motum organis sermonis impertiunt, sed etiam linguam & musculosas vicinarum partium partes afficiens. Dentium ista constrictio omninò etiam magis paralyti, quàm motui convulsivo maxillæ inferioris musculorum tribuenda videtur, & si quid videre nobis datum est, musculi maxillæ inferioris deorsum trahentes invalidiores sunt sursum trahentibus & os claudentibus, atque verisimile est, eos magis robore suo destitutos esse. Frigor, quem olim inter loquendum percepit, à mucosâ ac glutinosâ humiditate ipsam articulationis cavitatem occupante, ortus est sine dubio. Nec fallitur, qui hujus paralyseos causam conjecerit in serum, quo magis, quam par est, nervi & fibræ musculorum sunt irrigati, copia autem illa feri fortè originem trahit à diætæ erroribus, motibus corporis cœlo vel nimis fervido, vel nimis algido, abusu vini, catarrhis &c. Observatum etiam aliàs à nobis est, non magnam ex balneis nervinis nancisci paralyticos utilitatem, sed majorem fere præstare effectum sacculos ex lavend. salv., hyssop., thymo, roremarin., majoran., chamædr., betonic., fl. prim. ver., lil. conv. calidè & siccè impositos, aut sanè epithemata non adeò madida. Ad hunc virum nuper vocatus D. Helwich, is, consideratâ habituali in eo paralyticâ, non tantum in linguâ, sed & in artubus debilitate, quæ per tantum tempus profundè radices egit, perpenso etiam torpore, somnolentiâ ac fere stupiditate Viri, rotunde, non esse in artis potestate, hîc auxilium aliquod tam afflictis afferre rebus, fallius est, & cum instaretur, nodulum ex carminativis & nervinis jamjam memoratis ad-movit, ut ita alvi insolitæ siccitati per 7 & 8 dies fere & ordinario duranti succurreretur. In solatium etiam ægri, morsulos cephalicos, linimenta, mixtu-

ras cephalicas &c. præscripsit, ac autor fuit, ut ceratum de galbano afflictorum muscutorum principiis & potioribus tendinosi insertionibus applicaretur, his saltem apoplexiam, quæ merito metuitur, pro virili averruncaturus. Quâ occasione tacere non possumus, nullam prorsus specialem efficaciam in paralyticis observatam fuisse ex usu olei vulpini, lumbr. terrestr. pingved. castor. externo, essentiam quoque castorei cum spirit. lumbric. internè minùs expectationi satisfacere. Ubi à refrigeratione mali initium, ibi oleum succini, laterinum, spic. carv., serpill. therebinth. &c. non contemnendi usus sunt. Decoctum ex lumbricis, rad., valerian., herb. betonic., salv., majoran., summitatibus rorismarin., fl. lavend., sem. milii Ovis, melle &c. debitâ quantitate & tempore, corpore evacuato, præmissis etiam reliquis, est remedium satis præclarum in imminetibus paralyticis debilitatibus & fatigationibus Non tamen dissimulamus, quod in pulvere ipso lumbricorum virtus longè sit præsentior, quàm in omnibus præparatis.

Inflatio Ventriculi.

Creber etiam affectus erat hisce diebus inflatio ventriculi interdum satis enormis, quàm ructus, difficultas deglutendi, orificii ventriculi distensio, comitabantur. Ructibus suppressis, tendebatur regio epigastrica, & sensus distensionis ejus ad pectus, collum atque dorsum sese diffundebat, non sine magnâ præcordiorum anxietate, spirandi difficultate, dum ægri cubabant supini; epigastrica regio percussa sonum edebat, ac dum ab uno latere se in aliud ægri provolverent, motum flatulentiarum percipiebant. Facilis erat parata his medela in evacuantibus & carminantibus, non tamen nimium calidis, quibus pituita stomachalis facile in flatus resolvitur. Egebat tamen hæc cura suis cautelis. Nam flatibus torquebantur etiam illi, qui flatulentis & dispeptis corpus non repleverant, sed ut hypochondriaci solent, acidâ cruditate abundabant, quibus purgantia non conveniunt, ut rectè jam monitum est à Sylvio.

Lienteria.

Alii hoc Autumno corripiebantur Lienteriâ, ac assumptos cibos nihil alteratos statim post prandium dejiciebant. Sublevabantur hi egregiè stomachicis præprimis ex mentha & absinthio paratis, nisi, quod aliquando eveniebat, cum ictero, hydrope, febribus tertianis lentis eadem complicaretur. Quidam cibos in pulticulam resolutos non diu post prandium egerebant, uno verbo, coeliaco laborabant fluxu, atque hoc vitium iisdem, quibus Lienteria, remediis superabatur.

Asthma stomachale.

Exempla etiam Asthmatis Stomachalis nobis offerebantur, five cruditates in flatus resolutæ diaphragma comprimerent, si-

ve ventriculus, à contentis suis in spasmum concitatus, contiguum sibi diaphragma simul afficeret. Hujus asthmatis nulla sunt certiora signa, quam quòd ab assumptis alimentis paroxysmi recrudescent, & humoribus vitiosis vomitu rejectis sedentur ac compescantur. Imò unum alterumve datum fuit exemplum febris anhelosæ & asthmaticæ, quam describit Sylvius *lib. 1. prax. c. 30.* Invadebat illa cum magnâ abdominis distensione atque præcordiorum anxietate, quæ tamen decresebant flatibus *ἀνὰ τὴν κοιλίαν*, effractis repagulis, cum sonitu erumpentibus. In evmetis, ubi circumstantiæ permittunt, cura vomitorio expediri potest, quod in ejus generis affectu non sine causâ Platerus, Sennertus, Riverius, Timæus aliique commendant.

In Viro quadragenario circiter chylosam urinam, qualem *Urina chylosa.* descripsit Timæus *l. 3. cas. 43* vidimus, qualem non meminimus à veteribus notatam. Certe Casp. Hoffmannus, in veteri Medicina sine exemplo versatus, cum post visitationem pharmacopolii torpore corporis & animi correptus conniveret potius quam dormiret, & vomitu dejecisset pituitam lentam, quæ sensum præbebat sui quasi pertranseuntis lardi &c. ac urinae hujusmodi tantillum singulis penè quadrantibus mingendo reddidisset, vix habuit, quod responderet ad verba hæc uxoris: *Lac minxisti hæc nocte.* Et Archiater ejus, cum ostenderetur urina ista, dubitavit, an quicquam tale vacuasset Hoffmannus, donec his verbis rei veritatem æger adstruxisset: *Quam vere hic jaceo, inquam, tam vere hæc minxi.* Unde Medicus amplius admirans, abiit dubius, ut ipse testatur Hoffmannus in epistolâ quâdam ad Reinesium. Cum verò hujus urinae natales nuspiam cum majori verisimilitudine quæri possent, quàm in ventriculo (nam dum hoc primæ coctionis organon in operatione suâ deficit, cruda & minus cocta non tantum ad intestina, sed & sanguini mista, ad reliqua viscera, ipsosque renes confluunt, & magnâ salium vi iterum à sanguine, cum quo ad brevè tempus erant confusa, præcipitantur) cura ad vitiosam digestionem emendandam convertebatur, hæcque correctâ corrigebatur etiam urina. Huic non adeò absimilis est urina puerorum gulæ nimis deditorum & se cibis sapidis quibusvis infarciendum, quæ etiam reliquis anni partibus non prorsus insolens est, & ex eodem fonte, cruditate scilicet ventriculi, oritur, quam cum sustulisti, etiam urinam mutari videbis.

Consilium nostrum non minùs hoc tempore à Chirurgis re-

losa & sinu- osia. quiritum fuit, quomodo in ulceribus sinuosis inveteratis interne ortis & oblongis, exterius verò callofis, ritè sese gerere deberent. Hæc enim ulcera tùm aliis temporibus apud nos, tùm maximè in Autumno Chirurgis crucem figunt. Et hîc optandum quidem esset, ut Chirurgi nostri Italos imitarentur, & ubi res patitur, totum ductum fistulosum discinderent, at frustra iis, nec minùs ægris hæc cantilena canitur. Difficultas autem curandi fistulas cum oriatur & à superficiei callositate aut fungosâ deturpatione, & à fibrarum absumptarum residuo, tandemque vasorum per ejusmodi tractus disseminatorum erosionem, ac ultimo, si diutiùs ulcera duraverint, ossium carie, nec enim novum est, quod recenset Muys, quod ex ulcere fistuloso aliquot fragmenta ossium pertraxerit. Nos hos fontes malorum convenientibus obstruere remediis satagemus. Ad callosam horum ulcerum cavitatem tollendam, & fibrarum residuas partes absumendas, septica commendavimus. Ac sane hîc ærugo egregium præstat effectum, modò ad ossa & tendines fistulosa corruptio non pertingat, ibi enim grave infert damnum. Ut notabili exemplo tùm edoctus D. Helwich in Viro ecclesiasticâ dignitate conspicuo, post febrem ardentem parotide correpto, hæc non debite tractata fistulæ maxillari sub dentibus molaribus inferioris maxillæ erumpenti occasionem dederat. Postquàm itaque dentem Chirurgus evulsisset, rectè credens absque evulsione hæc nullam sperari posse curam, improvidè admodum unguentum Ægyptiacum non tantum injectionibus admiscet, sed & locum ab evulso dente vacuum eo infercit, ratus, optimè se rerum suarum satagisse, ac persuasus fordes ita detergi, spongiosam carnem absumi hoc unguento, quòd aliàs quidem verum est. Sed quid hîc fit? Non tantum post applicationem hanc pura effluabat lymphæ in quantitate insigni, unde corpus ad maciem redigebatur, pedes intumescebant, sed & pars maxillæ abscedebat. Inter disceptationes, unde effluxus ille lymphæ ortus esset, & quænam causa, cur secessisset pars illa maxillæ, ordinario quidem Medico Chirurgum accusante, quod Galibus, se infcio, usus esset, Chirurgus verò id strenuè negante, æger facillè contabuisse; D. Helwich advocatus facillè videbat, stillicidium illud lymphæ non aliunde ortum, quàm ex læsione glandulæ Warthonianæ & secessionem partis illius maxillæ ab incongruo unguenti Ægyptiaci usu profectam esse, ac id agebat, ut modò spiritus vini rectificatus, modò essentia succini debite adhiberetur, quæ medicatio ægro tandem etiam salutaris extitit. Cæteris indicationibus in curâ fistularum, præprimis autem consolidationi promovendæ, primario inferviunt balsamica, externè verò etiam discutientia & nervina applicata profunt,

non neglectis succinatis interne ad avertendum serosorum humorum affluxum propinatis. Quo scopo etiam vulgaria lignorum decocta non inutiliter commendantur. Alii etiam multa in laudem variorum traumaticorum scribunt, inter quæ tamen hedera terrestris, bellis arvensis, sanicula, reliquis palmam præripiunt. Novimus quendam, qui multa ab usu sulphuris hîc sibi pollicetur, quod quidem facile admittimus illo in casu, quo humores ab ulcere in corpus regressi turbas cient, tûm enim sulphuratis iterûm ad ambitum corporis propelluntur, & turbæ ex retropulsis humoribus ortæ sedantur. Si à carie ossium consolidationi obex ponatur, parûm sanè spei in medicamentis reliquum est, sed hîc necessariò partes corruptæ sunt abradendæ, quod ubi factum, essentiæ balsamicæ rectè ad integritatem ossium conservandam, ulterioremque corruptionem avertendam adhibentur.

In communi ista morum labe, quâ major Europæ pars contaminata est, omni tempore oculis observantur nobis in praxi *Gummata Gallica.* gummata Gallica, sed, ut compertum est, maximopere circa autumnum sæviunt, ac pravam sementem non nisi messis sævissimorum dolorum excipit. Conspiciuntur, ut notum est, hi tumores non tantum circa articulos partium, sed & in mediâ fibulâ, ac in medio cubito, ac nonnunquam ferta sunt, quibus capita horum procorum (an porcorum) coronantur. In partibus mollioribus porosioribus non adeò nidulantur, quàm in membranaceis & glandulosis. Materia horum viscida ac lenta est, & quidem lymphatico-salivalis, ut patet ex foetido & summe putredinoso odore, qui sufficiens mucido-pingvis substantiæ, qualis lymphaticus est humor, signum præbet. Hinc etiam fit, ut in ambitu horum ulcerum insignis durities offendatur, quæ vel ex fissuris elucescit, nam notum est, quòd sero-salivales humores tenacissimi morâ & quiete reddantur. De hâc origine horum gummatum etiam testimonium perhibet insignis ille pruriginosus ardor, qui molestus ægris esse solet, nam hic non aliunde, quàm ab acri lymphâ esse potest, si enim à sanguine esset ardor, esset inflammatorius. Non rarò cùm his ossium corruptio combinatur. Et experientia testis est, quod Gallicis illis stasibus ossa arrodantur, & nigro imbuantur colore. Ejusmodi Æos nodos non impetu quodam aggressi sumus, quem materia lenta ac viscida vix admittit, sed lentè in curâ istorum festinavimus. Et primò quidem ante omnia sanguinis depurationi solerter intenti fuimus, ac mundato sanguine ad curam gummatum illorum progressum fecimus. Aliquando Clar. D. Sorbait imitati, applicavimus empl. diachyl. c. gumm. & Æio, aut de ran. Vigon. c. Æio, aut alio modo putre-

trefactionem tumorum horum procuravimus, ac caustico aperuimus. Mundificationem instituimus unguento basilico, cui parum ℞ii præcipitati admiscuimus. Circa partem affectam in ambitu emollientia emplastra, ℞ialia remedia, rariùs lamellam plumbeam ℞io dealbatam apposuimus; omnia tamen frustra adhibentur, quando ossa carie infecta sunt, nisi huic malo cò, quò ante dictum est, modò occurratur. Hoc tempore etiam hæmorrhoidem oris, à Medicis prætermittam, observavit D. Helwich, quam fufius descriptam in Ephemeridibus nostris proximè edendis legere licebit.

Nobilitate generis & virtutis insignis fœmina, temperamenti sangvineo-cholerici, Anno ætatis quinto & trigesimo, cæteroquin aliquot prolium mater, post abortum maximo sanguinis profluvio illi fere funestum, iterum concepit, & sub dimidio gestationis tempore œdematoso pedum tumore correpta fuit, tanto quidem, ut difficili gressu incederet. Neque tamen vasa in pedibus tumentibus, sicut aliàs in gravidis, valde fuere conspicua. Hæcque, licet procedente tempore magis magisque lassâ redderetur, & de lumborum & femorum dolore ac gravitate, aliisque incommodis quereretur, fortiter tamen satis omnia, ut erat animo generoso, pertulit. Imminente verò partûs tempore, cùm, comitantibus Amicis, quos manè convivio exceperat, & cum Domino Marito, ad captandum liberiores aërem extra mœnia vecta, corpore carpento leviter concusso subitò ad reddendam urinam stimularetur, humorque aquosus ante fœtum efflueret, illa necessitate coacta domum rediit, ubi languidiori dolore, perque longiora intervalla repetenti stimulo afflicta, tandem puellam, quâ tenerior non visa, per Dei gratiam enititur. Post partum vomitibus fatigata gravibus puerpera D. Helwich vocari iussit, qui in circumstantias causasque inquirens, admissum frigus, & negligentiores obstetricis in circumponenda abdomini fasciâ manum, accusari percipit. Præscribitur ab eo potiuncula ex ∇ . pulegii, artemis. meliss. carminat. polyophel. Cinam. borrag. essent. carminat. elix. uterin. D. M. & syrup. melissophyll. ad sedandos vomitus, compescendos flatus, & promovenda Lochia. Externè illinitur ∇ a Panis cum Vino Malvatico destill. & essent. Croc. ex his vomitus conquiescere cœpit; ast Lochiis segniùs fluentibus necessum videbatur tale remedium, quod & debili ventriculo succurreret, obstructionem alvi tolleret, & illorum simul fluxum augeret, huius generis est elix. propriet. P. s. acid. c. essent. myrrh. tartaris. ex ejus usu & externa applicatione cum ∇ . virtut. cordial. cirtr. balsam. vit. & aliis contra deliquia, omnia ex voto fluebant, nisi quod cerevisiam ex tritico coctam minùs benè ferre posset, ejusque in locum decoctum ex hordeo, rad. polypod. scorzon. &c. surrogari permetteret.

Sexto à partu die tussis nostram adoriens, mox pectoralibus, succinatis, & decocto ex rad. altheæ, liquirit. farfar. fruct. siliq. jujub. sem. anis. &c. oppugnata facilè cedebat; ingens tum malacia erat, in ingentes imposterum naufragio infames tempestates desitura. Quippe post mensem exhibiti ordinario Medico tumentes Pedes terrorem incutiebant, dum facilè prævideret, tumorem hunc aliquid monstri alere, nec esse ex eo genere aliàs gravidis solito, qui lochiis ritè procedentibus, sicuti in nostra factum, sensim evanescit, hic enim majus augmentum capiebat. Quid consilii? Lactatio infantis, vires partus labore exhaustæ, motuumque in corpore variæ ataxiæ, nec drastice purgantibus, nec validioribus diureticis, nec fumosis sudoriferis hinc agendum esse svadebant. Calculo probe subducto & demonstratâ ablactationis necessitate, supra nominatus Medicus curam auspicabatur pilulis ex extract. angel. helen. helleb. n. gran. chermes, succis absynth. scord. card. b. gummatibus juniper. heder. arbor. &c. Quibus ad tempus adhibitis progressus est ad electuar. ex rob. juniper. sambuc. sale. absynth. genist. & diaphoret. & tial. c. syr. d. spina cervin. adjunctis enematis ad ferociam colluviem educendam. Tumidis pedibus circumpositum cataplasma ex rad. plantag. bryon. herb. calamenth. origan. salv. chelidon. major. summit. absynth. flor. chamom. melilot. balauftior. sem. levistic. baccar. juniper. laur. in vino decoctis. Inter quotidiana de ablactando infante monita, post usum multum & aperientium, anticacheticorum e.g. & tial. tartareor. & pepticorum, carminativorum in formis variis, sanè opportuno tempore datorum & sæpius repetitorum, providè factus fuit progressus ad evacuantia, puta, nodulos

(1) Ex rad. galang. calam. aromat. pimpinell. fol. agrimon. absynth. fenn. fl. flor. persic. centaur. min. rhabarb. sem. cartham. ebul. foenic. dauc. cret.

(2) Ex rad. apii, petroselin. levistic. imperat. pimpinell. cord. median. sambuc. guajac. herb. marrubii. fol. menth. &c. addito sal. tartar. Et cum subinde corpus ad sudorem inclinaret, diaphoretica interpolata diebus ab evacuatione liberis, imò & diuretica in usum vocata, e.g. lixivium ex ciner. genist. stipit. fabar. juniper.; non omissis corroborantibus: vino nempe absynth. enulat. ut & trageis; quibus & topica varii generis diligenter adhibita, annumeranda. Et quo major ex horum remediorum usu sperari posset effectus, potus & alimenta virtutibus hydragogis graviora præscripta fuerunt. Et hæc enarrata methodus tam proficua Nostræ videbatur, ut hæc appetitum ad tempus redire, pedes detumescere, sitim & dyspnæam remittere sentiret. Ast

dolenda gaudii hujus brevitās; quippe denuò crescens pedum tumor, ad femora usque protendebatur, nec non circa lumbos extravasati feri indicium præbebat leucophlegmatica inflatio, ita ut omnibus in pejus ruentibus D. Pauli in consilium simul vocatus fuerit, qui rebus optimè perpensis, & ablaetandum infantem, & in prædictis medicamentorum generibus pergendum esse monuit. Nostra dictis patientissimè audiens, nullatenus tamen convalescebat: Hinc tertius arcessitus Medicus multus quidem in celebrandis hætenus adhibitis remediis, fortiora tamen svadebat purgantia. Nos conclamatum hujus statum videntes, indequæ facilius tertio consentientes, post quartam validiorum ejusmodi pharmacorum dosin ægram longe pejorem magisque longè distentum abdomen observavimus. Quatriduo hinc ante mortem paracenthesi, cujus mentionem fecit tertius, & à Nobilissimo Marito, tanquam unico servandæ uxoris remedio, approbatæ, jam dies & hora destinabatur, sed prævenit eam hydropicæ mors, formidine operationis maturata, nam sub vespërâ satis bene adhuc respirans, & cum Dn. Marito cœnans, primo diluculo exspiravit.

Subditum manè lustrationi corpus, properante cultro peritonæo per-tuso, aqua, cui intestina innatârant, ex sanguinis tincturâ subflavescens, ast minime foetida, decem congiorum circiter promanabat. Prosectione ulteriori factâ, obiter insipientibus illæsa videbantur viscera, præter duriores lienem, qui non videbatur justam magnitudinem adeptus. Quanquam Malpighius in *Respons. ad opposit. centenas in Triumph. Galenistar. p. m. 238. in oper. Posthum.* providè moneat, tum in aliis, tum in pulmonibus ipsis adesse posse internam rupturam pulmonum, quæ sufficiat necando homini mediâ laceratione vasorum & substantiæ pulmonum, & consequenter inflammatione ac motu impedito totius ferè sanguineæ massæ &c. & eam tamen agnoscere non posse à Prosectoribus etiam accuratissimis in Thêatris Anatomicis omnia diligentissimè & oculis microscopio armatis rimantibus; ut proinde nulla his tribus Medicis inferretur injuria ab eo, qui iis de integritate viscerum, vel vasorum in iis contentorum lymphaticorum in hoc cadavere testibus fidem derogaret. At vero, Laus Deo, benè factum, quod in hac festinante inspectione omentum benè inspectum, quod disruptum, friabile, putridum ac omni pingvedine destitutum, hincque ferossæ istius colluviei intra abdomen collectæ scaturigo, consequenter causa mortis hujus est inventum. Nec prima est Nobilissima Matrona, quæ propter omenti læsionem obiit, sed propter eandem causam Virgo mortua legitur apud Theophil. Bonet. in *sepulchr.*

l. 3. Sect. 21. Observ. 33. p. 1127. Omentum quippe duplicatum, emissis aquarum 46 mensuris, omni ex parte saniosum repertum, cæteris officinæ naturalis visceribus optime constitutis. Propter similem omenti defectum obiit alter ille, de quo Warthon. *in Adenographia c. 12.* consulendus; nec non mulier alia hydropica, apud Barthol. *Centur. 1. Observat. 2.* Acuratissimus Ste nonius secuit Rangiferum ex hydrope demortuum, ac unicam morbi & mor tis causam lynceis manibus in omento offendit teste celeberrimo Borrich. *in Act. Med. Hafnien. An. 1673.* Quin Volckammerus noster, Practicus experi entissimus, veram hydropis ascitis originem omento assignare audet *in schol. observat. 18. & 19. decur. 1. Ephemerid. nostr. p. 64.* eamque in duobus cada veribus Norimbergæ ad oculum ab ipsô demonstratam vidit D. Pauli. Idem accuratissimus Anatomicus D. Hartmann confirmat *decad. 2. & 5. Observat. 72. p. 166. nostr. Ephemerid.* Jam verò si rupta saltim vel tenui quâdam omenti fibrâ vel subtili canaliculo guttatim aquositas in cavitatem ventris stillet & au geatur, optimè annotante *l. c.* Volckammero, quid fiet, si non tantum mar gines extremi sint laciniosi, sed & reliquæ partes disruptæ? an forte non sa tis constat, quod epiploon vasis amplis & evidentibus conspersum sit? Mitta mus, quæ ex Hippocrat. *lib. de loc. & Sect. 7. Aphor. 57.* afferri solent. Quis ignorat, quod habeat vasa à ramis coeliacis & mesaraicis, eaque satis ampla & numerosa, conf. *Medic. Physiolog. Linden. p. m. 59.* Bartholinus *in Ana tom. reform. p. 62.* Rectissimè Clar. Diemerbrock. *lib. 1. Anatom. p. 28.* hoc pe culiare omentum præ reliquis membranis habere, ait, quod venis copiosis instar retis intertexatur. Quibus vasis etiam glandulæ sunt interstra tæ, observante Veslingio, & Warthono *in Adenographia c. 12.* Plurimas in eô vesiculas multo refertas humore vidit Boschius & Malpighius *in Exercit. d. oment. pingued. & adipos. ductibus Tom. 2. oper. p. 232.* Quem ab alimentis separari & per aliqua vasa in omentum derivatum in cavitatem ventris deplu ere rectè affirmat, atque hinc cum Hippocr. hydropis originem petit. Et in quantâ copia colluvies confluet, adeo copiosis vel omnibus vasis ruptis & li quorem, quem vehunt, in abdominis cavum, effudentibus (ut in nostra ascitica factum) si ex uno canaliculo juxta Volckammerum, vel vesiculis quibus dam juxta Malpighium, hydropico tumore venter intumescit? Et in statu tali quid emolumenti misera nostra ex celebratâ paracenthesi (cujus terribile no men sanè illius fata præcipitavit) capere potuisset? Memorem enim oportet esse Medicum effati Hippocratis, etiam tyronibus noti *6. Epidem. Tom. 7. Pa racenthesin instituendam esse, quando ægri sunt εὐπλάγχοι*, viscera ritè

constituta habent, ac viribus integris gaudent, nisi forte animam cum aquis effundere cupiat. In nostra proinde hydropica ob tantam omenti læsionem vasorumque ruptionem ejusmodi operationi nullus erat locus, indeque testibus celeberrimis Medicis, ac iterata nostra experiëntia verissimum manet: quo plus subtractæ, plus cumulantur aquæ; dum vulnera illa interna nullis balsamis consolidare, nullis vinculis constringere licet.

Ultimo ecce Lector numerum eorum, qui mortalitatis legem impleverunt hoc anno. Nimirum ad meliorem, ut speramus & optamus, vitam translati sunt:

| | | | | | | | | |
|-------------|---|---|------|-----------------------|---|---|---|------|
| In Januario | - | - | 102. | Julio | - | - | - | 80. |
| Februario | - | - | 121. | Augusto | - | - | - | 106. |
| Martio | - | - | 178. | Septembri | - | - | - | 134. |
| Aprili | - | - | 163. | Octobri | - | - | - | 95. |
| Majo | - | - | 120. | Novembri | - | - | - | 91. |
| Junio | - | - | 86. | Decembri usque 24. d. | - | - | - | 66. |

Summa 1342.



HISTORIA
MORBORUM,

QUI

ANNO M DCCIMO VRATISLA-
VIÆ GRASSATI SUNT,

ADORNATA

à

LEOPOLDIN. ACADEM. NATUR.
CURIOS. COLLEGIS
VRATISLAVIENSIBUS.

V I R O
ILLUSTRI AC MAGNIFICO,
D O M I N O
LUCAE SCHROECKIO,
MED. DOCT.

Archiatro & Comiti Palatino Cæsareo

S. R. Imperii Nobili


Academ. Leopoldin. Imperial. Nat. Curios.

PRÆSIDI,

ac Reip. Augustan. Physico &c.

Salutem & omnigenam

prosperitatem!



ILLUSTRIS AC MAGNIFICE DOMINE PRÆSES.



*Lane singularem tuam ac latissimè diffusam in
Physicis & Medicis eruditionem cum sparsa per
Germaniam, Italiam, Angliam & totum Or-
bem cultiorem hæc studia amantium univer-
sitate, ab aliquot annis merito suspeximus. Ad-
miranda quoque humanitate, quæ ita propria
Tibi est, ut suavissimis ejus vinculis erudito-
rum quorumvis animos in blandam trahas
captivitatem, nos totos fecisti Tuos. Certè literas Tuas ad nos datas,
benevolentia & amoris erga nos gratum pignus, quanta aviditate per-
legimus, tanto eas cultu semper sumus prosecuti. Et cum Illustris
Academia Leopoldina quaqua versum diffusa est, grata agnoscat, se
Tuis, Vir Excellentissime, laboribus, pro ejus incremento susceptis plu-
rimùm debere: Collegium tamen Nostrium Vratislaviense, præ omni-
bus aliis membris, summoperè eo nomine Tibi est obstrictum, utpote cu-
jus peculiariter interest, ut Academia Leopoldina splendor orbem lite-
rarium ad seros usque nepotes illustret. Ingrati itaque essemus Col-
lega, si amorem cultumque Tui intra animi secreta clauderemus, ne-
que curaremus, ut ad posteritatem, si tamen illa laboribus nostris spe-
randa est, monumentum Nostræ erga Te, Magnifice Præses, observan-
tiæ, extet. Tantis vero virtutibus Tuis, & in nos meritis eximium &
præstans debebatur munus, sed ejusmodi à nostra tenuitate, cujus no-
bis optimè sumus conscii, proficisci minime potest, adeoque ignosces, si
te-*

tenui farre & molâ salsâ hac vice litaverimus, & solvendo adhuc impares, exiguo dato pignore testati fuerimus, quantum & quam libenter debeamus. Et tamen, si nobis indulges, quod sibi promisit Horatius, pretium dicere muneri, est Historia Morborum Vratislav. Tuâ Auctoritate, exemplo & monito à nobis inter periodorum labores & tædia, horis subcissivis adornata, morborum, inquit, Historia, tantæ aliàs dignitatis, ut artis salutiferæ & ortum ac incrementa ei debeant, imò & dignitatem omnem vix aliunde tueatur. Calculo Tuo Historiæ annum primum gratiosè probasti, & benigne laudasti, imò lucubratiunculas has judicasti dignas, quæ oculos Baglivii, Ramazini, aliorumque Doctissimorum Virorum subiret. Hæc Tui judicii æquitate freti, tertium Istius Historiæ Annum Magnifico Tuo Nomini sacrum esse jubemus. Quod si Tibi, Vir Magnifice, hæc Historia placuerit, nullos è plebejâ cavèâ plausus morabimur, quin etiam securè contemnemus Buccones & Bruchosistos ἀνθαδὸς ὀμῆς & doctorum arrosores. Habeant sibi res suas, invideant, ringantur & irruant, dùm ilia rumpantur. Nos felicitatis nostræ partem in eo esse sitam putabimus, quod imperiti & invidi nos oderint, dùm ament boni & periti. Interea, Magnifice, Domine, DEum ardentè precabimur, ut, sub bellorum turbine, Te diu servet incolumem Inclytæ Augustan. Reip., Academia Leopoldinæ Nat. Cur. & nostr. Collegio! Vale & fave

Magnifici Tui Nominis

Cultoribus

Scribeb. Vratisl. 1763.
die 8. Nov.

LEOPOLDIN. ACAD. NAT. CURIOS.
Vratislaviens. Collegis.



I. N. F.



Rdo jam nos deducit ad Historiam Morborum, qui Anno supra millesimum septingentesimum primo, in Silesiæ Metropoli haud paucos fatigavere. Eâ verò, quam hætenus observavimus, in illis describendis Methodo iterum uti non dubitamus. Exordium laboris, sub divinis auspiciis, à constitutione aëris ducimus. In Januario variæ erant ratione frigoris vicissi-

tudines. Modo enim aër liquefcere & quodammodo diffuere, ac in ampliora spatia sese diffundere videbatur, modo autem frigore constipatus in angustum cogeatur. Finem verò mensi imponebant nebulæ illæ insalubritatum fomites. Februarius tum his, tum etiam nivibus (nisi has cum aliquo florem brumæ, lætamen, quo ster- corantur agri, plumas, quibus fovetur, & à frigore defenduntur segetes, esse velis) & variis ventorum mutationibus horridus erat, nonnunquam tamen quodammodo placidus & æquabilis aëris fluxus observabatur. Sub initium Martii frigidiuscula aura subito cum blandiori aëre commutabatur; nec tamen Mensis ad finem sine nimbis, grandine, variis ventorum tumultibus decurrebat, sic tamen, ut blandus solis calor, in his aëris varietatibus nonnunquam Silesiæ incolas exhilararet.

*Constitutio
Aëris in
Mense Jan.
Febr. Mart.*

Mense Januario Febres continuæ periodicæ, variis stipatæ symptomatibus, præprimis autem cardialgiâ, vomitu, spasmodicis hypochondriacis &c. non paucis erant molestæ. Grassabatur etiam pleuritis spuria, erant, quos erysipelas capitis in periculum vitæ conjiciebat. Lumbago quoque iis, qui Baccho & Venere delectabantur, molestiam creabat. Nec minus febr. petechiales satis erant frequentes, quæ etiam ad domesticos, incautè cum ægris conversantes, præprimis, si hi essent meticulosiores, per contagium propagabantur. Tractati fuerunt hi morbi non sine felici successu eâ methodo, quam in Historia Morbor. An. 1699 & 1700 adumbravimus. In Febribus malignis &

contagiosis iterum V. S. omiſſa fuit. Nec in his curandis calidiora alexipharmaca fuerunt adhibita. Multò minùs calidiſſimo regimine ad eliciendos profuſos ſudores uſi ſumus. Ex hoc capite à nonnullis, ut accepimus, reprehendi ſuimus. Jurene an injuriâ id factum, ut eluceſcat, liceat nobis, bonâ Lectoris veniâ, ſummam eorum, quæ de morbis contagioſis, à Collegâ quodam noſtro, alio tempore accuratiùs diſputabuntur, hic breviter ſiſtere, & quidem eo fine, ut pateſiat, non rejiciendam eſſe methodum, quâ in debellandis contagioſis morbis uſi ſumus. Exordiamur autem rem ab ovo, ſed, ut diximus,

De Contagio.

ſumma tantum capita perſtringemus. *Per Contagium*, à quo morbi contagioſi denominantur, *hoc loco intelligimus verbo Hippocratis* *ὑπορροία* *ὑπορώδης* ſive morboſum deſluvium corporis ægri, quod in aliis corporibus ſimilem morbum producit. Neque enim propriè loquendo vel iſte morbus, à quo alius originem trahit, vel ille, qui ab alio oritur, contagium, ſed uterque tam inficiens, quàm ab inficiente propagatus, rectius à contagio dicitur contagioſus, tametſi uterque eò, quod ſimiles morbos procreet, non rarò contagium vocetur. Unde etiam patet, quod à propoſito noſtro aliena ſit illa contagionis ſignificatio, qua quævis gravior ægritudo, quæ inter viventia ſtragem edit, (quam nos Germani vulgò eine *Seuche* appellamus) uſitatâ loquendi conſuetudine denotatur. *Contagium hoc*, de quo nobis ſermo eſt, *corpufculum eſt*, (adeoque ſubſtantia quædam) *quod effluit ex corpore ægro*. Nam non eſſe qualitatem quandam putridam, quod Eraſtus quondam alicubi ſtatuiſſe videtur, res ipſa loquitur, cum, accidentia ex ſubjecto in ſubjectum aliud non migrare, etiam pueris notum ſit. Quoniam verò corpufcula ejusmodi vel ſolida, vel fluida, vel amborum, potiſſimum autem horum, *ὑπορροιαί* eſſe queant, cujuſnam generis ac indolis ſint, id porrò indagandum erit. Hoc ut fiat, brevibus præcipui morbi, qui communi ſuffragio noſtris in oris contagioſi ſunt, erunt percurrendi, & quodnam illud medium ſit, quo ægri ſanos alios inficiunt, diſpiciendum.

Contagioſi autem morbi alii *σποραδικοί* alii verò *κοινοί*. Priores ſunt nobis notiores poſterioribus, & inter illos partim nimîâ frequentiâ, partim etiam turpitudine ſuâ infames, lues venerea, ſcorbutus, ſcabies, tinea, ophthalmia, conf. Schenck. *l. 2. p. 279.* Thoner. *l. 3. obſ. 4.* Ballon. *Epidem. l. 1. p. 11.* phthiſis, hydrophobia, &c. Inter hos potiſſimum ſunt *ἐνδημοί*, e. g. febres malignæ petechiales, quæ in civitate hâc per aliquot annos populariter ſunt graſſatæ, ut & dyſenteria. Hi morbi, quomodo inficiant, videamus.

In *hydrophobiâ* omnium maximè in oculos incurrit, quomodo per morbum canis rabidi rabies propagetur canina, id nimirum ſit, dum ſaliva à ferocien-

ciente cane in vulnus hominis demorfi instillatur. Nec minùs obscurum est, quâ ratione lues, impudicorum amorum flagellum, hodie quidem communissimè alios inficiat. Cùm enim lippis & tonsoribus constet, in modernâ morum licentia vix alibi quæri oportere ejus natales quàm in συρσίᾳ cum infectis; præterea verò etiam satis notum sit, ejus generis personas defœdari solere vel *gonorrhœâ malignâ*, i. e. effluvio sanioso tetro, putrido & fœtenti varii coloris ex interiori pudendi virilis parte, vel *fluore*, quem vulgò *album* vocamus, etsi sit discolor, (nam non rarò flavescit, virescit, & instar chamæleontis colorem mutat,) qui genitales mulierum partes excoriat, adurit, in tumorem attollit ac inflammat; facile intelligere licet, quomodo, dùm partes Veneri inservientes incalescunt, putriformis materia patentibus & exæstuantibus genitalibus illapsa sese diffundat, & in innoxios sæpè luis consortium derivet. Hic modus communissimus est, quo lues venerea propagatur, magis dubius, quo per impudica oscula, in partibus oris mollioribus defigi inquinamenta, vel per nescio quem contactum poculorum, lectorum, vestium, &c. serpere creduntur. Non abnuerimus tamen, quod aliquoties nobis compertum, & lactantes à fugentibus, & hos ab illis, & per ipsum lac infectum & per contactum papillæ nutricis & tenerrimi oris lac haurientis infici.

Scorbutum ex contagio propagari, observatum est à peritissimis hujus labis scrutatoribus, Severino Eugaleno *obs. 59. p. 398.* Salomone Alberto N. 65. Disseminatur autem in alios, judice Sennerto Nostro, & per salivam, & per halitum, & per lac, *Tract. de Scorbut. c. 5.* Et profectò ita est, ut scribit Charleton *libr. de Scorb. c. 2. art. 5. Fuere, qui charissimis communicarent conjugibus morbi seminio oscula inter & amplexus, transfuso. Nec desunt nutricum ex numero, quæ cum lacte in subrumantia pupulorum ora instillarunt: quos alere susceperant, lentâ morte lactarunt. Tacitè serpit insidiosum virus ab hospite in hospitem spiritus, lecti, mensæ, poculorum communiōne* (id quod tamen nobis intellectu aliquantò est difficilius) *imò post mortem, quoque vivit vigetque nonnunquam dira lues, ipsis eâ extinctorum cadaveribus exhalante vespilonumque & dissecantium Chirurgorum vitalia inficienti, toxicorum ad instar, fœtore, &c.*

Seculi decimi sexti scriptores narrant, Anno 1591 in Silesiâ Stomacacen & Scelotyrben verno tempore ita fuisse grassatam, ut humi reptantium ægrorum corpora passim spectarentur; gingivis violentiâ luis erosio plurimi occumberent; hanc verò deducunt ex lacticiniorum crebro apud nos usu; ea autem tum meritò fuisse suspecta, eò, quod verno tempore aliquoties venenatus ros, cujus virosâ sævitie detonsi arborum vertices, flores cum foliis ambe-

si, deciderit, ac pabula animantium infecerit, ex illorum verò pastu armentis semina morborum infusa lactis usum reddidisse formidandum & vehementer noxium.

Nam nulla apparebat causa, unde cum verisimilitudinis quâdam specie malum illud deduci posset, si quidem auster interjectu nemorosissimorum sudetum, qui Silesiam meridionali parte prorsus ambiunt, excluditur, scabræ melancholicæque nautarum dapes hîc penitùs fastidiuntur; terra non stagnis, non lacunis, sed fluviis irrigatur, ut disputat Coberus *Tract. de lact. & pultibus*, aliique plures, quæ tamen alibi scorbuti fontes sunt.

Neque dubium est, quin *Scabies* contagio propagetur. Tametsi non sola conversatio cum scabioso in scabiem præcipitet, compertum tamen est, quòd sordes scabiei contagiosæ per communem lectum, vestimenta, mantilia, &c. promptè excipiantur; unde ambigendum non videtur, quod illa viscida & lenta humiditas, quæ in superficie cutis scabiosorum observari solet, illud ipsum sit medium, quo scabies alteri affricatur. Cui rei argumento etiam hoc est, quod scabies humida sit magis contagiosa quàm sicca.

Idem, quod de scabie asseruimus, etiam dicendum de *tineâ*. Nam & illa per ichorem illum subcruentum, qui, tenerrimâ cute erosâ vel abrasâ, extillare solet, quomodocunque exceptum in alios transfunditur.

Paulò obscurius est, quomodo *ophthalmia* possit inficere alios & contagio se extendere. Nam ut hoc negare videatur Plempius in *Ophthalmograph. l. 5. c. 2.* extra controversiam tamen est illud Poëtæ:

*Dùm spectant oculi laesos, laduntur & ipsi
Multaque corporibus transitione nocent.*

Et sanè non adeò intellectu arduum est, quomodo in inflammatione tunicæ adnatæ oculi cum rhevmatismo humorum conjunctæ halitus elevari & halituosa effluvia aliorum inquinare valeant oculos.

De contagio *Phthiseos*, illam & eruditi & vulgus fovent opinionem, quod illud & ad vestes (qua de re memorabile recitatur in Ephemeridibus nostris exemplum de Phthisi per usum tegumenti manuum tempore hyberno in conjugem phthisicè defunctæ in toro succedentem propagatâ) cameras, lectulos ac tabulata universumque cubiculum transeat, ut constat ex Massar. Fracastorio, &c. eoque minus res habebit admirationis, si inter conjuges per amplexus & basia, ut notavit Septalius, virus hoc serpere comperiatur; nam sive graveolens sputum, sive sudores copiosi, sive tandem halitus hujus infectionis statuatur medium, illi, qui cohabitant, tantò illud promptius excipere pos-

possunt, ut non abs re jam ante tot secula monuerit Galenus *lib. 1. de different. febb. c. 2.* consuetudinem eorum, qui tabe laborant, minus esse tutam.

Febres malignæ virus suum vix alio modo in corpora sanorum diffundunt, quàm sub halitus aut vaporis formâ. Hinc etiam ipsum vulgus omni modo præcavet, ne sudore ægrorum pars quædam corporis imbuatur. Imò fugit & pocula ægrorum & cochlearia &c. persvasum, & quidem non immeritò, quicquam saliva iis adhærere & contagium ad alios hæc etiam viâ apportari posse. Halituosâ formâ sese in corpora insinuare venenum, crediderunt Medici in Germaniâ, ab illo usque tempore, quo febres hæc innotuere, quod factum post medium seculi decimi sexti, cùm Maximilianus II, sacratissimæ memoriæ Imperator, bellum contra Turcas gereret. Nam tum in castris ad Comorram & Jaurinum invaluerunt, & à milite exauctorato domum ad suos properante, per omnem Germaniam, non aliâ, quam diximus, ratione propagatæ fuerunt. Conf. Thuanus *lib. 39. ad Ann. 1566.*

Dysenteriam Helidæus Paduanus testis est per fistulam clysmaticam, quam adhibuerat torminosus, in corpus sani esse transfusam. Lac dysentericæ infecisse infantes, apparet ex *Ephemerid. Dec. 2. An. 6. obs. 195.* Et quivis ferè abhorret ab excrementis, supellectile, & præprimis accubitu dysentericorum, eo, quod compertum sit, quanta noxa sanis immineat ex effluviis & halitu dysentericorum.

Et hæc, quæ hætenus allata sunt, satis ostendunt, corpuscula contagio grava debere natales suos, non solidis partibus corporis sed humoribus. Evidens verò est, non à quibusvis humoribus, sed suo modo corruptis miasmata emanare.

Jam indagandum, quinam illi sint humores, à quibus corruptis ἀποχεύουσιν contagiosæ oriuntur. Hoc ut fiat commodius, affectiones quasdam contagii, per seculorum experientiam cognitæ breviter lustrabimus & quidem in morbo omnium maximè contagioso. Nimirum

1. Id certum est, quòd corpuscula ejusmodi contagiosa adhærere queant vestibus, e. g. indusiis, caligis, tibialibus, linteaminibus, lanis etiam ut & gossypio, culcitris, funibus, pellibus, omnibusque iis, quæ porosa sunt, rara, laxa & foraminulenta. Ita cùm Imperator Maximilianus Veronam obsidione premeret, & peste duo hominum millia perirent, compertum fuit, viginti quinque milites unâ pelliceâ veste ordine infectos ac mortuos esse, exusta verò hæc veste pestem factam esse mitiorem. Et hæc sanè causa est, cur à suspectis locis in salubriora in vectio ejusmodi rerum prohibeatur.

2. Nec minus exploratum est, quòd, ubi à primo infecto in fomitem secesserunt, illuc diutissimè perdurare servarique incorrupta possint. Quæ de

re præprimis memoratu dignissima extat historia apud Trincavell. *l. 3. consil. 17.* quâ edocemur, Justinopoli, post sævissimam pestem, funes, quibus mortui ad sepulturam deferabantur, post capsulam quandam projectos fuisse atque ibi per annos viginti aut plures latuisse, quos, cum servus loco postea moveret, incidit in pestilentialem febrim, contagioque illius reliqui infecti sunt, ut 10000 homines hoc, ut ita loquamur, incendio perierint. Alexander quoque Benedictus ait, se audivisse patris sui ætate, in urbe Venetâ, culcitram pestilentia tempore suspectam, in interiorem domûs partem cujusdam Patritii ejectam, ac post septennium requisitam, quam cum Materfamilias discuti jussisset, servos subita peste fuisse correptos. Et hujusmodi historiae alibi passim recitantur. *Et profecto admirationem non parvam præbent lectuli, vestes, ligna, & id genus, quæ phthisici tetigere, sæpiissime vidimus virus illud per duos & tres annos servatum, ut loquitur Fracastorius lib. 1. de Contag. c. 4. p. 106.*

3. Sed præterea per ejusmodi fomitem ac receptaculum non rarò ad longissime diffusa loca corpuscula ejusmodi, quæ seminaria morborum meritò dixeris, deferuntur;

Et sanè minimè vanus est Listerus in scitissimo libello, quo Sanctorii statica Medicina clarius elucidatur, cum scribit *μιάσματα* pestis per 200 millia Londinum fuisse advecta. Hujus rei etiam satis conspicuum eventum præterlapso seculo senserunt Siculi. Nam cum à piratis quibusdam præda, quæ in Alexandria tractu capta erat, ab iis emeretur, haud multò post pestem magno hominum rerumque impendio senserunt, ut narrat Fidelis *de relation. Med. lib. 1. cap. 6.* Ægyptum quoque quotannis octo integros anni menses pestem pati è Græciæ Syriaeque ac Barbariæ locis per contagium delatam, idem ex Prosper. Albino *de Medicin. Ægyptior. l. 1. c. 17.* refert. Plura in hanc rem exempla peti possunt ex libello D. Ewich *de officio fidelis & prudentis Magistratus tempore Pestis, c. X.* Ex his aliisque colligi posse videtur, quod

4. *μιάσματα* ejusmodi sint ex censu viscosorum & glutinosorum; nam id genus corpuscula, cum sensibilem atque notabilem succi portionem contineant, facilè aliis rebus adhærere & cum illis circumferri possunt, diutius verò vis eorum perstat infracta, eò quòd abundant partibus igneis; ignis autem, ut nos quidem putamus, non globulis rotundis, sed filamentis constat, quæ, ut alia, ita præprimis viscosi corporis partes continere apta nata sunt. Conf. Honorat. Fabr. *Physic. Tract. 2. libr. 4. propos. 28.*

Porrò & hoc 5 ex ante dictis fluit, quòd eximiâ polleant subtilitate effluvia contagiosa; nam tametsi glutinosa essent, non tamen per tot annorum de-

decursum incorrupta servarentur, si vi aëris externisque alterationibus liberimè paterent, unde ratio dicitur, quod propter subtilitatem etiam minima penetrent & in recessibus ac foraminibus aëris promptæ incursioni haud undique subjectis recondantur, in quibus deinde ad multos perdurant annos. Et sanè nisi effluvia hæc adeò forent subtilia, comprehendi minimè posset, quomodo ab uno homine infecto integræ civitates & circumjacentia loca hoc malo afflari possent, quod tamen multæ testantur historiæ. Ita novimus Anno 1556 Patavinam civitatem ab uno Studiofo, qui Venetiis rediit peste infectus, totam fuisse contaminatam. Pestem etiam sævam & atrocem, quæ Hamburgi An. 1566 grassata est, ab unius hominis, qui Dantisco illuc venerat, contagio originem habuisse, annales referunt. Bremensis etiam Respublica unus polluti hominis, qui Hamburgo æger eò venerat, vitio, eodem anno paucissimis diebus fuit infecta, ut nullus fere vicus ab ista lue esset liber. Utut verò corpuscula hæc mole sint prorsus exigua, summæ tamen (6) existunt efficaciæ & agilitatis, quod præcipuè elucescit in febribus contagiosis. Nam *μιάσματα* illa in motu subtilissimo constituta esse, penetrare, ac subtilissimas sanguinis particulas è mixtione suâ dimovere & corruptionem promovere, extra controversiam est. (7) Sed nec dubitari debet de vi miasmatum multiplicandi, nam dùm in mixtione suâ primas sanguinis partes turbant, easdem extenuant, similem, quam habent corpuscula contagiosa, corruptionem & labem iis imprimunt, iisque eundem, quem ipsa habent, motus gradum communicant. Humor autem, ex quo ejusmodi corpuscula, qualia jamjam descripsimus, effluere possunt, serum sine dubio est, in latiori significatione, quâ & lympham & salivalem laticem comprehendit. Hoc, quàm faciliè concreascit & in gelatinam abeat, coctio ejus in aquam calentem infusi faciliè probat, ut dubium nullum superesse queat, partes ejus viscosas esse, & vi adhærendi polleere, adeoque faciliè ad maximè dissita posse transferri loca. Constare etiam serum ex tenuissimis & summe subtilibus particulis, certum est, nam ex illo calente exhalat halitus, qui acri & falsâ mordacitate palatum & linguam ferit. Et certè saliva, igne incalescens, abit in bullas, non secus ac spiritus vini in vase ab aëre evacuato repositus ebullire solet; & negotium chylicationis abundè evincit, quod in salivâ, præter partes aqueas, etiam adsint subtiles & penetrantes. Si Salivæ aliquot unciaë evaporaverint, in capite ejus mortuo invenies plurimas particulas scintillantes, quæ salem in se continere vel hinc elucescit, quod ad Mercurii mortificationem saliva non sit inepta. Nec minus cognita est vis salivæ in fermentando. Huc referenda est fermentatio potûs illius, quem ex fruge Maiz nonnulli populi parant in Insula Mocha, quæ est

est è regione Chili Americæ Meridionalis parte; describitur autem illa ab Auctore de mirabilibus locorum Australium verbis seqq. in lib. Meibomii *de cerevisiis cap. 17. paragr. 15. Anus edentula Mayz suum gingivis comminuunt, & in aquam exspuunt, ubi à salivatione fermentari incipit, & tùm in cupas infunditur & Cica nominatur. Quo anus sunt magis vetulæ, eo potus melior habetur.* Hoc ad ebrietatem se invitant, saporis autem est boni & acidiusculi. H. I. Zafius etiam Auctor est, panem biscoctum comminutum, & salivæ probè mixtum, fermentare massam farinaceam, si ei addatur. Haftenus ergo constat, in sero reperiri eas in genere proprietates, quas in corpusculis contagiosis tot seculorum experientia deprehendit, ut dubitandum minime sit, quin effluvia vi inficiendi prædita ex sero corrupto oriantur.

Et profecto ad oculum patet, plerosque contagiosos morbos esse sero-
fos. Pestem ipsam & febres malignas ac contagiosas esse ex hoc genere

(1) Probat hoc, quod ab ipsâ naturâ materia peccans in glandulosas partes congeratur; enim verò nisi foret salivalis prosapiæ, non ab humoribus reliquis tam promptè secederet in colatoria lymphæ, nec naturâ à laboriosis motibus remitteret, postquam ad glandulosas partes corruptela hæc deposita fuit. Notorium enim est, quod furor pestis in hoc vel illo individuo conquiescat, si bubones maturè & promptè erumpant.

(2) Evincit & hoc, quod largis sudoribus sub initium fluentibus atrocissimus morbus finiatur.

(3) Demonstrat & idem mors eorum, qui pesti & aliis malignis morbis succumbunt. Nam certum est, quod miseri pereant, quibus nulli sudores aut bubones debito tempore erumpunt, vel, si hoc fiat, iterum mox retrocedunt, translata, ut fere fit, materiâ ad interiora secretiora & excretiora organa, unde vomitus, conatus vomendi irritus, diarrhææ, singultus, cardialgiæ, urinæ discolores, aphthæ, anginæ &c. supervenire solent. Symptomata varia in pusione ex salivâ vetulæ quartanâ laborantis pulmento immixtâ recitat Clarissimus Ledelius in *Ephemerid.* Nec de lue venereâ aliter sentiendum esse, & in feri depravatione illam consistere, curâ mali felix per ptyalismum facile svaserit. In scorbuto magno consensu hodiè ut crassior sanguis stagnans circa extrema corporis, artûs, inquam, gingivas, os, &c. ita viscida & acida ac falsa lymphæ accusatur. Et ulcerationes sub cute leniter colliquativæ in scorbuto de vitio feri non contemnendum præbent argumentum. In phthisi quoque serum peccare nemo ignorat, vel hoc indicio est, quod sæpè catarrhos salfos excipiat. Et hinc tanto minus mirandum, quod phthistica, sicuti in miscellaneis nostris legere est, ptyalismo spontaneo septem dies per-

perdurante, sine ullâ mercurialium medicamentorum exhibitione restituta fuerit. Notum præterea etiam est, quod phthiſeos imminentis signa ſint, ſapor ſalfus, ſtimulus ad tuſſiendum, ſudores nocturni &c. quæ omnia nos non obſcurè de ſeri vitiis commonefaciunt. Non facilè etiam reperiſ, qui ſerum in ſcabiè, ophthalmiâ, hydrophobia &c. non accuſet. Cum itaque contagioſi morbi ſint ſeroſi, & præterea ſerum ad ſuſcipiendas illas impreſſiones, quas in corpuſculis contagio infectis deprehendimus, maximè aptum ſit, non videtur amplius dubitandum, quin corpuſcula contagioſa ex ſero, tanquam fonte ſuo, ſcaturiant.

Accedit tandem & hoc, quod, tùm partes iſtæ, à quibus proximè contagia effluunt, tùm etiam illæ, quæ recipiunt, ſero ſint quam maximè irriguæ. Ita ore ejusmodi exſpirari ac recipi effluvia contagioſa, certum eſt. Jam autem, ut invulguſ notum eſt, tot glandulæ, jugulares, inquam, buccarum, labiorum, maxillares, ſublinguales & palatinæ ac parotides, variis ductibus laticem ſuum in os exonerant, ac humore ſalivali illud lætè imbuunt. Nec minus manifeſtum eſt, cum ſudore per poros cutis maligna illa corpuſcula ex ægri corpore elabi, ac iterùm per poros patentes in corpus alterius irruere.

Enim verò iterum ex ſolertiſſimi Stenonis obſervationibus conſtat, cuius poro ſuam ſubjacere glandulam, ex quâ exſurgit vasculum excretorium ad eliminandum ſudorem, in cutem deſinens. Porro pudenda muliebria & virilia conſtituunt illam ſentinam, ex quâ putrida miaſmata, quæ ſanos inficiunt, exhalant. Quis autem ignorat, etiam has partes lymphatico humore uberrimè irrorari? In toto certè ductu vaginæ reperiuntur multi pori ſeu meatus, non tantùm exigui illi, ſed & aliquantò majores in parte ejus inferiori circa exitum meatus urinarii, ex quibus foeminis vivacioribus in flore ætate conſtitutis, magna liquoris ſeroſi quantitas ad humectandas partes illas extillat. Idem verò etiam dicendum eſt de oculis, à quibus & ad quos derivatur ophthalmia, etenim & illi ſuis non deſtituuntur glandulis. Absque dubio autem vana eſt ſententia Fracaſtorii, qui ophthalmiam per radios propagari credidit, quo nomine etiam jure merito fuit reprehenſus ab Hieronymo Cardano *lib. 1. de venen. c. 13. p. m. 891.*

Tàm multa ſunt, quæ perſvadent, ἀπορροῖς illas contagioſas debere natales ſuos ſero. Evidens autem eſt ſerum illud, quod contagia ſpargit, eſſe corruptum.

An verò ita corruptum ſit, ut putridum vocari mereatur, & num exhalet ſemina contagioſa itidem putrida, in quæſtione poſitum eſt. Affirmativam tuentur Montanus, Fracaſtorius, Mercurialis, Augenius, Eraſtus, Crato.

Negativam cum multis aliis defendit Cl. Melchior Sebizius & Diemerbrock. Nostra parum refert hæc curiosius discutere, cum lis tantum de nomine esse videatur, & in hoc conspirent omnes, laticem illum, qui diffundit *ὑπερκαύματα*, non posse non esse corruptum, in mixtione suâ variè turbatum, unde non incommode *μιάσμα* hoc ab Hippocr. *lib. de natur. hominis* vocatur *ποσὴν ἀπόκρισιν*; Et nescio, an non de hac insigni humorum depravatione ipse pulsus testimonium perhibeat. Simon Pauli in doctiss. digressionem de febb. malignis narrat, quod manus sibi pulsu in maligne febricitantibus explorato, aliquoties ita prurire cœperint, ac si urticâ Rom. vel etiam marinâ essent perfrictæ. Multò minus eam ingrediemur disputationem, an illa putredo viva & animata sit, unde non nisi viva effluere possunt *μιάσματα*. Placuit hæc sententia admodum Kircheri, juxta quem omnis putredo insita sibi ad animalium generationem quædam seminaria habet, quæ mox externo & opportuno calore in vermium colluviem erumpunt, tantò quidem periculosiorem, quantò ipsa putredo ex peregrinâ & spuria quâdam degeneratione virulentior est. Placuit eadem quoque, ut notum est, Langio, & nuper quoque eandem sententiam argumentis quibusdam novis confirmare aggressus est Clariss. Paulini; sed, ut diximus, hanc litem non facimus nostram, nec magnam ex decisione in clinicâ praxi nobis pollicemur utilitatem.

Arduum autem prorsus est, varias humoris serosolymphatici depravationes accuratè explicare. Et, nisi omnia nos fallunt, vitia lymphæ, *tum in quantitate*, nisi quòd defectus ejus in longâ inediâ & atrophîâ satis notus sit, *tum in qualitate* nondum exactè à quoquam detecta sunt. Id quod etiam dicendum de salivâ, etiam si inficiandum non sit, quòd Clar. Nuckius in *Sialographiâ* non inutilem hîc posuerit laborem. Experimenta ejus ad indagandam penitus salivæ naturam facta cum variis liquoribus, variisque spiritibus ipse recenset *l. c. p. 44. & seqq.* Nec adeò multa in eodem tractatu ejus vitia pandit. *Saliva*, ait *p. 49. à naturali constitutione multum quandoque deflectit, & pro insipidâ fit salsa vel amara, vel dulcis, vel acida: Subinde etiam colorem deponit, & ex albo fit crocea, pro aqueâ & crassâ viscosa evadit, imò & vermiculi in eâdem visi sunt, ut testatur Clar. Dolaus.*

Lymphæ depravationes gustu perceptibiles omnium maximè in scorbuticis sunt manifestæ, quorum querelæ de ingrato Salivæ sapore neminem latent. Observationem præcipuè meretur hoc, quod Saliva in morbis contagiosis ferè deprehendatur spumosa. Nam rariùs & ferè extra artis usum est, quòd semel fortè lactea, aut in calcem excrescens fuerit visa, quâ de re idem Nuckius *l. c.* agit. Nec sanè apparet, quâ viâ exactè vitia laticis seroso-lymphæ

phatici detegi queant. Certè laudabili studio quidam Viri Celeberrimi chymica hîc instituerunt experimenta, sed nondum ea, quam cordati Viri optant, hinc consecuta est utilitas. Et si quæ inde ad Medicos rediit, ferè nulla est alia, quàm ut *σοχασμὸς* in eligendis remediis aliquantò sit certior. Si enim v. g. mihi sit cognitum, quòd serum hydropicorum mixtum c. spir. salis coaguletur, cum spir. vitriol. aut nitri instar gelatinæ per plures dies remaneat, è contrario verò in fluore perseveraverit remixtum cum spir. *ci, si hoc, inquam, scio, facilè colligo, minùs tutum esse usum vitrioli & nitri ac fortè aliorum acidorum in hydrope, ac his præstare volatilia. Dubius tamen sum, an idem interne datus spir. *ci præstiturus sit, & serum in fluore servaturus, quod præstat fero extra corpus hydropicorum infusus, ac nihil nisi conjectura probabilis, experientiæ lance examinanda, inde remanet. Id quod dicendum etiam de aliis, quæ à famigeratissimis Viris, Malpighio, Vieusseno, Majore, Bohnio, Ettmüllero, Rivino, aliisque adducuntur. Neque credendum est, humorum vitia magis innotuisse ab illo tempore, à quo Chymici à productorum Chymicorum similitudine humores corporis vane denominarunt, imò, absit invidia verbo, plurimi hîc eorum naturam magis obscurarunt, qui non tantùm nitrosos, aluminosos, vitriolatos sales, sed & tot tartareos, tot Mercuriales, &c. in humoribus contineri ajunt, quorum naturam ne ipsi quidem illi Dôctores assequuntur.

Quid Anatomia ad hoc usque tempus ad intelligendam fluidorum constitutionem ejusque varias depravationes adjumenti attulerit, itidem in aprico est. Meritò extollimus industriam Cl. à Leewenhock, aliorumque exantlatos labores, at nullius microscopii adminiculo minimorum constitutivorum magnitudinem, figuram, situm & motum nos posse assequi, verè monuit Leonhardus Capuanus, cujus scepticismum alias minime probamus. In vitiis verò etiam obviis perpetuo ambigui hæremus, an ad classem causarum morbificarum, an verò affectuum morbosorum pertineant?

Cùm verò ita cum vitiis & deturbationibus laticis seroso lymphatico-salivalis comparatum sit, & ea adhuc abyssò naturæ immerfa majori ex parte lateant, facile patet, frustra esse eos, qui à nobis requirunt, ut *μιάσματα* contagiosi naturam omnem & differentiam præprimis aut modum, quo in corpore symptomata varia excitat, exponamus; nam liberè fatemur, oculos nostros hîc caligare non secus quàm vespertilioes ad clarum diei jubar. Nec fraudi nobis debet esse hic candor. Nam, qui inquinamenta illa ajunt esse arsenicalia, mercurialia, & alia, napellina, quid aliud dicunt, quam sibi seminari istius naturam esse ignotam? Et quam nihil hîc prorsus agatur, elucesceret,

si vanitas eorum, quæ de singulorum contagiosorum corpusculorum naturâ à Doctissimis prodita sunt Viris, ostenderetur. Sed hoc nimis prolixum. Miasmatis Venerei enodationem tentarunt multi, & inter celebriores seculi huius Doctores Magnum in Medicinâ nomen Sylvius. Huic, & multis ejus sequacibus, præprimis autem Blegny, Lemery & aliis fermentum hoc acidum est, medicamenta Siphyllidos malo opposita, & inter ea ipse mercurius alcalinæ naturæ, quâ de re mentem suam Clar. Sylvius uberius in peculiari de lue venereâ libro exponit. Et licet speciosè satis dolores, pustulæ, ulcera, gummata & tophi ab acido deducantur, non tamen propterea illud venereum inquinamentum in acore consistit. Nec enim ullo pacto repugnat rationi credere, quòd *μίασμα*, postquam corpori illapsum intercedente motu humorum, quem fermentativum multi credunt, acrimoniâ illam humorum excitet. Deinde quis unquam ab acido, fortissimo licet, tales effectus in corpore nostro oboriri vidit, quomodocunque etiam corpori & quibus ejus, partibus communicetur? Quotidie enim Chirurgi partibus externis corporis etiam maximè sensibilibus & porosis, acidissimos, nec unius generis, spiritus admovent, unde, nisi in parte illâ, effectus nullus, aut si propter affectas fibrillas nerveas alibi in corpore quid observatur, nihil cum lue venerea id commune habet, ut optimè alicubi Clariss. Medicus & Polyhistor. Henricus Meibomius, qui etiam ingeniosa alia hypothesi huic objectat. In Febribus malignis Doctissimus Simon Pauli & Tilingius, de febre petechiali, miasmata credunt esse salia volatilia, naturâ temperiei corporis humani inimica; ab illis, utut sub aliquo colore, ebullitio in sanguine, dolor capitis, deliria, deduci queant, alia tamen symptomata, enormem illam lassitudinem, appetitus dejectionem, obstructionem alvi, cardialgiam, &c. frustra hinc arcessere fueris conatus.

Illis igitur inutilibus theoriis sepositis magis è re fuerit, *primo* dispicere, quidnam unumquodque fermentum (nam unius generis non esse, ex multiplici inquinamentorum illorum operatione innotescit) in corporis humoribus operetur, quod in Histor. Morbor. Anni præcedentis factum. *Secundò*, quomodo ejus energix efficaciter occurrì queat, quod alibi Deo dante exequemur. Cùm verò occasione febb. malignarum in hunc de contagio sermonem inciderimus, hâc vice suffecerit ostendisse, quod natura contagii, quatenus nobis cognita est, nostrum malignas febres curandi modum luculentè satis comprobet. Non probatur in febb. contagiosis nobis V. S. nisi in circumstantiis planè singularibus. Non, ex nostrâ mente, locum in illis habent purgantia fortiora, nec calidiora alexipharmaca, & ubiq; præter multiplicem

experientiam, huic curandi methodo præluere rationem in propatulo est. Hæc enim apertissimè dictitat, materiam, quæ sub halitus formâ in quantitate prorsus exili in corpus irrepsit, nec per venâ, scalpello aut lanceolâ apertâ, vulnera, nec per volumina intestinorum, quæ crassiorum excrementorum emunctoria sunt, ex corpore exterminari posse, inutilem quoque esse prorsus profusam feri per sudores nimios excretionem. Moderatum adhibuimus regimen & temperatissima diaphoretica & bezoardica, eorumque usum continuavimus, rati, hoc pacto auctiorem nos impetrare posse exhalationem & miasmatis vaporosi sese latius diffundentis & multiplicantis exclusionem, quam non impetu quodam, sed sensim tentari debere, mechanicâ, ut innuimus, circumstantiæ contagii evicerint. Talis autem blandus mador temere expectatur, si remedia illa vulgò decantata, e. g. spirit C.C. sal. vol. viperar. camphora, tinct. bezoard. dosibus majoribus & frequentioribus obtrudantur ægris; nam hæc viâ medentes nihil aliud consequuntur, quàm ut majorem in sanguine ægrorum excitent commotionem, quæ placidæ excretioni, dum nimis propere latex ita commotus poros effugit, aut præterlabitur, repagula ponit, imò declinante æstu, post exhibita ejusmodi acria & calida, non partes halituosæ illæ fermentescentes, subtiles, &c. sed aqueæ exprimuntur, unde sanguis redditur viscidus, & halituosorum *μιασμάτων* discussio difficilius obtinetur. Ulterius potum concessimus ægrotis nostris sufficientem, & vidimus, quòd iterum sana firmat ratio, jugem inde excretionem facilius ægrotantibus evenisse, quo accedit & hoc, quòd, sufficienti potu concesso, alvus liberius, optimis febricitantium rebus, suo fungatur officio. Rursus tùm hoc, tùm præteritis annis, dedimus medicamenta in majori æstu subacida in sanguineis, nitrosa tùm his, tùm cholericis & melancholicis, quâ arte nimiam humorum effervescentiam, quæ remoram exclusioni miasmatis ponit, ut dictum, compescuimus.

Quam infestum sit puerperis, post exantlatos partus dolores, frigus, quantumque noceat neglecta arctior ventris compressio, tùm sæpè alias, tùm etiam hoc tempore vidimus. Nam, præter alia incommoda hinc in puerperas redundantia, sæpè in illam prolabantur miseriam, ut ventrem admodum inflatum ac distentum per totum, quod reliquum est, vitæ spatium circumferre teneantur. Tympanitide illas laborare, aut uterum gerere crederes, ita abdomen est expansum ac tumidum. Sed præter deformitatem vix alia adest corporis læsio aut dolor, eoque ipso differt illa abdominis inflatio à pnevmatosi hysterica & flatulenta ejusdem distensione, in quâ dolores à pectine per abdomen usque ad mediam

*Intumescen-
tia abdomi-
nis post par-
tum.*

ventris regionem excurrentes, & lumbos etiam ac dorsum fatigantes, & caput in consensum trahentes, sentiuntur. Quomodo tum frigus, tum omis-
 sio arctioris, post partum, compressionis, ad hunc affectum concurrat, sanè
 non adeò evidens est. In eo ferè omnes conveniunt Anatomici & Medici,
 quòd uterus à partu non illicò recuperet statum illum, quem antè habuerat.
 Aliqui etiam eò usque progressi sunt, ut affirmarent, primogenito foetu noni-
 mestri vel semel expansum atque spissatum ad pristinas angustias ac tenuitatem
 sese nunquam revocare. Atque adeò intellectu facilè est, abdomen fasciis
 post partum comprimi, ut uterus, post illam à partu expansionem, sensim
 magis magisque ad figuram pristinam accedat, & *hiulca vasculorum oscilla,*
hàc ipsâ contractione strictius atque strictius concludantur, ac omninò solide-
scant, ut Clariss. Drelincourtii verba faciamus nostra. Quid verò dicendum
 de frigoris energiâ? An credemus, aère frigido subtilia evibrari corpuscula,
 qualia è nive aut glacie cum sale contritâ in circumfusam aquam illabuntur,
 eamque non solum congelant, sed partibus ejus arrectis & rigefactis magnâ
 nonnunquam violentiâ in amplius extrudunt spatium? Sicuti de frigore post
 P. Honorat. Fabri philosophatur Cl. du Hamel. Non absona hæc planè es-
 se, suspicari quisquam posset ex eo, quod orificium uteri tùm hiet & ipse uterus
 exundet colluvie humorum, cui frigus violentam inducere quietem, eamque
 ad firmam condensare immobilitatem aptum est. At perpetuus calidi san-
 guinis allapsus in vivo corpore hanc opinionem facile evertit. An fortè di-
 cendum erit, quod aëris subtilis in uterum sese insinuantis pondus gravitate
 suâ impediat, quo minus iterum sese contrahere possit ad solitas angustias.
 Hanc sententiam vix reprehendent asseclæ acutissimi Perraltii, qui laudatissi-
 mus naturalium scrutator effectus omnes, qui frigus in corporibus frigefactis
 sequuntur, à gravitate aëris subtilis deducere *in tentamin. de duritie p. 41.* fat-
 egit. At neque eam hic locum habere, difficultas curæ, quæ omnis frustra-
 nea est, si non in primâ herbâ malo occurras, facile evicerit. Non aliud oc-
 currit, quod majori probabilitate se nobis commendet, quàm quod per ad-
 missum frigus tonus & robur membranacearum uteri partium labefactetur,
 quâcunque etiam agendi energiâ frigus hanc vim exferat. Cura, ut jamjam
 dictum est, variis implicita est difficultatibus. Nullus hic locus est purgan-
 tibus, quæ tantum abest, ut prosint, ut potius concitatis variis turbis malum au-
 geant. Omnia, quæ modestè lochiorum, vel, si etiam hoc tempus jam ela-
 psum sit, mensium promovent fluxum, aliquam præstant utilitatem, si cum
 judicio carminativa iis jungantur, & opportuno tempore exhibeantur, non
 neglectis tamen topicis, ut & enematis ac injectionibus uterinis. Aliquod

notabile incommodi redundantis in puerperas ex frigore externo & post partum neglectâ abdominis per fascias constrictione, præter multa alia, notavit exemplum D. Samuel Grassius. Scilicet, Mulier 40 annorum, multorum liberorum felix mater, dum incautiùs frigori se exponit gravida, post partum, & expurgata lochia, sensit intumescientiam abdominis resitantem instar utriculi, indies incrementem, quæ, cum per aliquot septimanas, nullas, vel admodum exiguas ei afferret molestias, successu temporis tamen in immensum extollebatur tumorem, cum doloribus circa regionem hepatis & umbilici enormibus, quibus jungebatur pressio molestissima circa pubem in dextro latere, & tandem ascites. Appetitus in principio non erat dejectus, deinde verò languebat, nonnunquam erratica febricula aderat, somnus cæteroquin placidus, vixque de aliquâ re, præter sitim & dolores in abdomine conquerebatur. Succedebat post 18 septimanas mors.

Nihil non tentatum est, quo ægræ succurreretur, & pro recepto, proh! dolor, apud nos more, agyrtæ, Cingari, & carnifices, & fures & mulierculæ Medicastræ cum Medicastris in consilium vocati sunt, non sine notabili ægræ damno & dilapidatione æris. Concessa tandem tamen est cadaveris sectio, ubi ingens quantitas purulentæ & sangvinolentæ materiæ cum particulis carneis in cavo abdominis reperta fuit, omentum planè corruptum erat, ipsos etiam abdominis musculos putredo corripuerat, & necrosi diceres tactos, peritonæum per totum abdomen hydatidibus purulentis erat repletum, & in mesenterio hinc inde scirrhosæ glandulæ sese offerebant, testis dexter cum tubâ Fallopiânâ saxeam induerat duritiem, & in fine Peritonæo accreverat, ulcusque magnitudine nucis juglandis fovebat. Hepar prægrande, sed sine ullâ labe, uno lobo lienem attingebat. Ventriculus, propter tumultuarium & nimium usum medicamentorum, flaccidus inveniebatur, pancreas plane erat corruptum, cætera viscera nullo polluta erant vitio.

Quid verò de causâ malorum hujus ægræ dicemus? Estne probabile, quod lymphæ in musculis abdominis & in aliis corporis partibus, frigore externo in motu impedita & per stagnationem acrior reddita, & minuta aut suppressa transpiratione, & reductione per vasa cessante, contraxerit tandem acredinem tantam, quæ vasa lymphatica & partes fibrosas erodere potuerit? An verò potius accusabimus inflammationes, & has credemus abiisse in ulcera, hæc autem & vasa lymphatica & sangvifera exedisse, hanc verò vasorum corruptionem secutam fuisse effusionem humorum in abdomen?

Vix quidem fieri potest, ut non Practicis quovis anni tempore, & singulis propè diebus occurrant variæ herniarum species; hæc tamen tempestate

Hernia um- bilicalis. potissimum meminimus Herniam Umbilicalem à nobis fuisse tractatam. Vulgò affectus hic noster describitur per prominentiam umbilici, & ὀμφαλὸν in infantibus potissimum affici, extra controversiam est. At in adultis res secus habet. Nam prolapsus omenti & intestini fit non tam in umbilicum, quàm in hujus loca finitima, rarius ea, quæ super illum sunt, & ad scrobiculum cordis sese extendunt, frequentius in partes ad latera umbilici positas, aut eo inferiores. Ex omphali causa esse possunt quivis motus violentus, casus, percussio, saltatio, equitatio, vomitus, tussis, &c. Observavimus tamen multoties, quòd graviorum onerum, per scalas statim à prandio sumpto, gestationes, huic malo præbeant occasionem. Dùm enim ingentia pondera humeris imposita per scalas deportantur, fieri non potest, quin diaphragma deprimatur versus abdomen, quod est cibus distentum, & ab ingestis turgidum, quo in casu quàm facile Peritonæum laxari possit, in aprico est. Peritonæum rarius (non autem cum Clariss. Munnick in Chirurg. p. m. 170. dixerimus impossibile esse, ut valida hæc membrana dilacerari ac rumpi possit; aut in herniosis post obitum nunquam rupturam, verùm dilatationem peritonæi semper observari) violentiâ externâ rumpi, vel inde colligere est, quòd rarissime, sicuti peritonæo rupto fieri necesse erat, omentum, vel intestinum in sedem umbilici statim post ejusmodi casum incidant, sed sæpè post dies aliquot & integras septimanas Omphalocèle in sensum incurrat, licet exquisitæ puncturæ sensus statim ab initio in regione umbilicali adsit. Cùm tumor sese exerit, ferè ovi columbini magnitudinem æquat. Quando ab omento est, mollis existit ac indolens, nec color cutis mutatur. Post cibum sumptum tumor crescit, sed ægro supino aliquantum minuitur, quod etiam fit, si leniter comprimatur, & ad interiora digitis adigatur, ubi sine murmure residere solet. At aliter res habet, cùm ab intestinis tumor oritur, nam etiam si evanescat quadantenus, quando comprimitur, non tamen sine murmure disparere sœvit. Præterea etiam magis est inæqualis, si ipsa excidant intestina, si autem illa quoque incarcerationentur, & ex compressione & strangulatione inflammentur, magna adest æstus & sitis intensissima, & facile iliaca passio succedit, quæ meritò metuitur tanquàm instans, cum adest nausea, conatusque vomendi cum ructibus. Ab Omphalocèle sine difficultate distinguuntur tumores à flatu sub ungvibus tinnientes instar tympani, ac lividi ab extravasato sanguine, ut & duri à carneâ mole aut ecchymosi oriundi, qui ultimi omnem chirurgicam pariter & medicam opem eludunt. In curâ eò nostra collinearunt consilia, ut partes prominentes blandè in debitum (remotis per enemata aut levia cathartica, carminantia, cataplasmata & fodus &c. impedi-

men-

mentis, intestinorum, inquam, infarctu distensivâque à flatibus expansione &c.) reponerentur locum, quod facilius succedit resupinato ægro, ita ut caput pendulum deorsum vergat. In hoc enim corporis positu, si blandè herniosus exspiret, diaphragmatis musculus, eiquè annexa versus thoracem trahuntur. Quando ergò digitorum accedit ministerium, promptius, ut diximus, repositio perficitur. Enim verò eo etiam est annitendum, ut partes repositæ in loco suo retineantur. Quod ut obtineas, necessario per aliquot septimanas corporis imperanda quies est in situ corporis supino; nam hoc pacto ea, quæ exciderant, versus dorsum vergunt, & dilatatio facilius claudi ac corrugari potest. Deinde ab omni retrò tempore, ad constrictionem & fibrarum divulsarum aut laxatarum unionem laudata sunt externa adstringentia & remedia glutinantia, è quorum censu sunt variorum emplastra ad herniam, præprimis autem nobile illud Barbet. *in Chirurg. p. m. 30.* Nobis non infelicitè cessit usus compositionis à Blegny excogitatæ, quam, ut ipse memorat, *p. m. 232. in arte herniarum curatrice*, confecit ex *duabus* partibus mastiches & succini *unâ*, gypsi & vitrioli calcinati ad albedinem, contritis & commixtis æquis partibus visci & ichthiocolle in forti aceto dissolutorum. Infantibus meminimus cum successu applicatum emplastrum ex tritis cochleis, thure & albumine ovorum & exuviis angvillæ recentis. Nihil solidi subest Crollianæ deprædicationi de efficacia malorum in foliis quercus propendentium mense Majo collectorum in vitro soli expositorum & per se resolutorum in aquam. Nec majori utilitate tentatum fuit experimentum Dygbæi, juxta quod sterus vaccinum linteum inductum & cumino aspersum calidè repetitis vicibus applicandum venit. Experiatur, qui volet, an vera sint illa Fabri verba: *Curantur hernie succo depurato herniaria, qui admixtus farina fabarum & parti applicatus per 15 dies ægro in lecto quiescente perfectissime curat herniam.*

Nos etiam hoc promissum fefellit. Res autem ipsa loquitur, quanta hîc subligaculorum & perizonarum necessitas sit & utilitas. Internè admodum commendantur vulneraria medicamenta ex consolida utrâque, tormentillâ, saniculâ, hyperico, persicariâ, vincâ pervincâ, aristolochiâ, bardanâ, &c. Solenander laudat pulverem lunariæ minoris in decocto consolidæ vel vino per aliquot tempus diligenter adhibitum. Ari radicem singulari virtute herniosis auxiliari Doctiss. Laurenbergius ait; sed nos ex experientia didicimus, nulum inde ad ægros redundasse fructum, imo potiones vulnerarias cum damno ægris propinari plus simplici via observavimus. Nam ut de aliis incommodis non dicamus, adstringunt alvum, quam liberam esse omninò ægris ex-

pedit. Nulli etiam erimus Auctores, ut ad imitationem vel Blegny ∇ artificiales cum alumine & vitriolo paratas, vel Fallopii chalybem præparatum cum saccharo exhibeat, etiamsi vel maximè magneticum emplastrum in subsidium vocare animus sit. Dehortamur etiam ab usu famosi remedii jussu Regis Galliarum orbi communicati, sc. spiritu salis, quem Abbas per 20 dies in vino rubro dedit gradatim ascendendo à scrupulo uno usque ad enormem drachmarum duarum dosin, quam summè ægris noxiam esse, noverint ii, qui spiritum hunc absque interruptione per aliquot tempus ægrotis dederunt.

Januario hujus Anni pariter ferrarius quidam circinorum faber per multos jam annos enterocèle dextri lateris laborans, quæ commodò subligaculo intra cancellos abdominis hætenus cohibita est, ex inæquali violentaque corporis commotione prolapsum denuò intestini in scrotum patitur, tam diuturnum, ut decendii spatio nullis remediis, nec internis, nec externis quicquam auscultaret, quin imò cum obstructione alvi pertinacissimâ & doloribus colico-iliacis atrocissimis vomitus stercoreus quoque accederet.

Quo rerum in statu tandem vocatus D. Preufs, cum nec clysmata blanda, nec fots per cataplasmata emollientia & sacculos nervinos discutientes aliquid proficere, spasmosque intestinorum flatulentos maximam partem subesse sentiret, propinatâ sæpius essentiâ stomachico-carminativâ cum anodyna remixtâ, & epithemate calido à chirurgo herniæ frequenter applicato ex aq. calcis vivæ, spiritu vin. camphorat. & essentiâ carminativâ balsamico nervinâ, DEi gratia eò rem brevi redegit, ut, spasmo prolapsi intestini rigidissimo remittente, manu peritâ chirurgi illud iterum in cavum abdominis blandè reponeretur, mediante subligaculo ibidem firmaretur, sicque æger ab interitu vindicaretur.

Quemadmodum is eodem quoque tempore œnopolam ex podagra per agyrtam retropulsâ, ut vocant, colicâ nephriticâ truculentissimâ laborantem, aliis omnibus frustraneis, ex voto sanitati restituit usu alternis diebus modo tincturæ tartari, copiosum cum urinâ sabulum educentis, modò haustuli tepidi unciarum 3 vel 4 misturæ sequentis diuretico-laxativæ:

℞. Decoct. emoll. contr. calc. Foresti.

Aperitiv. Major. an. unc. jv.

Aq. contr. calc. Conrad.

Fragor.

Cinam. bugl.

Syrup. Regii.

Byzantin. an. unc. j. M.

De catarrhis, tussibus ferinis, aliisque morbis, qui tùm grassati sunt, dicere jam non attinet, quia de iis in Histor. præcedentis anni est actum; id sufficit verbo monuisse, quòd hoc tempore opiata catarrho & rheumatismo laborantibus minimè profuerint.

Mense Aprili admodum inclemens erat aëris constitutio, & miris ventorum frigoris, grandinum, nebularum, nivium, pluviarum vicissitudinibus, etsi ad teporem nonnunquam inclinaret, ingrata. Nec in Majo veris fruebamur deliciis, sed sub turbido & nebulis obducto ac pluvio cœlo per majorem mensis partem egimus; eoque gratior erat blandus in Junio solis calor, qui tamen & ipse pluviis & tonitru subinde turbabatur, quo ipso id consecuti sumus beneficii, ut minùs æstu solis exureremur.

*Constitutio
Aëris in
Mens. A-
pril. Maj.
& Jun.*

Hoc tempore omnis generis febres grassabantur. Præ- primis crucem figebat nobis illa, quæ typum talem observabat. Primo die horror satis gravis homines catarrho obnoxios & crassiori victui assuetos, aërisque injuriis crebro expositos, aut ad tabem pronos invadebat, horrorem sequebatur calor valdè inæqualis, pulsus autem ferè debilis erat; æstus per horas modò pauciores, septem, inquam, novem, modò plures v. g. 12, 14 &c. perseverabat, post quem aliquibus sudores effluebant, quibus manantibus, utut febris remitteret, plenè tamen non cessabat. Vidimus, qui post calorem nondùm sopitum, eòdem die, denuò horrore & frigore concuterentur, ac illis jam dicto die vomitus erant molesti, iis præprimis horis, quibus febris intendebatur. Die secundo perseverante adhuc calore denuò eadem propemodùm horâ, quâ primò, miseros opprimebat, alius horror, aliudque frigus & tandem etiam calor, qui sensim augebatur, sed tamen longè adhuc aberat à ferociâ ejus, qui primo die ægros exurebat, sed neque tot horis, quàm ille continuabat. Tertio die eadem, quæ primo, ludebatur fabula; Quarta iterum secundo respondebat. Verbo, semper uno die febris erat gravior & quasi composita ex tertianâ & quotidianâ; altero autèm erat levior, typum unius quotidianæ referens. Solvebatur intra 14 aut 20 dies per diarrhæam, mutabatur etiam in tertianam duplicem, in aliquibus scabies succedebat per totum corpus diffusa. Cadunt etiam hæ febres adhibitâ ordinariâ methodo nostrâ curandi, quam alibi adumbravimus. Lenia evacuantia eximie profunt secundo aut quarto die imò & aliis diebus paribus etiam repetitis vicibus exhibita. Omnia symptomata erunt leviora, si illis diebus, quibus unus tantam affligit paroxysmus, sub declinationem blanda dederis alexipharmaca.

*Febris semi-
tertiana.*

Ante paroxysmos præcipitantia cum salibus alkalicis & nitro rectè etiam morbo huic opponuntur. V. S. non celebravimus.

*Febris Tri-
toph.*

Præter has febres occurrebant etiam, quæ itidem tertio quoque die, ut priores ingravescebant, sed absque rigore & horrore stata observantes tempora. Et hoc ipso differebant à præcedentibus, quæ exacerbationes habebant horriferas, atque statas. Hæ enim etiam si rigoribus non carerent, illi tamen *ἀτάκτως καὶ πεπλανημένως* inordinatè & erraticè, non unâ cum paroxysmo invadebant. Non mali videbantur esse moris ab initio, sed procedente morbo ferè in pejus ruebant, ac criticis præsertim diebus exandescabant. Aderat morsus ventriculi, aliaque symptomata maligna, in his lethargus, in aliis vigiliæ c. deliriis conjunctæ. Impeditus erat urinæ fluxus eo tempore, quo rigeabant. Satis erant contumaces hæ febres nec nullos interimebant. In curâ nihil peculiare à nobis observatum, nisi quòd è re sit superato rigore ad æqualem sanguinis distributionem obtinendam diaphoretica & alexipharmaca propinare. Cæteræ febres ferè omnes conjunctæ erant cum Otalgia, quæ certè & ægris & Medicis facessit negotium. Emetica, quæ in aurium dolore ab Auctore *lib. de affectibus* commendantur, hic locum non habent. Idem sentiendum ferè de purgantibus, quæ ab Hippocrate de *locis in homine*, damnato vomitu imperantur. Nec V. S. placuit nobis, consilium Ballonii *lib. 2. epidem. & Ephemerid. p. 234.* secutis. Expertissimus ille Practicus, *si*, inquit, *vena secatur & aliquid est egressum è vasis & aliquid paratum est adhuc in partem fluere, retardamus suppuratum, refrigeratur & crudescit materia; sic occasio majorum posthac dolorum datur.* Si dolor in profundioribus hæreat partibus, etiam ea, quæ in aures instillantur, parùm profunt. Nam cum ad tympanum usque tantum pervenire queant, interioribus partibus affectis exiguum afferre solatium apta nata sunt. Prorsus autem improbamus consilium Galeni, qui opium auribus indi jubet, tametsi non usque adeo evidens sit, quòd opium, sicut credit Schneiderus, peculiariter sensui auditus sit infestum. Ex internis ea elegimus, quæ aliàs in viscerum & meningum inflammationibus præscribi consueverunt. Inter externa potissimum linimenta spirituosa, & hæc quidem camphorata & crocata elegimus, eademque sæpius applicari imperavimus. Aliquod etiam in pediluviiis est subsidium, si dolor ille, quod tùm temporis vidimus, solitarie absque febre affligat. Otalgiam alias in hemiplegiam, quæ tamen & ipsa adhibitis debitis remediis cessit, esse mutatam in virgine plethoricâ meminimus.

Primiparæ habitiores lautioris conditionis, imò & aliæ puerperæ partûs laboribus defunctæ, hisce diebus ferè omnes conquerebantur de dolore compressivo satis vehementi in dorso, quem nec mulierculæ suis remediis domesticis, nec Medici selectis etiam pharmacis depellere poterant. Acerbiores erant cruciatus earum, quæ jussulis consummatis, ut vocant, lapsas reparare vires gestiebant, præprimis si infantes essent debiliores, & in uberibus sollicitandis negligentiores. Nichil æque his profuit quàm victus tenuior & evacuatio lactis ex mammis liberalior, evidenti certè argumento, dolorem hunc non aliundè pendere, quàm ex vasorum lacteorum, ipsiusque ductus thoracici chylosam materiam pro lactis generatione advehentium repletionem ac nimiam distensione. Quodsi itaque, quæ in dictis canalibus hæret, eo, quem intimavimus modo, evacuetur materia, & caveatur, ne vitio gulæ alimenta evchyma affatim ingurgitando, chylus nimis augeatur, non adeò difficilis fuerit medela.

*Dolor dorsi
in puerperis.*

Præcipuè autem hoc tempore communes de vertigine querelas audiebamus. Occurrebant satis multi, quibus caput & visus objecta circumagi videbantur. Nec nulli erant, quorum oculis tenebræ, aut intra tenebras splendida quædam obversabantur, & caput in turbinis modum circumduci videbatur. *Horum auribus etiam murmur, veluti delabentis cum strepitu fluminis insonabat, aut tanquam ventus flatu vela percutiens, aut tiliarum fistularumque cantus, aut veluti stridor plaustri currentis obstrepebat*, ut nostra faciamus verba Aretæi ex lib. 1. de morb. diuturn. c. 3. Hoc autem malo vidimus vexari eos, qui in otio viventes liberaliùs subindè se vino invitarant, aut qui antea hæmorrhagiam narium, vel fluxum hæmorrhoidalem experti, his evacuationibus per tempus aliquod caruerant; aut qui aliàs catharsi fuerant assueti, eandemque omiserant. Multat etiam fumus nicotianæ suos amatores vertiginosâ capitis debilitate, ut non malè alicubi Helmontius, ab immoderato tabaci usu, initia apoplexiæ derivet. Post opiatorum usum non semel vertiginem observavimus; nec incongruè Sylvius lib. 2. prax. notat, homines ex assumptis nimiam quantitate narcoticis in apoplexiam incidere. Nec minus vertiginem patiuntur ii, quos stupor aut paralyseos prodromi infestant. Cæci etiam hîc suos patiuntur manes. Est autem vertigo hæc conjuncta non tam cum dolore & debilitate capitis ac pulsatione arteriarum, sed & subinde cum tremore, & ingenti circa os ventriculi pressione & manifesta stomachi inflatione, ac anxietate præcordiorum, quàm ii potissimum experiuntur, qui cibis flatulentis delectantur. Videas etiam vertigini obnoxios subinde sine omni causâ

Vertigo.

mœstos & præter consuetudinem antiquam subtristes, ac quarumvis prope-
modum, quæ contigerunt, rerum immemores. Non defuerunt, qui, quoties
iplos vexat vertigo, quamcunque in partem caput flecterent, in eam veluti
cadere sibi viderentur. Atque hîc gradus vertiginis, quamvis aliquanto ra-
rior, summus est, quando totum corpus vertiginosi vacillat, & nisi fulcro alicui
innitatur, in terram corruit. Ad hanc scotomaticorum classem etiam refe-
rendi sunt illi, quos, nescio quis timor, cum sedere cupiunt, occupat, aut qui-
bus, quando obambulant, terra fugere videtur, ac pedibus sese subducere. His
in partibus corporis superioribus nonnunquam sudor sponte erumpit. Ver-
tigo omnis crescit, quando ex alto in inferiora visum defigunt, aut ubi velo-
cem rapidi fluminis motum, aut gyrum rotæ circa axem vel flammam latè se
diffundentem vertiginosi intuentur, item si onus humeris gestent, proni ince-
dant, aut si ex improvîso intentos audiant clamores.

De vertigine à compressione cranii & cerebri ab immoderatis, sub æstu-
solis, exercitiis, irâ, somno prolixiori &c. non est, cur verba faciamus. No-
tum etiam satis est, quod diuturnæ vertigini, quæ focum in primis viis, hypo-
chondriis & utero non habet, succedat apoplexia, vel epilepsia, quod etiam
olim notavit Hippocrates *l. 4. acutorum*. Cura difficilior est, quam credunt
minus experti. Nec adeò indicationes in promptu sunt, eò quod causa *ἀμε-
σες* mali latuerit. Novimus, communiter accusari confusum spirituum ani-
malium motum, & vulgò doceri, quod tum excitetur vertigo, quando spiri-
tus non æqualiter influunt, sed rotantur & nutant, eos autem tum in ordina-
to suo motu turbari, quando aut liquidum nervorum in vortices abit, quod
vult Willisius, aut ipsi spiritus vapore quodam heterogeneo & maligno inqui-
nantur, & caractere peregrino notantur, quod, juxta acroamata Sylvii, tum
potissimum contingit, cum bilis & succus pancreaticus vitiosi effervescent, jux-
ta Hornii autem doctrinam, quando pylorus patet & sordes ex intestinis attra-
hit. Quæ omnia captu satis difficilia sunt. Nos autem cum verissimum es-
se arbitremur illud Pitcarnii in *Dissert. Med. p. 106. In omni morbo, cujus Pha-
nomena æque possunt oriri à motu liquidi in arteriis impedito ac à motu liquidi
per nervos venasque sublato, semper putandum, potius peccari intra arterias
quàm intra nervos aut venas*; jam à multis annis credimus vertiginem idio-
pathicam oriri à dimotione quâdam retinæ, aut nervi per distensionem arte-
tiarum oculi; quandoquidem facilè intelligi potest, quod, quando vasa san-
guinis in oculo intumescunt, sive illud fiat *per copiam sanguinis*, sive *per co-
piam alicujus ex humoribus*, sive *per calorem rarefacientem*, adeoque vasa
extendentem, cum impetu in retinam & nervos nitantur & partes eas loco

moveant, ut optimè expositum à Clar. Bellin *lib. de morb. cap. p. 594.* & motu hoc vertiginem excitent. Illuc sanè oculos in cura convertimus.

Atque hinc primas sanè V. S. ferè semper detulimus, edocti ab Hippocrate *in coacis*, quòd *tenebricosas vertigines sanguinis ex naribus fluxio solvat*, cujus oraculi sensum Noster Jonstonus *in notis p. 280.* minimè est assecutus. Nec frictiones & ligaturas negleximus. Suus etiam relictus fuit locus pediluvii. Præmissâ V. S. etiam non tam *ἐκκρωρῶντικα*, quàm fortiora elegimus pharmaca. Rarò emetica adhibuimus in plethoricis, etiam si adessent ructus & rugitus, aut si quando juxta 4 *Aphorism. 17.* id factum est, exemplo Langii delegimus sal vitrioli, quod non tantum evacuat, sed & humores fundit ac dissolvit. Inter sudorifera hoc in affectu tinct. bez. D. M. omnium minimè expectationi satisfecit. Carminativa aromatica, si sollicita instituatur observatio, non parùm nocent. Idem ferè dicendum de spiritibus apoplecticis ex vegetabilibus cephalicis & nervinis, ut moris est, paratis. Nec melius se gerunt martialia, & inutilia magisteria perlarum, corallorum, ac inanes fæcularum fæces. Nec aliquid peculiare præ reliquis obtinent specificum Mich. ungu. alc. præp. Visc. Column. ppt. saphir. ppt. smaragd. ppt. Aliquantò major virtus est in succin. spec. de hyacinth. Maxima autem inter usitatiora in cinnabari nativâ, quamvis nec ab illâ miracula sint expectanda. Nullius pretii est spiritus vitrioli cephalicus, prout vulgò paratur. Rad. doronic. sem. coriandr. cubeb. aliquid faciunt operæ pretium. Salviæ laudes non immeritò in vertigine celebrat Paulini *in Salv. p. 74. & seqq.*

Non possumus etiam, quin singulare recenseamus exemplum de apostasi κατὰ δύσιν Θεοῦ, ut medicinæ Parens vocat, in scirrhum sanguineum degenerante cum doloribus atrocibus & aliis mali moris symptomatibus. Ubi in antecessum jure meritoque notamus, quod aliàs notum est ex Hippocraticâ doctrinâ, apostasi seu abscessione per sepositionem significari materiæ morbificæ è nobilioribus partibus ad ignobiliores depulsionem, non autem plenam è corpore excussionem, quod, licet principium movens corporis intendat, proposito tamen suo hîc frustratur, vel, quòd vires corporis fatiscant, & ad secretionem non sufficiant, vel materia ad motum inepta exclusioni reluctetur, vel etiam viæ minus patulæ obicem ponant. Atque hinc fit, ut non penitus ex corpore proscripta materia sed ad extremas partes detrusa, ibique altius impacta, etsi mole non magnâ, tanquam fomes facilè novos morborum ac dolorum faces accendat, quod in Matronâ ferè quinquagenariâ plethoricâ, ac turgido corporis habitu prædita expertus est DD. Helwich & Grassius. Hæc genere & virtute Illustris in sterili

*Peculiare
tumoris ge-
nus.*

rili matrimonio vivens, periculorum ex diætæ legibus contemptis secura, cibos etiam maximè noxios avidius ingesserat, quod non fieri oportuerat, quia & menses, statis quidem temporibus fluentes, sed haud rarò admodum dolorificos antehac experta & varias ejusdem menstrui fluxus ataxias autumnò & hyeme ultimum morbum antegressis senserat, & diros calculi labores sæpiusculè jam pertulerat, quoties dyspeptis ventriculum præter modum & omnem mensuram distenderat. Nec ignara etiam malorum, quæ hæmorrhoidalem fluxum ex licentiâ hâc, quam in victu sibi indulgit, impeditum sequi siveverunt. Non minus etiam fordidis apostematum molestiis aliquoties præterlapsis annis divexata, sed tot tantisque malis nondum satis edocta cœca hâc indulgentia in alios subinde morbos sese tempore præcipitavit, ac aliud grave tormentum sibi accersivit. Scilicet rediens ex dynastiâ suâ Vratislaviam circa vesperam, post cephalalgiam aliquot dierum, horrore febrili, quem æstus satis intensus, per totam noctem durans, excepit, concutitur. Æstu isto interpescente, immani dolore in digitorum manus sinistræ internodiis corripitur, qui miseram per 5 horas, nisi fallor, atrociter afflixit. Cùm sub vesperam cruciatus absque omni febris indicio recrudescerent, vocatus D Helwich accurrit & vix compotem mentis præ dolorum atrocitate invenit, inter mulieres de ineffabili articulorum dolore ejulatus, quam singultiens, ut enormiter tensivum, vibrativum ac vellicativum & lancinatorium describebat, serupulosæ indagini nullus erat locus, quamvis vivendi ratio ejus, & pleraque, quæ scire medicorum interest, illum non fugerent. Dolores illos videri arthriticos affirmat, nec adstantes abnuebant, & inter has vidua podagrico olim juncta, eandem jam ante accessum ejus cantilenam cecinerat. Absque morâ etiam post severè injunctam diætam accuratiorem, medicamenta ipsi in arthritide familiaria præscribit, pulveres nimirum nitroso cinnabarinos, ad aliqualem sanguinis distributionem obtinendam, tincturam aliquam diaphoreticam. Etsi enim procul absit ab opinione eorum, qui calidissimis in arthritide medicamentis ad proliciendum sudorem sanguinem exagitandum esse censent, diaphnoica tamen manè exhibita amat quàm maximè. Postero die redeunti narratur, noctem inter cruciatus, quibus ferendis humana natura non par sit, esse transactam, & simul ostenditur manus, quam dum accuratius intuetur, in pulposâ digitorum carne maculas deprehendit lividas, ac in atrum vergentes colorem, quales cernere licet, cùm tubercula, quibus tendines, qui digitos contrahunt & extendunt, annectuntur, incautè durioribus corporibus gravius alliduntur, læsis enim his partibus, acutissimo sensu pollentibus, excitatur crispatura, quâ sanguinis puncta ad ambitum eorum subsistunt. Interrogata,

an casu quodam cubitum offendisset, negat istud contigisse, ne quidem se credere, quòd in somno irrequieta partes dolentes contudisset. Medicamentorum continuationem svadet. A topicorum usu, præprimis conglutinantium, pingvium, oleosorum usu dehortatur, ac in spem meliorum labantem suffulcit animum, at verò horæ, dies ac septimanæ labebantur, & tamen tantum abest, ut tormenta dolorum cessarent, ut potiùs quotidie per horas aliquot diurnas, quod primis diebus non contigerat, & nocturnas vagis paroxysmis repeterent, & eam indignè mulctarent. Itum fuit obviam dolori huic omni remediorum genere (nam cùm laudata ante medicamenta non mitigassent, alia subinde, ita volente ægrâ, substituebantur) evacuatum blandè corpus, vena pertusa, cucurbitulæ applicatæ, blanda diaphoresis, cùm eò vergeret natura, instituta, humores antiscorbuticis aliisque accommodatis, quantum fieri poterat, correcti, antispasmodica verò prora ac puppis erant, nec, quod tamen in ejusmodi casibus rariùs ipsi in more, opiata fuere neglecta; at ne hilum his omnibus dolores mitigabantur. Tribus elapsis septimanis, tumor in carpo exoriebatur, ex quo alii in spem erigebantur, fore, ut brevi dolores demulcerentur. Medicus verum esse ajebat, quod, quando tumores arthritici in conspectum prodeunt, dolores mitescant, imò id etiam docuisse experientiam, diutiùs esse à paroxysmo, quibus ejusmodi tumores tardius dissolvuntur, immunes, sed tumorem hunc non videri ex genere eorum, qui arthritidi superveniunt, sed propiùs accedere ad phlegmonem, nam esse stasin inflammatoriam in amplum & quantum apparebat etiam in profundum diffusam, cum ardore & æstu conjunctam, sola duritiei absentia à phlegmone differre. Atque tùm facilè intelligebat, affectum non esse verè arthriticum, quamvis dolores arthriticorum cruciatibus simillimi essent, ac tumorem hunc magis magisque considerans, & ægræ corpus, nec non motus animi perpendens, manibus quasi palpabat, scenam hic aperiri Hippocraticarum apostaseων. Quia tamen etiam hæ periculo minimè vacant, ac tumores phlegmonodes etiam in sphacelum præcipites feruntur; commendabat cum D. Grassio externa, lenem materiæ noxiæ discussionem promoventia, & interna diapnoica ac antispasmodica præscribebant; sed, quod dolores ex eorum usu non statim sopirentur, emplastra, nescio quæ, erant imponenda, quibus id, ut eventus docuit, effectum est, ut crassiores sanguinis partes poris altiùs adigerentur, secedentibus subtilioribus partibus serosolymphaticis, grumosa sanguinis stagnantis condensatio sequeretur, uno verbo, scirrhus sanguineus, ein harter braun-rother Butzel/neque tamen, quod aliàs fieri solet, malácia cruciatuum obtingeret. Hic duo Medici illi gnari, quàm facilè in ulcerosas, gangrænosas aut sphacelo-

lofas corruptiones scirrhi sangvinei abeant, omnem chirurgo sollicitudinem commendabant. Is verò, ut fieri solet, utroque absente, scirrhum aperiendum esse contendit, pollicitus fore, ut, factâ levi apertione, dolor omnis conquiesceret. Fit ita. Extillant tres vel 4 guttæ ichoris, & cruciatus quasi incantamento sublatis omnes per 24 horas suspenduntur. Hic nobis ægra cum consangvineis insultare, quod reluctati essemus huic tumori incisioni, nos quidem, absque jactantiâ benè facere & malè audire, jam assveti, jubemus in vulnusculum, lanceolâ factum, instillare liquorem balsamicum vulnerarium, & precamur, ut gaudium hoc ægræ sit diuturnum. Sed vix elapsæ 24 horæ, ubi infandi iterum eam dolores corripunt, qui incertis paroxysmis eam per tres adhuc septimanas aggressi sunt, ubi post multa antispasmodica interna, & camphoratorum usum externum, primò langvidè, tandem prorsus conticuerunt. Circa scirrhum nihil temerè movendum esse, constans nostra erat assertio, edocti, citra magnum ægrorum incommodum ejusmodi scirrhos, nisi passionibus animi, præprimis verò excandescentiâ, abusu vini, violentiori corporis motu imprudentibus refrigerationibus occasio novis punctoriis & æstuatoriis doloribus præbeatur, in corpore circumgestari. Dùm verò dolores remittere incipiunt, novo terrentur symptomate, nempe incipienti quasi aridura, à nimia fibrarum tensione, cujus tamen progressum fotibus, cataplasmatibus, unguentis ac spirituosis linimentis facile inhibuerunt, atque ita ægram diuturnis dolorum fluctibus concussam, sub auspiciis divinæ gratiæ, in portum sanitatis perduxerunt. Ejusmodi effectus satis frequenter absque dubio in praxi occurrunt, dum larvam dolorum arthriticorum, sub quo schemate incedentes etiam oculatis imponere possunt, conjunctam habent, & sub nomine dolorum articularium, podagricorum, chiragricorum, aut certè rhevmatismi, occultantur. Manifestum verò satis est, sævos illos dolores excitari, dùm humor, præprimis verò sangvis motu vegeto tensis fibris illiditur, adeoque hos cruciatus esse ex classe spasmodicorum, eos etiam credimus esse causam tumoris, & hunc ipsum, propter dolores illos formari ac colligi, non propter copiam materiæ per apostasin rejectæ, quippe quæ non adeo magna est, ut sensus docet. Res etiam ipsa loquitur, quod sepositâ ejusmodi materiâ vix maturationem admittat, ac scirrhi exulcerationes, si quando eveniunt, genuini imperitiæ chirurgorum foetus sint.

Rectè Sydenham *in dissert. epist. p. 485.* ait, passionibus hystericas inter chronicos morbos omnes frequentissimè occurrere, easque, ut *p. 486.* innuit, chronicorum partem mediam esse. Nos quidem hoc jam non agemus, ut totam mali illius historiam Lectori sistamus, quam non malè descripsit Paschalius

lius *l. i. d. cur. morb. c. 57.* attamen licebit, opinor, nobis describere affectum, qui satis frequenter corripit foeminas sangvinei temperamenti, impedito mensium fluxu laborantes, non ad aliam morborum classẽ, ut judicamus, commodius referendum, is verò sequens est: Mulieres quædam, cùm imminet tempus, quo tributum menstruum solvendum est, primo quidem experiuntur anxietates præcordiorum, cordis palpitationes, anxietates miras cum artuum lassitudine & cephalalgis, deinde post varios spasmos hypochondriorum, & dolores tensivos in dorso & osse sacro ac regione pubis tandem erumpunt in quantitate non magnâ menses, iste verò fluxus apud has paucis durat horis, apud alias diurno, aut longiori adhuc spatio circumscribitur, at infra tempus debitum atque justò citiùs sistitur. Cessante verò fluxu exquisitissimi dolores vibrantes & lancinantes per dorsi longitudinem ad cervicem usque diffusi sese exerunt, in abdomine autem acutissimi dolores flatulenti adsunt. Ex dorso irruunt acutissimi isti dolores punctorii in caput, & tempora occupant, atque hinc singulis momentis exacerbantur. Dùm autem caput dolore gravissimo, distendente, gravativo ac punctorio torquetur, facies inflatur, malæ rubore suffunduntur, ac vultus mediocriter ardet. Nonnunquam dolor acerbissimus in certo pericranii punctulo, quod transverso pollice contegi posset, tantùm hæret, non minus tamen est penetrans, quam si clavus ferreus in caput vi adigeretur, ut optime describit Sydenham *p. 487. & 499.* unde etiam affectui nomen clavi hysterici indidisse videtur. Dolorem illum aliquando etiam comitantur enormes vomitus, plerumque vero cum illo conjuncta sunt febricula, agrypnia, lassitudo artuum, alvus adstricta, horror per intervalla recurrens, extremorumque frigus. Post aliquot dies inclinat morbus, & symptomata mitescunt.

Initium curæ fecimus ab enematis, quæ bis etiam in die applicari jussimus. Paregorica & discutientia capiti applicata aliquam præstant utilitatem. Cæterum vulgaria anti-hysterica & nervina internè data, tantùm abest, ut opem afferant, ut etiam dolores intendant. Dedimus essentiam carm. Mich. Wedel. elix. uterin. utriusque, ut & Crollii, at illud tantum his laudatissimis medicamentis assecuti sumus, ut dolores augerentur, & diutiùs protraherentur, mens vacillaret, membra stuperent & alvus pertinacius obstrueretur. Multum nostra experientiâ hîc præstant temperantia, salia digestiva, pulveres nitrosi & salini. Superato paroxysmo opera à nobis data, ne affectus repullularet. Hoc autem multoties obtinuimus iis remediis, quæ fluxum mensium promovent, studiosè caventes à cortice Peruviano, quem in affectibus hysterici immeritò Sydenham tantopere extollit.

Quod si sanguis viscidior &
Ll 2 spis-

spiliior impediti mensium fluxûs causa esset, aut etiam sanguinis orgasmus, curam à V. S. auspicati sumus, & deinde post usum leniter evacuantium, emmenagoga mitiora dosibus exiguis iusto tempore, &c. exhibuimus. Cujus commendatæ methodi efficaciam singulari epilepsiæ uterinæ exemplo D. Pauli magis confirmare potuit. Erat tum temporis Nobilis cujusdam uxor, lautiori & liberiori diætæ addicta, sanguineo-melancholica, venerea, concubitum tam ob prolis numerum, quam ingratham mariti austeritatem, fugiens. In partu filioli mortui, quem ante biennium enixa fuit, paralytica facta quoad manum sinistram & transacto puerperio lumbagine quâdam rheumatica, maximâ sæpè, quanquam per intervalla, cum molestiâ tentari cœpit. At vero paralyti sequenti anno thermarum Hirsbergensium usu sublata, lumbago usque remansit. Alias menstrua ipsi hætenus in debitâ & quantitate & qualitate, ordinarioque tempore fluxerunt; attamen faciem pallor & tumor veræ cachexiæ signa occupant. Decimo Maji eam invadebat febris continua cum ingentibus spasmodicis & capitis & totius trunci doloribus, agrypniâ, magnâ ventriculi nausea & frequenti vomitione, atque insigni virium prostratione. Febris hæc temperatis bezoardicis, & salino-nitrosis oppugnata, ac post nonum diem dissipata, simulque dolores prædicti penitus extincti prosperam valetudinem promittebant. Verùm post duas hebdomadas spes decollabat; dum subsequenter lunaris fluxûs initio hæc ex improvise epilepsia sic dicta uterinâ corripere, cum perpetuis vomendi conatibus, & copiosis involuntariisque urinæ excretionibus. Dies fermè præteribat, priusquam afflicta sensum reciperet. Fluxus prædictus menstruus posthæc statim cessabat, eumque impropterum prorsus emanfurum conjectare licebat. Interea quilibet vel septimus vel nonus dies novorum semper epilepticorum insultuum, vomituum sensuumque omnium abolitionum periodus erat, quam accessuram ex limpidissimâ & albissima urinâ per sesquidiem semper prædicere licebat. Data in paroxysmo impetuosæ salia volatilia, sternutatoria, dolorum capitis vertiginosorum, febrilium commotionum, mentisque majorem abalienationum causæ erant, ideoque ægra pedetentim absque externis excitantibus ad se redibat; postque paroxysmum partim lenes clysteres, partim blanda laxantia, nervina cum carminativis offerebantur. Præservativè martialia dosibus parvis, sed repetitis ante & post mensium tempus usurpabantur, sed absque minimo effectu. Quippe omnimodam mensium emanfionem spasmodici & dolorifici sensus in toto corpore comitabantur. Proinde ad nimium in sanguine commotionum impetum mitigandum, cinnabarina; ad acrimoniam verò humorum contemperandam salia tartareo-nitrosa; instante vero mensium tempore essent.

sent. myrrhæ c. spir. ✱ anis. tanto cum effectu propinabantur, ut desideratæ excretionēs in debito ordine redirent; ægraque sub finem curationis accepto nodulo anticachectico optatæ sanitati restitueretur.

Præterea multorum infantum corpora hisce diebus motibus *Epilepsia Infantum.* convulsivis concutiebantur, quorum non pauci à parentibus suis per mortem avellebantur. Imitatus hic Nostrum aliquis curam Hieronymi Cardani, qui cùm vocatus esset ad infantem convulsione acerrimâ correptum, non desinente acutâ, quâ laborabat, febre, *perfusionem, & lintea madefacta ex oleis lini & liliorum adhiberi jussit, præterea infantem molliter tractari, nutricem etiam à carnibus, lactantem ab omnibus aliis potibus ac cibis, præterquam à lacte; cujus moderatum usum* permisit, abstinere voluit, & *ægrum perfusionem in cunis & loco calido habendum, ac perpetuo sed leviter, donec somnus obreperet, agitandum esse* edixit, eo cum effectu, ut infans intra quatrimum prorsus convalesceret, sicuti Cardanus ipse narrat *in lib. de Vit. propr. p. 90. & seqq.* Enimverò hanc medicationem hîc Vratislaviæ nullus felicior eventus exhilaravit. Plebs nostra multum fiduciæ collocat in ungulis alcis, & regnat etiam alibi in multorum animis hic error, in ipsâ etiam Norwegiâ, quem scitè redarguit Autor *der Nordischen Reise*/ hoc Anno Lipsiæ editus. Iste, cum ei Nobilis offerret dono pedes alcis & in laudes virtutum ejus antepilepticarum excurreret, subridens, respondit: Se sibi persuadere non posse, daß dieser Fuß so viel Krafft habe/indem sich das Thier / so ihn stets an sich trüge / damit nicht zu curiren vermöchte; Nobilis responsionem argutam perpendens, non tantum advenæ sententiam probavit, sed & fassus est, multis morbo caduco detentis, frustra à se ungulas illas esse datas. Imò cum alces sæpè convulsionibus laboret, Auctor non absurdè arbitratur, daß das von diesem Thier gegessene Fleisch solche fallende Sucht verursache/ ut legere licet *p. 12. & 13.* Et propterea tantò magis miramur; quî Clar. Charleton *in Onomast. Zoic. p. 9.* scribere potuerit, quòd ungulæ hujus animalis *epilepsia & hysterica affectioni summopere opitulentur.*

Nec minus frequenter tùm infantes infestabantur ranulâ, quam Græci Batrachion vocant, Germani das Gröschlein/ à figura, credo, *Ranula.* quam exhibet frequenter, tametsi illa non semper eadem sit, & nonnunquam globuli rotundi speciem referat. Tumor hic imam lingvæ partem obsidet, arteriisque venisque, quas raninas chirurgi vocant, accumbit, ut jam innuimus. Modò phlegmonis, sæpius autem œdematis mollis laxique figuram repræsentat. Si aperias, ut sanè etiam crudum aperire juvat, vel mucus albumini ovi non absimilis extillat, vel pus & sanies emanat. Sed quia

per sæpè timiditas parentum chirurgi manum non admittit, in subsidiũ vocatæ fuerunt in ranulâ œdematosâ collutiones ex decocto salviæ, hyssopi, plantaginis, origani, menthæ, majoranæ, summitatum anethi, in inflammatoriâ ad suppurationem tendente ex lacte, cui pro re natâ fuerunt emollientia incocta. Sive autem sponte sive arte aperiretur humor, quod relictum fuit ulcus, eluimus decocto veronicæ, marrubii, agrimonix, cicerum, melle rosato, syrupo è rosis siccis, capillorum veneris, betonicæ &c. Multoties autem observavimus, quod, nisi cystis, quæ humorem continet, absumatur, tumor iterum iterumque repletâ vomicâ resurgat. Contingit tamen etiam, ut effluente pure cocto pellicula putrescat, & totum simul excernatur, quod morbum facit.

Inter omnes, qui hisce diebus ex febb. ardentibus moriebantur, vix inventi aliqui fuerunt, qui non nigritie ac scabritie lingvæ infestarentur. *Prunella.* Prunellam vocat vulgus Medicorum à temporibus Paracelsi, fortè quod herba Prunellæ optimè ipsi, ex sententiâ Theophrasti, medeatur. Cùm vera vulneribus etiam asperæ cuticulæ subnigræ, similes iis, quæ in lingua conspiciuntur, facile superveniant, hinc idem Paracelsus non absurdè Prunellam vulnerariam statuit, ut colligere est ex *Chirurg. Magn. Tract. 1. c. 6. p. m. 6.* Indicat autem talis lingua inflammatorium viscerum æstum, & nihil boni portendit, ut jam olim observavit ex Hippocrate Prothus Casulanus in opusculo de *lingvâ*, quâ *maximum est morborum acutorum signum l. 3. c. 12. p. 110.* Mitigant, sed non tollunt affectum mucilagines sem. Psyllii, cydoniorum c. aqv. semper vivi factæ, ut & misturæ ex ∇. prunell. phlegmate vitrioli aut tinct. rosar., violar. Nobis præ aliis placet lapis Prunellæ in ∇. appropriata dissolutus. Nec aspernendum est remedium Wittichii ex oleo olivarum vitrioloque, si porrigatur in quantitate nucis avellanæ. Hartmannus in *Praxi Chymiatr.* agens de anginâ, laudat non immerito corium de lardo assulatim, ut vocat, incisum, & ex eâ parte, quâ adhuc lardum est, lingvæ impositum, & aliquamdiu ore detentum. At in his ipsis remediis unicam spem ponere, omissis internis, temerarium est. Hi duobus circiter diebus ante mortem febricitantes, cùm biberent, potus iis descendebat quodammodo in præceps cum sonitu, quasi in vacuo & inani descenderet, & obaudiebatur murmur & borborygmus circum præcordia, quod phænomenon doctissimi inter veteres Medicos à siccis laryngis musculis deducere solent. Meminit ejus in Coacis ipse Hippocrates.

Sub illud tempus, quæ fraga & ribium baccæ passim apponebantur, & avidè, ut fit, ingerebantur, alii diarrhœa corripiebantur, alii autem Cholera, *Cholera.* præprimis, si vinum in glaciè refrigeratum ingurgitarent. Cho-

lerici non tantum fursum & deorsum magno cum impetu humores biliosos egerebant, sed & ingenti siti torquebantur, & assidua corporis jectigatione fatigabantur. Mense eorum percellebatur, aderant vigiliæ & partium extimarum refrigerationes; quæ symptomata, nisi statim ab initio blanda data abstergentia aut levissima evacuantia ac præcipitantia cum diaphoreticis & discutientibus, ipsa mors excipiebat.

Varii oculorum affectus in praxi etiam tum nobis occurrerant. Nonnulli laborabant *epiphorâ* & tenuis humor, calidus & mordax lachrymarum specie in oculos irruebat. Ex his aliqui in febb. intermittentes lapsi non modo molestiæ levamen ex febre supervenienti non senserunt, sed & dolorem augeri eo, quod forte acerrimum remaneat, dissipatis humidis & aquosis particulis, crebro conquesti sunt. Alios *acres & salsi humores cum rubore & palpebrarum exulceratione gravi* afficiebant tædio. *Inflammationes* quoque oculorum aliæ aliis erant pertinaciores. Interdum oculi satis erant squalidi & vasa supra modum extumescabant, & tamen totum malum remediis debitis facile tollebat; nonnunquam vero inflammatio multo minor erat, & tamen, quicquid etiam ageretur, frustra tentabatur. Erat autem hoc in casu cum ophthalmia dolor capitis diuturnus indissolubili nexu conjunctus, qui satis ostendit, in consortium mali meninges & intimas cerebri partes trahi, quod etiam subinde in aliis fieri morbis patet ex Clar. Baglivii scripto de *Fibrâ motrice*. Visus autem eorum, qui ita affecti erant, indies magis obscurabatur, nec in minimo cœcicatis secuturæ periculo versabantur. Id creberrima nos docuit experientia, alvi profluvium sive sponte naturâ motum, sive pharmacis excitatum ophthalmicis esse admodum utile, sicuti prius inculcavit Hippocrates & in *Coac. & 6 aphor. 17.* postea autem subinnuit *lib. de capit. vulneribus*, scribens, *quibusdam vulnerato capite, ophthalmias supervenire, quæ purgatione conquiescant.* Nihilominus summâ curâ saluberrimum Galeni svadentis, ne toto *fluxionis tempore, in revulseriis acquiescamus*, sed & *doloris sedandi rationem* habeamus, præceptum erit observandum.

Porro sæviebant etiam maximopere brachiorum dolores, qui omnem remediorum applicationem eludebant. Præprimis autem admodum rebellis cruciatus erat, qui nostrum alicui curandus imponebatur. Scilicet, implorabat Medicam opem Vir quinquagenarius, habitu corporis athletico præditus & venationi deditus, qui in juventute & virili ætate strenuè in castris Bacchi militaverat. Iste, cum ante annos aliquot dolorem tensivum in nuchâ & scapulis cum aliqua vertigine per-

*Affectus
oculorum.*

*Dolores
Brachio-
rum.*

percepisset, ex Medici Viennensis, qui apoplexiæ prodromum hunc dolorem esse credebatur, consilio, tum aliis usus fuerat, tum unguento, cui admixta erant *℞. succ. spic., salv. &c.* Enimverò non tantum non dolor illi hinc fuit sublatus, sed potius maximoperè auctus, & sedem circa scapulam in altero latere fixerat. Ab illo tempore varia alia dolori demulcendo usurpata fuerant remedia. Præmissis de difficultate curæ prognostico, cum in aperto esset, ab ægro, ut non rarò contingit, *præproprio sanitatis desiderio* esse peccatum, curæ auspiciis sumebatur à V. S. in altero brachio. Sequebatur blanda evacuatio cathartica cum euphorîa. Subnectebantur diapnoica & leniter diuretica, e. g. essent. fuccin. c. tinct. tart. pulver. ex absorb., nitro & cinnab. compositi. Ad mitigandos autem dolores nocturnos, qui semper fuerunt gravissimi, dabantur pilulæ de styrace, emulsiones &c. Aliquid de sævitiâ remittebant dolores, postquam per aliquot dies his remediis usus esset. Quia tamen malum subinde repullulabat, loco potus ordinarii adhibuit decoctum blandum ex radicibus & lignis, & in usu aliorum selectissimorum remedium perrexit. Sangvisugæ etiam circa orificium ani fuerunt applicatæ. Nilominus ex toto malum hoc inveteratum his aliisque remediis tolli non potuit. Topica in ultima hac curâ per priores septimanas certis de causis fuerant omissa, at deinde compellente cruciatu, sacculi sicci ex nervinis & discutientibus, item in vino aliquando & lacte decocti, linimenta camphorata varia, balnea etiam &c. in usum & subsidium, absque dolorum levamine, vocabantur. Æger pertæsus curæ, eo, quem optarat, eventu destitutæ, hætenus multos Medicos fatigavit, nec ad hodiernum usque diem quicquam ei profuerunt aliorum consilia, nec thermæ. Jam, ut fama fert, ærunnas salivationis sufferre constituit.

Dolor hypochondrii dextri.

Hisce etiam diebus mulieres sangvineæ constitutionis, quæ paulò liberalius vinum bibunt, dolebant hypochondrium dextrum, spirandi aderat difficultas sine tussi, quæ in horas increbescibat. Accedebat nonnunquam febricula, quæ dolorem, modo is esset mediocris, ne ad claviculam aut ilia pertingeret, solvebat. De hoc ipso dolore videtur loqui Hippocrates *lib. 6. aphor. 40. quibus dolor ad hypochondrium sine inflammatione, his febris superveniens solutio.* Nihil æque profuit, quàm primo quovis tempore sangvinem liberaliter ex venis in pede detrudere, id quod argumento est, aut hepar phlogosi in hoc dolore corripitur, aut sangvinem in trunco venæ portæ vicinisque ramis stagnare. Difficilior est cura, si dolor hic sit conjunctus cum tussicula inani, ex hac enim, ut putamus, non vanè colligi potest, etiam diaphragma in societatem doloris rapi,

id

id quod fit, cum gibba hepatis pars inflammatur, utpote quæ propiùs diaphragma attingit. Si paulò gravior sit inflammatio, ne digitorum quidem pulsum ægrotantes ferre possunt. Jactantur plurimum, lingua arida & scabra est ob ingens in sanguine incendium.

Occurrebant & tunc & hodie adhuc oculis observantur, qui de internis doloribus nullâ arte expugnabilibus conquerebantur, vel hodie adhuc conquæuntur. Causæ dolorum istorum in ab-
De Aneurismate interno.
 dito latent. Nos sæpè suspicati sumus, ejusmodi dolores ab interno quodam aneurismate dependere. Nam exempla ab aliis narrata satis edocent, quod aneurismata magnorum morborum causæ existant. *Mercurio*, ut doctissimus Medicus Parisiensis narrat, *dolor summus ad spinam dorsi, annum integrum laborabat.* Quod aliquando lue venerea infectus esset, id attribuebant veteri malo Medici. Nihil malum quievit. *Tandem sursùm deorsùm ingens sanguinis copia excreta est.* Aperto cadavere, *aneurisma* compertum est in *divisione magna arteriæ adilia, quâ parte spinæ incumberet.* Cœquus quidam, ex ejusdem Medici relatione, *difficultate mejendi tenebatur,* aliquando suppressio erat urinæ. Calculum in vesicâ, aut aliquid simile suspicabantur. Per quædam intervalla malum repetebat; derepente interiit, subitæ cladis causa fuit *aneurisma ruptum, valdè enim erat dilatata arteria, quæ vasis urinariis subjacebat.* Ac credibile est, dilatationem istam arteriæ, difficilis mictionis causam fuisse. De aneurismate in pectore oborto à vomitu, legatur Paræus in *Operib. p. m. 230.* ubi commemorat, quod vestiarius ex *aneurismate arteriæ venosæ rupto* mortuus, dùm viveret, *micantium impetu arteriarum omnium pulsum, ingentemque toto corpore calorem se* percipere dixerit, ac sæpè in lipothymiam inciderit. Sanè præclarissimè de medicinâ mereretur, si quis curiosiùs indagaret, & signa latentium aneurismatum detegeret, ac cùm, judice Paræo, incurabilia sint, rationem, quâ ægri in tantis molestiis ex parte sublevari possent, solidè ostenderet, quod nuper Cl. Baglivius pollicitus est sese facturum.

Mensis Julius erat amœnissimus, nam & grato solis jubare exhilarabamur, ac tepidis aliquando pluviis terra refocillabatur. Major æstus erat in principio Augusti, & crebra audiebantur tonitrua; Eoque gratiores erant, quæ subsequebantur, pluvia, ete-
Constitutio aeris in Mens. Jul. Aug. Sept.
 siæ quoque gratè spirantes nimium temperabant fervorem. Nec minus blanda & grata erat aëris constitutio in Septembri, nisi quod circa novilunium rigidior aër corporibus nostris esset molestus.

De hamor-
rhoidibus ve-
sicae & oris.

Hoc tempore incidit notabile hæmorrhoidum vesicæ exemplum, quod descripturum D. Christ. Helwich, anno præcedente diximus, sed nihil vetat, quò minus ea, quæ de hæmorrhoidibus oris & vesicæ ab eo annotata fuerunt, etiam hic legantur.

Diligenter in enodandâ hæmorrhagiarum secundum ætates, temperamenta, sexum &c. varietate, quidam nuper versati sunt, iidem quoque fluxum hæmorrhoidalem, tum eum, qui ex propaginibus *vena portæ ac splenicæ* oritur, tum illum, qui ex *ramis vasorum iliacorum internorum* scaturit, ingeniosè explicarunt. Et hætenus quidem tantum non omnes, quamvis sanguinis rejectionem per os, vel ad hæmoptysin, vel vomitum cruentum reduxerunt. At verò, quàm benè id fiat, colligere licet ex *Histor. Morbor. anno 1699.* & aliis fide dignis exemplis. Neque sanè quisquam facile crediderit, quod profluvium illud sanguinis, quod *multis per ora, statò tempore, ut Macrino Visco Prætorio, & omnibus annis Volusio Saturnino, urbis præfecto, qui nonagesimum excessit annum, teste Plinio lib. XI. cap. 38. p. m. 814. fiebat*, vel hæmoptysis fuerit, vel vomitus cruentus. Aristoteles *l. 2. de part. animal.* non tantum veritatem hujus fluxus confirmavit, sed & appposito hæmorrhoidum nomine eum insignivit, ita scribens: fiunt etiam aliquando *αἱμορροΐδες ἀπὸ τοῦ ὀφθαλμοῦ* & hæmorrhoides *sine labore omni ex ore*, neque, *ut ex arteriâ violenter*. Unde colligere est, quod post Aristotelis tempora, à Celso & Galeno demùm vox hæmorrhoidum ad *venas sedis & uteri restricta* fuerit, quoniam illæ præ cæteris frequenter sanguinem fundunt. Nam ipse Aristoteles etiam alibi nimirum *lib. 1. de generat. animal.* simpliciter scribit, quod *ἐν τῷ φλέβῳ* fiunt hæmorrhoides, qui locus etiam simul indicat, quod non malè Celsus, cui & Paulus adstipulatur, scribat, *Ora venarum, tanquam ex capitibus surgentia* vocari à Græcis hæmorrhoides. Conf. Hieronym. Fabric. ab Aquapendente *de Chirurg. Operat. p. 106.* & Frommannum *tract. de hæmorrhoid. p. 6.* Tales oris hæmorrhoides, nisi me omnia fallunt, ipse agnovit Hippocrates *lib. 2. Prediction. Sect. 2. p. 82. edit. Foessii*, ita scribens: *Quibus fauces sanguine noctu & interdum replentur, dum neque capitis dolor prægressus fuerit, neque tussis, neque vomitus, neque febris prebenderit, neque pectoris aut dorsi dolor tenuerit, in his nares & fauces inspiciendæ, nùm quod ulcus in eo loco compareat, aut ἡ βδέλλα?* Quæ ultima vox tenebras Hippocratis verbis affundit, ac difficultate hæc motus Hippocrates Latinus, Celsus, inquam, *lib. 2. de Medicin. cap. 7. p. 60.* nostrum, qui præ manibus est, textum Coi latinis efferens verbis interpretationem omisit, contentus dicere, in eo, quem Hippocrates describit, casu, ulcus reperiri. Jam notum quidem est, quòd illa vox aliàs hi-

rudinem, quæ à fuctu sanguinis sangvisuga tempore Plinii dici cœpit, significet, ut constat ex Theocritici *Pharmaceutica*, Hesychio *p. m. 186*. Suida *Tom. I. p. 549*. Varino Phavorin. *p. 358*. Clariss. Lindanus in *Select. Medic. Exercit. XI. paragr. 58. p. 381*. dicit, quod Strabo *lib. 17. Geograph.* lampetras vocat *βδέλλα*. Alia quoque ejusdem vocis significatio occurrit apud Plaut. in *Curcul. Act. 1. Scen. 2. p. 265*. harum tamen neutra hujus loci. Galenus in *exegesi vocum Hippocraticarum*, sive ut Latine inscribitur, in *explicatione linguarum* inter libros *Isagogic. p. 143*. Mibi, inquit, videtur propriè dici nomen de ipso animali, etenim affui olim, cum hoc diceretur in eo libro, & dubitantibus multis de his, quæ fierent, solus ego ex scripto aggrediens præcognovi veritatem. *βδέλλα* in primâ significatione accipi debere contendit, & *lib. 4. de loc. affect. 5. p. m. 52. class. 4.* provocat ad historiam juvenis, in quo ad narium foramen in eo meatu, ubi nasus ad oris regionem perforatus, hirudinem latentem conspexit; allegat etiam aliam historiam de homine sanô Galen. qui cruorem evomuerit epotâ cum aquâ hirudine. Et his exemplis confidentior redditus loco ultimo fluxûs sanguinis per os, ab hirudine contingentis signa pandere non veretur, ita scribens: *Quod si pluribus diebus aliquis cruorem & screaverit, & emunxerit, idque citra capitis vel dolorem, vel gravitatem, sive præsentem, sive præteritam, neque plaga eo loco existente, hujus & totum per nares meatum, atque eam oris partem, quâ ad nares perforatur, exactè considerare oportet. Istud enim aliquando contingere potest hirudine huic loco adhærescente, quæ quidem indies augeri solet, quamvis enim primis diebus, quod sit exigua, latere queat, tertio tamen quartove die haud obscurè conspicitur.* Hæc tantopere placuerunt Aëtio, ut sua fecerit *lib. 8. c. 59*. Galeni interpretationem probat etiam Foësius & in *Comment. ad Hippocr. Prorrh. & in Oecon. Hippocr. p. 119*. Jam non negamus, fieri aliquando posse, ut hirudo cum nocturno potu aut alio modo in guttur irrepât, ac ibidem sanguinis fugendi gratiâ hæreat; nam præter Avicennam *lib. 3. Fen. 9. c. 5*. illud testatur etiam Borellus *Cent. 1. observ. 24. p. 33*. & hinc jam olim ad epotam sangvisugam descripserunt remedia Dioscorid. *lib. 6*. Celsus *lib. 5*. Paulus *lib. 5. c. 37*. Nicander alique plures; at verò quòd h. l. Hippocrates per *βδέλλα* hirudinem intellexerit, illud est, quod negamus, nullo modo moti auctoritate Galeni, sed potius memores istius aureæ sententiæ ipsius Galeni *l. 2. de comp. medicament. c. 8*. *difficile est, ut, qui homo sit, non in multis peccet, quædam videlicet penitus ignorando, quædam verò malè judicando, & quædam tandem negligentius scriptis tradendo.* Nam (1) ex textu senis nostri patet, quòd agatur ibidem de morbo, ad cujus diagnosin necessarium sit nosse, utrum ca-

pititis & præcordiorum dolores, tussis, vomitus, febricula, &c. præcesserint, id est, uno verbo de affectu, cujus causa est interna, non externa, qualis est hirudo, quæ aliis omnino indiciis detegi poterat. Et estne ullâ ratione credibile, Hippocratem prætermisissurum fuisse certiora præsentis hirudinis criteria? Atque cum hirudo dicatur *βδέλλα* à verbo *βδέλλω*, quod significat ex-fugo, qui potuit Hippocrates oblivisci suctus, quem Dioscorides *lib. 6.* memorat, in commemorandis hirudinis indiciis, ab imagine sanè suctûs ipse Cicero pulchrè *l. 1. Epist. 13. ad Atticum, concionalem hirudinem ararii* commemorat. Imò propterea ab Arabe quodam Damire apud Bochart. *in hierozoico*, hirudo definitur *vermis niger aut ruber in aquâ degens, qui propendit à corpore, ut exfugat sanguinem.* Et quid (2) dicam de dolore, de quo testari potest & sensus eorum, quibus applicatæ hirudines fuerunt & vulnusculum in parte, cui adhærebant, relictum? Et sanè non improbabile est, eas dentibus esse instructas, si vel maximè ad limacum eas censum retuleris, nam etiam cochleas dentibus esse instructas, testatur Martinus Listerus ex Hookii avtopsiâ & Clar. Velschius *in Hecathosteâ suarum Observat. 67.* Nec nodi, quos hîc texit Clar. Bonanni *in recreatione mentis & oculorum part. 3. problem. 228. & seqq.* sunt indissolubiles. Villanovanus illis fistulam tribuit, alii docent, quod os illis trianguli instar hiet. Sanè Plinius *l. 8. c. 10. p. m. 497.* testis est, quòd *elephantes cruciatum maximum sentiant, haustâ hirudine.* Sed nullam ejusmodi doloris mentionem facit Hippocrates. Aut si vel maximè abesset dolor, omninò æger frustum quasi carneum gutturi infixum, ut ille apud Borellum *l. antea cit.*, percepisset, sed altum & de cruciatu, & pondere tali in textu Hippocratis, silentium. Imò si textus Hippocratis accuratiùs inspiciatur, manifestum est, quòd in eo sermo sit de ejusmodi symptomate, quod per plures dies & noctes durat; at fieri non potest, ut hirudo in alicujus faucibus per tantum temporis spatium hæreat, & ab eo, quem affligit, aut providis Medicis & Chirurgis adstantibus non agnoscatur. Certè intra horæ quadrantem, non mediocrem sanguinis quantitatem imbibit, & facilè etiam non magna sangvisuga ita distenditur sanguine, ut vel digiti magnitudinem adæquet; cruore verò satiata spontè decedit. Quod & Horatius indicat *de arte* in fine canens: *Non missura cutem, nisi plena cruoris hirudo.* Hæc & alia, de quibus meretur consuli Marfilii Cognatus *lib. 2. variar. observ. c. 2.* satis evincunt, quod *βδέλλα* in loco Hippocrat. non significet animalculum illud reptile, sed in tropico sensu capiendum sit. Hic ut tantò magis innotescat, meminisse fas sit, quod *sangvisuga sit animal oblongum, transversis lineis* (vid. Jonston. *lib. 4. de Insect. tit. 2. p. 143.*) *distinctum, ore subrotundo ac veluti calloso*

& aspero, &, ut benè Gesnerus, *moveatur extensione & contractione corporis sui ceu annulis constitutis*, sc., ut diu ante monuit Aristot. *in lib. de animal. incess. c. 9.* ἰλύτῳσις vermi & hirudini convenit; scribens *alia* (animalia) *volubili tractu utuntur*, ut lumbrici, quos *intestina terræ appellant*, & *sanguisuga*; quàmvis, ut demonstrat Borellus *part. alterâ de motu animal. prop. 13.* corrugatio illa non sit *causa*, sed *effectus contractionis internorum musculorum*. Si itaque hirudines cum venis sangviferis comparentur, manifestum evadit, quòd in non paucis conveniant. Ad ungvem refecare omnia, à proposito nostro alienum est, & ut analogia rudior, ratione externæ figuræ, manu quasi palpabilis est, ita extensio ista, & contractio in utroque corpore non minus clarè patet, quandoquidem & venæ vi fibrarum (quas sine causâ in vasis reperiri negavit Vesalius *in Exam. observ. Fallop. p. 129.* & Clar. Ent *in Apolog. pro circulat. sangvin. p. 42.*) circularium & stringuntur & comprimuntur *successivè*, una enim pars post aliam comprimitur, ut *sanguis agitur & conquassatus debite misceatur & confirmetur*; conf. Borell. *l. c. prop. 33. & 34.* Sed præprimis etiam conveniunt hirudo & vena ex mente Hippocratis, ratione tractionis, sive suctionis sangvinis. Nam passim attractionem quandam legitur tribuisse venis, cum primis evidens locus occurrit *in lib. de carnib.* ita sonans: *Venæ, quæ per ventrem & intestina feruntur, in quibus cibi & votus coacervantur, ubi hi incaluerint, id quod est tenuissimum & humidissimum attrahunt.*

Zwingerus in doctrinâ Hippocr. exactè versatus *in Comment. p. 135.* ita effert mentem Hippocratis: *tenuissimum & humidissimum, à venis mesaraicis ex ventre & intestinis, quæ supra jejunum sunt, ex ileo videlicet & duodeno ad hepær, ab hepate ad venæ cavæ propagines, in universum corpus trahitur.* Propter has aliasque Bdellæ cum venis analogias istius nomen ad hanc designandam transtulisse videtur Hippocrates. Major adhuc est similitudo inter Βδέλλα sangvine distentam & venam varicosam seu dilatatam einer schwarzen auffgelauffenen Adern/quam etiam nomine hoc Hippocratem intellexisse quondam Dioscorides commentator teste Galenò existimavit. Et sanè nihil prorsùs impedit, quin ejusmodi varices, sicuti in *artubus*, circa tempora, anum, uterum teste Paræo *lib. 12. c. 20.* in *hypogastrio*, *genis*, *palpebris* & *mammis* Heurnio Auctore *lib. 6. Commentar. Aphor. Hippocr.* oriuntur; ita etiam in ore subinde exsurgunt.

Ac notatu utique dignum est, quod Mœbius *fundament. Physiolog. c. 16.* narrat, eas aliquando *sub lingvâ & inferioribus labiis cerni.* Minimè verò novum est, quod ejusmodi distentæ & dilatatæ venæ spontè aperiantur, &

sangvinem profundant, id quod in hæmorrhoidibus cæcis quoque, quæ nihil aliud sunt, quàm crispatæ venæ hæmorrhoidales sangvine stagnante turgidæ, & in varicibus sæpè compertum est. Confer. *Ephem. Dec. II. ann. 3. Obs. 12. p. 51. & Dec. 1. ann. 3. Obs. 104.* Sententia ergò Hippocratis id vult, repleri ali- quando fauces sangvine vase quodam sangvifero dilatato & sponte aperto, de quo tanto minus est dubitandum, quantò est certius, sangvinem modò ex ipsis *cutis poris* stillasse, ut Benivenius, Tulpius & alii testantur, modò *ex oculis lacrymarum instar* fluxisse, ut perhibet Forestus, (& nobis recentissimum ante oculos versatur exemplum Viri senis literati sedentarii, sangvineo - melancholici, qui post subitaneum verticis dolorem tensivum ophthalmiâ oculi dextri correptus, cum aliquot sangvinis guttarum spontaneâ eruptione è cantho ejusdem oculi majore seu interno) modò ex saphænâ, modò poplitæâ in pede prorupisse, quod Schenckius & Ephemerides *Dec. 1. ann. 1. observ. 96. p. 197. & c.* asseverant. Hæmorrhagiam itidem penis spontaneam memorari videas in Ephemeridibus Nostris *Dec. II. ann. 3.* Et sanè ita prorsus est, sicuti Celeb. Wepfer. in *observat. Anatomic. de loco affecto apoplexiæ* scribit: *Vasa sangvifera, tam intus recondita, quàm externum habitum perreptantia, suâ sponte aperiri, notius est, quàm ut probatione indigeat.* Vivit, ita pergit Wepferus, *nobilis quedam matrona 44 annorum, habitu corporis gracili prædita, facie roseâ ac cætera sana ac vegeta, huic ante 15 annos in manus sinistrae pollicis extremi parte externâ macula atrorubescens, quam extremo minimi digiti apice ferè tegeres, aborta est. -- E medio hujus macula singulis annis ter quaterve sangvis cum saltu aliquot cubitorum altitudine suâ sponte erumpit & quidem non parva quantitate & c.* Sic destillatoris novimus uxorem juvenculam summè plethoricam, cui venæ in pedibus varicosæ nonnunquam spontè rumpuntur, & copiosum, cum euphoriâ, sangvinem effundunt, imprimis tempore ingravidationis, & quando venæsectionis consuetæ terminum transcendit, eam ultra statum tempus differendo, aut prorsus negligendo. Quòd verò intra os interdum ejusmodi quid fiat, exempla evincunt. Apud Kerkring. in *Spicileg. Anatom. Observ. 25. p. 61. & seqq.* recitatur exemplum de Viro quodam sexagenario majori, utpote qui Kerkringium consuluerat, an Viri aliquando menstruis laborent? de quo non immeritò Auctor noster suspicatur, quòd quondam hæmorrhoidum periodos in se fuerit expertus. Is primò quidem per plures dies ejecit sangvinem, cohibita autem primâ istâ violentiâ sangvinis effluxus ei post mensem rediit, ac statas vices menstruas servavit, donec tandem fortè incongruâ medicatione, mense octavo è medio tolleretur. Hoc sputum sangvinis ipse Kerkringius

non

non ausus est nominare hæmoptysin, quanquam sine dubio ex eo solo collegerit, Virum illum phthisi incepisse laborare, quod & hodie multis est solenne, imò ipsum hæsisse ambiguum, unde sanguis ille profluxerit, satis patet ex admonitione ad lectorem, quam huic historiæ attexuit. Et profectò non diffitemur, nos in eâ esse opinione, quòd noster sanguinis fluxus per os sæpius hætenus quidem observatus, sed sub nomine hæmoptyseos descriptus ut plurimum fuerit. Quantus enim sit vocis hujus abusus, nemini ignotum, adeò ut etiam *fluxum sanguinis ab hirudine* insciè deglutitâ & in faucibus hærente, *l.a.* Borellus *hæmoptoidem* vocet. Illustre verò affectûs nostri sub nomine hæmorrhagiæ oris periodicæ paradigma prodidit Doctissimus Medicus Arnoldus Bootius in *observ. Medic. de affectibus omissis* c. 7. quod ferè totum hûc transcribere non pigrabimur: *Jacobus Usserius Archiepiscopus Armachanus, 64 etatis annum agens, jam à plurimis annis patitur bis terve periodicum sanguinis profluvium ex ore, ut plurimum in latere ejus sinistro duntaxat; nec ibi semper in uno loco, sed interdum ex lingua latere, aliàs ex gingivis, quandoque ex alterutrius labii aut buccæ parte interiore. Antea & dum junior erat, exiliebat quandoque sanguis tantâ vi ac copiâ, ut in præsens vitæ periculum, inde conjiceretur, omnique valentissimorum remediorum genere tentato, egerimè tandem restringeretur. Sed permulti jam sunt anni, ex quo citra ultimum impetum, & guttatim tantum sanguis promanat, id autem fit assiduò absque ullâ intermissione, noctu æque ac interdiu, donec periodus absoluta sit, quæ nunquam minus uno die naturali, plerumque duos, aliquando etiam diutius durat. Initio aliquamdiu nihil non tentatum fuit, ut ab hoc symptomate liberaretur, sed posteaquam apparuit, corpus ejus huic evacuationi penitus assuevisse, destitit ejus suppressionem amplius moliri, monitus à me, eam cum inevitabili ipsius pernicie conjunctam fore, cum hoc profluvium in beneficium suum, olim converterit natura, eoque soleat à superfluo onere se liberare, quoties nimium increvit sanguis; humoresque ei permixti; quæ ratio, in quocunque corpore pondus habitura, magis etiamnum in eo prævalet ob peculiarem ipsius constitutionem, quippe naturaliter multo sanguine abundat, eoque præservido ac bilioso: prætereaque vix ullis exercitiis utitur, nisi concionandi singulis Dominicis, quod cum faciat singulari cum affectu & efficaciâ, corpus ejus mirum in modum inde afficitur, ita ut à singulis concionibus sudore totus madeat ac disfluat; Alioqui toto anno lectioni & scriptioni assiduo vacat. Eò autem libentius huic consilio acquievit, quia præterquam quod id sibi absolutè necessarium vidit, nec posse se jam absque exitio solenni hâc hæmorrhagiâ carere: nullum magnopere inde incommodum capit, nisi quod noctibus ac per somnum*

san-

Sanguinis, quem toto die continenter expuere cogitur, aliquanta portio in ventriculum ex ore defluit: quod ipsum, aliis multis periculosum futurum, discrimine ferè vacat in ipso, siquidem natura, finita hæmorrhagiâ, solet omne id, quod in ventriculum, interea confluit, spontè expellere, eoque absque ullâ notabili corporis perturbatione, per inferiora se exonerare. Duo ejusmodi exempla rejectionis periodicæ sanguinis per os sibi notasse videtur D. Helwich, alterum in foeminâ, in viro alterum. Et foemina cholericæ in conjugio fecundo vivens quadragenariæ propior, citra ullam sanitatis labem aut mensium *ἀταξία*, vere & ultimo etiam æstate, & autumnò jam per aliquot annos sine prævio capitis dolore, falsedine in ore, aut catarrhorum indicibus, absque febre, nullâ comitante tussi ad hodiernum usque diem, aliquâ respirationis difficultate, aut præcordiorum dolore, sanguinem ex ore ejicit. Duobus diebus antequam status ille fluxus sanguinis erumpat, in palato titillationem post uvulam percipit, noctu autem ut plurimum sanguis sese in linguam infert non floridus, non spumofus, qualis in hæmoptysi esse solet, neque grumofus, neque talis, qualis ex venis hæmorrhoidalibus stillare solet, cum sreatu non magno, interdum simplici sputatione per quatrimum circiter ex intervallo drachmas duas sanguinis reddit, deinde verò iterum sponte cessat. Vir 30 ætatis annum agit, & est sanguineo-melancholicus, quem anxietas formidine securæ phthiseos medentes replevere, is in itinere Italico generosioris vini abusu 27 circiter ætatis anno hæmorrhoides provocavit, cum verò Medici magnas eidem ex fluxu tam maturo ominarentur miseras, nihil non egit, ut hæmorrhoides supprimeret. Damnatus est voti. Postmodum verò Nodo, ut quidam veterum vocant, & dolore circa os sacrum gravativo sæpius pressus, spasmodicis vagis & anxietatibus imò & lipothymiis, ut ferè solent esse repentinæ translationes cum his molestiis conjunctæ, exagitatus est. Deinceps inopinatò post uvulam dolore lancinatorio & ardore afficitur, qui tamen brevi transit. Hinc prout timidus est, nescio, quæ sibi imminere mala ratus, tantum non exanimatus, cum die quodam sanguinem ex ore, sine tussi, cephalalgia &c. ferri videret ac continuaret per biduum sanguinis iste fluxus. Ad hunc compescendum variis irritis conatibus adstringentibus usus est, nam quintâ jam vice circa illas Lunæ phases, quibus antehac fluxum hæmorrhoidalem esse expertus, sanguinem per os nuper adhuc ante duos menses per 24 horas in magnâ quantitate reddidit. Nostro consilio iis jam utitur medicamentis, quibus hæmorrhoides peti norunt practici, ut naturam ad pristinam excretionem hæmorrhoidalem vocet, & æger opinionem hæmoptyseos exuat, incertum quo exitu. Fugit sollicitè motus corporis nimios, clamores, saltus, aroma-

ta, piperata, vini ingurgitationes, cibos falsos, acidos, acres, &c. Sed pathemata animi regere debite non potest, atque hinc incongruos motus in corpore excitat, eoque ipso intentioni nostræ obicem ponit. Sensus ille titillationis in priori & lancinatorius in posteriori omnino indicant tensionem quandam pororum & vasorum, & hæc præsupponit congestionem sanguinis, ut congestionem ipsam in aliis hæmorrhagiis fere pressiones spasmodicæ variæ præcedunt. Et si locus, unde sanguis effluit, visui pateret, omnino etiam turgescencia vasis in oculos incurreret. Et licet hæc, de quibus sermo est, personæ in mediocri tantum quantitate sanguinem rejecerint, non est tamen dubitandum, fieri posse, ut, si iracundia hæmorrhagiæ sese comitem jungeret, vel alio modo natura & principium agens exacerbaretur, aut nimium turgesceret sanguis, in enormi quantitate hinc profluere queat. Statae autem istæ vices fluxus hujus facile falsi convincunt istam opinionem, quæ ejusmodi sanguinis fluxus aut fortuitæ stasi, aut obstructioni, aut massæ sanguineæ exæstuationi aliisque circumstantiis accidentalibus, quæ ad majorem quidem eruptionem aliquod momentum possunt fortassis conferre, transcribunt, & acceptum ferunt; contra eam, quæ destinatum hic naturæ consilium, ac intentionem minuendi plethoram hujus hæmorrhagiæ causam esse suspicatur, invictè roborat. D. Dehmb ejusdem excretionis sanguineæ exemplum notabile in quodam sanguineo, qui modo organa musica animat, se vidisse recordatur. Ille itidem absque ullâ tussi, aut concomitanti dolore sanguinem expuit; sed, quod itidem observatu dignissimum est, gargarismate ex adstringentibus parato, fluxus ille quidem cohibitus, enimverò largè sanguis per vias urinarias effluxit; cum verò & huic frænum injiceretur, secuta febris cum exanthematibus scorbuticis, quâ itidem dexteritate & vigilantia Collegæ nostri liberatus est. Nisi nos omnia fallunt, fluor ille sanguinis, de quo hactenus locuti sumus, ab Aureliano *lib. 2. Chron. c. 11. (p. 55. edit. Basil. 1529.)* his verbis describitur: *Is, qui ex supernis faucibus sanguis fluit, primo parvus intelligitur ferri, aut, si plurimus, non spumofus. Præterea cum quodam excreatu despuitur, ipsæ quoque partes, sumpto cibo vel potu, aut gargarismate mordicantis materia dolore pulsantur, & insipientibus nobis expressâ lingvâ visu locorum probatur asperitas. Plerumque etiam, ut Erasistratus ait, tubercula, quæ Græci condylomata vocant, visibus occurrunt, quæ sunt similia hæmorrhoidis, ex quibus sanguis fertur.*

Excretioni sanguinis per vias urinarias, quæ sub nomine mictûs cruenti ferè nota est, varii à Medicis fontes tribuuntur. Non attinet prolixè commemorare, quod subinde in renibus causa lateat. Ita sexagenarius quidam

ex vehementi saltatione in hunc affectum incidit, & licet huic malo occurreretur per V. S. & ∇ . ferratas, nihil tamen effectum est. Imò post sesquiannum sanguinis plus minus per aliquot septimanas urinæ stillicidio, tumore ingenti & duro in abdomine contra renem dextrum, summo ardore in imo abdomine è regione renis ejusdem, venis abdominis externis ejusdem lateris varicosis & præter modum tumidis, habitu corporis leucophlegmatico, siti, vigiliis, cœxendicum stupore & crurum imbecillitate, affectus vixit; ac licet quodammodò ex periculoso affectu respiraret, brevi tamen iterum in eundem incidit & post aliquot dies ex urinæ suppressione interiit. Hic æger cultro anatomico subjectus est, ac in cadavere deprehensus fuit ren dexter immensæ magnitudinis cancrusus ad 50 uncias pendens, atque in hoc plurimi exigui calculi apud Celeberr. Listerum in *dissert. medicinal. de calcul. hum. p. 22. & seqq.* Nec minus per urinæ ductum ex ureteribus sanguis prodire potest, uti comprobatur exemplum apud Steeghium *lib. 8. Pract. c. 41.* Ulterius quoque dubitari nequit, quin ex vesica sanguis erumpat, quod testantur Aetius *tetr. 3. Serm. 3. c. 3.* Paulus *lib. 3. c. 45.* alique plures. Atque hinc consentienti suffragio approbatus est Hippocraticus aphorismus 75. *ex Sect. 4. Si quis sanguinem aut pus mejat, renum aut vesicæ exulceratio significatur.* Quòd iisdem ferè verbis *lib. 2. c. 7.* Celsus expressit.

Meminimus in testibus aliquando observatos varices, neque rarum est, alterutrum laxius propendere, & unum altero esse turgidiorem; ac propterea prorsus non est incredibile, dilatatas venas hasce aliquando dehiscere & sanguinem eructare, eumque per urethram prodire. Quòd & ex ipsa aliquando urethrâ sanguis effluat, jam ante multa secula annotavit Aurelianus *lib. 5. Chron. p. 152.* Nec, quâ erant in indagandis abstrusioribus *ἀνεπίβητα* antiquiores, intactum reliquere, fieri aliquando posse, ut à suppressione hæmorrhoidum mictus sanguinis oriatur, prout liquido constat ex Nicolo *Serm. 5. Tract. 10. c. 19.* Savonarolâ *Pr. tr. 6. c. 19. rub. 19.* Alexandr. Benedicto *lib. 24. c. 22.* aliisque. Atque hinc iterum Aurelianus *l. c.* testis est, *solere sicuti in podice, vel fœminarum sinu, aut matricis collo, etiam in vesicâ hæmorrhoides generari.* Sed subinde maximæ difficultates in diagnosi partis affectæ sese produnt (conf. Celeb. Welschius *decad. X. cons. X. in Curat. propr.*) atque hinc omnino signa in enumerato habere necesse est. In renibus causam quærendam ait Aretæus *lib. 2. Chronic. c. 3. quando sanguis multus collectim effluit*, cui signo Aurelianus dolorem in clunibus h. e. in lumbis *l. c.* adjungit. Prius illud Hippocrat. his effert verbis: *qui inopinanter sanguinem mejut, iis è renibus venulam ruptam esse significat;* quibus verbis innuitur, renes esse læsos, quan-

do sanguis mingitur confertim, uno impetu, largissimè, sine causâ externâ, derepentè, absque ullo prægresso symptomate. Vesicam affectam arguunt (1) lancinatio quædam perquam molesta circa vesicæ collum cum ardore. Id enim vesicæ læsæ signum Celsus *lib. 2. c. 7.* pronunciat, *si circa pubem interiores partes doleant.* (2) Stillicidium urinæ, huiusque gravis odor, juxta *sect. 4. aphor. 80.* Breviter τὰ πρὸς τὴν κύστιν laborant, *si quis sanguinem aut grumos mejat, aut urinam guttatim emittat, dolore sese ad hypogastrium, seu perætinem & perinaum, intestinum rectum & prostates extendente.* Et quoniam profluvium ejusmodi sanguinis calculum, qui asperitate sua, & acutie vasa lacerat, præsupponit, necesse est, ut concurrant τεχνήσια illa, quæ calculum renum & vesicæ patefaciunt. Collum vesicæ locus affectus est, quoties dolor circa veretri initium sævit. Læsam autem urethram esse, constabit ex eo, quando sanguis paucus sine intermissione per notabile tempus manat doloreque urethra uritur.

Varices testium sanguinem plorare, dilatatæ venæ, oculis sese objicientes, & cæterorum signorum absentia manifestant.

Hæmorrhoides autem vesicæ sanguinem profundere ait Aurelianus *p. 153.* *cum non coacervata primo sit effusio, sed augmentis quibusdam promota, interjectis defectionibus:* quando retento sanguine dolor pubetenus vexat, ac in *gвина & clunes*, i. e. ilia, ac forte etiam testes, *tenduntur, effluente autem iterum sanguine symptomata hæc omnia cessant.* Quæ signa pathognomonica tantò erunt certiora, si fluxus hæmorrhoidum consuetus antea fuerit suppressus, lapilli nunquam antea excreti, nec ulla ruptorum vasorum indicia præsto fuerint, & tandem, si ejusmodi fluxus periodos statas servaverit. Tum enim certius concludi poterit, ejusmodi exclusionem sanguinis per urethram referendam esse ad hæmorrhagias, quas natura suo bono, non ruptis, sed hiæantibus tantum vasis instituit. Nec videtur statim de hæmorrhoidibus vesicæ cogitatio abjicienda, si in majori copiâ sanguis erumpat, quàm è venis ani uno cursu excerni solet. Nam etsi ordinariò non confertim ex hæmorrhoidibus vesicæ & ani exeat, quòd rectè notavit Aurelianus, fieri tamen potest, ut magno aliquando cum impetu erumpat. Fœminis menstrua plerumque sensim stillatim fluunt, at quidnam in certis casibus fiat, fluxus mensium nimius, ipsis tyronibus notus, edocet. Atque hinc rectè Hercules Saxonia *l. 3. Pract. c. 40.* refellit argumentantes à copioso sanguine excreto ad renes affectos, allato exemplo de Nobili Patavino, cui per 5 annos, ex intervallo, sanguis multus sponte & subitò ex apertis colli vesicæ venis vacuatus fuit. Multoties hunc affectum videtur tractasse Doctissimus Casp. Hoffmann. nam *lib. 3:*

Institut. c. 97. docet, mictum sanguinis accidere iis, quibus copia peccat sanguis, iisque singulis mensibus hâc exire, ut videantur fœminarum naturam induisse. Luculentum ejusmodi hæmorrhoidis vesicæ exemplum sub titulo mictus sanguinis copiosi, sine detrimento sanitatis proponit Nesterus in Miscell. Nat. Cur. Dec. 1. ann. 8. Observ. 23. p. 42. Quid nuper nobis in praxi compertum fuerit, breviter recensebimus. Vir septuagenario proximus, temperamenti sangvineo-cholerici, cum venis turgidis & latis vitæ sedentariæ deditus, victuique crassiori à teneris assuetus, eumque semper etiam in lautissimâ sorte sectatus, à multis abhinc annis, fluxum hæmorrhoidalem semel iterumque expertus, ac, cum hæmorrhoides substitissent, in Podagram nullo atrociori dolore molestim lapsus, ac hoc quoque emanente, dysenterico fluxu, per aliquot hebdomadas, atrociter afflictus, tandem ante biennium sanguinem per urinæ ductum exclusit merum & crassum in notabili satis quantitate, absque omni dolore, gravitate ac tensione circa regionem renum, ureterum, vesicæ, ulloque alio calculi indicio, aut visceris alicujus labe, ac deinde per dies aliquot urinam, aquæ, quâ caro recens lota fuit, non absimilem reddidit. Ante annum iterum aliquoties, statis periodis, sanguis eadem viâ effluxit. Hoc anno seculi 18 primo tempore vernali insigni copia & Ποσά sanguis iterum per menses septem certis intervallis prodiit. Circa Julium vocati fuere Medici, à quibus renes magnam exulcerationem minitari, ut fieri solet, in perplexo statu initio creditum fuit; adhibita varia (quanquam non satis constanter) absque ullo levamine. Succus urticæ, & decoctum equiseti, consilio nostro sumpta, egregiè se gesserunt, etiam tùm, cum mictus esset copiosissimus, & integras matulas mero, sine urinarum aquâ, & crasso sanguine impleret. At nimis citò ab usu salutarium horum medicamentorum, quæ sola certe, nihil quicquam proficientibus venæ sectionibus (quarum una sine Medicorum præscitu in pede celebrata ausu certè temerario) hirudinibus etiam frustra venis hæmorrhoidalibus debito tempore applicatis, exundantem sanguinis massam intra venarum canales coercere visa sunt, suo consilio destitit. Cùm fluxus ille cessaret fere per mensis spatium, nonnunquam vehementer angustabatur, eò quod grumi in vesica restitarent, his verò post topicorum usum, non sine dolore in pube & virgæ radice, ac dysuriâ, ut & tenesmo exeuntibus, facile sese recolligebat. At verò quia iterum cum impetu maximo prorumpebat, metus erat, ne in illo etiam sententia Aretæi 2. Chronic. c. 4. sanguinis effluvium tametsi non admodum citò enecet, tempore tamen procedente infinitos jugulavit, locum tandem inveniret, tametsi alias oraculi loco habendum illud Hippocratis: Sanguinem mingere rarò quidem & sine febris ac dolore nihil mali signi-

gnificat, sed lassitudinum solutio fit. Sanè pes ægri nostri sinister tumore magno distendebatur, collapsis insigniter viribus, & parum nuper cùm Barbitonforis consilio, (qui ne Æsculapio quidem ipso minor sibi esse videtur) fonticulum in tumido pede excitari curaret, à gangrænæ periculo abfuit. Accedebat & hoc, quòd & in adhibendis medicamentis, non tam medicorum, svasui, quàm suo obtemperaret ingenio. Id in nostro erat peculiare, quòd testium alteruter esset notabiliter major, & laxius dependeret. Tandem eodem anno, suppressione urinæ & gangrænâ vesicæ, postquam acidulas frigidas ingurgitasset, mortuus est.

In simili materiâ alia duo exempla D. Pauli proponit: Alterum in Puellâ decennali; alterum in viduâ nobili quinquagenariâ. Illi circa plenilunium jam ab aliquot annis superius oris labium intumescit, moxque infecutâ ex hujus fissurâ tanquam arteriâ incisâ sanguis exsilire videtur; cujus effluxus antea prohibitus periodicam ophthalmiam attulit. In vidua jam à duodecim annis natura lunare tributum per hæmoptysin cum prævia dyspnæâ, tensione hypochondriorum spasmodicâ, levissimâque tussi in magnâ sæpè quantitate persolvit, talique excretionem finitâ hæc optimâ valetudine fruitur.

Hæ similesque historiæ abundè demonstrare videntur communionem hæmorrhoidum cum venis vesicæ, & collo vesicæ implantari venas majusculas, quæ largiùs sanguinem fundere possunt. Certè minimè paradoxon est ex venâ hæmorrhoidali externa ramulum aliquem in collum vesicæ excurrere & eidem immergi. Qualem pariter ramum hæmorrhoidalem externum in illo affectu satis raro ad medium & summitatem ossis sacri tumoremque singularem, sanguineo-varicosum quasi, in eo natum & connatum, ascendisse, quem D. Preufs hisce annis in recens natis quibusdam infantibus notavit, non ineptè suspicatur, quin & sequentibus demonstrare conatur. Nascebatur scil. Anno 1697 Novembri G. J. Pistori filiulus, 1701 Octobri G. K pileorum formatori puella, & 1703, quo hæc scribimus, Augusto H. C. S. militi urbano gnatus, cum tumore in medio ossis sacri circa basin latiore & fimbriâ quasi crassâ cutis veræ cuticulæque albæ latitudine digiti cincto, ad magnitudinem pugni, in hoc minoris, in alio majoris p. m. assurgente, de cætero molli, flaccido lividoque, transparente per cutem tumorisque tunicam valdè attenuatam sanguine quasi fluido & venoso, qualis etiam per hæmorrhoides externas tumentes cum & absque facibus dein prodibat, effluxuque suo tumorem prædictum notabiliter diminuebat; manifesto sanè indicio mutue cohæsionis aut communicationis hæmorrhoidum cum intumescentiâ hac circa medium ossis sacri, quæ & ipsa nil aliud esse videbatur, quàm tumor san-

gvineo-varicoso-ulcerofus, ad abscessus sangvineos-seu sangvisfluos M. A. Severini *p. m. 170. 171. 172. & 179. de reconditâ abscessuum naturâ*, à super-vomitu venarum æque ex venosis, quam parili ratione aliàs ex arteriosis vasibus oriundos, non incongruè referendus, natus fortè ex compressione vel obstructione, hincque stagnatione & corruptione successivâ sangvinis venosi crassiusculi intra valvulas ramî cujusdam hæmorrhoidalis externi, interstitium valvulofum illius venæ accumulatione suâ majori in majus spatium sensim distendentis, tandemque hinc inde perforantis, quemadmodum cum hydatidibus in amplissimos sacculos lymphaticos simili modo extensis fieri, in *Ephemerid. nostr. Dec. 2. ann. 7. Ob. 141 p. 278.* fusius deduximus, & ex *Dolæi Encycl. Chir. p. m. 1248. 1249. ac 1251.* pluribus addisci potest.

In Pistoris enim suprâ dicti filiolo 1697 d. 9 Novembr. nato cum Paralyfi trunci corporis inferioris, pedumque, tumore isto in summitate ossis sacri brevi putrescente hincque aperto ichor cruentus foetidissimus effluxit, carie ossis subtus apparente, convulsionibusque tandem accedentibus, quibus etiani 18 Novembr. puer ille iterum extinctus est.

In pileorum formatoris puellâ 10 Octobr. in lucem editâ, paralyticâ quoque quoad femora & pedes, licet consilio D. Oehmbii meoque, præter interna præcipitantia & confortantia, topica quoque nervina & putredini resistentia indefesso chirurgi labore applicarentur, corruptâ successivè tunicâ tumoris, 16 ejusdem Mensis sub auroram is sponte ruptus est, profluente sangvine ichorode putridissimo, vesperi dein accedentibus convulsionibus, perseverantibus usq; ad diluculum sequentis diei, finemque vitæ tunc imponentibus. Inspecto accuratius post obitum abscessu, tunica disrupta, in quâ ichor fuerat contentus, apparuit alba crassaque, uti venarum tunicæ solent, & in summitate in funiculum seu ductum quasi quendam venosum corrugata iterum coierat, per quem etiam mediante stylo usque ad interstitia musculorum ibidem & os sacrum descendere poteramus, in cuius quoque medio notabatur foramen magnitudine pisi minoris cariosum cum foetore summè putrido; nullibi tamen hîc ullâ penetratione usque in cavitatem intestini recti se exhibente, ut sangvinem itaque, qui & hîc per anum simul prodierat, solis hæmorrhoidibus externis elapsum pateat. Militis urbani gnatum quod concernit, præterquam quod tibiis in crucis formam sibi invicem impositis, & anteriora ac interiora versus ad femora sursum flexis, pedibusque extremis introrsum seu ad latus internum contortis, ac una cum femoribus motu spontaneo prorsus destitutis, satis monstrosus 17 Aug. nasceretur, similem insuper, ac supra descriptus, tumorem in medio ossis sacri monstrabat, instar marsupii vel sacculi lon-

gitudine latitudineque palmi ferè propendentem, qui altero mox die vestigia putrefactionis & sphaceli maculis latioribus tùm pallidis, tùm lividis viridibusque tum etiam atris quibusdam ac foetentibus, hinc inde ostendebat usque ad fimbriam baseos superius intimatam, nunc valdè rubentem & inflammata; hinc exiguo vulnuscule in apice tumoris per lanceolam primitus inflictæ, emanabant ichoris cruenti fluidique unc. ij. fermè, quo subsistente, ne pars sincera traheretur, tunica undique putrida, valde attenuata & transparens (post resectionem & corrugationem verò satis deinde crassa) usque ad fimbriam modò nominatam successivè amputabatur absque ejulatu notabili, columellæ verò ejus aliquot lymphatico-arterioso-venosæ à basi ossis sacri ad summitatem illius tumoris tunicæque usque protensæ, & huic firmiter connatæ, ligaturâ propè fundum majorum earundem cum filo duplici injectâ, ne hæmorrhagia fortè nimia accideret, spatium aliquo supra vinculum dissecabantur, cavitate abscessus hujus stupâ (Corpey vocant) expletâ, melle rosato cum essentia myrrhæ remixto imbutâ, emplastroque defensivo desuper imposito. In cavo verò ulceris hocce apparebant etiam hinc inde tubercula livida varicosa, disparentia deinde, cum sanguis per hæmorrhoides & intestini recti extremitatem flammeâ rubedine tinctam reliquis diebus prodiret, serum autem paucum ichorosum per abscessus prædicti sinus hinc inde prorumperet.

Suctu tandem ex paralyfi maxillarum quoque deficiente, (quam vocant Das Glâsen fallen) postquàm successivè emarcuerat, vigesimoque nono Augusti sine ullis convulsionibus tempore matutino placidè obierat infans, viscera omnia sana (circa finem autem ossis sacri foveam ingentem) & vasorum prædictorum, venosorum imprimis in medio & radice abscessus excavati, continuationem satis amplam, supra os sacrum & tandem inferius *per ejus foramen* quoddam laterale, nervo destinatum, descendentem usque ad intestini recti extremitatem,prehendimus, ita ut nihil aliud viderentur, quàm propago quædam magna venæ hæmorrhoidalis externæ, quemadmodum D. Helwich exenterationi præsens unâ necum distinctè intuitus est. Causa, quorum hæctenus mentio facta, tumorum non fuit eadem. Pistoris enim & pileorum formatoris uxores nil aliud noverant, quod ansam pessimo huic & semper ferè funesti in osse sacro ominis phœnomeno suppeditare potuerat, præterquam quod illa brachium aqua fervidissima combustum hincque vesicas ingentes in illo mox elevatas & exulceratas ancillæ; hæc autem tumorem lividum mariti (eine blaue Beule) ex contusione in tibia contractum, dum prægnans esset, abhorruerat manuq; propria tractaverat, hinc verò more gravidis solenni nec adeo semper laudando, s. v. natibus mox applicata, ut illic, non

non autem in locis conspectui magis expositis, foetus nævo hoc, sicubi horror & imaginatio fortè nociva, notaretur.

Militis denique uxor pedes foetus monstrosos terrori quidem à consimilibus in mendico quodam visis, tumorem verò prædictum supra os sacrum gravi cuidam tempore pentecostes sub uteri gestatione lapsui in posteriora & percussioni cum frusto ligni ingente procul dubio debebat; quibus non solum ex collisione foetus summa vertebra ossis prænominati aliqua, foveam superius intimatam constituens, introrsum magis acta, & spinalis ibidem medulla unà cum nervis inferioribus, hinc necessario paralyticis, in maximas coacta angustias, sed ex tantà contorsione partium illic mollium nova etiam vasorum, aliquomodo sic laceratorum, divaricatio, ramificatio, & extensio tandem morbosa facile fieri potuit.

Parallela aliquomodò hisce exempla si cui volupe fuerit legere, adeat D. D. Burgii olim, Grassiique nostri, nec non aliorum quorundam observationes recensitas in Ephemer. nostr. imprimis *Dec. 2. Ann. 5. obs. 69 pag. 157. & Ann. 6. Obs. 58. pag. 141. 142. 143. uti & D. 1. A. 3. O. 57. pag. 177. D. 2. A. 2. O. 158. pag. 363. & c. & A. 5. O. 108. p. 431. & c. H. I.*

*Diarrhæa
post dysen-
teriam.*

Scenam hoc tempore ingrediebantur dejectiones dysentericæ, de quibus nihil novi à nobis observatum fuit, quàm quod in corporibus cacochymis, tum etiam quando symptomata remittunt, & scybala minus sunt cruenta, nec sedes adeò torminosæ, sed ad legem naturæ accedentes, nec non somnus recurrit, & denuò alimenta appetuntur, adeoque in portu ægri sunt, ex improvise sequatur diarrhæa, quæ corpus variis humoribus repletum depleat, & ab eluvie repurget. Nihil sinistri portendit illa diarrhæa, sed, etiamsi vires aliquo modo dejiciat, firmiorem imposterum sanitatem pollicetur. Ita morbi congeneres facile in se invicem commutantur. Notum enim satis est, quod sæpe *alvi profluvium* verbo Hippocr. *sect. 7. aphor. 76.* excipiat dysenteria, & hanc, ut aphorismo seqq. innuit, iterum lienteria, vel, ut hoc anno non rarò visum est, diarrhæa.

Post propulsas ejus temporibus febres in diversis hinc inde corporis partibus, præsertim autem in volis manuum & plantis pedum (confer. Haffenerferi *Nosodoch. p. 156.*) reconvalescentibus epidermis discedebat, & quasi per squamas abradebatur, quam cuticulæ abscissionem in febribus jam olim etiam annotarunt Salmuthus *Observ. Anatom. Cent. 1. obs. 98. p. 59.* Lotichius *L. 1. c. 7. obs. 36. p. m. 90.* Platerus & alii, eamque malignitatis constituunt notam, quæ tamen in nostris febribus non observabatur.

Alias iisdem diebus multi ex egenis cacochymi deformabantur porrigine. Affectus hic cutaneus est, & ut constat, potissimum derma capitis, paulò rariùs reliqui corporis, in tenues & furfuraceas squamulas citra exulcerationem facessit. Et si quando posterius contingit, videas verissimum esse, quod Celsus habet *l. 6. c. 2. inter pilos squamulas illas surgere, & interdum madere, multò sæpius autem esse siccas.* Causa ejus rei videtur esse, quod verbo Foessii plurimi maximique pili nascantur, qua corporis parte cuticula rarissima est. Notus etiam est nobis, cui singulis annis in Julio & Augusto totà fede imà inter clunes divisà à podice ad perinæum usque primò rubedo & pruritus excitatur, & tandem squamæ succedunt furfuraceæ, & metus est, ne, quod alicui, teste Platero *l. 2. obs. p. 519.* evenit, malum serpat, & scrotum ac penem occupet, quod post morbum aliis contigisse constat. Pars illa, quæ in squamulas abit, est cuticula seu pellicula illa tenuis, quæ cuti cohæret, ac ab externis injuriis defendit. Conf. Willis. *de Medicam. operat. sect. 3. c. 5.* Cæterum quænam sit mali causa facilè patebit, si ad ea respexerimus, quæ cuticulam à subjèctâ cute separant. Præstant hoc admotus ignis, aqua fervens, phænigmi &c. hoc autem ipso satis edocemur, causam porriginis esse vel sordes acres & calidas cuticulæ à parte exteriori accrescentes vel ejus generis recrementa ex arteriis ad glandulas cutis & ex his per lymphæ ductus sive vasa excretoria ad cuticulam rejecta eamque partibus suis pungentibus & activis in squamulas resolvèntia. Nec sanè mirandum à fæculentiis talibus cuticulam pati ejusmodi decolorationem, cùm admodum probabile sit, illam non tam ex fibris certâ lege contextam esse, quàm ex materiâ viscosâ à subjèctis partibus exhalante, & per compressionem corporum incumbentium, ne diffuere possit, coërcita oriri. Id quod manifestè satis probat promptissimâ cuticulæ regeneratio: Nam illa ablata ferè eodem modo restituitur, quàm pellicula in pulte, & decoctis viscosis, eam enim, si materiâ calenti detraxeris, alia ejusdem rationis subsequitur. Si autem cuticula ex viscosis, tenacioribus generatur, cur non ex recrementis acrioribus, ferventioribus ac tenuioribus & facilè diffluentibus destrui posset? Tametsi autem longè melius sit, ejusmodi acris excrementis cuticulam, quàm interiora viscera in discrimen venire, negandum tamen non est, porriginem, quæ cutem fœdat, haud fallax esse signum, quod corpus cacochymorum humorum colluvie redundet, unde Aëtius non malè à depravatis humoribus pityriaseos originem petit, cum quo etiam consentiunt Trallianus, Paulus & alii veteres. Nec immeritò lividi ac foetentes furfures à Gilberto lepræ aliorumque fonticorum malorum nuncii esse creduntur. Cura mali hujus in eo consistit, ut præparato corpore blanda ca-

tharſis inſtituatur, & cum ipſa natura ad corporis ambitum ſordes extruſerit, & ulteriorem excluſionem per poros moliatur, blandis diaphoreticis providè adjuvetur, ut & acres illæ partes per diureſin ex corpore eliminentur, tandemque & topica circumſpectè adhibeantur. Nihil autem medicamenti proficitur, niſi in victu cibi durioris digeſtionis, fumo indurati, muriâ conditi, falſi, flatulenti &c. vitentur. Id, cùm per inopiam egenis non liceat, non magnam ex remediis percipiunt utilitatem. Inter topica primum locum obtinent abſtergentia non tam ea, quæ veteres adhibuerunt & à Foreſto recitantur *l. 8. in obſervationis 12mæ Scholio*, ſed quæ ipſe *in Scholio ſeq. 13.* obſervat, & Sebitius *in Specul. Med. Præſt. p. 239. & ſeq.* commendat. Inter illa cum primis placent ex herbis abrotonum, chelidonium majus, betonica, ſaponaria, quibus addere licet lapathum acutum juxta Dioſcoridem *lib. 2. c. 140.* etiam ſcabros ungues curans, ſcolopendrium ſeu phyllytin Dioſcorid. calamintham, quæ ex ejusdem Dioſcoridis elogio *l. 3. c. 43.* nigras cicatrices dealbat & ſugillata emendat, ac ex mente neotericorum inter cosmeticas plantas non eſt poſtrema. Ex radicibus elegimus rad. gentianæ, ari, & ſigilli Salomonis; ex ſeminibus, foenū Græci & ſtaphidis agriæ; ex leguminibus farinam fabarum, ex fructibus amygdalas amaras. His, ſi cum eodem Sebitio addideris flores cent. min. ex gumm. myrrham, ex ſuccis aloën, & ex frugibus hordeum, jam ſufficienter à præſidiis omnibus fueris inſtructus, niſi fortè aliquod oleum e. g. laurinum, rutaceum ſuperpondii loco adjicere volueris. Poſſunt autem à nobis jamjam enumerata ſimplicia decoqui vel in vino, vel in aquâ, nec enim vel neceſſitas requirit, vel utilitas ulla ſvadet, ut muriâ & lixiviiſ, niſi ægri fortè ſint ex imâ plebis fæce, parentur. Unguenta & emplaſtra minùs probamus. Cùm ſolum caput furfuribus obſidetur, illud, ut optimè laudatus Sebitius monet, *primò radendum, deinde cum linteo aſperiori fricandum, tùm topica uſurpanda & maximè capitis lotiones.*

Dolores artuum & infimi ventris.

In hâc ipſâ æſtate paſſim etiam audiebantur querelæ de doloribus artuum & infimi ventris. Crurum dolor potiffimum multis infeſtus erat. Hunc alii tenſivum, alii obtuſum, alii mordicantem, alii autem pungentem & erodentem in profundo circa os experiebantur, qui in motu corporis graviter efferebatur. Alii dolorem hunc ita deſcribebant, ut dicerent, malleolis ſibi quaſi crura contundi. Nec minùs brachia graviffimis torquebantur doloribus, qui non ſecus ac à lue venerea oriundi nocturno tempore ingreſcebant. Alii per intervalla luſtabantur cum doloribus & lancinationibus inteſtinorum intolerabilibus, qui exhibitis carminantibus & anticolicis remediis magis intendebantur. His autem

tem aliisque variarum partium cruciatibus obnoxii illi erant, qui cibis crassis, salitis, pane non benè à furfuribus purgato, cerevisiâ crassâ, turbidâ & fœculenta, aut vino nondum satis defæcato, vel nescio quibus mangoniis corrupto utebantur. Hic unicè antiscorbutica cum radicibus chinæ, sarsaparillæ, & lignis exoticis decocta aliquo modo ægris erant solatio, quibus ipsis etiam remediis sublevabantur ii, quos de langvore, etiam nullo præsentem morbo, lassitudine totius corporis cum aliquâ oris siccitate conquestos esse meminimus.

Hoc tempore in Illustri Matronâ notabile empyematis exemplum fuit observatum. Illa in inferiori Germaniâ, scorbuti *Empyema*
Pectoris.
sede, nata & educata, initio felici matrimonio, aliquos annos in vicina Silesiæ Marchiâ egerat, tandemque domicilium fortunarumque sedem, Vratislaviam cum generoso Marito, esse voluerat. Incolumi sanitate usa fuerat, à scorbutico molestias si excipias & mensium (absque noxâ tamen notabili) per multos annos, suppressionem, ac hinc forte resultans ulcus pedis rheumaticum; sed hoc anno publicæ vacans devotioni, alterâ post Festum Trinitatis septimanâ, febrili insultu gravissimo opprimitur, qui cum summâ respirationis difficultate & acutissimis puncturis in regione pectoris conjunctus erat. Aperta fuit vena, exhibita varia medicamenta, & res eousque perducta est, ut ægra videretur esse in vado. Sed ex improvviso acerbis correpta doloribus, in magnum suffocationis periculum incidit, quod ei etiam fuisset funestum, nisi inter tussendum ex profundo thoracis purulentam materiam ad libras duas rejecisset. Hoc defuncta discrimine inter miras vicissitudines, præcordiorum anxietates, lipothymiam, frigus extremorum &c. vixit, hoc momento morti, propter suffocationis metum, proxima, illo autem iterum quasi ad portum delata. Deinceps dubiam & nunquam non nutantem sanitatem lacte caprillo sustentavit, donec ex febre hectica plane contabesceret & placidè tandem expiraret. Quemadmodum autem in hac ægrotâ purulenta materia per os rejecta fuit: Ita aliquoties compertum est, pus in pectore collectum per alvum fuisse vacuatum. Scimus hoc in dubium à nonnullis vocari, eo quod ignoratur adhuc via, quâ id fiat. At à temporibus Hippocratis illud à præstantissimis Medicis fuit observatum; tot autem seculorum experientiam in dubium vocare, non nisi stolidi & arrogantis hominis est. Nondum ad hunc usque diem clare explicatum est, quo pacto per asperam arteriam pus evacuetur, quod in cavitatem thoracis (nam in pleuritide suppurata antequam rum-patur apostema, ac sese in thoracem exoneret, non improbabile est, ut loquitur Celeb. Rivinus, redire per venæ azygos ramificationes materiam illam in pulmones, atq; tum supervenienti tussi vehementiori excuti per asperam arteriam ca-

nales) effusum est, eò quòd vasa non in cavum thoracis, sed in poros musculorum intercostalium hient; (nam utut admodum sit ingeniosa Rivini sententia, statuentis, pulmones *in superficie perforatos instar spongiæ absorbere saniem, eamque ad arteriam asperam ablegare ad exspuendum, accedente intertussum, valido diaphragmatis motu versus superiora cum impetu materiam purulentam excutiente*, non tamen ita comparata est, ut non iustis ex causis in dubium vocari queat) neque tamen invenies medicum, qui ambigat, pus in thorace fluctuans per pulmones cum tussi subinde excerni. Scilicet ut pulchre Jacobus Sponius, Vir longè doctissimus, *in aphorismis novis p. 334.* agens de pure in pectore collecto, per alvum exeunte, scribit: *Vias medicis invias reperit à [cod. d. a. x.] & natura.*

Tenesmus infantum. Multi intensiore ætate constituti, circa dies caniculares, etiam si nulla dysenteria aut diarrhæa essent correpti, assiduâ desidendi cupiditate cum torminibus quibusdam conjunctâ vexabantur. Cùm judicaremus ab humore acri & tenaci affectum oriri, in subsidium vocavimus clysteres anodynos & humectantes ex decocto malv. sem. lin. frig. maj., ficuum c. sacchar., vitell. ovi, & sevo hircino, deinde verò iis exhibuimus evacuantia lenia, ex ∇ . laxat. vienn., syrup. Regio, de cichor. c. rhab. ol. amygd. d. rhabarb. & c. nec non ea, quæ humori acri demulcendo inserviunt. Cùm hæc non adeò evidentem præstarent utilitatem, exemplo veterum confugimus ad balneum, à quo dolores solent sopiri, acri materiâ per cutis spiracula è corpore proscripta. Enimvero neque hæc via datum est optatam contingere metam. Inde ab ascaridibus malum foveri autumantes, anthelminthica cum majori successu enematis admiscuimus, eademque etiam in convenientibus formulis per os exhibuimus.

Nonnulli, præprimis autem obesioris corporis, & phlegmaticæ constitutionis, otio langventes, & cibum ac potum in nimia copia ingurgitantes, ac, ut fit, fructibus horraeis corpus distendentes, experiebantur somnum perturbatum, non pauci etiam incubum vel ephialten. Notum est in hoc affectu respirationem impediri, ut dormientes metu suffocationis angantur, intercludi vocem, ut non nisi obscure sibillare queant, hebetari sensus, & ita affici, ac si moles quædam ponderosa thoraci incumberet. Multi de causis hujus suppressionis nocturnæ solliciti, multa commenti sunt, quæ commemorare jam non vacat. Nos potissimum ab incommodo corporis situ, qualis supinus est, ad alterutrum latus inclinans, phænomena illa excitari credimus. Scilicet extra controversiam est, quod diaphragma, cum majori ex parte, ut optimè Steno, & qui hic Stenonis vitulo aravit Casp. Bartholinus *in lib. de Structura diaphragmatis*, ex muscu-

sculis, quorum functio est motus localis, sit compositum, respirationis motui inserviat; nec minus indubitatum est, idem diaphragma in inspiratione cum contentis abdominis in homine tendere deorsum, in expiratione, ut optime Diemerbroeck, sursum cum impetu tendi, & pulmones versus thoracis anteriora cedentes insequi. Uterque hic diaphragmatis motus non sit impeditus necesse est, quando absque impedimento spiritum ducere, aut clarum ac distinctum formare sermonem animus est. Enimvero in illo, quem innuimus, corporis situ, exspiratio & motus versus superiora non est liber, quod facile patet perpendiculari, musculum diaphragmatis inferiorem seu crassiore suam extremitatibus tendinosis in vertebrae lumborum, earundemque processus transversos terminari eo modo, quo adumbravit Bartholinus *de diaphr.* p. 25. & delineavit *in tab.* 2. ut & Clar. Verheyen *in Anatom.* p. 235. & isto, quem diximus, situ supino nimis extendi, ac hinc diaphragma sursum non posse propelli. Quod cum non fiat, diaphragma non contrahit pectus, pectus autem non contractum non premit inclusum aërem, nec aër pulmonum superficiem, atque hinc à vesiculis in tracheæ ramulos non debite depellitur, ac aër eliminatur. Inde autem & respirationis difficultas & vocis interceptio & sensus incumbens ponderis oritur, quæ de re alibi distinctius. Credibile autem est, pondus illud à distento per ingluviem ventriculo, cujus superius orificium fibris suis motricibus circularibus & inflexis diaphragma premit, augeri; quod etiam fit, dum motus chyli, cujus receptaculum tendines illi constringunt & constringendo promovent, interpellatur. Elucescit verò hinc, an, quod vulgò creditur, ægri falsò sibi imaginentur, quod thoraci pondus incumbat. Cognita autem verà incubi theoriâ, non est necesse, de therapeiâ sollicite esse anxium, nisi quatenus repletio quodammodo, tanquam situs supini occasionalis causa & ponderis augmentum, evacuationem requirit. De reliquo omnes illi morbi æstivales, qui in superiorum annorum historiâ enumerati sunt, etiam hoc trimestri fuere à Nobis tractati.

Quando Syrius ardet, multi præfractè usum medicamentorum apud nos respuunt. Doctis interdum in ore sunt illa Hippocratis, *libro de medicament. purgant: Tempore æstatis à canis ortu per dies 50 vitare oportet & non dare medicamentum; nec non notus Ejusdem aphorismus: sub cane & ante canem difficiles sunt medicationes.* Sed hæc in Græcia locum habere potuerint, quamvis incertum, an difficultatem medicationum ex peculiari astrorum vi atque influxu, an ex solo hujus temporis æstu immodico, pendere crediderit divinus senex. Apud nos sanè vires Syrii aut nullæ sunt, aut obscuræ, nec

An diebus canicularibus adhibenda sint medicamenta?

semper æstu exurimur tanto, qui corpus exsuccum reddere queat. Deinde de solis purgantibus loquitur medicinae pater, quibus & ipsi libenter abstineamus, gnari, humores ad habitum corporis per sudorem fluentes, non tutò ad interiora duci, nisi necessitas exigat & ægritudo purgationem indicans incidat; si id enim fiat, nulli dubitamus exhibere cathartica, edocti, potissimam indicationem agendorum in morbis, non à temporibus, sed causis morbificis sumi oportere. Nam nisi id fiat, pereundum erit ægris, antequam tot dies (nimirum juxta Hippocratem 50, juxta Keplerum 35 vel 40, juxta Manginum 30, & quod minimum est spatium, juxta Argolum 26 à die 23 Julii ad diem 18 Augusti) præterlabantur. Confer Döring. *de Medicin. & Medicis p. m. 252. 253.*

Constitutio Initia Mensis Octobris blando calore grata sed plerique sequentium dierum, ventis, pluviis & variis aëris mutationibus hor-
aeris in men- *quentium dierum, ventis, pluviis & variis aëris mutationibus hor-*
se Octobr. *ridi erant. In Novembri modo pluviae decidebant, modò nives.*
Novembr. *Et utut aura subinde esset satis temperata, nonnunquam corpora*
Decembr. *frigore rigeant; hoc autem in Decembri erat intensius, præpri-*
mis circa plenilunium, at paulò post & intercurrentes nebulae & pluviae solis-
que jubar violentiam frigoris mitigabant.

Inter varios hujus temporis morbos, non rarò occurrebat gonorrhæa virulenta, quæ ut omni tempore Veneris amassios mulctat, autumno tamen, qui exulcerationibus omnibus minus favet, inclementius sævit. Suas hæc de re meditationes D. Helwich fusius alibi edisseret, hæc tamen etiam aliquem hujus affectus considerationi locum dabimus.

Fundamenti verò loco hic substernimus, gonorrhæam contrahi ex *συν-σεία* cum infecta sive ejusmodi muliere, cujus vagina uteri ulceribus serpentibus, sæpe etiam profundis cum multo saniei profluvio, nonnunquam tamen etiam solis pustulis foedata est. Diximus gonorrhæam contrahi ex cohabitatione, quando tùm membrum virile à sanguine arterioso continuo affluente & corpora fungosa ac spongiosa turgeficiente (eò quòd tonica musculorum mediorum contractione venæ circa os pubis comprimantur, ac compressione hæc sanguinis refluxus impediatur) tensum & erectum; tùm propter hanc sanguinis stagnationem, & motum incalescit, patente nihilominus, urethra, ac hiantibus viis seminalibus. Quòd verò impurus pollutusque concubitus gonorrhææ seminarium sit, ei rei argumento vel hoc est, quòd durante adhuc vetitæ Veneris palæstrâ, intra urethram sensu lancinationis, qui gonorrhææ prædromus est, libidinosi afficiantur, ac ab illo temporis, quo congressum celebrarunt, puncto haud rarò acrimoniam, quæ reddita urinâ etiam urethræ ductum adurit, & dolorem in erigendo pene, quasi is fune substringere-

retur, percipiant, qui tamen post tres septimanas sensim evanescere solet. Blasius etiam observavit gravitatem ad radicem penis cum quâdam intumescentiâ. Cæterum pervulgatæ res est notitiæ, quod post aliquot, quatuor, septem, sæpè etiam plures à congressu dies, prout mulier magis minusvè fuerit inquinata, & vir ad suscipiendum *μιασμα* aptus, materia subcitrina ac viridis putriformis, non rarò sangvine permixta, per colem elabi incipiat ac fluxus ille noctu & interdiu ad menses & annos continuet. Interposito spatio virus illud ex pene exiens, majorem putredinem ac acredinem acquirit, nisi idoneis occurratur medicamentis, unde urethræ excoriatio imò & totius corporis tabes ac marcescentia præcipuè circa lumbos, sequitur. Memorabilis præterea est dolor testiculorum spasmodicus, qui ab initio mali sese exerit, & macula parva rubra parùm protuberans, glandis partem occupans, tandemque in ulcus degenerans, quæ in oculos incurrit. Si minùs utili consilio fluxus ille præmaturè supprimatur, dolores in lumbis & hypogastrio oriuntur, proximè ad illorum dolorum genium accedentes, qui à suppressis mensibus circa istas partes excitantur. Compertum nobis etiam, quòd non rarò, præprimis vegetos & succi plenos, febrilis horror & æstus sub noctem occupet, quod meminimus ante eruptionem fluxûs ordinariò contigisse.

Hujus mali subjectum sunt glandulæ illæ collo vesicæ adjacentes, quæ magnitudinem juglandis nucis ferè æquant. Has Vesalius glandosum vocat corpus, parastatas Columbus, assistens glandosum Fallopius, corpus spongiosum variis glandibus infarctum de Graaf. *Per harum medium, verbis nominati Grafi, transeunt vasorum deferentium & vesicularum seminalium communes ductus, qui ad ejus ingressum coarctari attenuarique incipiunt, donec tandem subtilissimis duobus ductibus simul copulatis in urethram separatim terminentur.* Patent præterea hæ etiam glandulæ in urethram poris quibusdam sive exiguis foraminibus, quorum numerus non adeò exacte constat, cùm Rolincius 4, de Graaf ultra 10, in cadaveribus invenerit. Nec prætereundus meatus ille exilis à Clar. Majore detectus; quorum ductuum (hactenus memoratorum) orificia exiguis carunculis obturantur. Illam quoque observationem adhuc ab anatomicis mutuabimur, quòd membrana firmissima, quâ undique glandulæ illæ obvolvuntur, multas fibras carneas à vesicâ urinariâ provenientes obtineat, & vasa sangvifera planè *insignia per externam corporis superficiem* excurrentia, atque hinc inde subintrantia, præter nervos accipiat. Hoc, quod hactenus rudi minervâ delineavimus corpus, subjectum gonorrhææ esse anatome docet; nec hîc audiendus Carolus Musitanus, qui saniosum hunc fluxum à solo urethræ nutrimento perverso derivat. War-

tho no contradicenti opponimus Wirfungum, qui in tribus cadaveribus gonorrhæa extinctis in prostaticis vestigia ulcerum advertit, & Bartholinum, qui in omnibus ex gonorrhæa mortuis vel ulcera, vel callum, ulceris præteriti signum, reperit, Riolanum, Blanckardum, qui ulcusculum in parastatis ejus, qui gonorrhæa laboraverat, inventum esse testatur; ita tamen hæc adstruimus, ut non illibenter malum invalescens etiam ad alias serpere partes largiamur, præprimis vesiculas seminales, sed quod veræ gonorrhææ sedes sint, illud nec à Jungken, nec à Dolæo demonstratum est.

Num verò glandulæ duæ minores phaseoli parvi magnitudinem non excedentes, quas ad quartam circiter pollicis partem sub prostaticis utrimque ad urethram paulò supra spongiosum corporis bulbum fitas nuper admodum Cowperus in *Philos. Actis Anglican. Mens. Novembr. Ann. 1699. N. 258.* orbì manifestavit, etiam malo sedem præbeant, (nam dum Auctor Clar. illas unicum esse focum hujus affectus vult propter coarctationem membranæ interioris urethræ à vicino sphinctere, in eo aliquid humani illum passum esse certissimi sumus:) tempori, quod antiquitas sapientissimum prædicabat, dijudicandum, meritò relinquimus. Eo certè ratio vehementer inclinatur, si verum, quòd, dum penis erigitur, aliqua liquoris quantitas in urethram ab iis affundatur, favet etiam situs, nec ulla prægnans, quæ contrarium svadeat, apparet ratio. Quò verò modo ex mente nostrà gonorrhæa in prostaticis oriatur, quòd maximè præsentis *σκέψεσθαι* argumentum est, jam edisseremus brevibus. Initio nobis certum est, quod in impuro congressu cum infectà, peni patratori ex uteri vaginà tempore coitus multum incallescens halitus aliquis communetur, atque ille per ductus patulos, ex quibus semen elabitur, ac per poros paulo ante descriptos, ex quibus liquor prostaticus extillat, apertos, ad corpus glandosum diffundatur. Halitum hunc esse salivæ naturæ persuademur tum, quòd natalem in glandulosis partibus agnoscat locum, tum, quòd prompte in colatoria lymphæ secedat. Quæ autem salivæ prostaticæ sunt, fermentescunt facile, ut obvium exemplum est in salivâ, nam juxta Zassii experientiam panis biscoctus & salivâ probè mixtus massæ farinacæ additus, hanc fermentat, & jam in vulgus innotuit, quomodo apud Indos aliqua frumenti grana ab edentulâ anu comminuta & decocto injecta huic fermentationem concilient. Fermentescences verò halitus facile corruptelam diffundunt, ut ex antecedentibus liquido patet. Res ipsa loquitur, quòd halitus ejusmodi exiguæ molis promptè cum humoribus confundatur ac propter exiguam quantitatem non facile per colatoria ordinaria secernatur. Talis verò halitus (quamvis mora aliquot dierum, ut diximus supra, post coitum intercedat) com-

commixtus cum humore in parastatarum glandulis contento, iis labem suam promptè affricat, eos in motum concitat ac in agitationem ciet. Nihil autem in universo corpore occurrit, quò principium movens hunc virulentum halitum corrigere, ac in naturalem statum reducere posset; relictum ergo hoc solum est, ut iterum è corpore ejiciatur, & quidem viâ illâ, quâ ingressus, quippe quæ omnium brevissima est. Ad hoc præstandum copiosiori opus est humorum affluxu, ut halitus iis implicatus, & corrupti per eum humores abluantur & abstergantur; Ut vero copiosius humores affundi queant, motu tonico vasa ad vicinas partes tendentia constringuntur, eo fine, ut humores regurgitent ad vasa, quæ ad parastatas feruntur. Ecce verò, quod remedium ex naturæ intentione esse debebat, facile in damnum vertitur; nam dum sanguis copiosius affunditur, inflammatio excitatur ejus generis, quæ in glande cernitur eorum, qui infecti sunt; partes enim aliquæ sanguinis in extremitate vasculorum stagnant, & ipsæ glandulæ adeo porosæ & robustis fibris instructæ non sunt, ut stagnantem sanguinem in motum ciere valeant; sanguis autem ille extra motum relictus, præcipiti cursu ad dissolutionem mixtionis suæ devolvitur. Nimirum tenerrimæ sulphuræ ipsius portiones intestino motu à crassioribus divulsæ violente in omnes partes feruntur, & crassiores tandem etiam commovent, easque reddunt penetrantiores, ac in magnam cum ipsis acrimoniam fatiscunt, quæ acredo noxam suam in ipsas fibras propagat, undè fieri vix aliter potest, quàm ut vasa sangvifera iis immersa arrodantur, & sangvineæ guttæ ex eorum orificiis excidant. Deinde sensim calore remittente, etiam aliqua coloris mutatio exurgit. Hi sunt & inflammationis & puris veri fontes, ut nos arbitramur. Non imus inficias, satis magnam halitui illi venereo inesse acrimoniam, ab eâ tamen inflammationis originem arcessere prohibemur hac ratione, quod ne glans quidem, cui purulentia illa in coitu affricatur, statim post petulcum congressum, sed interpositis demum aliquot diebus inflammetur, non aliâ sanè ratione, quam ipsi parastatæ, cum ea, quæ acrimoniam vellicante inflammant, sine morâ affectum hunc exerant; inflammationem illam comitatur febricula symptomatica. His ita declaratis dicimus: materiam illam, quæ in gonorrhæâ effluit, (1) esse purulentam, à plurimo sanguine ad prostates affluente, & eò, quo delineavimus modo, in ichorem puri similem mutato; nam sanè nisi hoc esset, nullo modo comprehendi posset, quomodo ad tot annos tantum puris effundi queat, citra detrimentum ægrorum, qui, si modò acrimoniam corrigant, durante etiam illo fluxu ad omnia rite sunt dispositi. Ex hac sangvineâ corruptione putrilago illa nares feriens deducenda est. (2) Ajimus huic materiæ purulentæ admisceri lymphatico-serosam subsalsam, præprimis arro-

sis vasis lymphaticis, & hanc potissimum esse causam, cur corruptio adeò latè diffundi nequeat, hâc enim falsedine partes sulphureæ, quæ putredinem aliàs latè diffundunt, absterguntur, imò humore hoc irretitæ, tanquam vehiculo è corpore deportantur. Et à variâ lymphæ, quam sæpe acidam esse nemo ignorat, conditione pendere videtur diversitas coloris materiæ, quæ in gonorrhæâ excernitur. (3) addi his etiam debere liquorem illum, qui ex parastatis effluit in coitu, quivis etiam nobis non monentibus intelligit. (4) Eum in censum humor ille quodammodo viscosus è glandulis Cowperi stillans referendus est. Sane ex evacuatione ejusmodi humoris in urethra existentis ardorem illum quondam non malè deduxit D. Donipertius. (5) Addimus his etiam semen ipsum non tantum, quòd Vesalius, cum dissecaret corpus glandosum hominis, qui involuntario seminis fluxu correptus fuerat, illud semine completum conspexerit, sed quòd motus spasmodicus testiculorum, qui in his ordinariò observatur, quemq; sub nomine rotationis Sydenhamius delineavit, id nobis omninò persvadeat, qui scimus in convulsione & epilepsiâ non infrequenter ejici semen, quàmvis fortè potissima spasmodicæ istius testiculorum constrictionis causa sit intentio prohibendi, ne halitus ille noxius gyrum vasculorum, ex quibus testiculi conglomerati sunt, ingrediatur. Quòd enim id fieri soleat in metu corruptionis partium nobiliorum, quales etiam, ex Borelli judicio, testes sunt, docet strictura in facie, collo, brachiis & scapulis, imò nodi plexus glandulosi occurrentes in fœminis, quæ cancro mammarum laborant, cujus fanè constrictionis beneficio, quasi limites serpenti corruptioni ad notabile tempus ponuntur. Et fanè nisi semen ex testiculis ad vesicas feminales & parastatas in gonorrhæâ affectis fluat, quî fit, ut ex repentinâ & intempestivâ gonorrhææ suppressione à vehementioribus adstringentibus inductâ, tumor (ex quo malè Warthonus aliique sedem gonorrhææ etiam testiculos esse colligit,) testiculorum sequatur? Sanè propterea intumescunt, quia seminis fluxus intempestivè restrictus est. Nec abs re Lowerus illam spinæ debilitatem, quæ in gonorrhæa laborantibus cernitur, inde deducit, quòd in progressu mali arteriæ spermaticæ succum sanguinis nutritium nimia & plus solitâ copiâ in testes deponant, qui in semen mutatus, justò majori quantitate per vasa deferentia ad vesiculas feminales fluit & inde dispensatur. Apparet hinc luculentè admodum naturæ sollicitudo, quæ ut miasma venereum ex corpore ejiciat sanguinem lympham, semen congerit, ac hisce absterсионem & extrusionem molitur, ne fortè, quòd subinde fit, in toto latice serosolymphatico fermentativa corruptio invalescat. Et ut hîc principii moventis providentiam agnoscas, tantò id agit studio, ut etiam vicinis partibus debi-

tum

tum subtrahat alimentum, à subtractione enim alimenti vicinis partibus debiti circa lumbos emarcescentia illa omninò deducenda est. Et quantà non admiratione dignum, quod foramina, per quæ humores nominati in urethram exeunt, ordinariò in statu sanitatis extra concubitus carunculis obturata, in gonorrhæâ fervet noctu diuque aperta, ne fortè ingratus hospes fugam capturus, portam inveniat clausam; si verò malo medentium consilio viæ hæc constringantur, alibi exitum quærit, cujus notabile exemplum reperitur apud Hildanum, quo fluxum hunc ad perinæum fuisse directum narrat. Cum verò ex tot humoribus constet materia, quæ in gonorrhæâ excernitur, præprimis etiam purulenta & saniosa, mirum non est, acrimoniâ insigni pollere, unde tandem erosio urethræ pendet. Et sanè humor ille in gonorrhæâ effluens, chemico igni subjectus, quòd à quodam factum recordamur, sal volatile præbet adeò corrosivum, ut vix aquis stygiis in vi causticâ cedat, & hinc mirum planè non est, penem quasi fune substringi, seu convelli potius, ut isthac contractione accerrimam illam materiam excutiat. Incurvationem illam penis ab inflammatione ligamentorum & muscutorum penis derivant nonnulli, non recordati, quòd etiam ante inflammationem apicis glandis dolorificâ penis tentiginè ægri crucientur. Urinæ fluxus impeditior aliquando est, propter affectas carneas membranæ parastatarum fibras, quæ originem à vesicâ urinariâ trahunt, illis ergò afflictis, necesse est & hanc in consortium passionis trahi, ac in munere suo turbari.

Curam hujus mali, præprimis inveterati, satis arduam esse apparet, tum propter continuò erumpentem humiditatem, tum propter absumptionem membranaceæ glandularum harum tunicæ, quæ ægerrimè consolidationem admittit. Ipsa tamen ratio dicitur, quòd si statim percepto, lancinationis, ab impurâ cohabitatione sensû, medela petatur, non commodius quàm per diapnoën exclusionem miasmatis tentemus, quæ diapnoica etiam locum habent jam præsentè parastatarum inflammatione; cujus quidem præsentiam ex urinæ ardore, & dolore penis in erectione non vane colligere licet. Hoc in statu drastici miseros fatigare purgantibus non rationalis medici est, sed barbitonforum ac fatuorum empiricorum. Si verò, ut semper ferè fit, ad medici opem ab ægro, quem fluxus molestat, confugiatur, inconsultum prorsus est, vel exsiccantibus, quo nomine decoctum radicis staticæ, quæ caryophilli genus est, laudatum legimus; quem curandi scopum teste Velschio, Veslingius commendavit, vel purgantibus ad mentem Sydenhami, statim ab initio curam aggredi, id enim esset non sequi & adjuvare naturam, sed eandem impedire; supra enim diximus, quòd principium movens humores diversos, quorum

quosdam aliis quasi partibus subtrahit, ad abstergendum & eliminandum virulentum miasma ad prostates congerat. Optimum ergò & præsentissimum hîc consilium fuerit in initio fluxûs, diluentia, quæ lenem vim diureticam obfinent & abstergentia propinare, non omîssis diaphoreticis. His per aliquod tempus ad excludendum miasma exhibitis, ad purgantia, pro affluxu lymphæ ad prostates impediendo transire licet. Totus deinde curæ cardo vertitur in ulceris prostatarum mundificatione, ulteriori corruptionis inhibitione, noxiæ affluxus revulsione & demùm consolidatione. Et hîc quidem nullam, nostrâ experienciâ, ab internis cuidam spondere opem possumus, multò maximam verò à liquore balsamico antivenereo, per urethram injecto, qui per poros & ductus ad affectum locum illibatam virtutem diffundit, accuram intra breve tempus absolvit. Destituet eventus omnes, qui cum Sylvio sperant opem à remediis spirituosus volatilibus, à salibus lixiviosis fixis, oleosis & pingvibus, aut cum aliis, à cantharidum infuso &c.

Febres erraticæ.

Porro inter communiores morbos erant febres, quæ nec statum tempus servabant, nec eodem modo semper invadebant, sed modò diebus singulis, diversis tamen horis, modò alternis, homines opprimebant, jam diurno, jam nocturno tempore ingravescebant, hoc die cum horrore notabili aut rigore, alio autem sine sensu frigoris paroxysmus ingruerat, hodiè immanis cardialgia molesta erat, cras ventris tormina affligebant, jam hoc symptoma, jam aliud miseros magis fatigabat.

In curâ obsecuti sumus saluberrimo Hippocratis consilio *lib. de ratione victus in acutis: Inconstantes & erraticos morbos curare non expedit, priusquam constiterint*, seu certum typum & periodum observaverint, quod circa 7 diem, hoc anno, evenire solebat. Nam tùm vel in tertianas vel in continuas degenerabant, & methodo convenienti curabantur.

Quartana febris.

Quartanæ quoque autumnalium, ut præteriti, ita & hujus anni morborum numerum augebant, ut solent morbi, qui focum in splene & vasis venæ portæ habent, quos hodie vel tartareos, vel melancholicos ab acido oriundos nominare moris est. Cessit plebejîs quibusdam in cura quartanæ febris illa non malè, quantum recordamur, temeritas, quâ febricitantes subito terrore graviter percellunt, si vel sedes, ut fit, vel deinceps sudores copiosi, aut alia quædam evacuatio largior succederet. Nec methodus illa, quæ has per anodyna, præmissis lenibus evacuantibus, febres tollit, inutilis aut inefficax deprehensa est, sed circumspectum requirit Medicum.

Præterea urinæ stillicidia, vel ab humorum ad renes per arterias delatorum acrimoniâ, aut, (quod vero similis nobis est) à renum ulcere oriundâ exasperabantur. *Stillicidia urine.*

Notavimus eâdem tempestate in quibusdam Trichiasin, seu capillos unâ cum urinâ excretos, quos à renibus, cum crassâ urinâ excerni docet schola Hippocratica, secuta *l. 4. aphorismum 76um*, & textum *ex lib. de naturâ humanâ propè finem*. Ejus autem generis excrementa, seu, ut impropriè loquitur Celsus, carunculæ exiguæ, quasi capilli, crassos indicant in corpore humores. Hi autem ipsi capillorum figuram induunt, non in venis, sicut credidit Galenus *l. 6. de locis affect. c. 3.* nec in renum pelvi, sed in illis tubulis exilibus, aut, ut ita dicam, fibrillis urinariis, per quas serum transcolatur, quarum figura, si Bellino, Borello aliisque credimus, ad filamenta illa producenda est aptissima. Ejusmodi autem urinam mingunt arthritici, ut *l. 4.* advertit Hippocrates, & qui cibis duris & viscosis delectantur. Incidentia & purgantia leniora in hoc casu ad prævertendam renum noxam optimè conferunt.

Tabidi etiam pejus habebant, sicuti autumnali tempore plerumque contingit, quòd perpetuis aëris vicissitudinibus sanguis diversimodè afficiatur, & ulcera pulmonum in deterius vergant. Et quid mirum humanum corpus eo tempore deteriori esse loco, quo pleraque viventia, plantæ, inquam, & arbores multæ amissis frondibus, quasi succo nutritio destitutæ, exarescunt? *Tabes.*

Grassabantur etiam iterum Ischiadici dolores, qui periostrum & membranas, quæ locum affectum ambiunt, & innumeris nervulis refertæ sunt, exquisitissimo dolore torquebant. Sed non facile fuit reperire, qui ex coxendicum dolore in paralyfin ac tabem cruris inciderent. *Dolores Ischiadici.*

Multi, qui cœlo pluvio sub dio laboraverant, aut etiam in aquis, ac paludosis locis manuum opera exercuerant, difficili respiratione & orthopnæâ sine ronchis vexabantur. His non tam expectorantia, quàm evacuantia diuretica & sudorifera conducebant. *Orthopnea.*

Magnus etiam inter egenos epilepticorum numerus erat, & inter hos aliqui in tantum, vi morbi, prolabebantur stuporem, ut eos obbrutescere crederes. Quosdam ex his melancholia exagitabat. *Epilepsia.*

Inter morbos illius temporis etiam recenseri debet Passio Iliaca, quæ aliquos horrendo modo afflixit. Tametsi verò Sydenhamius *p. 89. & seqq.* satis accuratè symptomata enarraverit, *Passio Iliaca.*

nobis tamen aliquod spicilegium reliquit, quemadmodum & nos aliis medicinam facturis, forte etiam ipsam messem. Quasi complexus omnium symptomatum notatus in aliquâ cælibe provectioris ætatis, herniâ umbilicali ab aliquo tempore laboranti. Illa post consanguinei obitum nocturno pavore concussa, mane inclementiori tempestate levibus induta vestimentis sub fornice in pavimento lapideo horam exigit. Corripitur dolore colico penetrantissimo, perfert, quia vehementer aversum à medicamentis gerit animum, augentur cruciatus in immensum, tandem accersitur Medicus. Is enema injiciendum esse monet, reluctatur ægra, elabuntur aliquot horæ, tandem ægrè consentit. Injicitur satis acre enema, at alvus tam arcta erat, ut ne flatui quidem, multò minùs ullis excrementis pateret locus. Adeò verum est illud Hippocratis de affection. *cum volvulus corripuerit, venter durus redditur, nihilque infra demittit*; alvus quidem erat distenta flatibus, qui ad podicem usque, *ut verbis Aretæi lib. 2. de caus. & sign. morborum acutor. utamur*, perstrepebant, sed, ut diximus, ibi exitus intercludebatur. Imponebantur facculi ex emollientibus parati, denuò clysmata adhibebantur, sed irritus erat labor omnis. Singulis horis sæva augebantur tormina, quæ per integrum abdomen sese extendebant, præprimis tamen supra umbilicum erant planè intolerabiles. In hypochondriis quidem offerebat sese tumor aliquis, sed major circa regionem umbilici spectabatur, ipse umbilicus in tumorem attollebatur, & tangenti intestinum, ad modum chordæ, unde affectum veteres etiam chordasum appellarunt, convolutum apparebat. Tumor autem hic tactui non cedebat, sed duritiem satis insignem præ se ferebat.

Hoc in statu ferè per biduum erat constituta. Post hoc tempus per aliquot horas inanibus fatigabatur ructibus, & immani cardialgiâ cruciabatur. Tanta autem aderat cibi nausea & tædium, ut ne odorem quidem esculentorum ferre posset. Tandem superveniebant vomitus, quo primo humores visciidi & glutinosi, deinde bilis æruginosa in admirabili quantitate rejiciebantur; postremò peristaltico intestinorum motu mutato etiam fæces per os egeriebantur. Omnia assumpta protinùs, exceptâ limpidâ, quæ sola retinebatur, sine morâ etiam reddebantur. Tentata fuit variis modis repositio intestini prolapsi, adhibita fomenta ex decoct. malv., verbasci, melilot. violar., linimenta ex unguentis & oleis &c. Balneum autem vomitus manifestissimè augere visum est. Itaque in eâ sumus sententiâ, quòd, quando Hippocrates ipsemet *lib. 6. Epidem. sect. 5.* loquens de promovendâ evacuatione, mentionem facit balnei (ut sc. citiùs evacuatio procedat) non nisi de catharsi per vomitum agat. Nam, ut optimè Prosper Martianus *in commentario ad hunc locum,*

cum, scribit: *Balneum humores sursum elevat evehitque ad partes superiores, quod partium superiorum turgescencia ex balneo attestatur, & quantum supernas evacuationes faciliat, tantum inferiores impedit & difficiliores reddit.* Nisi forte censeamus purgans ante ingressum balnei dandum. Nam ita in pistore quodam, qui ex nucibus avellanis avidè comestis, in pertinacissimam alvi obstructionem inciderat, balneum conduxisse recordamur. Cæterum nostræ agræ nihil quicquam proderant purgantia. Initium factum ab hau-
stulo, quem nisi fallimur, commendat *in casu* 30. Cl. Waldschmidt & sichabet:

℞. ol. amygd. d. unc. j. mann. liquid. unc. jj. semis, vini Malvat. unc. j. Enimverò ex usu hujus vomitûs fuere aucti, quos nec anodyna, nec alia medicamenta sistere potuerunt. Deinde progressus factus est ad purgantia *δραστικά*, quibus in formâ pilulari etiam ex consilio Dolæi aliorumque adjecta fuerunt opiata, sed sine effectû, tandem exhibito medicamento cinnabarino, postquam jam 5 dies duraverat vomitus stercoreus, secuta est alvi apertio. Etiam si verò deinde alvus suo iterum fungeretur officio, nihilominus vomitus non conquievere, quasi volvulus degenerasset in choleram. Nihil hîc theriaca-
lia, anodyna, tam interna, quàm externa proderant. Pugnatum fuit cum morbo iterum generosissimis remediis per aliquot dies sine magno fructu, donec & hujus symptomatis truculentia pulvisculo ex spec. confect. de hyacinth., pulv. absorb. Wedel. & grano uno vel altero nitri ac anodynî debellaretur. At ne sic triumphum canere licebat. Mox succedebat febris cum singultibus, intentissimâ siti, vigiliis, præcordiorum anxietatibus conjuncta, ut de inflammatione intestini nullum superesset dubium, quam & prægrandis hypochondriorum ardor confirmabat. Deprehendimus etiam verissima esse illa Duretî *comment. in Coac. prænotion.* verba: *In ileo cerebrum quando adducitur in sympathiam stomachi, graviter in vomitione ex singultu vexati, non solum demencia, sed etiam convulsionis consecutio adfertur;* nam & deliriorum perpetua aderant vestigia & inexplicabilis anxietas ac in diversis partibus spasmi. Redibat impotentia continendi ea, quæ ederat & biberat, & extimarum partium frigus. Urinæ mingeabantur paucæ ac tenues, tandemque cruciatui per mensem duranti mors colophonem imponebat. Meritò autem de hac nostrâ adhibueris illa senis nostri *l. 3. Epidem.* verba: *servari non potuit, nec potis fuit quicquam opis adferri, proindeque tali sorte interiit.* Abhinc aliquot annis phosphoro artificiali, more Boyleano parato, magna in deobstruenda alvo in volvulo adscribebatur virtus, & sanitas illustrissimi cujusdam Comitîs huic tribuebatur, sed collega noster quidam curæ cum aliis præfectus, re omni diligenter expensâ, gloriam servati ægri vino medicato, quod

quod Dolæus in *Encyclopæd. Medic. p. 511* virgini ordinavit, deberi hodiernum adhuc credit. Plebeji usum globorum plumbeorum æstimant, rati quâ in re & medicos quosdam sibi habent consentientes, quod intestina in hoc morbo convolvantur, & gravibus ejusmodi corporibus, qualia globi plumbei sunt, convoluta debite explicentur. Si enim vel maxime intestina implicarentur, quod tamen quâ fieri queat, vix apparet, nisi vel rupta, vel à mesenterio fuerint soluta, difficulter tamen concipi potest, à pondere globuli alicujus præstari posse, quod motu intestinorum & stercoris propulsione, quam natura molitur, in actum deduci nequit, hydrargirum absque scrupulo dari potest. Placet verò modus exhibendi Welschianus in *Curat propr. Dec. 7. Cur. 5. p. 405. R.* merc. crud. per alut. purgat. unc. iij. ol. amygd. d. unc. j. semis, pulv. sacchar. cand. alb. drach. j. bis tervè ægris hæc dosis tutò datur.

Cholera.

Choleræ quoque tribus verbis meminisse integrum sit. Ex voto succedit in eâ curanda methodus à Sydenhamio usurpata. Is, ut notum est, pullum gallinaceum in tribus aquæ mensuris elixat, & aliquot decocti hujus admodum diluti cyathos ægro exhibet, imo & enemata ex eodem decocto admistis syrupis portulacæ & nymphææ admiscet eo fine, ut ventriculus quantitate hujus liquoris quasi subvertatur & volumina intestinorum ope clysterum elutrientur & hoc ipso acrimonia humorum ad debitam revocetur temperiem; hoc facto ad narcotica descendit. Verùm hoc non ita festinanter censemus esse faciendum; nam meminimus, nondum sufficienter absoluto eluvionis penso narcotica fuisse exhibita, & hinc ægrum oculis captum, donec retusa anodynorum vi evacuationes iterum succederent. Præferimus autem hoc in morbo reliquis omnibus theriacam Andromachi in ∇ . carm. quadam simplici, sed calidâ dissolutam & per intervalla exhibitam. Verùm non ulla est necessitas, ut eluens hoc jusculum unice paretur ex pullo gallinaceo, cum æquè benè illud, quod ex carne vitulina confit, canalem alimentorum eluat, nec segnius sit, imò utrique, nisi fallimur, præferendum hordeaceum, quod veteribus Practicis fuit usitatum.

Catarrhus

Plenus periculi & terroris affectus est catarrhus suffocativus, qui sæpè intra 12 horas, aut diem naturalem, hominem jugulat, rarò autem ultra diem tertium extenditur. Adoritur autem hic ipse magnus & præceps catarrhus, ut à Mercuriali vocatur, homines succulentiores & humoribus refertos. Hi ex improvise hoc malo obruuntur. Nimirum citra ullam apparentem causam, in magnam respirationis difficultatem incidunt. Adest dolor pectoris gravativus & stertor, (nam ebullitio spumescens respiratione, atque ejiciendi aliquis conatus fere semper

per irritus, qui tussi in principio sese prodit, ab adstantibus observatur) graviter læditur vox & oratio, ac in magno suffocationis discrimine versantur. Pulsus ab initio celer est, deinde autem rarus & debilis. Præcipue autem illa subitanea virium totius corporis exsolutio admiratione digna est.

Nam utut sensus & motus supersit, secus ac fit in apoplexiâ & in catalepsi, in quâ ut stipites & trunci decumbunt, nec respiratio cesset, quod in syncope contingit, vires tamen omnes fatiscunt, ac extreme debiles sunt à primo invasionis principio.

In hoc affectu motum thoracis admodum torpere, ipse sensus docet. Nec dubitandum, quin & motus pulmonum sit depravatus & eo ipso etiam sanguinis per pulmones propulsio impediatur. An autem affectus hic ab obstructione cavernularum ac vesicularum & pororum pulmonalium oriatur, sub Iudice lis est; Nam si hujus sententiæ Patronos de causis hujus obstructionis differentes audias, crassitiem & visciditatem, ut & acorem sanguinis & præcipue lymphæ accusari percipies. Et sanè negari nequit, quod spiritus acidus, nitri, salis, vel vitrioli ad drachmas tres aquâ dilutus, per syringam in jugularem, aliamque venam injectus, sanguinem coagulet; coagulatus autem sanguis similia phænomena exhibeat, imprimis autem spirandi difficultatem, quæ in catarrho suffocativo cernitur, testibus Viris Celeberrimis Fracassato, Bohnio, Ettmüllero aliisque. At verò cum visciditas, crassities & acor multorum hominum, quos catarrhus suffocativus non obruit, humores inquinant, & in istorum humoribus, quos hic catarrhus suffocat, multo prius, quam illa strangulatoria suffocatio istos perimat, ut plurimum reperiantur, de aliâ causâ (quâ positâ sequatur catarrhus suffocativus) omninò non immeritò sumus solliciti. Nisi autem nos omnia fallunt, si ponamus pulmones flaccescere, membranas eorum & vesiculas enervari, nec tonicâ virtute ac robore ad laticem sanguinis propellendum concurrere, conceptu admodum facile erit, quomodo admissio sanguine, ac lymphatico humore confertim irruente, nec vegete propulso, & respirationis difficultas, anxietas, stertor, interceptio sermonis &c. viriumque debilitas consequatur. Nihil ergo impedit, quò minus paralyticam pulmonum, ac forte etiam musculorum thoracis debilitatem tanquam catarrhi suffocativi causam proximam accusemus. Hinc autem dispalescit, quòd, nisi ceteræ circumstantiæ repugnent, curam sicuti in paralyfi à V. S. exordiri fas sit præmissio tamen, revulsionis gratia, enemate acriori, cujus formulas Hoffm. in *M. M. c. X.* exhibet. Sanè probè adhuc recordamur, vix dum celebratâ V. S. respirationem multò fuisse faciliorem quàm ante pertusam venam. Cucurbitæ scarificatæ segniorem edunt affectum, licet Harvæus illas vehementer alicubi laudet. Nec cum multis ex

recentioribus, insuper habendæ extremorum frictiones & ligaturæ. Suus etiam locus meritò vesicatoriis relinquitur. Cæterum ex internis ea potissimum commendari merentur, quæ virtute & efficaciâ tonum corroborandi & humores resolvendi pollent, ac simul recessus ac anfractus corporis omnes vegetè penetrant. His verò dotibus, præ reliquis medicamentis, ornantur salia volatilia urinosa cum tincturâ salis tartari acriuscula, ut decet, remixta; & repetitis vicibus, dosi non magnâ, præprimis si æger sit plethoricus, exhibita. Laudant aliqui vehementer sperma ceti cum cerevisiâ calidâ vel aquâ hyslopi datum, alii extollunt gummi ammoniacum in aquis pectoralibus solutum, at in vehementiori malo expectationi non satisfaciunt, cum vi tantum resolventi congruatum & coagulatum sanguinem polleant, nullo autem modo tonum roborent. Quod si febris, ut fit, quando non ita promptè catarrhus suffocativus cedit, superveniat, quæ ut plurimum vaga & inconstans est, à volatilibus illis urinosi mature desistendum, & in locum horum surroganda sunt lenia alexipharmaca, absorbentia ac diaphoretica, nec non diuretica, atque absterfiva, interpolatis ad refocillandas vires, analepticis.

Quid verò de vomitoriis in curâ hujus affectus dicturi sumus. Profectò, nisi gravissimi in diætâ errores præcesserint, & manifestissima repletionis ventriculi indicia præstò fuerint, nemini fuerimus Auctores, ut Jonstono, Hartmanno, Hœfero, aliisque, qui eadem tanquam Deum ex machinâ afflictis rebus opem unice allaturum venerantur, vacivas præbeat aures, nisi in præsentissimum suffocationis discrimen ægrum conjicere & loco fœtri & famæ divitem convitiis messem sperare maluerit.

Anasarca.

Colluctati etiam sumus cum Anasarcâ, quam aliqui non malè vocant Oedema universale. Excipiebat autem hic affectus vel febres malè curatas, vel scabiem retropulsam, vel denique hæmorrhagias vel nimias, vel prorsus suppressas. Hic morbus vel subitò invalescit, vel lentè & tardis gradibus procedit. Nimirum corpus sensim in tumorem assurgit maximè in facie, pedibus ac manibus. Ac pedes quidem cum asciticorum œdematibus ratione tumoris ac splendoris magnam habent convenientiam. Initio autem subtumidus ille corporis habitus ferè pallidus est ac pituitosus, quem leucophlegmatiam vocant, tumque oriri ajunt à pituitâ, gelatinam, verbo Sylvii, imitanti. Cedit iste tumor tactui, ac mollis est, & foveam à compressione relinquit, ac indubitatus est *humoris aquosi extravasati & intra musculorum interstitia, & carnum, cutis, glandularum, & membranarum poros aggesti*, ut loquitur Willisius, affectus. Atque hinc optimè Celeberr. Wedelius ait, *Anasarcam limitare aquositatem ad certum locum, & propriè esse*
aquam

aquam intercutem. Leucophlegmatia tandem abit in anasarcam, in quâ tumidum corpus plus justo nitet ac splendet, nec tam diu, quàm in leucophlegmatia fit, impressorum digitorum vestigia servat. In hoc statu æger admodum est debilis. Conjungitur ferè ordinariò lenta febris. Pulsus parvus, creber & inæqualis est, urinæ autem crudæ & tenues. Anasarca illa, quæ febres malè curatas excipit, medicamentis febrim ipsam profligantibus optimè curatur, ea verò, quæ scabiei malè curatæ soboles est, requirit medicamenta scabiei expulsionì antiquitus dicata. Cum à nimio sanguinis fluxu malum originem trahit, balsamica & analeptica utramque faciunt paginam, contra in anasarca, quæ à suppressione ordinarii fluxus sanguinis excitatur, aperitiva & emmenagoga cum judicio data optimè sese gerunt. Cæteroquin, utut hæc hydropis species, facilius sit & nonnunquam diarrhæa sponte superveniente tollatur, ardua tamen sic satis ejus cura est, scopus, ad quem etiam collimare decet, primarius est, ut aqua intercus quoquo modo absumatur & evacuetur, ac provideatur, ne nova generetur. Fit autem evacuatio illa per purgantia, diuretica & sudorifera. Ultima reliquis merito præferuntur, si absque magnâ sanguinis commotione sudor elici queat. Et hîc sanè balneorum laconicorum eximius usus est, prout jubentur parari à Sebizio in *Manual. pag. 1262.* Non contemnenda de cætero in corporibus robustioribus formula sequens est:

℞. Rad. enul., asar., aa. unc. s.

Herb. salv., eupator., cichor.,

veron., cusc. aa. m. j.

gran. paradyf. drachm. is.

mac. drach. j.

Sem. Cartham., anis., petroselin. aa. drach. iiij.

Rhabarb. Alex. drachm. ij.

Coqv. in vin. mens. iiij.

Colat. R. lib. iiij. adde

Syrup. Byzantin. unc. iiij. M. F. Potio.

Ne nova autem denuo generetur aqua, providebitur exhibitis stomaticis & anticachecticis.

Coronidis loco addimus, determinatum fuisse à quodam ex Nostreis, eum non censerì posse impotentem, qui utroque testiculo instructus est, & membro, longitudine pollicem, crassitie verò digitum annularem æquante, si illud erigere, foeminam inire, ac claustra virginalis septi referare queat, ac tandem semen emittere, præprimis, si cum arctâ aliquâ matrimonium inierit, quâ

quidem in consultatione Collega Noster secutus est iudicium Præstantissimorum Medicorum, tum aliorum, tum Fortunati Fidelis *L. 3. de Relation. Medic. cap. 2. Zachix lib. 3. quest. Medico-legalium Tit. 1. quest. 7. Sinibald in geneanthropia, &c.*

Dùm finiremus hanc historiam, obvenit exemplum aliquod molæ paulò rarius D. H., cuius descriptionem addere non abs re fuerit. Vocabatur is ad mulierem dura egestate pressam. Illa tribus, antequam consuleretur, septimanis molem aliquam & sarcinam satis gravem in uteri vaginâ senferat. Imperita obstetrix, cuius opem imploraverat, non discussis circumstantiis, ad excludendi conatus, quos pellentibus improvidè datis medicafter aliquis alebat, strenuè sollicitans, manus, ut hoc muliercularum genus est moleste officiosum, admoverat & corpus vaginæ cavitatem occupans vi protrahere tentarat. Irritum autem hoc officii genus, sicuti eventus comprobavit, quamvis ista violentiâ eo res fortassis perducta videri queat, ut massa ex sinu pudoris ad tres circiter digitos propenderet. Narrantur illi hæc, advolat cum duobus aliis Doctoribus, ad quos fama insolentis casus pervenerat, ac quæ relata erant, vera esse deprehendit, massa illa pendula ex parte sphacelo jam erat corrupta, ac cadaveroso, quem spirabat, odore, naribus admodum infesta. Re tamen, quoad fieri poterat, diligenter exploratâ, chirurgus emortuæ partis separatio demandatur, ne putredo altius serpens vicinas partes corripiat & inquinet. Dùm ille tergiversatur & in perficiundo opere difficultates, ut fieri amat, ubi spes lucri veternum non excutit, varias obvertit ac tricas movet de utero in consortium mali tracto (cum tamen, si Nicolaum Fontan. *in analectis p. 62.* audias, ille integer, si sphacelatus sit, abscindi queat:) diris cruciatibus confecta diem obit. Apertò cadavere apparuit uterus undiquaque distentus. Magnam cucurbitam & profunditate densitateque & amplitudine referebat. Longitudo ejus ferè cubitalis aut sesquipes erat, latitudo autem circa fundum & spissitudo, ut ex filò circumjecto patuit, sed palmos excedebat, pondere autem novem libras, quarum in vitâ civili usus est, pendebat. In uteri hujus cavitatem massa carnea concreverat, quâ intimæ illius membranæ, quam aliqui nervosam appellant, pertinaciter adhærebat, imò ut verba, quibus Olaus Borrichius in Sarcocèle describenda in Act. Hassn. *Vol. 1. observ. 97.* utitur, mutuemur, *non tam annata quam innata videbatur*, ita totam hanc membranam ejusque vasa omnia materia nova accessu nec minus cavitatem cervicis oblongam ejusque partem inferiorem, quæ propriè osculum internum dicitur, exacte infarciebat. Postquam his angustiis caro illa egressa esset, iterum sese in majorem amplitudinem diffundebat & cavum vaginæ exactè, citra hujus dila-

dilatationem, replebat, plane ut consultò ad hujus figuram structa caro credi posset. Massa illa informis, quæ in uteri cavitate deprehendebatur, cum ipso utero, ut dixi, magno adhæsu & pertinaci conjuncta erat; hæc autem, quæ in vagina erat, caro, cum ipsa vagina in similem naturam non coiverat, nec eidem accreverat, id quod obstetrici imposuisse videtur, ut de educendâ manuum ministerio massa consilium caperet & manibus admotis exclusionem moliretur. Hæc autem laxior cum vagina hujus carnea molis conjunctio causa fuit, quod fluxus urinæ non fuerit interceptus, sed lotium guttatim extillare potuerit. Anceps autem D. H. hæret, an hujus sarcomatis pars propendere eo cœperit, quod aberrans natura non feriretur ab augendâ mole per appositionem à fluido interno (ad hujusmodi productorum classem, de quâ Steño *de solido intra solid. p. m. 37.* aliqua monet, molæ saltem quoad incrementum referendæ sunt:) donec in eam extenderetur magnitudinem, ut cancellis vaginæ coërceri non potuerit; An quod ab violentâ rudique obstetricis manu massa illa immodestius esset tractata? Nihil certi quidem ex ægra hæc de re explorare licuit. Cum transversum mola hæc dissecaretur, in meditullio ejus cavitas (tanquam rude uteri vestigium,) quam Lamswerde etiam in tumore scirrroso, qui vices uteri explebat, conspexit, ut ipse testatur *in histor. molar. p. 14.* apparebat. Cæterum tota mola massæ carneæ fibrosis gyris distinctæ similis reperiēbatur. Adeò dura non erat, atque hinc subit mirari, quòd Plinius *lib. 7. Nat. Hist. c. 15.* secutus, ut vero simile est, Aristot. *lib. 4. de generat. anim. c. 7. & lib. 10. de histor. anim. c. 7.* in definitione molæ addiderit, *eam ferri ictum & aciem respuere.* Color illius magis ad rubrum vergebat, odor erat cadaverosus, tota verò moles hæc informis carni & densitate & humiditate non erat absimilis. Ab accuratiori examine D. Ohmb & Helwich intolerabilis fœtor avocavit. Mulier, quæ farcinam hanc gestavit, ab ultimi puerperii, quò ante 10 annos defuncta erat, tempore, semper causariâ fuit valetudine. Ante lustrum alii juncta marito fuit, dum autem ei menses sistuntur, abdomen intumescit, mammæ sororiantur, cibi urget fastidium & ventriculus subinde ad vomitum lacescit, utero sese gere re credit. Post aliquot verò hebdomadas hæmorrhagiâ uterinâ, quæ per quatuor annorum intervallum frequentissimis periodis recurrit, correpta est, ac indies sanitas ejus deteriori cœpit esse loco, quod ex facie discolori, dejecto ciborum appetitu, oedematoso pedum tumore, ventris duritie, anhelitus difficultate &c. facile intelligi potuit. Crebræ eaque flebiles de gravissimis & acutissimis in abdomine puncturis querelæ ejus auditæ fuerunt, ut videas vel ex hoc exemplò, puncturas non male à Cl. Cratone peculiare molarum signum constitui. Plumbeo etiam pondere in imò ventre sese vehementer fatigari,

ac uterum suum ad excutiendum foetum mendosum irritari, aliis mulierculis sapissimè facta est.

Non rarò præterlapsis his annis Vratislaviæ contigisse meminimus, ut mulierculæ ægrotantibus gravidis adstantes & medicos alios & nosmetipsos etiam in non adeò periculosis prægnantium morbis, monuerint, perpendendum esse, annon è re sit maturè moliri foetus exclusionem, ut mater salvetur; nam hâc in re non exiguam sanitatis spem illæ collocant. Loquacioribus in ore est ab arboribus & ramis, jam olim à Theodoro Prisciano usurpata similitudo, quam procaciter urgent ad tædium usque, ut foeminæ vehementer cupiunt, quæ cupiunt, ingeminantes: arborem conservandam esse, quicquid etiam agatur de ramis, & quicquid etiam de fructu fiat. Tuentur etiam opinionem hanc suam auctoritatibus & exemplis Medicorum, quos hâc in re, non adeò difficiles fuisse causantur. Et certum est, quòd frivolis etiam de causis abortum veteres non nulli Medici censuerint provocari posse. Avicenna in lib. 3. fen. 12. c. 12. licitam censet procurationem abortus, si sit mulier tenera, & partus laboribus sustinendis impar judicetur; quasi non satis constaret, multas in tenerrimâ ætate peperisse, sicuti patet ex Plinio l. 7. c. 2. Arrianò rer. Indic. c. 174. Sigism. ab Herberstein p. 104. Aug. Busbequio in epist. 3. de Legat. Turc. ac itinerariis multis. Aetius Tetrabibl. & serm. 4. c. 16. foetus corruptionem non obscurè svadet, quando uterus foetæ parvus est, aut collum uteri angustum, aut intra se condyloma habet; Cùm tamen à nullo hætenus medico fuerint parvi uteri ulla, quantum scimus, observata indicia aut signa. Alii pharmaca *ὀβέρεα* concedunt, si vesica debilis sit, & ex incumbente utero pleno ejus metuatur ruptura, cùm iterum ex nullis tæcmeriis vesicæ debilitas colligi possit. Multò securius negotium expulsionis aggrediuntur nonnulli, quando foetum debilem esse ac moriturum augurantur, quasi non sæpè Deus sospitet, quos Medici morti addicunt; & non quotidie experiamur, vera esse illa Averrois verba: *Sanantur interdum ægritudines, quibus nec Medicus, nec natura videbantur ad curam sufficere.* Nostro tempore & potissimùm apud nos agitur quæstio hæc de expellendo foetu, cùm gravida morbo acuto corripitur. Ventilarunt illam præcipuè Theologi morales, ac non uno modo eam definiverunt. Passim recepta est sententia Thomæ Sanchez Cordubensis Theologi è Soc. Jes. l. 9. de S. matrim. Sacram. disput. 20. ubi contendit, *licere prægnanti Medicinis uti, & Medico eas applicare etiam cum abortus periculo, quoties mater periclitatur, & ea ad salutem necessaria sunt, modò non directè ad foetus occisionem tendant, in unico autem casu lethaliter peccare contra charitatem & prægnantem medicamenta assumentem, & medicum ap-*

plicantem, ubi spes probabilissima à peritis Medicis concipitur, fore, ut matre ab iis medicamentis abstinente cum vitæ tamen propriæ periculo fœtus in lucem prodeat, ut baptizari possit; ea autem assumente pereat fœtus baptismo minime recepto, quod ordo charitatis adstringat unumquemque & præferendam vitam spiritualem proximi propriæ corporeæ. Placuit illa decisio etiam Paulo Zacchiæ in quæst. Med. legal. lib. 6. tit. 1. quæst. 7. N. 16. p. m. 503. Argumenta, quibus utitur ad confirmandam sententiam suam Sanchez, sunt communia, quod actiones humanæ bonitatem & malitiam habeant ex eo, quod per se est in operantis intentione, non autem ex effectu per accidens subsecuto; quod per accidens ac præter intentionem occidere nulla sit culpa, ut, quando in bello iusto comburitur civitas tormentis aut igne admoto, in quâ multi sunt innocentes, ut infantes &c. quia invadente fera mater fugere potest, etiam cum abortûs periculo &c. Hanc sententiam arbitrantur aliqui esse securiorem, cum fœtus nondum est animatus, & verbo medico ἐκφυσις sequitur, præprimis cum juxta illud (quod tamen ex Christianis vix admiserit quispiam) vulgatum: *Non est homicida, qui abortum procurat, antequam anima corpori sit infusa.* Conf. Franc. Torreblanca in *Epitome delictorum* lib. 2. c. 43. p. 311. sed nihilominus meritò dixeris, illam sententiam esse securissimam omnium, quæ negat ullo modo, aut ad ullum finem, etiam ad servandam matrem, licere fœtum expellere, quam ex medicis defendunt Mercurialis lib. 2. de mulier. morb. c. 2. Silvaticus in *controv. Medic. Controv.* 82. Codronch. l. 1. c. 22. Rodericus à Castro, Johan. Henricus Meibomius & alii. Fortassis autem etiam impofterum alii nostri ordinis eandem nobiscum sequentur opinionem, ubi rem paulò accuratius perpenderint & ex medicis principis dijudicare cœperint. Nobis quæstio illa, *an in febris acutâ gravidæ medicamentis liceat fœtum pellere, ut mater in vitâ conservetur*, alias quæstiones consideratu dignissimas vel præsupponere, vel involvere videtur. Inter quas (1) est, *an dentur revera medicamenta, quæ infallibiliter fœtum abigere possint?* Nam si talia Medico fortassis ad manum non sunt, temerè ad ejusmodi finem alia remedia gravidis obtrudi prudentia medica dictaverit. (2) Si autem aliqua ἀμβλωτικά, quamvis non in rigore ita dicta reperiantur medicamenta, secunda exurgit quæstio, *cujusnam generis illa sint, & quomodo operentur?* Nam si fortassis nimium calida fuerint, aut operationis nimis vehementis, sine dubio religioni sibi duxerit Medicus æstuantibus illa infundere visceribus, & ignem addere igni, ac vires dejectas magis magisque suppressere. (3) Quæritur, *quanto temporis spatio abortum procurare queant?* si enim aliquot dies usui horum medicamentorum impenden-

di fuerint, Medicus conscientiae suae rationem habens, merito angetur & trepidabit, quod per tempus notabile praecidatur sibi occasio exhibendi remedia febris acutae opposita, dum pellentium usui sibi inhærendum censet. Quarta verò quaestio est, an *abortus fortassis insequens occasio possit esse, aut causa ullo modo, ut febris acuta & citius & tutius & jucundius postea tollatur*, sin illud fecus habet, imprudentia & impietas summa est, abortum procreare, ex quo nulla ad agrum redundat utilitas, imò evidens fortè damnum. De his itaque quaestionibus tria nobis addere verba ex indulgentiâ lectoris integrum esto. Quantum itaque ad primam quaestionem attinet, ea apud plerosque est extra controversiam, imò fortassis de illâ dubitare velle, hodiè censeretur fere piaculum. Nam & civiles & Ecclesiasticae leges illam tanquam certam praesupponunt, ac gravissimas exhibentibus & fumentibus ejusmodi pharmaca poenas irrogant. Nota sunt Ulpiani illa verba: *Mulierem, si visceribus suis vim intulisse constiterit, quo partum abigeret, à Praefide Provincia in exilium exigendam.* Paulus adhuc graviore subjicit poenae, *& summo supplicio affici debere sanxit, si mulier, aut homo eò perierit.* Augusti verò Imperatores, Valentinianus, Valens & Gratianus *piaculum infantis necandi aggressos supplicio capitali puniendos censuerunt.* Nec minùs canones Ecclesiastici severè hoc facinus prohibent, & iisdem poenis Ecclesiasticis afficiuntur, quibus olim homicidæ afficiebantur. Synodus Constantinopolit. sexta can. 93. expressè decernit, *tàm eas, quæ propinant, quam quæ assumunt abortiva, homicidarum poenis subjiciendas.* Sixtus V. in bullâ, quam anno 1588 promulgavit, decernit, ejusmodi homines puniendos ut homicidas, *qui deliberatum homicidium reipsâ perpetrarunt.* Nec minùs alii ex S. Patribus hæc de re in eundem sensum loquuntur. Nota sunt illa S. Augustini: *Nulla mulier potationes ad abortum accipiat, nec conceptos aut natos occidat &c.* Admodum significanter Tertullianus lib. advers. gentes scribit: *Etiam conceptum utero, dum adhuc sanguis in hominem delibatur, dissolvere non licet: homicidii festinatio est, prohibere nasci, nec refert natam quis eripiat animam, an nascentem disturbet.* Ex Philosophis quoque Aristoteles in eadem fuisse sententiâ videtur, quod medicamenta inveniantur, abortum pro lubitu cientia, id quod colligitur ex illaudabili ejus consilio l. 7. Politic. ubi suadet, ut, *si conjugibus plures liberi, quam legibus definitum est, nascantur, priusquam vita & sensus inferatur, abortus foetui inferatur.* Poëtæ etiam eâ de re ut satis certâ loquuntur. Apud Juvenalem Satyr. 6. foeminae divites & luxuriæ deditæ reprehenduntur:

*Quod jacet aurato vix illa puerpera lecto,
Tantum artes hujus, tantum medicamina prosunt,
Quæ steriles facit, atque homines in ventre necandos
Conducit.*

Denique ipse Medicorum Parens, Hippocrates, in jure jurando vult Medicum quemque in hæc verba jurare: *Nec mulieri pessum ad fœtus corruptionem subjiciam*, h. e. si credimus Scribonio Largo *epist. ad Jul. Callistum*, medicamentum, quo conceptum excutitur. At verò, ne quicquam dissimulemus, hic locus quidem frustra adducitur. Nam omninò hîc Hippocrati sermo est de suppositorio, quod intra sinum pudoris recipitur, quod ab aliis *ἐγκολπισμός* vocatur. Nonnulli etiam *πελαπίσκον* vocant; ab Aureliano *lib. 4. chronic. c. 7. βαλανέον* nuncupatur. Et vix dubium est, quin pessus Hippocratis sit. *hebes ille uncus* Tertulliani *in lib. de anim. c. 25.* quo totum pecus (veteres, quicquid non erat homo, pecus vocabant) *attrahitur violento puerperio*; aut inter tela Ovidii *l. 2. amor. Eleg. 14.* numerari queat. Hæc sanè respexisse Poëta credi potest, dum ita tales fœminas alloquitur:

Vestra quid effoditis subjectis viscera telis?

Reliquorum à nobis adductorum testimoniorum auctoritati nihil quicquam detrahetur, si dixerimus, verum quidem esse, quòd interdum usum medicamentorum fœtus immaturi abigendi gratiâ exhibitorum sequatur abortus, ac tam exhibentes, quàm accipientes ejusmodi remedia ex meritò severissimis coërceantur poenis & civilibus & ecclesiasticis, ac nihilominus intrepidè affirmaverimus cum Mich. Boudewin *ventilabr. Medico - theolog. p. I. quæst. 26. non posse assignari in universâ medicinâ medicamentum tale, ad quòd necessariò & infallibiliter sequatur abortus.* Cujus asserti veritas evidentius elucescit, si medicamenta, quæ pro ciendo abortu dari consueverunt, breviter percurrerimus. In hunc censum referuntur ex universalibus primo *purgantia drastica*, (2) *Vomitoria*, & ex subsidiis chirurgicis (3) *V. S.* in pede administrata. Ex stimulantibus ac pellentibus huc inter salina pertinet borax Veneta, quæ salis uterini nomen adepta est, *Æa* autem crocus, myrrha, succinum, ejusque oleum, ut & oleum destill. junip. sabinæ &c. nec non specificum Helmontianum hepar angvillæ c. felle exsiccatum &c. Quòd purgantia etiam vehementissima gravidis propinata fœtum non excutiant, etiam si sæpissimè reiterentur, omnis dies docet. Ante aliquot annos gravida coqua, ex errore diagnoscens, à chirurgo credebatur hydropica. Incredibile dictu est, quot non fuerint exhibita vehementissima purgantia, nec tamen ul-

Ius inde secutus abortus, sed iusto tempore, proles mascula, valde debilis, in lucem hanc prodiit. Hujus commatis historias plures recensere, neque enim rarò ejusmodi errata contingunt, jam non vacat. In Ephemeridibus Germanorum ex Martiano annotavimus, quòd ab emeticis non sit metuendus gravidis abortus, sicut multoties fuimus experti. Et quis ignorat, quantis vomitibus gravidæ tribus aut quatuor mensibus prioribus (citra tamen abortum) ad stuporem usque adstantium fatigentur. Non tantum ex Thom. Bartholini *observ. in Ephem. Germ. Decur. I. ann. I. observ. 52.* sed & propriâ experientia novimus, ope Ψ ii salivationem, quæ & cum vomitibus & sedibus non rarò sub initium conjuncta est, in gravidis, citra foetus damnum fuisse excitatam. Venæ sectionem quod attinet, non diffitemur inter Hippocrat. *aphorism. sect. 5. legi & seqq. qui in ordine est 31.* *Mulier uterum ferens abortit sectâ venâ, eoque magis, si foetus sit grandior;* at verò illum in Europâ non confirmat experientia. In Galliâ Riverius septies, nisi fallimur, phlebotomiam celebravit in gravidâ, quæ tamen nequaquam abortiit. Labores concatenati non permittunt, ut adductis Auctorum testimoniis demonstremus, quòd in Belgio, Germaniâ, Italiâ, Hispaniâ, jam non rarò, ad præcavendum abortum, ex svasu Celeberrimorum Medicorum secetur vena, tantum abest, ut hodie in illis locis credatur per V. S. abortum posse procurari. Salaces mulieres ac impudicas puellas tumente utero nequicquam ad saphænæ sectionem confugere, etiam tonsoribus nostris constat. Forestus quoque *l. 29. obs. 24.* refert: *Fœmina cuidam octavo gravitatis mense varices propè talum ultro fuisse exesos, & plus quam tres sanguinis libras emisisse, & nihilominus tamen feliciter peperisse.* Mulier quoque illa apud Zacutum Lusitanum *l. 2. prax. admir. obs. 114.* præter assumpta valida purgantia, exactissimam inediam, viribus invalidis ad saphænæ phlebotomiam decies & ter celebratam, ac hirudines in sede ter applicatas se convertit, sed nunquam voti sui compos evadere potuit, imò geminos nono mense obesos edidit in lucem. Imò, quòd fidem penè omnem excedit, narrat Stalpartius *Cent. I. p. m. 275. seqq.* mulieri uno eodemque foetu gravidæ quadragies ac novies venam fuisse scissam, eamque sub noni mensis finem vivis interesse desiisse, nullâ oris uteri interni apertione factâ. Nec majus præsidium prostitutæ pudicitiae foeminæ impellentibus inveniunt. Narratur in *Ephemerid. Dec. II. ann. 3. obs. 106.* mulierem quandam per integras tres septimanas, singulis diebus, mane centum guttas \odot destillati juniperi adhibuisse, & tamen postea filiam fuisse enixam. Novimus aliquas oleum sabinæ in largâ quantitate hausisse, ac citra ullam noxam deinceps peperisse; & profectò, si quis paulò curiosius in-

quirat, creberrima experientiâ convincetur, ac confessione meretricularum, quàm frustraneo conatu pellentibus famæ suæ, cujus dispendium ex læsa pudicitia jure metuebant, consulere voluerint. Subit adhuc memoria eorum, quæ alicubi tentavit pharmaceutices studiosus, cum ei copiam corporis sui fecisset honesti civis filia, eaque postea uterum gerere cœpisset; si brevibus rem, multis ambagibus perplexam, eloqui licet, omnia egerat, quò foetus immaturus è domicilio uteri excuteretur, sed infelici hoc eventu, ut malè sibi conscius statione suâ semetipsum citius moveret, quam foetum, qui justo demùm tempore ergastulum uteri materni perrupit. De difficultate hâc abortum provocandi fusius differit Vir Clariss. Dn. D. J. P. Albrecht in *Ephem. Dec. II. ann. 8. observ. 165. p. 384. & seqq.* cujus integra observatio legi meretur. Porro facile etiam declarari poterit quæstio secunda, cujusnam scilicet *sint generis* remedia illa, quæ interdum, quanquàm fortassis paulò rarius, propter effectum verè *ἀγώγικα* dixeris. Purgantia drastica, cujus sint indolis, cuivis notum est. Habent autem hoc cum reliquis pellentibus commune, quòd magnum orgasmum ac ebullitionem in humoribus concitent, & resolvendo pariter, ac fundendo agant, quicquid agunt, ut videas, quàm inconsultum sit, æstuantibus præ febrili ardore visceribus ad usum horum remediorum descendere. Imò, si rem rectè perpendas, nec mitiora quidem nervina ac balsamica ex plantis nervinis, cephalicis & uterinis in morbis acutis conveniunt. In febribus acutis cum majori sanguinis calore & fortiore ejusdem transpulsione ordinariè ferè conjuncta est partium musculosarum & membranarum tensio, undè fit, ut vultus etiam in obesioribus & vivacioribus ferè sint contracti & macilenti, pallcant, aut inæquali rubore tingantur. Et nisi fallimur, etiam ille exquisitior sensus, qui in febricitantibus animadvertitur, non aliunde nisi à majori partium stricturâ & tensione ac arctatis pro copiosiori secretionem poris dependet. Jam verò nervina etiam mitiora insigniter æstum augent & stricturam partium porosarum intendunt, quod nisi facerent, non capi posset, quomodo partes membranosas uteri, & glandosas papillares ad effundendum sanguinem stimulare valerent. Ac propterea etiam hoc respectu malè ejusmodi remedia febricitantibus gravidis applicantur. Tandem, quicquid etiam hæc remedia agant, ac quomodocunque operentur, tardè satis & vix intra septimanarum aliquot, imò & mensium tempus speratum edunt effectum. Toto hoc experimur die in mensium suppressione, in quâ, etsi mulierculæ & barbitonfores, rudisque empiricorum cohors, sæpè pellentibus miseras per septimanas & menses afflictim fatigent,

voto tamen suo non damnantur, nec guttam sanguinis, validis hisce remediis ex utero elicere queunt. Enim verò notum est, quam brevi periodo febres acutæ finiantur, quamque hîc præceps sit occasio, quam prudentis est non è manibus dimittere, eoque minus Medicus ad remedia à præsentî morbo alienissima, vix per aliquot septimanas effectum aliquem editura descendet, nam curas tam longas spes vitæ brevis periclitantis gravidæ inchoare vetat. Tandem abortus nec occasio, nec causa est ullo modo, ut deinceps febris, eo fortè secuto, rectius per medicamenta tractari possit, ut patet consideranti aliquas notabiliores abortus circumstantias. Non jam dicetur aliquid de doloribus, quos irritatus uterus & fibris transversis agentibus in se contractus excitat immensos, quibus tamen nihilominus vires gravidæ febrî aliquot dierum jam antea fractæ magis & magis dejiciuntur; sed tangemus tantum (1) violentam placentæ ab utero separationem, quâ uterus valdè excoriatur, & ingens, ut ita loqui liceat, ulcus internum excitatur, cujus deterfioni & mundificationi deinceps invigilandum est, ne gravissima ægræ mala accersantur. (2) Vehementissimum illum sanguinis fluxum, qui abortum ferè semper comitatur, ob placentam ab utero quasi dilaceratam, aut ad minimum ægerrimè ab eo separatam, quâ vires summoperè prosteruntur, quo respectu partus legitimus abortu semper tolerabilior est; nam illo appropinquante placenta facillimè ab utero separatur, sicut Harveus alicubi, nisi fallimur, observavit. (3) Lipothymias, ad quas abortientes præ parientibus valdè sunt pronæ, sicco pede præterire non possumus, quæ, quantum periculi in acutis portendant, nemo in praxi exercitatus ignorare potest. Hæc itaque quoniam cum abortu connexa sunt, mente captus sit, necesse est, qui credit, exclusionem hanc dolorosissimam foetus præbere posse occasionem rectius occurrendi debitis remediis febrî acutæ. Imò necessitas imponitur medico post abortum, ut debitum ac sufficientem lochiorum fluxum per medicamenta apta, quantum in se est, conservet, ne vel sanguinis grumi, vel aliud quid præternaturale post partum in cavitate uteri remaneat, & sæva inducantur symptomata, ac præcipuè, ut ulcus uteri liberiori lochiorum fluxu detergatur & mundificetur. Quomocunque res consideretur, undique elucescit, quòd per medicamenta abortum procurantia, mater non tam fervetur, quam in manifestum vitæ periculum præcipitur. Res vulgò innotuit ac Poëtis. Ita enim Ovidius l. 2. amor. Eleg. 14.

*Dùm labefactat onus gravidæ temeraria ventris
In dubio Vitæ lassæ Corona jacet.*

& iterum:

Sæpè suos utero, quæ necat, ipsa perit.

Ipsa perit ferturque rogo resoluta capillos;

Et meruit, clamant, qui modo cunque vident.

Hæc viâ periit Tesinii uxor apud Hippocr. l. 5. & 7. *epidem. cum ultro pharmacum corruptorium hausisset.* Et rectè judicat Svetonius in *Domitiano* c. 22. quòd Domitianus fuerit causa mortis filix fratris, dum coëgit eam, *ut conceptum abigeret.* Sit tamen, qui ex voto sibi successisse abortus provocationem foetuque exturbato matrem à morbo vindicatam gloriatur, id rectum ex errore erit judicandum, inquit Roder. à *Castro de morb. mul.* l. 3. c. 21. *in schol. quòd imitari non licet, nec prudentiæ Medici tribuendum est, sed mulierum robori, quod erratum medicantis valuit sufferre,* ut pulcherrimè Heinr. Meibomius. Tandem & hoc considerandum est, quòd non omnes gravidæ morbo acuto correptæ pereant. Notus nobis est Hippocrat. *aphor. 30. sect. 5. Mulierem uterum gerentem ab aliquo morbo acuto corripit, lethale est;* sed & hoc effatum non semper, sed ut plurimum tantum existit verum, & pro robore *naturæ in gravidis variat etiam periculum,* à morbis acutis vel ægræ, vel foetui metuendum, ut rectè ad hunc aphorismum notat Wedelius. Nam quædam gravidæ etiam acutas malignas febres feliciter superant, ut vidua D. Lächmund, quæ post hujus obitum *gravidæ superstes febre malignâ atrociter infestata, ac nihilominus à truculentissimo morbo feliciter liberata, post aliquot septimanas, sine multis difficultatibus peperit filiam optime constitutam,* ut narratur in *Ephemer. nostr. Dec. II. ann. 8. p. 386.* Si autem non omnes pereunt necessario, cur abortum per se periculofum, pro salvandâ matre, concitare vellemus? Et ne quis lætetur, cum prægnantem in morbo acuto abortire videt, scire eum cupimus, eum abortum nihil læti ominari, sed judicem esse summæ debilitatis ac instantis mortis. Et propterea fortassis non malè Schelhammerus in *Ephemer. l. c. p. 395.* statuit, *in acutis, non vi morbi, multò minus medicamenti cujusdam drafstici mulieres abortire sed fracto naturæ robore, & quòd illata vi, omnes corporis partes ac viscera fibris suis laxentur, ipse etiam embryo debilitetur, ut sustinere se non possit, sed concidat languens & in utero collabatur &c.* Concludimus ergò cum Sylvatico in *controvers. p. 362.* Undiquaque detestandum esse flagitium hujusmodi, abortusque procurandi sententiam execrandam esse, utpote quæ liberos prius vitâ privare contendit, quàm illi propriam lucem à natura accipere potuerunt &c. His aliisque rationibus motus Collega noster D. Helwich hætenus nunquam ullo remediorum genere foetus ex-

clusionem in acuto gravidarum morbo moliri voluit, & cum eò re perpensa censemus, rectè quemvis medicum facturum, si omissis abigendi foetus curis prudenter & cordatè methodo febribus acutis convenienti ejusmodi gravidas tractaverit.

Nihil jam amplius restat, quàm ut pro more nostro catalogum in Civitate Vratislaviensi per singulos anni 1701 menses defunctorum breviter subnectamus. Nimirum sarcinam corporis mortalis deposuerunt

| | | | |
|--------------------------|---|---|------|
| In Januario | - | - | 86 |
| Februario | - | - | 100. |
| Martio | - | - | 76. |
| Aprili | - | - | 86. |
| Majo | - | - | 81. |
| Junio | - | - | 70. |
| Julio | - | - | 63. |
| Augusto | - | - | 114. |
| Septembri | - | - | 120. |
| Octobri. | - | - | 115. |
| Novembri | - | - | 103. |
| Decembri usque ad 24. D. | - | - | 82. |

Summa 1096.



I N D E X.

A.

| | |
|--|----------|
| A Bdominis intumescētia post partum | 253. sq. |
| Abortus | 310 |
| Achores | 196 |
| Aër in Silesia qualis | 140 |
| Aeris constitutio in Jan. Febr. Mart. | |
| A 1699 | 1 |
| April. Maj. Jun. | 30 |
| Jul. Aug. Sept. | 52 |
| Oct. Nov. Dec. | 102 |
| An. 1700. Jan. Febr. Mart. | 161 |
| April. Maj. Jun. | 181 |
| Jul. Aug. Sept. | 198 |
| Oct. Nov. Dec. | 222 |
| An. 1701. Jan. Febr. Mart. | 241 |
| April. Maj. Jun. | 259 |
| Jul. Aug. Sept. | 273 |
| Oct. Nov. Dec. | 294 |
| Aeris in corpora potentia | 30 |
| Adusti in Silesia usus frequens | 147 |
| Affectus spasmodici | 169 |
| Alexipharmaca quando adhibenda | 11 |
| Alvi fluxus | 162 |
| Anasarca | 306 |
| Aneurisma | 186 |
| Aneurisma internum | 273 |
| Angina vera 46. notha | 47. sq. |
| Ani prolapsus | 115 |
| Arthritis | 3 |

Artuum & infimi ventris dolores 290

Asthma 18

Asthma hypochondriacum 26

Asthma stomachale 228

Arteriarum inspectio 107

Atrophia 21

Auditio depravata 45

Autumnale tempus morbis feracissimum

B.

Bezoardicorum usus in febribus 10. 11

Brachiorum dolores 271

Bubones 43

Bubones subaxillares 108

C.

Calculus vesicae 149

Caniculares dies an permittant medicamenta 293

Canicularium dierum ad medicamentorum collatio 293

Cardialgia 42

Catarrhi 52

 suffocativi 304

Catarrhalis febris 130

Causus s. Synochus putrida 162

Cerevisia Silesiorum 144. 145

China. Chine usus in febribus 35

Cholera 270. 304

Cinnabaris nativæ usus 12

Clysterium in dysenteria usus 95

I N D E X.

| | |
|--------------------------|-----|
| <i>Colica</i> | 170 |
| <i>biliosa</i> | 174 |
| <i>convulsiva</i> | 175 |
| <i>nephritica</i> | 258 |
| <i>Contagii natura</i> | 242 |
| <i>Cordis palpitatio</i> | 128 |
| <i>Coryza</i> | 44 |

D.

| | |
|----------------------------------|-------|
| <i>Dentitio</i> | 36 |
| <i>Diabetes</i> | 218 |
| <i>Dieta febricitantium</i> | 14 |
| <i>Diaphoreticorum usus</i> | 69 |
| <i>Diarrhœa</i> | 63.70 |
| <i>Diarrhœa post dysenteriam</i> | 288 |
| <i>Dorsi dolor in puerperis</i> | 261 |
| <i>Dysenterie causa</i> | 78 |
| <i>cura</i> | 93 |
| <i>historia</i> | 72.73 |

E.

| | |
|--|--------|
| <i>Empyema pectoris</i> | 291 |
| <i>Ephialtes</i> | 292 |
| <i>Epidermidis separatio</i> | 288 |
| <i>Epilepsia</i> | 40.301 |
| <i>infantum</i> | 37 |
| <i>Epiphora</i> | 271 |
| <i>Epulis, s. tuberculus carneus in gingi-</i> | |
| <i>vis</i> | 59 |
| <i>Erysipelas</i> | 181 |
| <i>Exanthemata varia</i> | 17 |

F.

| | |
|------------------------|-----|
| <i>Febris anhelosa</i> | 229 |
|------------------------|-----|

| | |
|----------------------------------|-------------|
| <i>Febris assodis</i> | 63 |
| <i>biliosa</i> | 60 |
| <i>catarrhalis</i> | 130 |
| <i>Causus dicta</i> | 62 |
| <i>continua</i> | 70 |
| <i>elodis</i> | 63 |
| <i>epidemica</i> | 223 |
| <i>erratica</i> | 300 |
| <i>hectica</i> | 110 |
| <i>intermittens</i> | 32 |
| <i>lipyna</i> | 60 |
| <i>maligna</i> | 252 |
| <i>petechialis</i> | 3.112 |
| <i>curatio</i> | 9 |
| <i>signa prognostica</i> | 7 |
| <i>quartana</i> | 102.224.300 |
| <i>Scorbutica</i> | 202 |
| <i>Semitertiana</i> | 259 |
| <i>Syncopalis</i> | 63 |
| <i>Tritophia</i> | 260 |
| <i>Febris Gallorum purpurata</i> | 5 |
| <i>Febris quomodo excitetur</i> | 81 |
| <i>Febris in dysenteria</i> | 90 |
| <i>Fluor uterinus</i> | 187.188 |
| <i>Fluxus hæmorrhoidalis</i> | 192 |

G.

| | |
|--|-----|
| <i>Gangrena</i> | 177 |
| <i>Gonorrhœa violenta</i> | 294 |
| <i>Gravide suppressionem urine patiun-</i> | |
| <i>tur</i> | 225 |
| <i>item spasmus & tenesmus</i> | 226 |
| <i>Gravidarum pericula ab adstantium</i> | |
| <i>fœmellarum consiliis præposteris</i> | 310 |
| <i>Gummata Gallica</i> | 231 |
| <i>Ha-</i> | |

I N D E X.

H.

| | |
|----------------------------------|---------|
| <i>Hæmoptysis</i> | 23 |
| <i>Hæmorrhagia</i> | 6.31.32 |
| <i>Penis</i> | 63 |
| <i>Hæmorrhoidalis fluxus</i> | 192 |
| <i>Hæmorrhoides oris</i> | 274 |
| <i>variarum corporis partium</i> | 277 |
| <i>vesicæ</i> | 281 |
| <i>Hæctica</i> | 212 |
| <i>diaphragmatis</i> | 214 |
| <i>hepatica</i> | 214 |
| <i>intestinalis</i> | 217 |
| <i>mesaraica</i> | 217 |
| <i>nephritica</i> | 216 |
| <i>omentalis</i> | 216 |
| <i>pancreatica</i> | 216 |
| <i>pulmonaris</i> | 213 |
| <i>splenetica</i> | 215 |
| <i>stomachalis</i> | 127 |
| <i>Hemicrania mulierum</i> | 14.55 |
| <i>Hepatis humores</i> | 127 |
| <i>Hepatitis</i> | 51 |
| <i>Hernia umbilicalis</i> | 256 |
| <i>Hydrops ascites</i> | 110.132 |
| <i>Hypochondriacum malum</i> | 25 |
| <i>Hypochondrii dextri dolor</i> | 272 |
| <i>Hystericus affectus</i> | 267 |

I.

| | |
|-------------------------------|-----|
| <i>Icterus</i> | 15 |
| <i>niger</i> | 204 |
| <i>Iliaca passio</i> | 301 |
| <i>Inflammatorii affectus</i> | 49 |

| | |
|--|-------|
| <i>Inflammatio intestinorum in dysenteria</i> | 89.99 |
| <i>Inflatio ventriculi</i> | 228 |
| <i>Intestinorum conditio in dysentericis</i> | 82 |
| <i>Intestini recti prolapsus in puella notabilis</i> | 115 |
| <i>Intumescencia abdominis post partum</i> | 253 |
| <i>Ipacuanba famosum antidysentericum</i> | 100 |
| <i>Ischiatici dolores</i> | 308 |

L.

| | |
|-------------------------------------|---------|
| <i>Lactis usus in cura hæctica</i> | 112 |
| <i>Landeccensium thermarum usus</i> | 65 |
| <i>Lienis tumores</i> | 126 |
| <i>Lienteria</i> | 228 |
| <i>Linguae paralysis</i> | 226.227 |
| <i>Lumbago scorbutica</i> | 105 |
| <i>Lumborum dolor</i> | 2 |
| <i>Lumbrici</i> | 38 |

M.

| | |
|--|-----|
| <i>Malum hypochondriacum</i> | 25 |
| <i>Melancholia</i> | 57 |
| <i>Mensium perturbatio</i> | 70 |
| <i>Mercurialia medicamenta</i> | 39 |
| <i>Mola</i> | 113 |
| <i>Mole exemplum rarius</i> | 308 |
| <i>Morbilli infantum</i> | 17 |
| <i>Mortuorum Vratislavia an. 1699. numerus</i> | 149 |
| <i>item an. 1700</i> | 236 |
| <i>item an. 1701</i> | 318 |

I N D E X.

N.

| | |
|--|-------|
| <i>Nephritis</i> | 2.131 |
| <i>Nitri vis in hæmoptysi restinguenda</i> | 24 |
| <i>Noduli in partibus musculosis</i> | 58 |

O

| | |
|---|-----------|
| <i>Obstetricum ignorantia</i> | 208 |
| <i>Odontalgia mulierum</i> | 14 |
| <i>in genere</i> | 178 |
| <i>Ophthalmia.</i> | 15.66.271 |
| <i>Orgasmus sanguinis in dysenteria</i> | 97 |
| <i>Orthopnea</i> | 301 |
| <i>Otalgia</i> | 260 |

P.

| | |
|--|-------|
| <i>Palpebrarum sugillatio</i> | 187 |
| <i>Pandiculatio crebra in febribus</i> | 57 |
| <i>Paralysis linguæ</i> | 226 |
| <i>Parotides</i> | 43 |
| <i>Parturientium dolores spurii</i> | 225 |
| <i>Parulis s. inflammatio gingivæ</i> | 59 |
| <i>Passiones nephriticæ</i> | 131 |
| <i>Pectoris empyema</i> | 291 |
| <i>Petechialis febris</i> | 3 |
| <i>ejus prognostica signa</i> | 7 sq. |
| <i>curatio</i> | 9 |
| <i>Pleuritis</i> | 50 |
| <i>notha</i> | 1 |
| <i>Plica Polonica</i> | 198 |
| <i>Podagra</i> | 134 |
| <i>retropulsa</i> | 258 |

| | |
|---|--------|
| <i>Porrigo</i> | 289 |
| <i>Potus in Silesia qualis</i> | 144 |
| <i>Prunella</i> | 270 |
| <i>Pruritus</i> | 29.205 |
| <i>Puerperarum dolor in dorso</i> | 261 |
| <i>intumescencia abdominis</i> | 253 |
| <i>Purgantia an in scabiosis necessaria</i> | 28 |
| <i>in febribus intermittentibus</i> | 33 |
| <i>Purpura alba</i> | 184 |
| <i>Purpurata Gallorum febris</i> | 5 |

R.

| | |
|---------------------------|-----|
| <i>Ranula</i> | 269 |
| <i>Raucedo</i> | 46 |
| <i>Rosalia</i> | 185 |
| <i>Rubeola s. Rütteln</i> | 18 |

S.

| | |
|--|---------|
| <i>Sanguinis puri excretio in dysenteria</i> | 74.87 |
| <i>item per vias urinarias</i> | 281 |
| <i>Sanguinis fluxus periodicus in corpore Jacobi Ulserii</i> | 279 |
| <i>Scabies</i> | 27 |
| <i>Silesiorum aer</i> | 140 |
| <i>morbi</i> | 140.142 |
| <i>temperamentum</i> | 138 |
| <i>venti</i> | 140 |
| <i>viçtus</i> | 143 |
| <i>Singultus continuus</i> | 221 |
| <i>in febribus</i> | 223 |
| <i>Spasmus gravidarum</i> | 226 |
| <i>Spiz-Blattern</i> | 17 |
| <i>Spa-</i> | |

I N D E X.

| | | | |
|--|---------|---|------------|
| <i>Spasmodici affectus</i> | 169 | <i>Variolæ</i> | 17.125.161 |
| <i>Sputatio critica</i> | 224 | <i>confluentes</i> | 168 |
| <i>Sternutatio</i> | 209 | <i>Variolarum differentia</i> | 17 |
| <i>Stillicidia urinæ</i> | 301 | <i>Vena sectio in curatione Petechiarum</i> | 9 |
| <i>Symptomata in morbis haud negli-</i> | | <i>in febris intermittenribus</i> | 33 |
| <i>genda</i> | 12 | <i>apud Silesios non adeo frequens</i> | 166.190 |
| <i>Synochus putrida s. causus</i> | 62 | | |
| T. | | <i>Venti in Silesia quales</i> | 40 |
| <i>Tabes</i> | 301 | <i>Ventriculi inflatio</i> | 228 |
| <i>Temperamentum hominum</i> | 139 | <i>Ventris infimi & artuum dolor</i> | 290 |
| <i>Tenesmus dysentericorum</i> | 92 | <i>Vermes capillares infantum</i> | 22 |
| <i>gravidarum</i> | 226 | <i>Vertigo</i> | 261 |
| <i>infantum</i> | 292 | <i>Vesicæ calculus</i> | 149 |
| <i>Thermæ</i> | 63 | <i>Vesicatoria</i> | 44.67 |
| <i>Tineæ</i> | 196 | <i>Viçtus Silesiorum qualis?</i> | 143 |
| <i>Transplantativa cura</i> | 196 | <i>Vini abusus hydropem generat</i> | 120 |
| <i>Trichiasis</i> | 301 | <i>Vini Hungarici proprietas</i> | 3 |
| <i>Tumores artuum post scabiem</i> | 226 | <i>Ulcera callosa & sinuosa</i> | 229 |
| <i>Tumores critici subaxillares</i> | 108 | <i>Vomitus</i> | 49 |
| <i>Tumores lienis</i> | 126 | <i>nigri</i> | 203 |
| <i>hepatis</i> | 127 | <i>Vomitus cruentus in dysenteria</i> | 91 |
| <i>Tumores peculiare circa os sacrum</i> | 285 | <i>Urinæ copiosæ tenues</i> | 221 |
| <i>Tumoris genus peculiare</i> | 263 | <i>chylosæ</i> | 229 |
| <i>Tussis convulsiva infantum</i> | 21 | <i>suppressio in gravidis</i> | 225 |
| V. | | <i>stillicidia</i> | 301 |
| <i>Varices testium</i> | 282.283 | <i>Urinæ difficultas</i> | 57 |
| | | <i>Uterinus furor.</i> | 187 |



